

**DAN. GEORG.
MORHOFII DE
PURA DICTIONE
LATINA LIBER IO.
LAUR...**

Daniel Georg Morhof



6

3-b

17

M

67



6-3-14

II

II

14

14

D

J
II

DAN. GEORG. MORHOFII
DE
PVRA DICTIONE
LATINA
LIBER

IO. LAVR. MOSHEMIVS

TH. D. ET PP. O.

EDIDIT

ET NOTAS ADIECIT.

BIBLIOTHECA NAZ.
ROMA
VITTORE EMANUELE



HANOVERAE
Impensis NIC. FOERSTERI ET FIL.
M DCC XXV.

REVERENDISSIMO IN CHRISTO PATRI
ET DOMINO

VIRO PERILLVSTRI

CHRISTOPHORO

LIBERI ATQVE IMPERIALIS
COENOBII LVCCENSIS

A B B A T I

MAGNI MAGNAE BRITANNIAE REGIS
A CONSILIIS PROVINCIAE
PRIMARIIS

STATVVM CALEMBERGICI DVCATVS
P R A E S I D I

RELIQVA

PATRONO SVMMO

S. P. D.



IO. LAVR. MOSHEMIVS.



RAtere, *VIR REVEREN-*
DISSIME, ut in *TVO* nomi-
 ne appareat magni hominis li-
 bellus, quem, *TE* in primis auctore,
 quum orbus esset et exitio vicinus,
 fovendum et, si id addere liceat, or-
 nandum suscepi. Aequum erat,
 ut in eius fidem et clientelam publi-
 ce traderetur, cuius id auctorita-
 ti et voluntati debet, quod a sem-
 piterna oblivione et silentio homi-
 num vindicatus sit. Nihil dicam de
 incredibili, qua me peregrinum in his
 terris statim complexus es, benevo-
 lentia, quae certe publicum grati
 animi testimonium flagitavit: non
 merita *TVA* in eloquentiam et bo-
 nas litteras commemorabo, quorum
 magnitudine id ab omnibus *TVO* iure
 impetrasti, ut masculae, castae et or-
 natae dictionis principatum *TIBI* du-
 dum detulerint. Novi, quod omni li-

cet laude cumulatus, nullos, quam virtutum TVARVM praecones, iniquius feras: et idcirco vereor, ne, si has instituti mei rationes esse dicam, favoris inde minus, quam indignationis, referam. Eam vero, quam attuli, causam, vix improbare poteris, VIR MAGNE, quum id assumat, quod omnium consensione firmatum est, fructus nonnihil ad eum deferri debere, qui fundum mancipatum esse vetuit, nec beneficii auctorem apud eos, qui fruuntur illo, reticendum esse.

Sed si nullo alio, hoc tamen iure liber hic ad TE pertineret, VIR REVERENDISSIME, quod argumenti instar est, multis modis TE inferiorem esse, quem in locum TVVM suffectum hic esse voluit coelestis providentia. TV pari sollicitudine et felicitate, pari ingenio et solertia, sacram et humanam sapientiam, bene vivendi et bene loquendi disci-

disciplinam curasti, idem ad Theologiae et eloquentiae arcana mystagogus extitisti. Ego, dum ingenii exploro vires, non esse meum sentio, vestigia TVA legere, animumque alteram excutere curam intelligo. Itaque nunc sarcinas colligo, ex Latio et Graecia, quarum non nisi partem attigi exiguam, abitum paro; libellum hunc postremum amoris mei, quamvis parum vehementis, in meliores litteras documentum relinquo. Sacra me in posterum habebit unice sapientia: in hac quod vitae mihi reliquum est conteram: in huius amplexu moriar: hanc si aliquo modo assiduo labore illustravero, iuvenumque animis instillavero, equidem officium mihi videbor meum implexisse, & personam, quam Deus mihi imposuit, satis decore sustinuisse. Igitur vel hoc nomine ad TE properabat liber hic,

quem scire fas est omnes provinciam tradidisse homini, qui se minus recte defungi posse putat munere, si pari TEcum modo se eo defungi posse duceret.

TV, VIR SVMME, qui, ut olim apud nos sanctiores et humanas litteras, ita nunc rem sacram et publicam ingenti studio et labore tueris, patriaeque salutem et gloriam magno et invicto animo promoves, diu famae TVAE, laudibusque, diu IVLIAE TVAE, quam tenerrimo animi adfectu prosequeris, diu bonis omnibus, superstes esto; Meum vero hoc TE publice compellandi, consilium non temeritatem, sed reverentiam et studium interpretare. Quod si facies, ad maiora conandum me accendes, quemque TIBI dudum benevolentia devinxisti, summo iterum devincies beneficio. Ita vale. Dabam in illustri IVLIA, Idib. Mart. A. M DCC XXV.

LECTO-



LECTORIBVS

S. P.

QVum eloquentiae studia numquam, nisi segniter et supine, tractaverim, nunc vero, quam sustineo, persona longe aliam mihi curam imponat, requirent forte nonnulli, quid me commoverit, ut in edendo et illustrando libello nonnihil otii mei collocaverim, quem Grammaticus aut Rhetor sibi meliori iure adseruisset. Eis, antequam de ipso disseram libro, quem nunc exire iubeo, satis esse faciendum opinor. Aliquot elapsi sunt anni, quum exemplum eius manu exaratum dono mihi daret ex amicis aliquis, hac lege, ut, si quidem fieri posset, publici iuris

)(5

face-

PRÆFATIO.

facere. Recepi conditionem, sed non unius generis negotiis et molestiis impeditus, diu propositum exsequi non potui. Sacro vero, quo nunc fungor, muneri præter omnem opinionem meam admotus, dum chartas lustro, minusque necessarias removeo, hoc MORHOFII opusculum in manus incidit et promissi simul memoriam renovat. Neque tamen tum animus mihi erat, curare, ut continuo prodiret, eo quod occupationum mole non tam pressum, quam prope obrutum me cernebam. At quum eius forte mentionem fecissem apud virum laude mea maiorem, et MORHOFIANAE eruditionis cultorem eximium, is hortari non destitit, ut editionem maturarem, facileque auctoritate sua permovit, ut horarum, quas severioribus eripere possum meditationibus, nonnullas in hanc rem impenderem. Suffi-
cient

P R A E F A T I O.

ent haec, spero, depellendis eorum ocibus, qui negotium me suscepisse portassis existimabunt a rationibus acis valde alienum. Nunc de ipso libro, quae scitu mihi videbuntur necessaria, breviter monebo.

Aliquoties dum in vivis esset, *librum de pura dictione* promisit vir numquam sine laude nominandus et sempiternum Cimbrorum decus, DAN. GEORG. MORHOFIVS; (a) eius etiam testati sunt desiderium viri eruditissimi. (b) Verum praematura mors magni hominis uti multis aliis, ita huic etiam eius consilio intercessit. Morti tamen vicinus, id quod non unus discipulorum eius mihi affirmavit, ut quas de eo argumento relicturus esset chartas haeredes colligerent et cum omnibus communi-

ca_

(a) Libro de Patavin. Liviana et alias.

(b) vid. Acta Erud. A. 1684. p. 575.

PR AEF A T I O.

carent, si non praecepit, certe permittit. Hi itaque iam anno superioris saeculi nonagesimo quarto librum hunc expectari a se iusserunt publice, sed, nescio quibus de causis, ultra propositum haud processerunt. Ego post tot annos quod illis facere non fuit integrum, tandem cum multorum, uti spero, commodo perficio.

Continet autem liber hic, praeter observationes alias haud paucas, nec plane nullius pretii, regulas et praecepta, quorum ope Latinarum literarum studiosus ad rectam et veram eloquentiam, dictionisque castitatem pervenire queat. Itaque commode inscribi potuisset: *Institutiones Latinae linguae*: voce enim *purus*, id quod ex ipso patet initio, significatione latissima vir eximius utitur. Nobis minus iustum visum fuit, quem libro suo dederat indicem auctor,

PRAEFATIO.

or, reiicere et cum alio commutare. Cum his eloquentiae praeceptis, praeclaro instituto et laudabili, notitiam coniungit Criticam librorum et auctorum, ex quibus uberior rerum hauriri queat scientia; idque tanto facit apparatu et diligentia, ut vel hoc nomine opusculum magnopere commendari mereatur. Neque fortassis multum a vero aberravero, si eos, quorum est iuventutem latinis erudire litteris, non male facturos esse dixero, si ad eius normam fidei suae commissos instituant. Habent hic materiam studiose congestam et dispositam, quam expolire, emendare, et locupletare sine magno labore poterunt.

Non tam ego rerum expers sum, neque adeo veri negligens, ut vel mihi persuadeam, vel aliis persuadere cupiam, ad perfectionem proxime laborem hunc accedere. Fateor, ex eo

P R A E F A T I O.

eo satis patere, quod ultimam parentis sui manum haud senserit: fateor, ab eo tempore, quo exaratus est, multa, quae ad hoc genus pertinent, a viris doctis scripta et excogitata esse, quorum hic vestigia frustra quaesiveris: fateor partem eorum, quae ad Historiam linguae Latinae litterariam, pertinent, in Polyhistore quoque expositam esse: fateor denique, purae dictionis leges non raro negligere eum, qui purae dictionis auctor aliis esse studet. Verum haec omnia non prohibere contendo, quo minus uberem ex eius lectione fructum percipiant, qui his rebus delectantur. Nae vos facile excusabit praematurus viri egregii obitus, qui, si ipsemet hunc foetum edidisset, longe nobis alium exhibuisset. Ac licet quaedam hic extent ab aliis clarius aut eruditius enarrata, multa tamen admista sunt, quae aliorum aut diligentiam aut atten-

P R A E F A T I O.


ntionem effugerunt, multa quoque, quibus nemo ingenium et memoriam tentavit: qualia sunt, quae de scriptoribus indicum, Grammaticis et aliis copiose et erudite docentur. Sunt et aliqua eorum, quae hic leguntur, in *Polyhistore* iam enarrata: sunt amen haec pauca et multo pauciora illis, quorum nulla in *Polyhistore* reperitur memoria. Quamobrem supplementi instar spectari poterit hic liber ad ea, quae parcius de rebus ad eloquentiam Latinam pertinentibus in *Polyhistore* differuntur, aut penitus omittuntur.

Quae vel illustrationis, vel emendationis indigere iudicavi, ea in subiectis adnotationibus et illustravi et emendavi. Si quis est, qui se maximi facere virtutes MORHOFIANAS dicit, is me sibi prorsus consentientem esse, sciat. Verum hoc studium tantum haud apud me potuit, ut

PRAEFATIO.

ut propterea nefas duxerim, ab opinione doctissimi viri discedere, aut committendum mihi esse crediderim, ut auctoritate eius in errorem minus cauti abriperentur. Sanctior mihi est veritas, quam ullius hominis memoria. Hinc inde quaedam addidi, quae post scriptum hunc librum inter eruditos gesta sunt: locupletiora additamenta iis reliqui, ad quos harum rerum cura pertinet. Satis a me datum est his litteris, quas numquam serio et ex instituto colere potui. Nunc maiora me sibi totum vendicant, grande in primis *sacrarum antiquitatum opus*, cuius me prodromum mox esse daturum spero. Vale. Dabam in illustri Iulia d. XXVI. Martii MDCCXXV.

DAN.



DAN. GEORGII MORHOFII
DE
PVRA DICTIONE LATINA
COMMENTATIO.

CAPVT I.

Quid sit pura dictio?

§. I.

CUm de *pura dictione* acturi sumus, praemitti debet, quid per *puram dictionem* proprie intelligamus. Neque enim ulla purae dictionis notio institui potest, nisi certis quibusdam characteribus illa delineetur, et, collatione cum corrupto dicendi genere instituta, vera illa dictionis purae facies appareat. Ut enim ex comparatione cum deformibus instituta verus ille pulcritudinis splendor elucet: ita purae dictionis nullus sensus est, nisi distinguere puri et impuri sermonis formas didicerimus. Quemadmodum coeci non recte iudicant

A de

de coloribus: ii quorum manus ad stivam et ligonem occalluere, nunquam fides molliter tractare et ad harmoniam componere discent: ita qui fordibus sunt innutriti, elegantiam et nitorem puri sermonis aegre comprehendent.

§. II.

Pura dictio si definienda est, eam dixeris: quae ex usu non solum populi, sed et principum in populo instituta, sensus maxime proprios et perspicuos ostendit, verbis selectis bene inter se ordinatis convestita.

§. III.

Ex eo apparet (a) puritatem dictionis triplici ratione esse considerandam. I. *Sensu*

(a) *Puritatem dictionis*) Vir doctissimus *purae dictionis* nomine quaslibet fere complectitur bonae eloquutionis, quam Rhetores vocant, virtutes. Qua in re quem veterum inter Latinos sit imitatus, equidem me nescire fateor. Id scio eos, quos mihi licuit inspicere, arctiorem voci *purus* significationem tribuere, quando de dicendi genere eam adhibent. Plerique eam ad verba tantum referunt, eamque orationem *puram* vocant, quae verbis constat Latinis, propriis & ad rem accommodatis. CICERO de optimo genere Orator. Cap. II. p. 230. Nam quoniam, inquit, eloquentia constat ex verbis et sententiis, perficiendum est, ut PVRE et EMENDATE loquentes, quod est Latine, verborum - - elegantiam persequamur. Conf.

su Grammatico. Voces enim esse debent propriae, selectae, bene inter se iunctae.

II. *Sen-*

Conf. *Epp. ad Attic. Lib. I. 10. p. m. 202.* Quamquam *purum dicendi genus* idem etiam nonnumquam est, quod *perspicuum et apertum.* CICERO *Oratore cap. XVI. p. m. 191.* Elaborant alii in lenitate et acquabilitate, et puro quasi quodam et candido genere dicendi. SVLPITIUS VICTOR in *Institut. Orator.* inter FRANC. PITHOEI antiquos Rhetores Latinos p. 246. Non solum PVRVS et MANIFESTVS, verum etiam robustus et fortis, validusque sit sermo, Forte hoc spectavit vir egregius, quod Latini *purum* illud vocare solent, cui nihil peregrini accessit ornamenti. vid. ADR. TVRNEBVS *Adversarior. Lib. XXIX. Cap. I. p. 632. ed. Aureliop. 1604.* Hodie *pura oratio* ea dicitur, quam nulla vox bonis auctoribus ignota contaminavit. vid. ex multis SCIOPIVS *de stylo historico p. m. 46.* Sed viderint hac de re, quibus eloquentiae tutela commissa est. Ceterum egregie fecit MORHOFIVS, quod non Grammaticae aut Rhetoricae tantum rationem habendam esse bonae dictionis studioso praecepit, verum etiam Logices; secus ac hodie multi censent, quibus universam eloquentiam vocabulorum et nominum apparatu contineri persuasum est. Conferantur quae de perversa hac opinione haud ita pridem monui *Praef. ad FOLIETAM de usu et praest. Latini sermonis. §. XII. p. 28.* 29. Heri nata est haec haeresis, quam quot
A 2 quot

II. *Sensu Logico.* Ea enim debet esse orationis consequutio, quae perspicuitatis ideam menti obiiciat, quod aliter fieri non potest, nisi cum sententiae sententiis recte connexae modo quodam syllogistico se excipiant. III. *Sensu Rhetorico,* cum in integra oratione enthymemata recte ordinantur et elocutio talis adhibetur, quae sit ab omni perplexitate et catachresi, audacioribusque metaphoris alienissima. Haec enim omnia deformant orationem et aliquid impuri et heterogenei admiscunt.

§. IV.

E tribus illis considerationibus inter se iunctis oritur illa idea καθαρότης seu puritatis, (b) quam nobis format HERMOGE-

quot veterum eloquentiae praecepta reliquerunt, prorsus nesciunt.

(b) *Quam nobis format Hermogenes*) HERMOGENES, vir sine dubio ingeniosus, DEMOSTHENIS amore captus, eloquentiam eius sub certas revocare conatus est regulas, eaque proficitur se de formis orationis aperuisse, quae antea nemo, *Libro I. περι ιδεων cap. I. p. 241. ed. Laurentii.* Septem vero constituit formarum orationis genera, secus ac CICERO, qui tria dicendi genera, et QUINTILIANVS, qui quatuor commendaverat. Primum est σαφηνεια, *perspicuitas*, secundum μεγεθος, *magnitudo*, tertium καλλος, *pulchritudo*, quartum γοργότης, *celeritas*, quintum ἥθος, *mora-*

ta

CAP. I. *Quid sit pura dictio?*

GENES *Lib. I. de formis orationum cap. III. et IV.* Ille enim puritatem in abstracto, ut ita loquar, considerat, quatenus orationi competit, non tantum qua grammatice aut Latine ex usu populi instituta est, sed et qua a Rhetoribus illis coloribus ornatur, qui maxime simplicem cultum ostendunt. Quare omnes amplificados dicendi modos, ut si quis genus speciei adiungat, totum parti, indefinitum finito, aut qualitatem rei, aut differentiam cum aliquo, aut

ta oratio, sextum αληθεια, sinceritas, septimum δεινεια, solertia. cap. II. p. m. 243. Ex his σαφηνειαν, iterum dividit in καθαροτητα puritatem et ευκρινειαν, perspicuitatem. cap. III. p. m. 255. Quarum illam capite III. hanc capite IV. copiosius describit. Reliquas eius partitiones, quoniam adeorum, quae MORHOFIVS hic memorat, illustrationem haud faciunt, omitto. Conferantur GASP. LAVRENTIVS *Comm. in Hermogenem* p. 126. f. FRANC. VAVASSOR *de ludicra dictione Sect. III. c. 1.* p. 265. ed. Kappii. ANDR. SCHOTTVS *Prolegom. in Photii Bibliothec.* p. 2. MORHOFIVS *de Patavinit. Liviana cap. VII. p. 526.* in *Diss. iunctim editis.* De ipso HERMOGENE eiusque fatis scriptisque fatis ipse MORHOFIVS *Polyhistore Lib. VI. cap. I. p. m. 943.* et JO. ALB. FABRICIVS *Biblioth. Graec. Lib. IV. P. II. cap. XXXI. p. 428.* commentati sunt.

aut alia istiusmodi, ab hoc dicendi genere plane secludit, cum orationem circumductam faciant, quae contraria sit puritati. Assumptionem quoque consequentium, quibus narratio aliqua dilatatur, hinc abesse vult; ordinem non vult turbari; neque figuras misceri, dictionem vult esse vulgata, non translatam, neque ex se duram. Rectitudinis figuram vult tantum adhiberi, ab omni obliquitate abstinere iubet, membra vult esse parva et concisa, quae in se sensum vel sententiam absolvant, structuram et compositionem simplicem, quae non multum sollicita sit de concursu vocalium; numerum Oratorium non putat sollicitè exquirendum, sed illum tantum requirit numerum, quali in quotidiano sermone uti soleamus. Trochaeos et Jambos. Subnectit huic puritatis ideae ideam perspicuitatis, (c) quae ab illa non mul-

(c) *Quae ab illa non multum differt*) Id ipse non diffitetur HERMOGENES *Lib. I. περὶ ἰδῶν cap. IV. p. 266. et p. 271.* At in eo tamen puram dictionem differre existimat a perspicua, quod haec ea tollat et corrigat, quae puro sermoni ex necessitate quadam adversantur: ἡ δ' εἰ τι πάσχοι ὑπεραντίον αὐτῇ κατ' ἀνάγκην τινα - - διορθῆται ἢ ἐνκρίνεται. Versari vero eam praecipit circa methodum. Conf. CASP. LAVRENTIVS *Comm. ad h. l. p. 128.*
Mihi

multum differt, sed eam quasi per se sequitur. Semper enim puritatem comitatur perspicuitas, ut vix opus sit novo aliquo caractere.

§. V.

Nos quidem hoc in loco *puram dictionem* Latinam ea latitudine non accipiemus, sed potius de prima illa acceptione solliciti erimus. Agemus enim de lingua Latina, quomodo illa ad normam aureae aetatis scriptorum formanda et quomodo ille orationis habitus constituendus, ne quid vel barbari vel inusitati aures offendat. Quae quidem cura ad Grammaticos primo omnium pertinet, quod ad voces et phrasas attinet: ad Oratores vero, cum de selectu earum instituendo praecepta dantur: quae ubi observata recte fuerint, sua sponte consequitur illa puritatis idea, quae ab HERMOGENE operosis praeceptis inculcatur, quorum tamen in exemplis non iste usus est, quem quis forte requirit.

(d) Verum enim est, quod nonnulli de

A 4

HER-

Mihi non satis accurate rationes subduxisse videtur HERMOGENES, quum hanc excogitaret distinctionem. Quocirca MORHOFII iudicium probo, qui nos ea carere potuisse censet.

(d) *Verum enim est, quod nonnulli*) Quinam illi sint, nunc quidem ignoro. At res ipsa quolibet, qui HERMOGENEM diligenter inspexerit,

HERMOGENE iudicant, illum contem-
plationibus obstrusioribus nimium abripi,
atque ita circa ideas suas philosophari, ut
ipse vix satis vel sua ipsius sensa exprimat,
vel rem ipsam ita ob oculos ponat, ut eius
usus omnibus patere possit.

CAPVT II.

*De Characteribus externis
purae dictionis.*

§. I.

ANtequam ad veros illos purae di-
ctionis characteres accedamus, illos
primum considerabimus, qui extra
ipsam dictionem certo quodam mo-
do dictionis puritatem determinant. Ex
iis enim, tanquam externis signis, iudicari
de

xerit, edocebit, in hunc in primis convenire,
quae Auctor *Libr. ad Herennium Lib. I. c. I.*
pulcre de Graecis observat oratoribus: *Illi ne
parum multa scisse viderentur, ea conquisi-
verunt, quae nihil attinebant, ut ars difficilior
cognitu videretur.* Sed venia danda est homi-
ni, qui admodum iuvenis scribens, subtilitatis
laudem potius, quam utilitatis spectasse vide-
tur. Hinc vero evenit, quod multos quidem
admiratores, paucos imitatores nactus sit:
quam rem ANDR. SCHOTTI verbis enarra-
re iuvabit. Qui postquam notaverat, PHO-
TIVM in *ἡρώδῃ* singulis autoribus adiecta
HER-

de dictionis puritate solet. Sunt vero illa signa externa *tempus* et *locus*.

§. II.

Quod ad primum, *tempus* scilicet, attinet, sciendum est, eandem esse linguarum conditionem, quae est omnium rerum, ut non, simulac natae sunt, statim sint perfectae, sed cum tempore excolantur, ut silvestris illa scabrities, sive voces ipsas, sive vocum constructiones spectes, paulatim usu civili atterantur, et molliorem aliquem habitum induant, non secus ac res naturales multis heterogeneis corporibus vestitae paulatim sive per naturam, sive per artem
in

HERMOGENIS legisse vestigia, ita erudite pergit: *Quae (methodus) ut Aristotelea ac Tulliana longe subtilior est, ita admiratores quidem plurimos, sed imitatores paucos hodie repperit. Praeter Dionysium enim Halicarnasenseum in Rhetoricis et Ulpianum Graecum Demosthenis explanatorem quotus eam quisque hoc saeculo tractat? Trapezuntii olim talem Rhetoricam cum stupore vidit Italia: duos fortasse Germania numerarit Sturmium et Erythraeum: Gallia Iulium Scaligerum libris de Poëtica: Hispania unum literis cognitum laudare potest Petr. Ioannem Nunnesium, Rhetorem ac Philosophum, editis Rhetoricorum libris IIII. Hermogenis quidem praeceptionibus, et Aphthonii ac Theonis, sed Tullianis exemplis, Prolegom. ad Photii Biblioth. p. 2.*

in statum puriorem evehi solent. (e) Quare non inepte quidem ut rerum publicarum, ita linguarum certas aetates constituunt,

(e) *Quare non inepte quidem*) Quum eruditi viri inter se conveniant, Linguae Latinae fata certis intervallis esse notanda, in duobus tamen dissident. (I) Alii in denominandis his intervallis notissimam temporum distinctionem, quam Poëtis debemus, in *aureum, argenteum, acneum, ferreum*, adhibuerunt. Quibus aetatibus SCIOPIIVS *ligneam et luteam*, sine necessitate, ut opinor, addidit, *de stylo historico* p. 46. Alii vero, inter quos IVL. CAES. SCALIGER et GERH. IO. VOSSIUS eminent, vitae humanae simulacrum in hac lingua intueri sibi visi sunt, ideoque *infantiam* eius, *iuventutem, virilem aetatem et senectutem* distinxerunt. Illorum non spernenda erit distinctio, si Latinos, qui ad nos pervenerunt, auctores, in certas distribuere classes velimus. Quos quidem si quis in *pueros, iuvenes, viros, senes* divideret, nullis placeret, nisi illis, qui rerum parum periti sunt. Vicissitudines autem et mutationes huius linguae omnes qui generalioribus quibusdam vocabulis complecti statuunt, illi posterioribus longe sapientius se adiungent. Nam quum initio lingua haec, id quod ex multis constat monumentis, imperfecta, barbara, rudis et impolita fuerit, non erit certe, cur primam eius *aetatem auream* appellemus, quae aptissime *infantiae* nomine designabitur. Utraque igitur suo loco relinqui poterit et usurpari distinctio. Prima
in

tuunt, infantiam, pueritiam, virilem aetatem et senectutem. Iste enim rerum orbis ut in omnibus corporibus deprehenditur, ita et in illis, quae ab arbitrio et constitutione hominum dependent.

§. III.

in auctorum veterum apta distributione, altera in ipsius linguae fatis et conversionibus explicandis; insigne præstabit commodum. (II) Neque huius, neque illius distinctionis patroni, in limitibus harum aetatum describendis inter se concordēs sunt. Illi disputant, quinam scriptores ad auream, quinam ad argenteam, quinam ad aeneam referri debeant aetatem. Quam in rem quae SCIOPPIVS *de stylo historico* p. 46. f. et OLAVS BORRICHIVS *Cogitat. de variis Linguae Lat. aetatibus* monuerunt, exempli causa contendī poterunt. Conf. Diss. nostra *de cultura et necessitate Latini serm.* §. VI. p. 12. Hi non modo v. c. tibi pueritia desinat, adolescentia incipiat, dimicant, verum etiam incerti sunt de multis vocibus, infantiaene, an pueritiae, an adolescentiae tempore in usu fuerint. Has compositum iri penitus controversias, nulla plane spes est. Neque id ulli mirum videbitur, qui tot veterum auctorum iacturam, ingeniorum et naturarum varietatem, rei denique ipsius indolem secum expenderit. vid. *Diss. iam laudata* p. 13. Nuper V. C. IO. NIC. FVNCCIUS *Libros de origine et pueritia Linguae Lat. et de adolescentia Linguae Lat. Marpurgi 1723. in 4. edidit.* In quibus quod carperet, facile non-

§. III.

Linguae Latinae infantia, ut omnium linguarum, in prima illa aetate inculta fuit, aspera, sylvestris, vocibus monosyllabis constans, ut in plerisque linguis, quibus deinde cultura accessit per terminationes, flexionesque nominum et verborum, usque dum obstetricia poëtarum manu, ut equus indomitus, frena mordere didicit, et certo quodam metro compingi, quod fundamentum est omnis illius elegantiae et concinnitatis, quae postea in oratione tam soluta, quam ligata regnare coepit. Ea enim methodo in omnibus paene linguis procedi solet, ut, quemadmodum in corporibus naturalibus, a simplicioribus progressus fiat ad mixta, composita et decomposita; qua in re, quod pauci fortassis credunt, (f) arcana quaedam etymologiae

nonnemo propter ea, quae diximus, invenire potuit. Unum addam. Utram harum distinctionum Linguae Latinae aetatum sequamur, haud tamen universam eius Historiam comprehendemus. Excluditur enim ab his partitionibus *restitutae Latinitatis Historia*, quae decimo quinto post natum Servatorem saeculo coepit.

(f) *Arcana quaedam etymologiae methodus*) Facile mihi persuaderi patior, nihil esse ineptius nonnullorum regulis, quibus linguarum, voca-

giae methodus reposita est, qua rectius in vocum origines inquiritur, quam ex ineptis Grammaticorum allusionibus, quibus

vocabulorumque origines investigare student. Neque id nego, qui ad primitivas voces, relictis additamentis, cuncta solent reducere vocabula, viam omnium tutissimam sequi. Eo vero minime adducor, ut credam, ita certam hanc esse rationem, ut nullus in ea errori locus sit. Nam ut taceam, incertum esse, an ex monosyllabis unice consisterint quum nascerentur primum linguae, ipsas etiam primitivas voces varie immutari quin everti potuisse, nullum dubium est. Quod ad linguam sigillatim Latinam adtinet, multos existimo modum, quem hic commendat Vir summus, origines eius investigandi prorsus repudiaturos esse. Pauci enim sunt, qui negent hodie, ex lingua Graeca maximam Latini sermonis partem ortam esse. vid. ex multis PAVL. MERVLA *Cosmograph. P. II. Lib. IV. cap. XVIII.* et ipse MORHOFIVS *de Patavin. Liviana cap. VI. p. 515. f.* in Diss. eius iunctim editis. Quod si ita se habet, non video, quemadmodum ad monosyllaba et voces simplices haec lingua revocari queat. Graeci etenim quum transirent in Italiam, haud dubie vocibus compositis dudum usi erant: nec qui tum Italiam incolebant populos tam rudes et ineultos fuisse existimandum est, ut nullis nisi monosyllabis loquerentur vocibus. Horum itaque sermo Graecorum linguae permixtus quum Latinam, ut eruditif-

bus tamen febriculosis commentis passim Grammaticorum libelli referti sunt, non vulgarium tantum, sed et eorum, qui primo haberi loco solent, quae veterum, quae recentiorum. Id enim certum est, in hunc diem nondum esse principia verae etymologiae detecta, quae non ab alliterationibus peregrinae linguae depromenda sunt, sed a primis illis vocibus primae aetatis, rudibus illis et sylvestribus, quae cum cognatis conferri linguis debent. Id consilium habuisse in animo videtur FRANCISCVS GUYETVS, vir doctissimus, Gallus, qui, ut in vita eius refert (g) PERIANDER, *Etymologicum Lexicon graecae linguae* prae manibus habuit, ubi vocum singularum primitiva fecit monosyllaba.

§. IV.

Antiquas illas voces Latinas collegerunt
(h) LAVREMBERGIUS et LVBINVS
in

ditissimi viri docuerunt, pepererit, quantum, quaeso, onus susciperet, qui simplices eius voces indagare et exhibere vellet?

(g) PERIANDER) ANTON. PERIANDER, qui vitam scripsit GUYETI, IO. ALB. POERTNERVS est, teste P. COLOMESIO *Bibl. Choisie* p. 434. Opp.

(h) LAVREMBERGIUS) IANI GVIL. LAVREMBERGII *Antiquarius* prodit Lugd. Bat. 1622. in 4. Cui adiectae sunt veteres quaedam glos-

in *Antiquariis* suis, ex antiquis illis Poëtis, quorum fragmenta hodie supersunt, exaratis. Et fuerunt inter eruditos, qui data opera tales Orationes scripserunt, antiquissimo illo sermone concinnatas.

(i) Fecit hoc MARIANGELVS ACCVRSIVS in Dialogo, qui inscribitur: *Oscei et Volscei*, qui *Helmstädtii* recusatus est. JVL. CAES. SCALIGER in *Poëmatibus* suis, in *Libro Teretismatum* p. 103. et IACOB. BALDE in *Dramate* suo *Osco*. Successu temporis cum victoriis Romanorum crevit lingua Latina et paulatim excoli coepit, quod testatur POLYBIVS, *Libro III*. In primis

glossae Graeco-Latinae ab HENR. STEPHANO editae. EILH. vero LVBINI eiusdem nominis liber iam 1594. *Amstelod.* in 8. lucem vidit. Consulendae hic etiam erunt veteres illae, ut vocantur, *Glossae*, quibus multae continentur voces, quarum nullum in auctoribus vestigium occurrit: nec omittendus CHRIST. DAVMIVS *de causis amissarum linguae Lat. radicum*, qui ingentem vocum eiusmodi apparatus conduxit.

(i) *Fecit hoc*) Addatur his PHILOXENI GONAEI, sive CASP. BARTHII, carmen, quod HENR. IVL. SCHEVRLIVS noster *Statuae mercuriali* addidit, ex eiusdem generis vocibus contextum. Composuit et FRID. TAVBMANNVS festivam ex eiusmodi vocabulis oratiunculam, *Diff. de lingua Latina* p. 56.

mis lectu iucundum est, quomodo e lapidibus et inscriptionibus veterum variationem linguae Latinae educat (k) OCTAV. BOLDONVS in sua *Epigraphia Lib. II. P. I. §. 7.* Alia nempe styli ratio fuit Caronis tempore et Ennii, alia Ciceronis, cui Julii Caesaris dictionem praeferre non veretur LEO ALLATIVS Libro *de erroribus magnorum virorum in dicendo cap. VIII.* et si recte memini, etiam (l) LVD. VIVES Libro *de causis corruptarum disciplinarum.* Alia fuit tempore Caesarum, quae multum postea a barbarie peregrinorum traxit. Nunc quoque ipsa Romani imperii et eloquii umbra in scholarum

(k) OCTAV. BOLDONVS) De hoc alias MORHOFIVS *Polyhistoris Tom. I. Lib. VI. cap. III. p. 982.* ita censet: *Octavius Boldonus Epigraphicam scripsit, seu rationem elogiorum inscriptionesque pangendi, editam Augustae Perusiae 1660. fol. Spissus liber est et propemodum omnia Rhetorices praecepta nullo iudicio coacervat, variasque digressiones instituit parum ad rem ipsam facientes.*

(l) LVD. VIVES) Is, non in libris *de corruptis disciplinis* sed *de tradendis disciplinis Lib. III. p. m. 314. et Lib. IV. p. 349.* praeter CICERONIS epistolas CAESAREM quotidiano sermoni utilissimum esse docet, nusquam vero CICERONIS dicendi genus CAESARIS dictioni postponit.

larum umbris delitescit et ab eruditis fovetur, postquam civilis esse desiit.

§. V.

Elegans est illa PERRONII Cardinalis de linguis sententia, quae habetur (m) in eius *Excerptis*. *Linguae, inquit, incipiunt a necessitate et pereunt affectatione, quae in vitiosis metaphoris in primis consistit*: Quam ob causam imminentem linguae Gallicae interitum minatur, (n) quod Metaphoris adeo delectetur. De lingua Latina, eiusque metaphoris sobriis et ad antiqui-

(m) *In eius Excerptis*) In Perronianis nempe voce *Langues* p. 222. ed. Cologne 1694. in 12. *Les langues commencent par la naïveté et se perdent par l'affectation et finissent par là.*

(n) *Quod metaphoris adeo delectetur.*) Postquam Galli linguam suam magis limare et expolire coeperunt, ab hoc vitio qui sapiunt inter eos discesserunt. At hodie alio morbo dictio eorum laborat, eo nimirum, quod *simplicitati et evidentiae*, quam merito prudentes inter summas orationis virtutes numerant, oppositum est. Plerique enim, qui ad eloquentiae laudem aspirant, tantum ingenio in compositione tribuunt, ut nullis, nisi qui ingenium ad lectionem adferunt, perspicui sint. Testis est nuperus, licet eruditus, HOVTTEVILLII commentarius, quo *religionem Christianam ex factis* probavit.

tiquitatis genium confictis adi FRANC. ROBORTELLVM in *Comment. ad Aristotel. Poëticam* p. 262. *Quod si, inquit, Ciceronis translationes et eorum, qui eadem aetate vixerunt, conferas cum illis, quibus usi fuerunt ii, qui postea scripsere, iam labefactata et corrupta Romanorum lingua ob infusam peregrinitatem, multum eas videas discrepare. Venustae illae sunt, pares ac convenientes rebus, notae, aptae, suaves, remque ob oculos ponunt quasi praesentem, hae horridae, obsoletae, a rebus ignotis ductae, dispares, etc.*

§. VI.

Id in primis hic notandum venit, quod et observavit FRANCISCVS VAVASSOR in libro (o) *de ludicra dictione* elegantissimo, solutam orationem Latinam degenerare prius et deficere ab optima, quam adstrictam; cum vero haec tardius nata sit, tardius quoque senescere: quod eam ob causam fit, quia, sermo solutus cum sit in omnium ore, vulgi, principis, mulierum, virorum, poëtica contra paucorum existit et minorem usum habet, nec fere nisi ingeniosorum est, qui numeros orationis, tanquam lautas quasdam

(o) *De ludicra dictione*) Sect. II. cap. IV. p. 215. 216. ed. Cl. Kappii.

dam splendidasque vestes, integras, quam diutissime possunt, retinent. Inde evenit ut, ex quo labi coepit Latinitas, (p) auctores ii, quorum utramque habemus orationem, versibus multo magis, quam prosa excellant.

§. VII.

Notanda haec temporum differentia in primis est Criticis, auctores vel emendaturis, vel quodvis iudicium de Latinitate eorum laturis: quod praecipit inter alios FRANC. ROBORTELLVS *Libro de arte Critica*, (q) ubi plurima adducit exempla Criticorum, quorum multi errores in emen-

(p) *Auctores ii*) STATIVS nimirum, AVSONIVS, BOETHIVS, MARTIALIS et alii quidam.

(q) *Vbi plurima adducit*) Consulatur etiam IO. CLERICVS *Artis Criticae P. III. Sect. I. cap. XIV. p. 193. f.* qui hic parcior tamen est, ac solet alias, et res postulare videbatur. Sed exempla hominum ubivis occurrunt, qui, quam in *Lexicis* non reperiunt, vocem minus esse probam temere credunt et ad emendationem confugiunt. Unius GODOFR. STEWECHII verba adscribam *Electis ad Libr. V. Arnobii p. 385. Mirari desine seu temeritatem sive ineptiam eorum, qui superioribus saeculis aliorum libros vel calamo scripserunt, vel typis expressere: etenim nimis quam solens iis fuit, reperto vocabulo minus pervulgato, aliud statim*

emendandis auctoribus fuere, quod verum vetusti sermonis ignorarunt. Hinc etiam factum est, ut multa Latinae linguae praecipua verba et radices plane memoriae subdlexerint atque in proprietate significationum et originibus tradendis trans lapsum Grammaticorum sint. Quae omnia discutit (r) peculiari *Dissertatione de causis amissarum quarundam linguae Latinae radicum, uti et multarum vocum derivatarum*, CHRISTIANVS DAVMIUS.

§. VIII.

Externum sermoni characterem ipsi quoque imprimit locus vel natalis vel adoptivus et ex eo linguae puritas vel ornamentum aliquod trahit, vel detrimentum. Non est illa res levis considerationis et abditas quasdam causas habet, investigemus, quid in quaque gente lingua habeat, quod ab aliis sit distinctum, et qui

tim subdere, extrito priore, genuino licet. Com. LVC. FRVTERIVS *Verisimilium Libro I. cap. XIII. p. 90. ed. Doussae.*

(r) *Peculiari Dissertatione*) Eam FRID. BENED. CARPZOVIVS possedit, plurimis ipsius DAVMII adnotationibus locupletatam. *Bib. Carpzoviana P. I. p. 461.* Edita est iterum IO. GEORG. GRAEVIO in *Syntagmate Dissertariorum* p. 446 - 535. *Ultraj. 1702. 4. vid. in primis cap. XVIII. p. 481.*

quibus modis illae inter se differant. Apud Graecos in verborum compositionibus magna est licentia, a qua Romana abhorret severitas et Hebraeorum, qui metaphoris abuti malunt, quam istis compositionibus. Quare Graeca et Latina lingua declinationibus, flexionibus casuum, temporum, coniugationum utantur, ceterae linguae vero per praepositiones et verba auxiliaria rem expediant: quare Graeca lingua diphtongos alat, Latina non item, lingua Hispanica literas tenues odedit, easque statim vertat in medias, linguae, quae ex Gothis fluxere, aspiratis gaudeant, lingua Chinensis accentu musico in vocibus utatur, litterisque gutturalibus et quae per nares efferuntur, potissimum delectentur: quare varia sit in variis gentibus vocalium pronuntiatio: aliter enim illas pronunciant Suevi, aliter Angli, aliter Galli; consonantes inter se confundant Saxones et aliae nationes, non satis exploratum est. Haec vero et similia, quae altas in ideis hominum et in organis quoque linguae radices fixas habent, occasionem dant diversis illis in linguis figurationibus. Ex pronuntiatione illa diversa litterarum diversa primo oritur scriptio, hinc diversae voces, inde phrasae, dialecti, et si temporum diuturnitas accesserit, alius pene sermo.



mo. Proinde non inepti sunt, qui vel e minutissimis pronuntiandi principiis statim de populi genio, naturalique dictione coniecturas instituunt. Quae gentes in pronuntiatione vocales extollunt, tumido et grandi stylo delectantur, ut Hispani et Suevi, quae elevant vocales et tenui spiritu pronuntiant, ut molliorem linguam, ita molliores quoque affectus habent. Alacritas linguae et celeritas pronuntiationis diffusam dictionem plerumque comitatur, qualem amant Galli et Belgae. (s) *De ingenii qualitatibus e pronuntia-*

(s) *De ingenii qualitatibus*) Addatur OLAVS BORRICHIVS erudita commentatione *de causis diversitatis linguarum* et FRANC. BACON VERVLAMIVS *de augmentis scientiarum Libro VI. cap. I.* Noster etiam MORHOFIVS quae hic breviter disputat fusius paullo persequutus est *Libro de Patavin. Liviana cap. VIII. p. 537. f.* qui etiam *Polyhistoris Lib. I. cap. XII. p. 114.* hanc linguarum admirabilem varietatem ad id referre videtur, quod in eruditione et scientiis *divinum* est. In quo quidem, si per *divinum* id intelligit, quod difficile captu et singulare est, minime fallitur. Nihil enim certius est, quam gravem de hoc argumento quamlibet esse disputationem, eo quod nulla proferri queat huius varietatis ratio, quae labefactari nequeat et infirmari. Sive coelum adeas, sive ad temperaturam corporis confir-

gias,

tiatione vide iudicium CASP. SCIOPPII in *consultatione de ratione studiorum*, CAMILLI BALDI in *Commentario super Physionomiam Aristotelis* et in *Tractatione de epistolari divinatione*, SCIPION. CLARAMONTII in *Libro de coniectandis latentis animi affectibus*. Hinc nata est (t) styli distinctio in *Asiaticum* et *Atticum*, qui ex genio utriusque populi tale nomen adeptus est. Scilicet sermo eodem modo, quemadmodum soni musici, se habet, quem non eundem amant omnes gentes. Hinc nati modus Doricus, Aeolicus,

gias, five mores et vitae genus considerari velis, five victus et ciborum naturam spectare iubeas, five migrationes gentium commemores five alias afferas causas, semper acutior quod opponat tibi reperiet. Itaque licet generatim de hac re nonnulla probabiliter disputari et moneri queant, nec illi laude sua privandi sint, qui ingenium in ea exercent, postremo tamen, ubi ad singula ventum erit, veterum illud: NON LIQVET, hic quoque valebit. Plura, ne longior sim, commemorare nolo.

(t) *Styli distinctio*) Cuius passim apud veteres extat mentio. vid. CICERO in *Bruto* cap. LXXXIII. p. 182. QVINTILIANVS *Instit. Orator.* L. XII. c. X. p. 746. CELSVS *de arte dicendi*, in Cel. HEVMANNI *Poeciles Tom. I. Lib. III. p. 381.*

cus, Phrygius, Lydius, quia gentes istae tali sono delectabantur.

§. IX.

Quod si Latinam linguam consideraremus, illa etiam ratione locorum variat. Quemadmodum enim semper nitidior lingua est eo in loco, in quo negotia publica aguntur et ipsa res publica quasi habitat, quod fit propter genium illum civilitatis aulicae: ita populi circum habitantes agrestius quoddam dicendi genus sectantur. Sic lingua antiquitus (u) alia fuit
Roma-

- (u) *Alia fuit Romana*) Duplici modo haec distinctio potest intelligi, vel *ratione temporis*, vel *ratione loci*. *Tempus* si spectemus, is sermo *Latinus* dicetur, quo usi sunt antiquissimi Latii incolae. *Romanus* autem is, qui Romana republica iam condita floruit. *Locum* autem si consideremus hic, *Romana* vocabitur, quae in urbe *Roma* in usu erat, lingua; *Latina*, quam ii adhibebant, qui extra urbem *Romam* et in provinciis Latine loquebantur. Quum de *loco* hic vir eruditissimus agit, posteriori sensu quin partitionem hanc usurpaverit, nullum fere dubium est. Quamquam quem paullo post in confirmationem dictorum laudat, PETR. CRINITVS, aperte *temporis* in hac distinctione rationem habet. Apud veteres, nisi me fallit memoria, rara distinctionis huius occurrunt vestigia: potius *Latine loqui* idem est ipsis, ut ex CICERONE
et

Romana, alia Latina : quod licet a nobis non adeo animadverti possit discrimen, fuit

et QUINTILIANO constat, quod emendate, pure et eleganter loqui. Sed hi tamen rem ipsam aliis sub nominibus admiserunt. Distinguebant illi nimirum sermonem *urbanum*, a sermone *peregrino* et *rustico*. *Urbanus* is erat, quo cogitationes illi efferebant, qui Romae degebant et aliquo erant numero: *Rusticus* eorum erat, qui in agro degebant; qui, quum in urbe lingua paulatim expoliretur, ut sit, rudem et antiquum veterum Italiae populorum sermonem magnam partem retinebant. *Peregrinum* denique dicendi genus tribuebatur illis, qui provincias habitabant. Eos etenim, quum Latinum adsciscerent sermonem, semper aliquid cum eo coniunxisse, quod vernaculo sermoni proprium erat, observatum fuit. Testem eorum, quae dixi, egregium CICERONIS locum dabo, *de Oratore Lib. III. cap. XII. p. m. 139. Quare quum sit quaedam certa vox ROMANI GENERIS, VRBISQUE PROPRIA, in qua nihil offendi, nihil displicere, nihil animadverti possit - - hanc sequamur: neque solum RVSTICAM ASPERITATEM, sed etiam PEREGRINAM insolentiam fugere discamus.* Discrimen sermonis *urbani*, *peregrini*, et *rustici* hodie nobis post tot saecula extinctumque Latini sermonis usum accurate ostendere, haud integrum est. Et credo fore, ipsis Romanis, quoniam aurium potissimum iudicio differentiam hanc metiri fas erat, difficile demonstratu fuisse, quibus

fuit tamen veteribus notissimum. PETRVS CRINITVS *Lib. III. cap. III. de honesta disciplina* quatuor statuit idiomatum Latinorum genera, *priscum, Latinum, Romanum et mixtum*, VARRONIS auctoritatem sequutus. *Latinum* idioma dicit, quod sub Latino et Regibus Thusciae in Latio loquebantur, *Romanum*, quod post exactos Reges in Romano populo obtinuit, cui accensentur PLAVTVS, ENNIVS, etc. Idem *Lib. VIII. cap. III. eiusdem libri* ex colloquio cum PICO MIRANDVLANO habito egregia quaedam affert de differentia *Romani et Latini* sermonis, ubi differit de municipum et colonorum stylo Latino ab aliis gentibus, Hispanis, Gallis, etc. adoptato. Vide etiam ea de re differentem POLYDORVM VERGILIVM *de rerum inventoribus Lib. I. c. III.* COELIVM RHODIGINVM *Antiquarum lection. Lib. XXIII. c. I.* (x) CLAVDIVM DVRETVM libro Gallico, qui inscribitur: *Thesaurus Historiae linguar. a p. 764. ad p. 776.* Et fuit sane lin-

notis haec dicenda genera inter te distinguerentur.

(x) CLAVD. DVRETVM) Index libri est: *Thresor de l'Histoire des langues de cet univers* et prodiit Coloniae 1613. in 4.

lingua Latina ex variis mista, donec tandem in unicam quasi coaluerit, antiquis abolitis et Romana succedente. De quarum omnium discrimine nemo explicatius scripsit, quam PAVLVS MERVLA *Cosmographiae P. II. Lib. IV. cap. XVIII.* ubi etiam addit quomodo hodie dialectis inter se differat lingua Italica, quod et confirmatur in *Excerptis Scaligerianis*, ubi sub voce *Italia* habetur, quod pene singulis diebus in Italia iter facienti mutantur linguae et quaedam vocabula. Elegantissime autem omnium ea de re differit MERVLA l.c.

§. X.

Huc pertinet illa LIVIO ab ASINIO POLLIONE obiecta *Patavinitas*, qua nihil aliud intellexit, quam modos loquendi Patavinos a LIVIO usurpatos. (y) Qui qui-

(y) *Qui quidem ea in re*) Ego vero id incertum esse iudico, num ASINIVS POLLIO iure, an secus, Patavinos loquendi modos LIVIO exprobraverit? Potuit ille aetate sua scire, quidnam inter urbanam et Patavinam dictionem interesset: nobis vero id hodie nullo modo explorare licet. Interea stolidum fuisse hominem facile largior, qui id vitio dederit florentissimo scriptori, quod omni fortassis vitio caruit: neque maledicentior ASINIO, quam viveret, quemquam extitisse, ignoro.

quidem ea in re maledicus fuit, neque hoc suo iudicio audiendus est: qua de re nos pluribus egimus integro libro *de Patavinitate Liviana*. Ita fuerunt, qui VIRGILIO *Mantuanitatem* inesse, observasse sibi visi sunt, quod de ASINIO POLLIONE eodem (z) memorat SCALIGER *Poëtices Lib. IV. cap. XVII.* (a) FRANC. vero FLORIDVS illud HIERONYMO iudicium tribuit, et ex eo cenfor VERDIERIVS idem producit in *Censione scriptorum* p. 50. Ex eo enim dicit HIERONYMVM deprehendisse VIRGILII *Mantuanitatem*, quod *sceleratum frigus* dixerit, eoque epitheto saepius utatur: de qua *Mantuanitate* videndus ERYTHRAEVS in indice *Virgiliano* verbo: *Sceleratum limen*. In QUINTILIANO FRANC. PHI-

(z) *Memorat Scaliger*) Verba loc. laudato p. 442. ed. *Heidelb.* 1607. 8. haec sunt: *Pollio sibi solus Romane vel loqui, vel scribere visus est, cui Livius olet Patavinitatem, Virgilius Mantuanitatem, Ciceronis dictio parum sapit.*

(a) *Franc. vero Floridus*) *Apologia in Accii Plauti et aliorum Linguae Latinae auctorum calumniatores* libro cultissimo, qui *Basileae* 1540. fol. prodiit. Unde vero FLORIDVS hoc de HIERONYMO hauserit, viderint alii. Ego non sine cura evolutis HIERONYMO operibus, nihil eius rei in illis reperi.

PHILELPHVS (b) *Hispanitatem* notavit: et obiicitur idem SENECAE TRAGICO, (c) de quo inepte admodum iudicat LIPSIVS, reclamante omnino SCALIGERO, qui et in *Hypercritico* suo et in *Excerptis* a fratribus PVTEANIS editis vehementer eam ob causam illum reprehendit, ut imperitum rei Poëticae iudicem. Ita Cordubae nati Poëtae (d) *pingue quoddam et peregrinum sonuere* CICERO-

(b) *Hispanitatem*) Erat enim Calaguri, oppido Hispaniae, natus. Non vero universe PHILELPHVS de *Quintiliano* ep. ad Iob. *Tuscanellam* ita censuit, verum de *longioribus*, quae QUINTILIANO solent tribui, *declamationibus*: Orationis, inquit, eius *filum* mihi sane non placet, sapit enim *Hispanitatem* nescio quam, hoc est barbariem plane quandam. vid. *Epistolare*, ut vocatur, FRANC. PHILELPHI. *Lib. III. p. LI. ed. Venet. 1491. in 4.*

(c) *De quo inepte admodum*) LIPSII reprehensio SENECAE addita est editionibus auctoris huius, quae LIPSII *Notas* habent adiectas. Ceterum fallitur hic Vir Summus, ex memoria scribens, SCALIGERVM in *Hypercritico*, qui *Liber VI. est Poëtices* eius, LIPSIVM ob censuram hanc notasse. Laudat SCALIGER vehementer SENECAM *cap. VI. p. m. 773. 774.* At LIPSII nulla ibi extat memoria.

(d) *Pingue quoddam*) Oratione pro Archia c. X. p. m. 293. T. II. Opp.

CERONI: quin et ipse CICERO aliquid e patria Arpino trahere sciolis nonnullis vilis est. NICOLAUS HEINSIUS in *Claudio Alexandrinam aliquam facundiam* notavit. De cetero nemo inter veteres adeo felix fuit, quin illi quaedam fuerint obiecta, ut prolixè recenset LEO ALLATIVS in libro *de erroribus magnorum virorum in dicendo*. Romae 1635. edito.

§. XI.

Populus exoticus linguam sibi peregrinam ad naturalem styli genium semper format, (e) unde fit, quod linguae Latinae stylus, qui nulli populo natus est, varias adeo facies induat, ut semper aliquid de idiotismo gentis trahat. Quod et in Latina lingua factum est, quum illa ad Gallos, Britannos, Hispanos, Afros propagaretur. Numquam enim ista puritas

(e) *Unde fit*) Legendum hac de re pulcrum et elegans FRANC. VAVASSORIS iudicium *Libro de Epigrammate cap. XV.* Addatur IO. CLERICVS *Artis Criticae P. II. Sect. I. Cap. II. p. 137.* qui *Latine cogitandum esse*, praeclare monet, *ut linguae illius vim et genium scribendo exprimere discamus.* Nec male faciet, qui GVIL. BVDAEI *Graecae Linguae comm.* p. 1290. f. ed. *Basil. 1530. fol. consulet.*

ritas in illis linguarum coloniis deprehensa est : unde postea successu temporis coalescente cum illa vernacula lingua, linguae illae, quae nunc in usu sunt, exortae. De quo vide eleganter differentem MERVLAM in *Cosmographia P. II. Lib. IV. cap. XVIII.* in fine, et (f) BERNH. ALDRETE, Hispanum, in libro Hispanice

(f) *Bernh. Aldrete*) Idem in alio libro, quem inscripsit : *Varias Antiquedades de Espanna, Africa y otras provincias Antwerp. 1614. in 4.* multorum vocabulorum Hispannicorum origines explorat. Uterque liber rarissimus et praestanti eruditione refertus. Itaque praeclare is de litteris elegantioribus promeretur, qui Latinam utriusque versionem conficeret. Mihi non ita pridem id consilii fuit, quum rogatu et hortatu summorum virorum *Antiquitatum Hispanicarum Thesaurum*, sive collectionem scriptorum, qui Antiquitates illustrarunt Hispaniae, meditarer. Jamque multa non modo in hanc rem conquissiveram, verum etiam mercator librarius inter Belgas notissimus magni operis curam lubens susceperat. Nunc postquam alia me curare iussit supremum Numen, hoc quidquid est conatus aliis relinquo me liberioribus. Haec ideo, occasione data, notare visum est, ne secus intelligantur, quae *Bibl. Germanicae* auctores *T. VI. p. 238.* nuper prodiderunt, me, *Antiquit. Italicis* absolutis, *Hispanicas* fovendas suscepisse.

ce scripto: *Del origen y principio de la lengua Castellana o Romana que se usa es España*, libro toto, et in primis *Lib. II. cap. VII. VIII. IX.* Conferatur *PICCARTVS* in *Celtopaedia*, ubi et agit de vetere lingua Gallica et coalitione eius cum Latina. Hinc etiam fit, quod saepissime deprehendamus apud eruditos etiam nostri saeculi phraes quasdam ab idiotismis linguae vernaculae tractas. Quare magnam merentur laudem, qui illas diligenter notarunt et ubi sine vitio sint, ostenderunt: quod fecit in Gallica lingua *HENR. STEPHANVS* Libro *de Latina lingua falso suspecta* et in Germanica *VORSTIVS* libro *eiusdem tituli*.

§. XII.

Dictionis Latinae et purae, qualem linguae genius requirit, decus felicissime Itali et Germani expresserunt. Et in Italia quidem praeter naturalem inclinationem insignis ille cultus id efficere videtur. Teste enim *SCIOPPIO* Libro *de stylo histor. p. 57.* nihil non faciunt, ut evitent omnia, unde aliquod contaminandae orationis periculum ostenditur. Latine nunquam loquuntur familiariter, ne eius usus ad instar torrentis lutulentus fluat.

(g) Qua-

(g) Quare de PAVLO MANVTIO testis est SCIOPPIVS, illum vix tria verba Latina

na

(g) *Quare de Paulo*) Simile exemplum PETRI MAFEEI, Iesuitae disertissimi, eo loco SCIOPPIVS p. 70. adfert, qui, quum elegantissime scriberet, non eo potuit adduci, ut Latine responderet. Sunt etiam alii, qui nominari possent in hanc rem. Ego, ut de meo sensu fatear, aegre mihi persuadeo, homines hos, qui Latine cum aliis loqui noluerunt, id ideo fecisse, ne dictioni labem quamdam contraherent. Namque extiterunt innumeri, qui, licet a quotidiano sermonis Latini usu haud abhorrerent, venustissime scripserunt: nec eorum plurima desunt exempla, qui exercitatione utramque et scribendi, et loquendi elegantiam consequuti sunt: quod quidem non ita difficile esse, quilibet intelliget, qui vim consuetudinis secum consideraverit. Mitto inquinatae dictionis et inquinati sermonis non eam esse affinitatem, ut qui minus eleganter verba facit, corrupte etiam et barbare necessario scribat. Quod etenim in quotidiano sermone fieri nequit, ut ad amussim castitatis Romanae cuncta revocentur, id commode potest fieri, quum in litteras aliquid referendum est. Habuisse ergo alias causas moris sui quos indicavimus, viri docti existimo, hunc fortassis gloriae studium, illum linguae impeditioris vitium. Metuebant alii, ne, qui eos minus polite loquentes audirent, exiguam de eruditione eorum existimationem conciperent, alii balbutientium videri volebant sumiles. Est

C

etenim

na proferre potuisse, ut Germani cum eo loquentes vehementer prae se illum contemserint, cum tamen nemo ad puritatem et elegantiam CICERONIS propius accesserit. Idem testatur HENR. STEPHANI in *Praef. Libri de Latinitate falso suspecta*, in qua consilium IOACH. FORTII examinat, suadentis, dedita opera loquendum esse inkomposite, etiamsi natura facundus sis, quod fieri plerumque soleat, eos qui loquuntur accurate, minus erudite scribere.

§. XIII.

Extulit praeter MANVTIVM superior aetas insignes viros, e. c. MVRETVM, cuius styllum vehementer laudat SCALIGER in *Excerptis*, (h) alique complures: a quibus tamen longe absunt LONGOLIVS, BEMBVVS, alique vulgo *Ciceronianis*

etenim genus quoddam hominum, quod quum satis apte patrio loquatur sermone, peregrinum vix ac ne vix quidem, licet probe alioquin sibi notum, ore versat.

(h) *Alique complures*) Inter quos merito commemoratur acerrimus ille Latinitatis consor, SCIOPPIVS, qui MVRETVM *de stylo histor.* p. 64. f. copiose laudavit. Et hic ipse tamen MVRETVS *Notis ad Senecam* p. 383. in eos libere invehitur, qui nullam vocem, nisi Ciceronianam, probabant.

ni dicti, (i) quorum inepta imitandi CICE-
RONEM ratio non admisit solidam et
masculam eloquentiam. In hos passim ab
eruditis declamatur ERASMO et RAMO
in *Ciceroniano* suo. Sed ERASMVVM
(k) SCALIGER duabus orationibus re-
futavit, scripto acerbissimo, cuius tamen
poenitentia postea ductus est, teste filio,
IOSEPHO SCALIGERO in *Excerptis*, qui
exemplaria omnia, ne amplius extarent,
coëmta hominum memoriae extorsit.

§. XIV.

(i) *Quorum inepta imitandi*) Dixi de ea fusius
Diff. de cultura et noceff. Latini sermonis §. X.
p. 24. f.

(k) *Scaliger duabus orationibus*) Quas *Eloquen-
tiae Romanae vindices* appellat. MELCH.
ADAMI, vir de Historia eruditorum optime
promeritus, eas Notis suis illustratas denuo
formis describi curavit, *Francof. 1617. in 8.* Po-
nituit postea SCALIGERVVM, id quod hic
etiam notatur, facti, quod invidendo elogio
in ERASMI mortem scripto deinceps expia-
re voluit. Optime ceterum de *Ciceroniano
Erasmi* iudicavit IVLIVS PFLVG *epist. ad
Menzerum 1528. Decembri mense data, quae
in Monumentis Palatinis extat Tom. II. p. 36.
37. 38.* Scripsit etiam STEPH. DOLETVS
Dialogum contra Ciceronianum Erasmi, quem
SCALIGER sibi omnia suffuratum esse alicu-
ius momenti acerbe conqueritur. *ep. XIV.*

p. 35.

C a

§. XIV.

(l) Germani non pauci fuerunt purae illius et tersae Latinae linguae propagatores, adeo ut ipsi Itali nonnumquam conquerantur, palmam ab illis sibi praeripi. Fuit quoque (m) non contemnendus eloquentiae instaurator, PHIL. MELANTHON, sic fatis quidem ille purus, sed propter rerum curam aliquando negligentior et abiectior. Fuit tamen eius scribendi ratio tum temporis quasi pro regula habita et Philippici styli passim iactatio. De quo vide TAVBMANNVM *Dissert. de Lingua Latina*. Belgae plurimi purum quidem, sed tamen argutum malunt dicent-

(l) *Germani non pauci*). Hic conferri debent omnino viri praestantissimi, IAC. BVRCKARDI, *de linguae Latinae in Germania fatis commentarii*.

(m) *Non contemnendus eloq. instaurator*) Id quod ipsi non audent inficiari, qui Germanorum nomini non nimis alioquin favent. RICH. SIMONIVS *Bibl. Choise T. I. c. XXXI. p. 477. 478.* inter alios ad lectionem declamationum MELANTHONIS bonae dictionis studiosos adhortatur. *Car il etoit, ita pergit, et Philosophe et Orateur. De plus il etoit beaucoup exercé dans la lecture des Livres de Cicéron, dont il a imité le style. En quoi il ne cede gueres aux Italiens les plus polis.*

cendi genus, (n) nec facile quenquam invenias, qui lacteam illam Romanam et numerosam eloquentiam exprimat.

§. XV.

Galli non infeliciter scribunt, fuitque inter primos BVNELLVS, qui ipsi MANVTIO viam ad puriorem eloquentiam ostendit. Eius paucae sunt *epistolae*, quae et seorsim editae sunt et una cum *epistolis* MANVTII in editione illa Parisiensi, quam HENR. STEPHANI publicavit. De eo ita MANVTIVS: *Ille cum Erasmo et Politiano misere errantem in viam reduxit.* Quo iudicio simul ostendit, multum deesse ERASMO et POLITIANO in puritate linguae Latinae. Et sunt alii quoque, qui ERASMVM vocant inter Germanos Latinum et inter Latinos Germanum. Qui quanquam non omnino e vero iudicant, negari tamen nequit, ERASMVM in minutis illis purioris linguae negligentiores fuisse, quem defectum tamen abunde compensavit mira illa ingenii festivitas et viva

C 3

rerum

(n) *Nec facile quenquam*) At hodie tamen PETRVS BVRMANNVS in primis, vir in Latinis litteris facile princeps, priscum illud Latini sermonis decus, veteremque nitorem feliciter prorsus refert, nec ulli cedit eorum, qui masculam veterum eloquentiam imitati sunt.

rerum expressio, quae interdum magis delectat lectores, quam superstitiosa illa linguae purioris cura, si rerum cura defecerit. BVDAEVVS, qui inter Gallos principem suo tempore locum obtinuit, in dictione Latina ab Italis vehementer discrepat. (o) Mire enim in phrasibus affectandis sollicitus est, numeroque et membrorum consequutione utitur, quae a Latinis auribus aliena est. (p) Fuit illi aliquando contentio

(o) *Mire enim in phrasibus*) Multisque praeter ea vocibus aut vocum significationibus utitur, quas boni auctores ignorant: id quod, si id institutum pateretur, vel ex eius ad *Librum de Affectu praefatione* docere possem. Non factus erat BVDAEVVS ad eloquentiam natura, quoniam ingenio carebat, quo ERASMVS abundabat. De labore, diligentia et doctrina nemini concedebat aequalium vir profecto summus, nec facile saecula BVDAEVM nobis referent. At his omnibus abunde aliquis instructus esse potest, neque tamen dictionis amoenitate et nitore reliquis praestare. Ceterum CICERONIS imitatores acriter perstringit BVDAEVVS *Comm. Graec. linguae p. m.* 1290.

(p) *Fuit illi aliquando*) Qualis ea fuerit, nunc quidem mihi latet. Neque otium mihi est, quo id discam, ERASMI et BVDAEI epistolas curatius evolvere. Familiarem et amicam fuisse eam, nullum dubium est. Quamvis enim hi duo viri de principatu inter eruditos sui

tio cum ERASMO de stylo et dictione Latina, et recte iudicavit ERASMVS, illum quasi tuba canere, cum ceteri tibias inflect, quo iudicio non tam laudare, quam reprehendere illum visus est. Inest scilicet Gallis popularis quaedam loquacitas, quae si coërceatur disciplina, abire in lateam et venustam eloquentiam potest, cuius plurima possunt proferri exempla. (q) Hodie illi omnibus, quotquot sunt, pal-
mam

fui temporis contenderint, et tacite, quoniam aperte non audebant, alterius existimationi detraxerint, numquam tamen simultates eorum in acerbam eruperunt dimicationem. vid. *ERASMI* *opp. Lib. I. opp. XI. XII. p. 36.* et Conferatur SAMMARTHANVS in *Elogiis*. Ipse ceterum ERASMVS dictionem BVDAEI sua meliorem esse significat *Epistolar. Lib. XXIV. ep. XX.*

(q) *Hodie illi omnibus*) At nostra aetate scena mutata videtur esse. Non desunt quidem omnino Gallis, qui Latinam consecretantur eloquentiam; at si cum illis contendantur, qui eam spernunt, et linguam patriae in deliciis habent unice, perpauci sunt. Clarent nonnulla eloquentiae laude Benedictinae familiae sodales, qui in illustrandis Antiquitatibus sacris tantum collocant diligentiae. Nam si ex MABILLONII RVINARTI, MENARDI, et qui nunc florent, THVILLIERII, MARTE-NEI, MONTFAVCONII scriptis nonnulla deinas, puac quotidianam magnorum homi-

mam nationibus praeripiunt. Sunt enim in illis, qui eleganter adeo in sermone ligato & soluto scribunt, ut vel provocare ipsos antiquos possint, quum Itali, Belgae, Hispani, Germani, Angli omnem illam curam purae Latinitatis seposuerint. (r) BALZACVS, qui multas Gallicas epistolas scripsit, Latinas quoque purissimas et nitidissimas exaravit. (s) VAVASSOR, Iesuita, multa

num cum inficetis medii aevi scriptoribus consuetudinem arguunt, reliqua florem quendam dictionis et nervosam ostendunt eloquentiam. Contra Itali, qui Latine scribunt hodie, priscam dicendi rationem studiose servant: id quod IVSTI FONTANINI, LVD. ANT. MVRATORII, PHIL. a TVRRE, et qui principe nominandus erat loco, viri ad elegantias omnes nati, IACOBI FACCIOLATI, libri et orationes declarant. Nec segniores Germani sumus, quibus nemo, nisi rerum nostrarum imperitus, gloriam emendatae ab aliquo tempore et reductae eloquentiae invidet.

(r) *BALZACVS*) In eis homo ingeniosus mirae felicitate gravitatem et maiestatem Romanam cum facundia Gallica plus ingenii habente copulavit. Hinc non male fecit v. c. IO. ERH. KAPPIVS, qui has *epistolas* in lucem revocavit et cum FRANC. VAVASSORIS *de dictione ludicra* libro denuo edidit *Lipsiae 1722. in 8.*

(s) *Vavassor Iesuita*) *Eius Opera Philologica et Theo-*

multa scripsit, quae ad praecepta bonae elo-
quutionis pertinent, tum orationes et car-
mina florida et nitidissima: (t) MENA-
GIVS CAROLVS RVEVS, PETR. PE-
TITVS, RENATVS RAPINVS, venu-
stissima scripsere carmina.

§. XVI.

In Anglis ne unus quidem succurrit, qui
purae Latinae dictionis genium expresse-
rit. Infelices enim semper Angli fuere
in eloquentia et natura sua feruntur in
praecipitia, abditas et argutas sententias,
quae aures quidem titillant, animos non
implent. Unus in illis fuit (u) ROGE-
RVS

Theologica uno coniuncta volumine prodie-
runt. *Amstelod. 1709. fol.* Mire suavis et orna-
ta est eius dictio: at interdum tamen ob ni-
mium CICERONIS studium nonnihil languo-
ris habet.

(t) *Menagius*) Nec omittendus PETR. DAN.
HVEIVS, cuius *carmina* saepius edita omni-
bus condita sunt elegantiss, nec soluta dictio
condemni debet. SANTOLIVM, VALESIOS,
aliosque omitto.

(u) *Roger Aschamus*) Eius epistolae prodire
Hanov. 1610. 12. De quibus et aliis eius meri-
tis consuli etiam poterit MORHOFIVS *Poly-*
historis Tom. I. Lib. I. c. XXIII. p. 283. et L. II.
c. XIII. p. 475. Sunt, qui inter Anglos IO.
MILTONVM in primis a dictionis venustate
et elegancia commendant: quibus ego non ad-

RVS ASCHAMVS, Elifabethae reginae a secretis, qui aliquid scripsit auribus accuratioribus non indignum, exemplo potissimum STVRMII incitatus, quem ille virum magni fecit, et in cuius disciplinam se totum tradidit, libros eius semper legendo et in usum transferendo. In Scota gente plures fuere, qui linguae Latinae studiosiores fuere, quam in Anglis. BVCHANANVS omne fert punctum, tam in soluto, quam in ligato sermone, quod
SCIOP-

sentior. Quamvis enim ingenii et acuminis plena sit MILTONI oratio, scatet tamen multis vocabulis obsoletis et minus Latinis. Ut de barbarismis et Solœcismis taceam; quorum copiam quum ille SALMASIO obiecisset, extiterunt, qui nec eius libros his maculis carere, planum fecerunt. Hodie quamquam pauci Anglorum Latinam curant eloquentiam, sunt tamen nonnumquam inter eos, qui ipsos ad certamen veteres provocare possint. Exemplo esto elegantissima IO. GAGNIERII *Carolina seu Ecloga in laudem Principis Walliae*, cui THEOD. HASAEVS merito *Bibl. Brem. Tom. IV. P. II. p. 376.* locum dedit. De BVCHANANO et BARCLAIO, quoniam in omnium ore manibusque versantur, cur aliquid moneam, nihil est. De hoc tamen, BARCLAIO nempe, eiusque stylo, legisse iuvabit, quae BAYLIVS collegit *Dictionaire Tom. I. p. 445. Not. L.*

SCIOPPIVS, acerrimus alioquin censor, ipse fatetur et BARCLAIO longe illum praefert, qui plus ingenio suo tribuit, quam auctoritati antiquorum. Phrasés apud illum multae confictae sunt, Metaphorae audaces, sermo Poëticus, etsi ingeniosus. Plus quidem illi licuit ob argutum scriptionis genus, quod poëticum est: ita tamen etiam in illo genere scribere debuisset, ut a dictionis puritate non abiret.

§. XVII.

Atque haec dicta sunt de externis characteribus purae dictionis Latinae, qui eo magis nobis attendendi sunt, quo se arctius nobis insinuant, et cum ipso, ut ita dicam, lacte imbibuntur, ipso patrio sermone nos circumveniente et quasi per insidias formulas, phrasésque latinas suppeditante quae postea successu temporis altas adeo radices in animis agunt et in ipso habitu loquendi, ut nullo conatu postea infelix illud lolium extirpari possit. Quare omni cura id agendum est, ut statim in prima aetate animus a patria lingua abducatur, eiusque diversitas a Latina per omnes loquendi formulas et phrasés, constructiones et particulas notetur. (x) Quod nisi fiat

(x) *Quod nisi fiat*) Modo id fieri queat. Infinitae enim propemodum observationis haec res

fiat et a perito doctore dirigatur, pro Latina lingua barbarum sermonem addisemus.

CAP. IV. III.

*De pura dictione considerata
ratione characterum interiorum.*

§. I.

Recensuimus hactenus characteres purae dictionis externos, *locum* et *tempus*, quibus purus sermo, ut notis exterioribus, dignoscitur, sed quae magnam in cognoscenda dictione vim habent, usumque vocis proprium et genium quam maxime definiunt. Nunc ad ea accedimus, quae orationem ipsam propius tangunt, et a toto sermonis habitu et compage profluunt ad purae dictionis ideam delineandam.

§. II.

Characteres illi interni vel a sermonis
mate-

res est, quae in paucissimos cadit mortalium. Sufficiat interea, si aliqua ratione peregrini sermonis insidias caveamus, et in maioris momenti rebus ad veterum exemplum nos componamus. Minora nec prudens curat, nec omnes curare possumus, qui Latine scribimus, quum aliis addicti simus negotiis.

materia dependent, vel a *forma*. Ex utraque enim considerari debet Latinae linguae puritas, atque illae mutuo se respiciunt. Neque enim una absque altera esse vel potest, vel debet. Sunt enim quasi principia quaedam constitutiva puri sermonis.

§. III.

Characteres illi sive principia puri sermonis *materiales* considerari debent ratione partium orationis materialium, e quibus oratio coagmentatur. Quemadmodum enim ad opus aliquod faciendum ea materia opus est, quae habilis sit, quae soliditate et mensura respondeat operi: ita in oratione quoque ea est adhibenda *ἵλη*, quae compositionem totius orationis recte ingrediatur.

§. IV.

Partes orationis materiales exhibent *nomina, verba, particulae*. His enim tribus bene inter se coagmentatis constat omnis oratio et in eas partes resolvitur. *Selecta* debent esse *nomina: verba propria* et genuina: *particulae* recte et concinne positae. Quod nisi fit, tota oratio fit scabra, hiulca, impura, sordida et elegantium hominum auribus indigna.

§. V.

Puritas, quae ratione *formae* consideratur, consistit in orationis formali, quod vel consideratur *Grammaticae*, vel *Rhetorice*, vel *Logice*.

§. VI.

Formale orationis purae *Grammaticae* consideratum refertur ad iustam vocum convenientiam et syntaxin, vel *ordinariam*, vel *figuratam*, et in *figurata* selectum. Neque enim omnis figurata constructio, in primis si quid Archaismi aut peregrini habeat, in pura dictione facile admittenda est. Nam et HERMOGENES figuram illam Grammaticam, quae vocatur *ορθότης* sive *rectitudo*, in puro genere maxime adhiberi vult.

§. VI.

Formale Rhetoricum consistit in *figuris*, earumque selectu, et in *Tropis* ac *Metaphoribus*. *Figurarum* enim quaedam sunt simpliciores, quaedam vehementiores, quae affectibus vehementibus inserviunt, et praeter ceteris sunt *Ποικίλαι*. *Metaphorae* quoque suis gradibus distinguuntur, e quibus audaciores illae, quibus Poëtae et Satyrici utuntur, et Catachresticae a purae dictionis usu sunt removendae.

§. VIII.

Formale Logicum consistit in sententiis

ac enthymematibus, quorum usus pro ratione dictionis varius est. Sententiarum enim est magnitudo, gravitas, dignitas, maiestas: multiplicatio ab hoc puro dicendi genere aliena. Rarae enim hic sunt sententiae et vel causa sunt enthymematis, vel eiusdem Epilogus, id est, ideo adducuntur, ut vel enthymema aliquod inde conficiatur pro conclusione nostra probanda, vel denique sit ipsa conclusio, quae enthymema suum sequatur. *Enthymemata* seligi debent ex vulgaribus illis *πῶς* sive plausibilibus, quae fundantur in Canonibus istis ARISTOTELIS de bono, malo et pulchro, et in his quidem quae maxime obvia sunt et se intellectui primo conceptu sistunt. In his nisi selectus instituatur et vera earum sit concinnitas, impura statim fit oratio, quasi heterogeneis quibusdam admissis, fitque, ut auditor vel lector ad orationem talem velut ad permista vina nauseet: qua allegoria apposite utitur passim in *Rhetorica* ARISTOTELES.

§. IX.

His generatim ita consideratis, ad partes iam procedimus, et quidem ad *Nomina* et *voces*, de quarum puritate nobis primum agendum est. Earum vero puritas maxime in *proprietas* consistit.

CAP. IV.

CAPVT IV.

De proprietate vocum.

§. I.

Proprietas vocum principem locum tenet in puritate dictionis. Nisi enim proprios vocum sensus teneamus, tota inepta erit et impura oratio, neque a quoquam vel intelligetur, vel cum animi delectatione legetur. Quemadmodum enim hominem non noscimus, qui larva sibi vultum textit: ita voces quasi peregrinae videntur, quae aliam a nobis significationem induere iubentur.

§. II.

(y) *Proprietas est illa vocum acceptio et significatio, quam vel populus illi imposuit, vel e populo sapientiores viri in dignitate publica et magistratibus constituti.*

§. III.

(y) *Proprietas est*) Duplex est *proprietas*, quam in sermone decet servare, species. Altera dici potest *proprietas significationis*, altera *proprietas usus*. De illa praecipit hic auctor noster, hanc praetermittit. Illa est, quum voces Latini sermonis non alia adhibentur significatione, quam ea, qua veteres eas usurparunt. Haec autem iisdem nominibus res appellare iubet, quibus eas a veteribus denominatae sunt. Sunt etenim innumerabiles apud Latinos

§. III.

Proprietas vocum ratione *etymologiae* et *usus* existimari debet. Hi enim quasi gemini sunt cardines, ex quibus iudicium insti-

tinus loquendi modi vocesque, quae ita certis rebus propriae sunt, ut alias, etiamsi non dissimilis significationis, ornatae dictionis studio in illis exprimendis haud integrum sit adhibere. Ut exemplum afferam: Hominem, qui ex auditu laborat, *surdastrum* appellant Latini. Talem igitur qui diceret *male audire*, is Latine loqueretur quidem, non vero proprie. *Cibos condire* Latini dicunt eum, qui, ut palato sapiant, efficit. Hinc qui coquum *cibis saporem conciliare* diceret, proprietatis esset negligens. Nemò accuratius in huius generis proprietate investiganda elaboravit, quam ANTON. SCHORVS, vir Latine doctissimus. Conferantur etiam perelegantes VAVASSORIS *de vi et usu quorundam verborum* observationes, quas CI. KAPPIVS iterum edendas curavit. Prior quidem illa proprietas maioris est momenti et a bona oratione prorsus abesse nequit. Hanc tamen elegans et ornata oratio omnino etiam flagitat, et qui contemnunt eam, merito *Germanicismorum, Gallicismorum, Italismorum* etc. postulantur, nec in veterum imitatoribus haberi possunt. Tetigit huius rei nonnihil nosser inferius *cap. V. §. VI.* IVNIANVS MAIVS, eques Neapolitanus, scripsit *Librum de verborum priscorum proprietate*, Neapoli 1475. et

institui debet verae vocum significationis. Quoniam enim vocum prima origo saepe variat et usu ipso in alios sensus saepe flectitur, (z) ideo etymologiae rationi non semper standum est: usus enim saepe voces plane in alios sensus detorquet.

§. IV.

Ratione *etymologiae* spectatur significatio, cum Etymon cuiusque vocis attenditur atque ex eo vera vis vocis aestimatur. Quod cum fit, nota nobis esse debent vera singularum vocum etyma, quae quidem sciri possunt. Multarum enim vocum radices deperditae sunt, remanentibus derivatis, quorum significatio deinde ex usu ediscetur. Quod non solum in Latina lingua, sed in Germanica, Gallica, coeterisque omnibus factum fuit, cum radices verae iniuria temporum interiere. (a) In Ger-

et iterum 1490. editum. vid. NIC. TOPPII *Bibliotheca Neapolit.* p. 168. f. Qui quo sensu vocem *proprietas*, quae ambigua est, ceperit, quum librum haud viderim, ignoro.

(z) *Ideo etymologiae.* In Latina lingua vix est, cur aliquid etymologiae tribuamus. Nam ut ea nihil esse taceam incertius, tot nobis supersunt eius linguae monimenta, ut veram vocum potestatem ex usu earum facile queamus addiscere.

(a) *In Germanica.* Hoc argumentum persequutus

Germanica tot eius sunt exempla, ut, si quis rem illam persequi velit, integro libro hoc labore defungi possit. Pleraeque enim radices Germanicae in Danica, Suecica, Belgica, veteri Saxonica lingua delitescunt.

§. V.

In Latina lingua (b) *de causis amissarum radicum* singulari libro egit CHRIST. DAVMIVS, qui eleganter ab illo tum iuvene scriptus, sed in quo, credo, multa vir et senex mutasset. Sunt enim aliqua in quibus illum errasse apparet; utilissimus tamen ille labor est; ac optandum fuisset *Lexica* eius *Anagogica* in lucem prodire, quae ipse magno studio congeffit, (c) quae nunc

tus fuisset ipse vir egregius, si *Origines Germanicas*, quas in *Praef. Comm. de lingua et Poesi German.* se affectas habere memorat, perficere, potuisset. Conf. V. C. IO. MOELLERI *Prolegom. in Polyhistor.* p. 68.

(b) *De causis amissarum*) vid. quae notata sunt a nobis ad cap. II. §. VII. Quod hic de DAVMII libro iudicium fert MORHOFIVS, id etiam *Polyhistoris Lib. IV. c. IX. p. 818.* tulit. Ego quos in eo libro naevos et errores esse dicit, in exemplis, quibus causas amissarum radicum illustrat DAVMIVS, quaerendos esse arbitror, non in ipsis causis sive regulis, quas nemo facile falsitatis postulaverit.

(c) *Quae nunc fortasse*) Fallor vero, aut quae

nunc fortasse post mortem ipsius cum blattis et tineis pugnabunt.

§. VI.

(d) Etymologias in Latina lingua multi indagarunt, tam e veteribus, quam recentioribus, sed qui mire inter se discrepant et saepius extra orbitam feruntur. (e) Veteres Grammatici in originibus vocum tradendis infeliciores fuere saepe recentioribus. (f) ISIDORI prae reliquis multae sunt

DAVMIVS reliquit nondum edita magnam partem in Bibliothecam publicam urbis Cygneae sunt illata.

(d) *Etymologias*) Cum eis quae de Latinis etymologis hic noster habet ea conferre proderit, quae idem *Polyhistoris Tom. I. Lib. IV. c. IX. p. 818 f.* de eodem argumento commentatus est.

(e) *Veteres Grammatici*) Specimina ineptiarum huius generis, quem vidisse iuvat, is QVINTILIANVM *Instit. Orator. Lib. I. cap. VI. p. 47.* qui eleganter, eos in parvis ingeniis ad foedissima usque ludibria lapsos esse ait, GELLIVM *Noct. Attic. Lib. I. c. XVIII. et XXV. Lib. III. c. XIX. L. X. c. V. XII. c. XIV.* CICERONEM *de natura Deorum Lib. III. p. m. 249. T. IV. Opp. et alios consulat. Conf. DAVMIVS de causis amissar. radicum c. XXVIII. p. 518.* Atque is ipse DAVMIVS pollicetur in eo libro aliquoties *Diff. de ratione significationis verborum Latin.*

(f) *Isidori*) ISIDORI Hispalensis saeculo VI. antistiti-

sunt ineptiae. FVNGERVS postea in *Lexico Etymologico* et BECMANNVS in *Originibus* aliquid accuratius scripsere. (g) MATTH. MARTINIVS in vastissimo *Lexico Philologico* multa commiscet et confundit. In Latinis quidem vocibus ceteris quidem superior interdum est, sed in Germanicis derivandis, nam et illas immiscet, oppido ineptus et ridiculus. Negari tamen nequit, viam illum parasse (h) VOSSIO, discipulo suo, qui postea

Lexi-

tistitis *Originum* Libros XX. intelligit, de quibus copiose egit IO. ALB. FABRICIVS *Bibl. Latinae Lib. IV. c. VI.*

(g) *Matth. Martinus*) Eius *Lexicon* una cum *Cadmo*, quem inscripsit, *Graeco-Phoenice* et aliis rebus cura GRAEVII denuo editum est *Traiecti 1697. fol.* Quae *Amstelod. 1701. fol.* prodiit editio IO. CLERICI *Diff. Etymologica* aucta eadem est, nec novi aliquid habet, praeter novum *titulum*.

(h) *Vossio*) Eius *Etymologicum L. Latinae* quam plurimis ISAACI VOSSII adnotationibus auctum iterum prodiit *Amstelod. 1695. fol.* AEGID. MENAGIVS in *Amoenitatibus Iuris* VOSSIVM passim observat multa MARTINIO sublegisse. PAVL. COLOMESIVS vero *Animadv. ad Gyraldum de Pöetis* varios eius errores in hoc *Etymologico* admissos erudite notavit. Conf. *eiusdem Observat. sacrae Opp. p. 596.* vbi non pauca esse iudicat in eo opere, quae miram propterantiam arguunt.

Lexicon Etymologicum scripsit, quod post mortem eius editum est, in quo multa cum Martinianis illis *ἀπολεξῆς* conveniunt, maiori tamen iudicio congesta. Diu liber ille ineditus haesit inter manus bibliopolae, litem movente altero illo bibliopola, qui MARTINII lexicon impresserat. Divenditis tandem MARTINII exemplaribus, VOSSII *lexicon* in lucem prodiit, cui praemittitur utilissima tractatio de *literarum permutatione*.

§. VII.

Non solum VOSSIVS, sed et multi alii in Etymologiis tradendis saepe hallucinantur: quod fit ob defectum notitiae linguae antiquissimae Latinae, e qua successu temporis, primis illis vocibus abolitis, aliae voces ortae sunt. Nam quanquam EILH. LVBINVS et post illum JAN. GVIL. LAVREMBERGIVS plenius et accuratius, in *Lexicis* suis *Antiquariis* antiquas voces explicuerint, pars tamen earum multo maxima iniuria temporum est perditæ.

§. VIII.

Ad originem vocum si respicitur, pravae illarum significationes saepe emendari possunt et vera vocum acceptio restitui.

(i) Ita

(i) Ita vox *Indigetare* vulgo pro *nominare* five *indicare* accipitur, cum plane alia sit eius vocis acceptio. Est enim vox sacra a Diis Indigetibus petita, quos *indigetare* dicimus, cum illos invocamus. Qui aliter utuntur ea voce etiam viri docti interdum, sensum vocis *ostendere* huic voci imponunt, quasi sit a digito derivatum, unde *indigetare* sit quasi *digitum intendere*. Ita vox *camera* non significat quodlibet conclave aut cubile, sed fornicem, ein Gewölbe. Est enim a voce *Camurus*, a, um, quod idem est, quod incurvatus, unde *Camura* dicuntur *cornua curva*.

§. IX.

Diligenter itaque ad origines vocum respiciendum est, non quidem primas illas et absconditas, quae raro a viris eruditis e primis illis sedibus suis eruuntur, sed ad illas vulgares et obvias, quarum derivatio certa est et unde vis aliqua significationis primaevae deduci potest.

§. X.

Quod ut eo accuratius indagemus, suaserim ego, indicem esse conficiendum et

D 4

velut

(i) Ita vox *indigetare*) vid. VOSSIUS de vitiis Latini sermonis Lib. I. c. XXXIV. et IO. VORSTIUS de Latinitate merito suspecta cap. XVI. p. m. 139.

velut *λεξιων* aliquod earum vocum, quae significationem a radicibus suis acceptam retinent, vel eam mutant et in novam aliquam significationem transformant.

CAPVT V.

*De Proprietate vocum
ex usu aestimanda.*

§. I.

Quoniam vocum ex etymologia consideratarum non est perpetua ratio, sed significationes earum ex usu populi vehementer variant, ideo *ad usum vocum et phrasum* prae ceteris respiciendum est. Usus enim in omni re maximus magister est, legesque ipsis etiam Grammaticis imponit, vetera tollit, nova inducit, singulis suam quasi formam circumponit. Unde fit ut pene singulis seculis novus sit linguae habitus, (k) quae
ubi

(k) *Quae ubi ad summum pervenit*) Quid factum sit et linguis plurimis contigerit, hic auctor enarrat, non quid necessario fieri debeat, exponit. Novimus cecidisse Romanam, Graecam, alias linguas, postquam ad summum pervenissent elegantiae gradum: sed id casu factum est. Neque enim ego quid causae sit intelligo, quare linguae, ubi supremum decus attigerint, nisi peregrinae quaedam causae

ubi ad summum pervenit, quod ex elegantia sermonis cognoscitur, iterum retro sublapsa refertur et vel commercio peregrinarum gentium depravatur, vel vitiosis et tumidis metaphoris morbum quasi hydropicum quandam contrahit.

§. II.

Ufus ille vocum et phrasium in lingua Latina non dependet ex ratione loquendi, quæ apud infimam plebem regnat. Nunquam enim in gente etiam cultissima plebs adeo erudita est, ut delectum instituere vocum norit. Quare et ipsius CICERONIS et AVGVSTI tempore rusticae quaedam voces et phrasæ fuere, nunquam viris elegantioribus usurpatae. Etsi tamen et hæc interdum in familiari sermone summis in re publica viris in usu fuere, quod exemplo AVGVSTI ostendit SVETONIUS in eius vita, ubi varias ille voces et phrasæ adducit, quibus usus AVGVSTVS fuit, ut *lachanissare*, *vapide sese habere*, *pulleiaceus* pro *pullus*. Ac verisimile est, pluribus usum fuisse, quas non adduxit SVETONIUS. Vnde hoc con-

D 5

fici-

sa: accesserint, diu florere nequeant, sed relabi ad veteres sordes debeant. Id vero usu constat et experientia, quod cultores linguae alicuius postremo ad inanes subtilitates et ineptias descendant, quibus vera facile caret eloquentia.

ficitur, fuisse etiam illo tempore plebeias voces, quibus usi fuere, rustici, opifices, servi, alique sordidi homines, quas reiecere viri elegantes et oratores, etsi fortassis ipsi in quotidiano sermone illis uterentur, quod fecit ipse AVGVSTVS. Superfunt hinc tot voces Latinae nostris auribus insuetae in Africanis scriptoribus, APVLEIO et aliis, qui non adeo sollicitae voces illas plebeias ab elegantioribus illis distinxerunt. (l) APVLEIVM certe CASP. BARTHIVS ideo magni fecit, quod multae in illo voces reperiantur ipsi Latio vel contemptae, vel neglectae, quae tamen ad integritatem sermonis Latini, si origines linguae respicimus, multum conferunt. Idem ille de Hispanica lingua et Hispanis scriptoribus iudicat: quod iudicium non omnino contemnendum est. (m) Verosimile

(l) *Apuleium certe Barthius*) Laudat BARTHIVS APVLEIVM *Adversarior. Lib. XXIV. c. I. p. 1170. L. VII. c. XII. p. 334.* et alias. Sed et alii scriptorem hunc exquisitis condecorarunt laudibus, quorum suffragia congeffit magnam partem DAVMIVS *de causis amissar. radic. c. XXVII. p. 516.*

(m) *Verosimile enim est*) Forte gentis a cultiori vitae genere remotioris natura et lingua Punica, qua utebantur antea, multum etiam sibi iuris in hanc Africitatem, quam vocant, sibi poscunt.

mile enim est, in Africam, quae inter primas subactas provincias est, transiisse cum plebe militari illam vocum plebeiarum faragine, quae deinde in ipsam linguam Latinam assumpta est a gente illa, cum non essent in illa, qui accurata inter elegantiores et fordidas voces distinguerent.

§. III.

Omnes itaque voces fordidae et technicae, quibus utuntur opifices et plebei, a culta civili oratione reiiciendae sunt, una cum phrasibus apud plebem usitatis. Nam cum rarus illarum in sermone civili usus sit, aliquid sordidi admistum habent. Quare in oratione civili potius generalioribus quibusdam vocibus utitur orator, quam illis ab opificibus inventis. (n) Quis enim in oratione culta Latina vel *Rancilio-*
nis

(n) *Quis enim in oratione*) Ne quae noster hic erudite disputat, perperam accipiantur, cavendum est. Non is hoc sibi vult, abstinendum esse omnino ab artificum vocabulis in lingua Latina. Quis etenim neget, qui aedificium describere vellet aut de architectorum arte ex instituto verba facere, eum vocabulis uti debere arti huic propriis? Sed de culta et civili oratione loquitur, quae ad omnium aures captumque accommodatur. In ea cur eiusmodi vocabula haud facile sint admittenda, haec ratio est praecipua, quod evidentiae
et

nis vel *Buttae* et *Butticelli* et similium rerum mentionem faciat, etiam cum res ipsa efflagitet, quibus tamen Justiniani temporibus usi sunt Romani? Hinc apud rei rusticae scriptores CATONEM, COLV-MELLAM, PALLADIVM, apud VITRVVIVM, architectonicae artis scriptorem tot voces reperiuntur technicae, quas apud CICERONEM, NEPOTEM, CAESAREM, aliosque nunquam invenias vel iis in locis, ubi de re illa loquuntur. Cuius rei exemplum vel lingua Germanica suppeditare possit, in qua nunquam tales voces in usum civilem veniunt.

§. IV.

et perspicuitati obstant, quoniam a vulgari cognitione longius absunt. At hic tamen distinguendum est inter ea vocabula, quae sibi fere solis vendicant artifices, et ea, quae communis usus haud respuit penitus. Rerum nempe, quae conficiuntur ab opificibus, nomina a loquendi consuetudine non nimis remota sunt, at instrumentorum et ipsorum laborum appellationes propriae vulgo ignotae sunt. Sciunt plerique quibus vocabulis designentur partes aedium praecipuae, nesciunt vero, quibus supellex operariorum, qui in illis construendis versantur, nominibus insigniri soleat. Pauci ignorant, quomodo vocanda sint vasa, quae aurificum elaborantur industria, multi vero, quatenam officina eorum vocabula sibi propria habeat, nesciunt.

§. IV.

Ipsae quoque voces technicae phrasaeque aliter efferri solent civili illa, quam vulgari lingua. Vulgaris enim lingua tales voces usurpat, quibus opifices tantum utuntur, quaeque ad omnium notitiam in republica non perveniunt. Rectius itaque tales phrasae e probatis classicisque auctoribus exprimemus, quam ex illis, qui de arte ipsa scripsere. Utemur itaque potius iis phrasibus, e. c. in re agriculturae, quas apud CICERONEM, quam quas apud CATONEM, PALLADIUM, similesque auctores invenimus.

§. V.

Hunc in finem colligendas esse suasurim omnes voces phrasaeque technicas singularum artium e classicis auctoribus, atque ita in unum corpus concinnandas; quod iam dudum suaserunt viri docti et olim molitus est (o) JO. STARCKIUS singulari libro. Propositum sibi hodie id habet VINC. PLACCIUS, qui librum editurus est, cuius titulus: *Encyclopaedia technicarum phrasum* et MARIUS GRAPALDVS iam tum fecit *de arte architectonica, libro de aedibus earumque partibus.*

§. VI.

(o) Starckius) Promisit ille *Technologiam Phrasologicam.*

§. VI.

Notandae prae caeteris sunt illae voces et phrasēs, quae inveniuntur in artibus et scientiis, quarum maior usus est in re publica. Ita omnes illae voces et phrasēs, quae pertinent ad rem Chrematisticam et pecuniariam, ad artem militarem, quae pertinent ad actiones in re publica sacras, legum ferendarum, comitiorum, magistratum creandorum, testamentorum, contractuum, &c. seorsim diligenter notandae sunt. Quoties enim in oratione sermo incidit de talibus argumentis, utendum est vocibus huic rei et huic actioni propriis. Quibus si non uteremur, minus accurate, minusque Latine loqueremur. Quod ut in omnibus linguis, ita et in Latina observari debet. Eius rei praeclarum specimen nobis dedit BARNABAS BRISSONIVS (p) in libro de *formulis et solemnibus populi Romani verbis*.

§. VII.

Ad fordidas etiam et plebeias voces pertinent fordidae metaphorae, quibus plebs uti solet. Quare et hae reiiciendae sunt

(p) In libro de *formulis*) Quem idcirco etiam valde commendat IO. SCHEFFERVS *Libro de stylo cap. XII. §. XII. p. 155.* Conf. MORHO- FIVS ipse *Polyhistoris Tom. I. Lib. IV. cap. IX. p. 829.*

a puro fermone, non tantum quod impurae sint, sed et quod impropriae sint. Plebs enim ad animi sui conceptus voces etiam Metaphoricas rebus imponit, quae si sint vilioris indolis et a rebus fordidis petitae, dedecent orationem cultam et elegantem.

CAPUT VI.

De Nomenclatoribus.

§. I.

USUS vocum in lingua Latina vel ab aliorum, vel nostra observatione pendet. Id quod alii observarunt, primum nobis legi et notari debet, ut ipsi labore notandi et observandi sublevemur, modo securi esse possimus de auctoris solertia et fide.

§. II.

Primi itaque hic nobis occurrunt *Nomenclatores*, id est, ii auctores, qui secundum singulas rerum classes nomina con-gesserunt, quorum auctorum non adeo magnus est numerus, qui hic laudari mereantur. Utinam (q) veterum glossatorum

(q) *Veterum glossatorum*) De glossatoribus et glossariis Latinis et Latino-Græcis erudite com-

rum omnes libri nobis ad manus essent, magnae id nobis utilitati in hoc argumento esset. Fuere enim vel ante ISIDORVM auctores, qui in hoc genere industriam suam probarunt, non tantum simplices voces, sed etiam verba notando; verum iniuria temporis interciderunt. Exigua sunt, quae apud veteres Grammaticos nobis supersunt, et qui e recentioribus Lexica talia scripsere, recentiora illa et barbara veteribus miscuerunt, ut fecit (r) CAROLVS du FRESNE in suo *Glossario*, quae tamen omnino essent distinguenda.

§. III.

commentatus est I. A. FABRICIVS *Bibl. Latinae Lib. IV. cap. VI.*

- (r) *Carolus du Fresne*) In quo multa praeterea desunt vocabula, id quod specimine non vno inter alios ostendit GEORGIUS ROTHIVS. *Notis ad Diploma Ottonis IV. de schola Stadenfi p. 14.* Ipse vero CANGIVS locupletio-rem et emendatorem pollicitus est editionem, teste VIGNEVL de MARVILLE *Mélanges litter. Tom. I. p. 135.* Et fama dudum fuit has emendationes et accessiones una cum ipso *Glossario* Lutetiae editum iri. Multa etiam in hoc notavit *Glossario* HADR, VALESIVS in *Valesianis* p. 208 - 234. qui p. 233. idem fere, quod hic MORHOFIVS, in eo reprehendit. Quamquam levia haec sunt, si ad laboris praestantiam et insignem utilitatem referantur.

§. III.

Nomenclatoris absoluti in Graeca lingua egregium exemplum dedit IVLIVS POL-LVX in illo, ut vocat, *Onomastico*, (s) in quod SIBERI extat commentarius et KOENIGH animadversiones. Rerum ordo in illo accuratus est, ut eam ob causam ipse auctor laudet opus suum. Nolumus hic immorari recensione eorum *Nomenclatorum*, quos in ceteris linguis habemus, Hebraica, Graeca et reliquis exteris: nam in sola Latina lingua nunc occupamur. Habemus FRISCHLINI, ZEHNERI, SIBERI et multos alios, Nomenclatores non Latinos tantum, sed et Graecos, quos in puerorum et iuvenum usum illi auctores scripsere, qui tamen in multis deficiunt.

§. IV.

Omnibus omnino Nomenclatoribus praeferendus est HADRIANVS IVNIVS, (t) qui Nomenclatorem perfectissimum, qualis

(s) *In quod Sibi extat*) Nunc etiam IOACH. KVHNII et LEDERLINI, praestantissimorum virorum, Notae in nova, quam WETSTENIVS curavit, editione.

(t) *Qui Nomenclatorem*) Nomenclatoris huius Historiam nemo diligentius exposuit, quam THOM. CRENIVS *Animadversion. Philol. et Historicar.* P. I. c. III. p. 33. f. Qui et eos nomina-

lis haftenus haberi potest, scripsit et omnes voces secundum seriem rerum eleganter disposuit. De eo ita EDMUND. RICHERIVS in *Obstetrice animorum cap. VI. §. IV.* iudicat: *Nomenclator ille nec laudari satis, nec digne aestimari potest, cum praecipue loco brevissimi optimique commentarii in omnes antiquos auctores esse possit. Quapropter omnes ingenuos adolescentes exhortor et, si aequum est, obsecro, ut se huic auctori totos dedant et consecrent, ex cuius lectione grandem et incomparabilem fructum opportune metent.* Optat vero RICHERIVS, ut CASAVBONVS. aut vir alius aliquis in utraque lingua exercitissimus omnia Graeca et Latina verborum Synonyma iuxta ordinem ab HADR. IVNIO observatum seorsim in lucem emitteret. *Ita enim, inquit, efficeret, ut adolescentes sine ulla prope difficultate linguae utriusque arcana, conceptaque omnium artium vocabula et formulas artificum tenerent.* Verum ita non voces tantum nudaе, sed et phrasae essent consignandae, et perfectum aliquod Lexicon formandum.

§. V.

minavit, quos hic liber reprehensores invenit aut laudatores.

§. V.

Sunt qui varios Nomenclatorum adornandorum modos commentati sunt ; sunt qui varias linguas miscerent , ut fecit IVNIVS in Graeco - Gallica, Italica, Anglica, Germanica. Quod consilium in universali aliquo Nomenclatore non spernendum. Graeca enim Latinis iungenda sunt : ceterae vero linguae, Italica, Gallica, Hispanica, magnam partem a Latina derivantur, Germanica ut notior nobis praesupponenda. Eamque ob causam IVNII Nomenclator eruditis prodest, cum magna diligentia eum confecerit. Teste enim COLOMESIO in *Opusculis* suis saepe ipse se IVNIVS miscuit tabernis ac cauponis, et plebi etiam vilissimae, ut disceret ab illis vera rerum vocabula. Est vero illa opera, qua multae linguae miscentur, utilis potius viris doctis et qui iam aliquos profectus in lingua Latina fecerunt. Pro pueris enim et adolescentibus Nomenclator sufficit unius linguae bene ordinatus, qui contineat voces per notiores linguam vernaculam interpretandas.

§. VI.

In hac Nomenclatorum confectione quidam respiciunt ad faciliorem vocum apprehensionem, quidam ad ordinem rerum,

rum, quidam ad certos locos, quibus uti deinde in excerpendo possint.

§. VII.

Qui ad faciliorem apprehensionem respiciunt, segregant primitivas voces a derivatis et compositis. Primitivae ergo voces primo memoriae infiguntur, quae non adeo multae sunt, inde ponuntur voces derivatae, deinde coniunctae et compositae. Ita fit, ut, voce aliqua audita, ubi primo primitivum innotuerit, derivatorum et coniunctorum significatio per se pateat.

§. VIII.

(u) Illa apprehensio ut eo facilior sit, succurrunt aliqui beneficio mnemonices, quod vel ex imaginibus petitur, (qui tamen modus ut taediosior mihi minus probatur) vel ex alliterationibus ad notiores linguam, ut SCHICKARDVS olim fecit in Hebraica lingua, vel singulari verborum positu et colore, ut fecit SCHAEVIVS in *Nomenclatore* suo, qui masculina nigro colore, foeminina rubro, neutra misto expressit.

§. IX.

(u) *Illam apprehensionem* Consulendum hic erit omnino caput VI. Libri II. Tomi I. *Polyhistoris MORHOFII* p. 366. quod inscriptum est: *De memoriae subsidiis.*

§. IX.

In Derivatis et coniunctis longe expeditiorem viam alii commenti sunt, quando terminationibus vocum et verborum ideam perpetuae alicuius significationis exprimunt, secundum quam facillime vocum significata percipiuntur. Ut itaque cognitis primitivis, derivatorum intelligitur notio; ita statim ex terminatione vocis eius significatio patet: (x) sic e. g. terminatio *dos* et *entos* copiam et plenitudinem significat; terminationes *onia*, *itas*, *udo*, *edo*, *entia*, etc. qualitatem et habitum notant: *or*, *io*, *entum* significant actionem, opus, sive effectum: *ite* et *etum* significant locum etc. quae ratio in omnibus omnino linguis obtinet, Hebraica excepta, quae non multa habet derivata et composita. Fuit qui in Latina lingua tale vocabularium confecit secundum terminationes compositum, IACOB. ENGELBRECHTVS, libello qui inscribitur: *Complementum linguae Latinae*. Idem artificium imitatus est in Graeca lingua et quidem in verbis Novi Testamenti, AN-

E 3

DRE-

(x) *Sic terminatio*) Quantum veritatis et utilitatis haec habeat observatio, viderint illi, quibus linguarum studium in deliciis est. Ego parum abest quin existinem, infinitis exceptionibus eam laborare.

DREAS PAVLI, in libello, qui inscribitur: *Thematalogia N. Testamenti*. Hoc ego inventum credo fuisse BECHERI, qui promiserat, se duabus vel tribus tabulis omnes Latinae linguae voces comprehensurum, effecturumque, ut omnes illas voces, earumque significationes brevi temporis spatio puer memoria teneret. Idem fuit forte consilium auctoris illius anonymi Galli, qui in libello, cui titulus; *Grammaire raisonnée*, promisit aliquod *universale Dictionarium*, quo omnes cuiuscunque linguae voces, earumque significationes possent comprehendi.

§. X.

Ordo rerum in *Nomenclatore* certas ob causas observari quoque meretur. Ille enim ad usus varios in ipso Rhetorico artificio inservire potest, cum prior illa vocabulorum series soli memoriae in faciliiori eorum apprehensione serviat. Proderit ille labor pueris et tyronibus, hic vero adultis et qui iam ad usum applicaturi sunt quae didicerunt. Quanquam forte consultius futurum sit, si, omissa illa priori methodo, statim ad illam methodum, quae per ordinem rerum procedit, transitus fiat.

(y) Etsi enim forte memoriam prior ille labor

(y) *Etsi enim forte*) Facile concesserim, hanc viam

labor iuvat, alter tamen ad intellectum et iudicium perficiendum magis proderit, quod simplici illa via quasi aliud agendo obtinetur, sine operosa exercitatione ingenii. Quum enim Philosophia tota nostra nihil aliud sit, quam scire ea, quae infunt et adfunt rebus, puer sola nomenclatura eo adiget, ut uno complexu comprehendat et uno instituto perlustret illa, quae sunt rerum singularum partes, cognata et adiuncta, quod progressu temporis magno fane commodo iuventuti erit. Et erat hoc COMENII consilium in sua *Janua* et *Vestibulo*; SCIOPII in suo *Mercurio quadrilingui*, ut iuventutem per enuntiationes certas, subiecto et praedicato inter se connexo, naturam rerum doceret. Quod inventum etsi non spernendum, consultius tamen ego existimo, si voces per se ponantur citra talem connectionem, cum per illam structurae ineptae et vulgari adfuescant pueri, verba autem

E 4

et

viam vtiliorem fore, si magister adsit non ineptus, nec ipse puer obtusiori sit ingenio. Venunc sunt hominum plerique, qui primae puerorum institutioni praeficiuntur, puerique, quibus linguae Latinae rudimenta instillantur, priorem ego rationem generatim, quia memoriam subleuat, magis profuturam arbitror.

et voces iunctae illam connexionem, quae in illis est, vel sine hoc adminiculo insinuent. Ille ordo rerum quibusdam rudis est, neque ad minima, neque ad illa, quae quomodocunque sunt connexa, descendit: quo plerique nomenclatores et ipse IVNIVS utitur, qui in nominibus solis subsistunt. Sed sunt alii, qui, hoc ordine rerum reiecto, locis quibusdam communibus utuntur, eoque non nomina tantum, sed et verba et particulas referunt, cognata, affinia, adiuncta, repugnantia simul congerendo, ut ita puer totam linguam per locos illos discat, memoriaque omnia comprehendat. Quo id efficiet, ut, mentione alicuius verbi generalis facta, statim ultro occurrant, quae insunt et adsint rebus omnibus, unde non solum ducuntur amplificandi modi, sed ipsa argumenta et enthymemata: nihil enim aliud argumenta tam probantia, quam amplificantia sunt; quam illa, quae rebus insunt, adsunt, et quae illas consequuntur. Neque ipse ARISTOTELES enthymematicam orationem aliter definiit, quam ubi plurima, quae rebus insunt, dicuntur. Obtineri ergo statim in principio potest hoc, ut puer discat enthymematicus fieri per solam nomenclaturam. Quod profecto non leve est ad omnem eloquentiam subsidium
et

et plura sub recessu condit, quam quis crediderit.

§. XI.

Superiori saeculo sequutus fuit hoc consilium STVRMIVS, maximus Germaniae nostrae Rhetor, qui totam linguam Latinam in LXXVI. locos dispescuit. Explicatius illud proposuit et in effectum deduxit IOAN. BENZIVS, STVRMIJ discipulus, qui in utraque lingua Graeca et Latina *Sciagraphiam* talis operis dedit, postquam STVRMIVS in (z) libro *de resolvenda Latina lingua* uno alteroque exemplo praxin eius ostenderat. (a) Et STVRMIVS quidem his locis ita uti volebat tyronem,

(z) *Libro de resolvenda* vid. idem *Libro de amissa ratione dicendi Lib. I. cap. XI.* IO. BENZIVS primo ipsos locos seu nudam locorum dispositionem in usum eorum, qui excerpta vellent colligere, edidit *Argentor. 1588. in 12.* Postea prodiit, tamquam maioris operis specimen, *Compendium eius Thesauri latinitatis purae. Argentor. 1596. 8.* In Graeca lingua extat eius *Thesaurus elocutionis Oratoriae Graeco-Latinus Basil. 1581. fol.* eadem ratione digestus. Commendat hanc viam multis etiam MORHOFIVS *Polyhistoris Tom. I. Lib. III. cap. II. p. 565. f.*

(a) *Et Sturmius quidem*) Praecipuam rationis huius utilitatem in eo collocant, qui eam commendant, quod doceat eius cultores de qua-

ronem, ut non tantum ad nomenclaturam inservirent pueris, sed et ad styli elegantiam et copiam dictionis adultis, ad ipsam rerum scientiam viris. Quam ob causam postea

cumque re differere. Ita vero illi sibi fingunt oratores rerum expertes et cognitione disciplinarum destitutos, nec ad veram eloquentiam, verum ad loquacitatem quendam, nervis destitutam, hac via ducere volunt. Quidnam enim, quaeso, ponderis et momenti oratio potest habere, quam homo scientia vacuus ex formularum et verborum collectione quadam ad certos locos communes digesta composuit? verba aures afficient: animus auditoris haud commovebitur. Veterum Sophistarum hoc erat artificium, ut iuvenes de quacumque re verba facere docerent, etiamsi eam haud intelligerent. vid. ARISTOTELES *de argumentis Sophistarum Lib. I. cap. II.* Ategorum praetulerim opinionem, quam praestantissimi quivis sequenti sunt, qui oratorem rerum ipsarum cognitione instructum esse debere praeceperunt. Talis vero, etiam sine *Locis* eiusmodi, dicendorum inveniet materiam et apte, commode, ornatèque disseret. *Est*, inquit CICERO *de oratore Lib. I. c. V. p. 82. scientia* (oratori) *comprehendenda rerum plurimarum, sine qua verborum volubilitas inanis atque irridenda est.* Conferantur QUINTILIANVS *Instit. Rhetor. Lib. II. cap. XXI. p. 139. Auctor Dialogi de causis corruptae eloquentiae p. m. 656. ad calcein TACITI, HORATIVS Artis Poëtic. v. 315. alii.* Sed id sibi volunt mul-

postea IO. BENZIVS locos illos communes generaliores in specialiores titulos dispescuit, ut ad colligendas sententias exempla quacumque in scientia inservirent. Et usus est postea eadem methodo (b) IOS. LANGIVS in *Adagiis Erasmi* concinnandis.

§. XII.

Quocumque modo Nomenclatores adornati fuerint, id in primis videndum est, ut non quaelibet voces congerantur, Latinae, purae, barbarae et novae. Qui enim omnia illa miscent, turbant iuventutem, quae omnia promiscue et sine delectu accipit et in usum transfert. Vnde postea luttulenta fit oratio, cum voces minus propriae propriis et puris miscentur, quod omnino vitandum est. Quam ob causam neque COMENII scholastici labores, neque BECHERI *Nomenclator* ad usus scholae

multa, quae saepius magnopere laudantur, artificia Rhetorica, ut homines a rerum omnium cognitione relictī tamen, quod dicant, reperiant. Atque utinam civilis eloquentiae limites non migrasset, nec in sanctiorem eloquentiam transiisset perversa haec et perniciofa ratio!

(b) *ios. Langius*) Ille *Erasmi* adagia et alias sententias veterum, quae proverbiorum loco sunt, hac ratione dispositas edidit *Argentor. 1596. in 8.*

lae adhibendus est, cum multae voces, phrasaeque sordidae illic misceantur. Laudanda ergo est industria (c) CHRISTOPH. CELLARII, qui *Latinitatis probae et exercitae librum memorialem* scripsit in puerorum usum, secundum voces primitivas et derivatas dispositum, quorum refert nullas, nisi Latinas purasque, voces et phrasas. Consulere ille tantum memoriae puerorum voluit et recte cavit, ne memoriae imprimerentur statim cum prima informatione barbarae voces. Quare et illa omisit, quae vel technica sunt et raro occurrunt in oratione civili, instrumenta variarum artium, ab usu remotam animalium pisciumque nomenclaturam, et illa tantum posuit, quae essent civilis et quotidiani usus. Cetera enim si forte occurrant in oratione, ut raro occurrunt, evolvi in *Nomenclatore IVNII* vel aliis Lexicis possunt. Nam de illis puer et eloquentiae tyro non admodum sol-

(c) *Christoph. Cellarii*) Quum omnes merita huius viri in Romanum sermonem sciant, nec quisquam facile utilitatem et Historiam libri, quem hic auctor merito laudat, ignoret, supervacaneum duxi aliquid addere. Similiter sequentem §. augere nolui. Liber conscribendus esset illi, qui hoc argumentum ex instituto enarrare vellet. Mitto alienum illud esse ab eo, quod sibi in primis auctor proposuit.

sollicitus esse debet, satisque linguae Latinae peritus erit, etsi non omnia artium mechanicarum vocabula, omnesque animalium species suo nomine appellare novit. Vix enim vel ipsa lingua Latina florente cives Romani fuerunt, ut neque nunc in Germania Germani sunt, qui omnium rerum Nomenclaturam accurate norunt. Potior ergo illorum, quae in vita civili, in actionibus, in commerciis hominum occurrunt, cura habenda. Et ad illa respicit quoque BENZIVS, qui magna diligentia, magnoque iudicio in his puras voces et phrasas collegit, earumque Synonyma, reliqua vero tantum recensuit, quae ita nude posita sine ulla phraseologia per se ostendunt, vel nullum, vel rarum earum usum in civili oratione esse.

§. XIII.

Nomenclatorum non in Latina tantum, sed in variis linguis magnus est numerus. Ita habemus *Nomenclatorem Biblicum Hebraeo-Latinum* ANTON. HVLSII. DAVID COHEN DE LARA promisit *Nomenclatorem Rabbinicum*, cui titulus: *Beth David*, NATHAN. DVEZ extat *Nomenclatura quatuor linguarum*, Gallicae, Italicae, Latinae, Germanicae. IO. MICHAEL MOSCHOROSCH scripsit *Technologiam Gallico-Germanicam*, quam IO. CASP. HER-

HERMANNVS adauxit. *Nomenclatorem Latino-Danicum* in duas nominum ac verborum partes divisum, elegantem sane et doctum, STEPHANVS IO. STEPHANIVS in usum scholarum Daniae et Norvagiae concinnavit. *Nomenclatorem Latino-Svecicum* HENR. KAISER conscripsit. Quatuor Europaei orbis idiomata, scilicet Latinum, Svecicum; Germanicum et Venedicum sive Finnoticum ERICVS SCHROEDERVS, Vpsalienſis, *Nomenclatore Latino-Scandico* proposuit. Ita sunt *Nomenclatores linguae Georgicae, Epiroticae*, qui in usum Collegii de propaganda fide editi sunt autore FRANC. BLANCHO. RAYMVNDVS BRETHONVS *Nomenclatorem Caraibo-Gallicum* scripsit ad melius intelligendam Caraiborum linguam. *Linguae Japonicae Nomenclator* a quodam DIDACO COLLADAS, Praedicatorum ordinis, scriptus est. Sed illi non sunt huius loci, quo tantum de lingua Latina solliciti sumus.

CAPVT VII.

*De Lexicorum et Indicum
scriptoribus.*

§. I.

A Nomenclatoribus ad *Lexica* et *Lexicos* scriptores venimus, qui a Nomenclatoribus non differunt, nisi quod maiori cura et sollicitudine vocabula Latinae linguae tractent. Nomenclatores enim in nuda nominum recensione subsistunt sine operosa auctorum citatione. *Lexica* vero plenius omnes voces et phrasas cum exemplis additis proponunt et differunt a *Glossariis*, quod *Glossaria* voces etiam promiscuas, puras, impuras, obsoletas, novas consignent, verbisque alterius linguae notioris explicent. Talia habemus *Glossaria Graeco-Latina* satis vetusta: habemus etiam *Latino-Teutonica* et *Teutonico-Latina* tempore Caroli M. vel proxime post scripta, quorum usus non tam in Latina Lingua, quam in Germanica non contemnendus est. Est et in Bibliotheca (d) Academiae nostrae recentius *Glossarium*

(d) *Academiae nostrae*) Kiloniensis, in qua vixisse notum est MORHOFIVM. Vir illustris, GOD. GVIL. LEIBNITIVS, quo nemo harum rerum aetate nostra fuit peritior, non mediocre

sarium Teutonico-Latinum, quod inscribitur Teutonista sive der *Deutschländer*, a Cancellario Clivenfi, GERHARDO de SCHVREN, scriptum.

§. II.

(e) Perfectum et absolutum in Latina lingua *Lexicon* hactenus non habemus. Felicior ea in parte Graeca lingua est. Est enim HENR. STEPHANI *Thesauro Graecae linguae* nihil perfectius, qui quatuor vel quinque Tomis prodiit, magna cura et diligentia congestus, et postea a SCAPVLA in novum ordinem recoctus, cum magno auctoris detrimento. (f) Desiderat tamen in

cre huic *Glossario* statuebat pretium: id quod V. C. SEB. KORTHOLTVM, amicum nostrum, mihi narrare memini. Ceterum *Lexica* a *Nomenclatoribus* in eo etiam differunt, quod illa ad ordinem litterarum semper sint congesta, hi vero non semper.

(e) *Perfectum et absolutum*) De lexicis generatim multa collegerunt IO. MOELLERVS in limine libri, quem *Homonymoscopiam* inscripsit et vir doctissimus, TOB. ECKHARDVS in *Praef. Technicae sacrae, Quedlinb. 1716. in 4. editae*. Conferendus etiam omnino ipse erit MORHOFIVS in *Polyhistore Tom. II. Libro IV. cuius c. IX. p. 820. de Lexicis Latinis* commentatur.

(f) *Desiderat tamen in illo*) Egregium licet opus sit *Thesaurus* STEPHANI, paullum tamen viri

in illo STEPHANI *Thesauro* multa IO. CONR. DIETERICVS, Professor Giesfensis, in *Chrestomathia Graeca*, tibi promittit.

viri Graece doctissimi variis eum maculis et naevis laborare, neque pro perfecto haberi posse, docuerunt. Audiamus ex multis eruditissimi viri, IO HENR. MAIL, filii, verba ex *Notis ad Orat. Basilii M. de legendis Graecorum libris* p. 69: *Quod bona lectoris venia fiat, ex occasione Stephani thesaurum et emendabimus et augebimus. Stephani, inquires, thesaurum, quo nihil absolutius vidit Hellas? Scio multos dari, qui et illius et reliquorum Lexicographorum decreta, ut τερμῶν ἱσαὶ observant: nobis vero aliam dedit mentem Deus O. M. Notavimus in thesauro illo multa admodum, aut non ita, ut par erat, aut non plene satis exposita: quin et aliquot concessimus Chiliadar vocabulorum ab eo praetermissorum quibus auctius olim reddere splendidum opus decrevimus. Idem IO. IENSIVS multis monet *Lection. Lucianae Lib. III. cap. I. p. 309. sq.* ubi centum et quinquaginta ex solo LVCIANO vocabula proponit, quae in STEPHANI thesauro frustra quaeruntur. Addidit etiam IO. GRAMMIVS, vir uti omnis eruditionis, ita Graeci sermonis intelligentissimus, ingenioque praeditus peracuto, Graecarum litterarum Professor Hafniae, *Historiae Deorum ex Xenophonte Hafn. 1715. in 4. a se editae, Specimen Supplem. Lexicor. Graecor. ex Xenophonte p. III. - 159.* Hoc viro nemo foret aptior*

F

ad

mittit, se additamenta quaedam ad illum *Theſaurum* non contemnenda divulgaturum. Sed labor ille huius viri morte intercidit. Ceterum in Graeca lingua subsidio sunt varia illa Glossaria, quae nobis supersunt, de quibus lege MAVSSACVM in *Praef. Notarum ad Harpocratonis Lexicon* et BOECLERVM in *Diff. de Lexicis*, tum et CAROL. du FRESNE in *Praefat. Glossarii sui Graeci*.

§. III.

In Latina lingua omnis Lexicographorum cura tumultuaria est. Post veteres enim istos glossatores, PAPIAM vocabulistam, auctorem *Catholici*, NESTOREM *Novariensem*, Gemmam gemmarum WERDENAE, IO. de IANVA, SIMONEM IANVENSEM, primus est, qui Lexicographi Nomen mereatur, NICOL. PEROTTVS, episcopus Sipontinus, cuius opus *Cornu copiae* inscriptum, simul *Commentarium in MARTIALEM* et *Lexicon* exhibet: cuius optima editio *Venetis* prodit 1513. cum quibusdam veteribus Grammati-

ad novam eamque locupletiores STEPHANI editionem adornandam. Mitto alia. De *Lexicis* ceterum *Graecis* omnium eruditissime commendatus est IO. ALB. FABRICIVS et *peculiari Exercitatione* et in *Bibl. Graeca*.

maticis. Hoc Cornu copiae in suos sinus effudit AMBROSIVS comitis de Calepio filius, qui *Lexicon* suum ex illo primum concinnavit, multis virorum doctorum censuris vexatum. Mira tamen huius hominis fortuna fuit, qui, cum nihil de thesauris suis in hunc librum contulerit, toties tamen ille auctus et recoctus fuit, viris doctis passim quaedam de suis adiicientibus, ut CALEPINVS ille cum tot linguarum adiectione magnum in volumen excresceret. Tandem quoque (g) nova eius editio hoc seculo prodit *Lugduni* A. 1647. et novi quidam emendatores in titulo libri laudantur PASSERATIVS et LVDOV. de la CERDA, (h) non quod hi fuerint tales, sed quod typographus eorum nomine in fraudem abusus fuerit.

§. IV.

Tandem quoque hac in parte e STEPHANORVM familia ROBERTVS huius
F 2 defe-

(g) *Nova eius editio*) De qua videatur OLAVS BORRICHIVS *Diff. de Lexicis Latinis et Graecis* §. II. ad calcem cogitat. de aetatibus *linguae Lat.* p. 42. qui eam editionem valde contemnit et multorum naevorum accusat.

(h) *Non quod hi fuerint tales*) Id unde exploratum habuerit, non docet MORHOFIVS. Itaque fidem ei non statim arbitror habendam esse.

defectui in Latina lingua subvenire voluit, qui in lucem edidit *Thesaurum Latinae linguae* tribus in folio tomis. Prodiit vero A. 1543. Mira iste liber fata habuit. Nam velut ad aliquod cadaver vultures convolarunt, qui mira impudentia, auctoris nomine deleta, suum praeposuerunt, quemadmodum Caligula statuis antiquis capita deiecit, suum reposuit. Nam COELIVS CVRIO postea titulo *Fori Romani* edidit et THEODOSIVS TREBELLIVS sub titulo *Promptuarii*, ne apice quidem addito aut immutato. Postea eundem librum PHILIPPVS TYNGHYVS, Florentinus, *Lugduni* evulgavit A. 1573. a NIZOLIO prius emendatus *Venetiis* editum, a se vero multis additamentis locupletatum, quo tamen et ipse alios fallit. Sunt vero multi in hoc opere, etsi omnium hoc perfectissimum, defectus, quos iam tum notavit (i) BORRICHIVS in *Disput. de Lexicorum ieiunitate*. Permotus his defectibus fuit (k) ROBERTVS CONSTANTINVS,

(i) *Borrichius in Disp.*) Nec non in *Appendice de Lexicis Graec. et Latin.* §. III. p. 43. libro de variis linguae Lat. aetatibus subiecta.

(k) *Rob. Constantinus*) De hoc diligentissime omnium egit PETR. DAN. HVETIVS, libro Gallico: *De originibus urbis Cadomi* Cadomenfis enim fuit CONSTANTINVS
Volui

NVS, ut *Supplementum Latinae linguae* A. 1573. scriberet, quo habentur illae voces, quae tum in STEPHANO, tum in CALEPINO non occurrunt. Huius ROBERTI STEPHANI *Thesauri* Historiam una cum ceteris, quae ad vitam scriptaque eius reliqua pertinent diligenter congeffit THEOD. IANSONIVS (1) ab ALMELOVEN in libro *de vitis Stephanorum*.

§. V.

Post *Thesaurum* hunc in lucem prodit *Lexicon trilingue*, cum additamentis FRISSII A. 1612. publicatum *Argentorati*: quod *trilingue* ideo dicitur; quoniam Latinam, Graecam, et Germanicam linguam iungit. Lexicon hoc STVRMII consilio e ROB. STEPHANI *Thesauro* contractum est, ita tamen, ut phraseologia integra sit, qua praecipue commendari ROB. STEPHANI *Thesaurus* debet. Etsi enim ROB. STE-

F 3

PHA-

Voluit et ANDR. BORRICHIVS, ut ipsemet testatur *Praef. Append. ad curas poster. Cellarii*, collectionem edere omnium vocabulorum Latinorum aureae, argenteae et aeneae aetatis, quae in *Foro Romano* non extant.

(1) *Ab Almelovent*) Et postea MICH. MATTAI-RE in *Historia Stephanorum*. ALMELOVENII liber hodie rarior est et pretio haud exiguo in *Batavia* venditur.

PHANVS ipse *Compendium Thesauri* sui scripsit lingua Latina et Gallica, tamen phra-seologia illa, qua potissimum Thesaurus ille excellit, omittitur. In illo vero FRISII *Lexico trilingui* phra-seologia, quoad fieri potest, integra retinetur, adiecta interpretatione Germanica. Aliud quoque *Lexicon*, quod *Basileense* dicitur, LVDOV. LVCHII opera collectum et ex illo ROB. STEPHANI *Thesauro* congestum est duobus Tomis: quorum primus habet NIZOLII *Lexicon Ciceronianum*, alter vero congestus est e ceteris auctoribus classicis et ex illo *Thesauro* depromptus. Haec duo *Lexica* post ROB. STEPHANVM ceteris sunt praeferenda. Phra-seologia enim in illis uberior est, quam in ceteris, quae potissimum ad *Lexici* perfectionem pertinet. Nam quod ad *Nomenclaturam* attinet, ea in *Lexicis* post illa tempora evulgatis uberior est. Phra-seologiam ex hoc *Foro Romano* congefferunt IOSAEVS et WENDELINVS in *Medulla Latinitatis*, addita Germanica interpretatione et Germanico indice in usum incipientium. Qui liber ideo laudari meretur, quod copiam phrasium congestam sub verbis habeat. Etsi illae non sunt selectae et autorum appositione notatae, quod tamen praecipue fieri debebat et abstracte ita formentur, non integris

regris sententiis adductis, quod itidem fieri debebat, cum de phrasi iudicium ferri non possit, nisi ex appositione subiecti et sententia integre percepta.

§. VI.

Prodiit quidem post *trilingue* illud *Lexicon* et LVDOVICI LVCII *Basileense*, HENR. DECIMATORIS *Thesaurus*, sed longe post priores illos ponendus. (m) Multi enim in illo thesauro sunt carbones, lutulenta et sordida multa, quorum lectio officiet puritati linguae Latinae. Multae sunt in SIBERI, Professoris Wittebergensis, opusculis epistolae, quae hunc DECIMATOREM graphice depingunt, eiusque barbarissimos et ineptam phraseologiam ob oculos ponunt. Queritur enim vir ille doctissimus, pessimo consilio scholarum informationi adhiberi hunc DECIMATOREM, ex quo etiam epitome quaedam sub nomine *sylvae* prodiit.

§. VII.

Fuere et alii, qui haec ROB. STEPHANI vineta caedere deprehensi sunt, et transmutato habitu libros *Lexicos* dedere.

F 4

(n) In-

(m) *Multi enim*) At BORRICHIVS tamen de *Lexicis Graec. et Lat.* §. IV. p. 46. non uno nomine DECIMATORIS *Thesaurum* commendat et ERISII *Lexico* praefert.

(n) Inter quos notatur STEPH. DOLETVS, qui sub titulo *Commentariorum linguae Latinae* duos domos publicavit in folio. Silvam ille omnem verborum et phrasium e STEPHANI *Thesauro* congeffit, sed quae illic inter se confusa erant meliori ordine digessit, propria seiungens a translatis, significationesque varias, coniunctiones verborum cum subiectis, cum particulis seorsim posuit, ut ita videretur alius et recens labor, qui tamen idem esset. Facillimum enim erat, quae ROB. STEPHANVS congefferat locis separatis, ponere. Tertium ille Tomum addere voluit, sed intervenit fatum viri, vivicomburio ob prioris religionis professionem affecti. Non tamen inutilis est liber et ob ordinem illum laudandus.

§. VIII.

Prodiit deinde BASILII FABRI, Sorani, *Thesaurus eruditionis Scholasticae*, ab auctore post triginta sex annorum in docendo labores *Ersurdiae* 1571. editus et postea ab AVG. BVCHNERO recognitus, multisque accessionibus locupletatus, *Lipsiae-que*

(n) Inter quos. - Doletus) Evolvendi hic crunt IAC. THOMASIVS de plagio litterario §. 409. sq. et PETR. BAYLIVS *Dictionnaire Tom. II. voce Dolet* Not. B. p. 1011.

que A. 1655. editus. Qui liber ideo laudari meretur, quod linguam Latinam ad primitiva sua reduxerit, derivatas et compositas voces primitivis suis subiiciens. BVCHNERI quoque non contemnendus labor accessit, qui multas observationes singulares Philologicas adiecit. Phrasologia vero non tam locuples illic est, quam in *Foro Romano*. Quanquam autor ipse BASILIVS diligens fuerit in observationibus ex autoribus classicis instituendis, ut videre licet ex illis observationum locis, quos e CICERONIS epistolis familiaribus collegit, *Lipsiae 1576. in 8. editis* et ex eiusdem libello de *Synonymia Terentii Lips. 1562. in 8. edito*. (o) Idem *Thesaurus FABRI* po-

F 5

stea

(o) Idem *Thesaurus*) Quum noti sint CELLA-
RH, STVBELII, FALSTERI et aliorum
virosum eruditorum in Thesauro hoc FABRI
expoliando, emendando et locupletando labo-
res, nihil addo, praeter id unum, florentissimi
ingenii, nec vulgaris doctrinae virum, IO.
MATTH. GESNERVM in eo versari, ut
observationibus curisque suis ditiozem eum
denuo emittat. An vera sint, quae THOM.
CRENIVS *Exercit. III. de libris scriptor.*
optimis, et utilissimis p. 43. monet; Fabri Le-
xico diffidas in quantitativis, ut hac parte
Thesauro Decimatoris inferiori longe; id
illi dispiciant, quibus otium est et harum re-
rum peritia.

stea editus est curante IAC. THOMASIO et novissime cura CHRIST. CELLARII, qui et indicem phraseologicum subiecit. Sed parum accessit per industriam CELLARII: nam ea tantum quae in *Anti Barbaro suo* et in *Curis posterioribus* observaverat, adiecit, ut itaque gloria *Foro Romano* salva maneat. Nam certe phraseologia locupletissimum illud haecenus Lexicon est prae ceteris omnibus. Negari tamen non potest, Nomenclatura interdum deficere omnes quotquot sunt Lexicographos, et ea parte superari a (p) GEORGIO MATTH. KOENIGIO in *Gazophylacio Latinitatis*, quod nunc post omnes prodiit multis vocibus locupletatum, quae in ceteris illis frustra quaeruntur. Multa enim huic Lexico accesserunt e communicatione CHRIST. DAVMII, viri in his rebus exercitissimi, qui vastos libros Lexicos omnium vocum Latinarum etiam barbararum et sequioris aetatis congregavit, nondum editos, et fortasse nunquam edendos.

§. IX.

In his substitit haecenus cura Lexicographiae

(p) *Georg. Matth. Königio*) Huic laboris eius suscipiendi auctor fuit DILHERRVS, adiutores DAVMIVS et STYRZELIVS, id quod ipsemet in *Praefat.* nos docet.

phiae Latinae, neque quisquam repertus est, qui verum aliquod et universale Lexicon congerisset. Nam qui praeter hos a nobis enumeratos fuere, ut CORVINVS, WEISIVS, CALVISIVS, compendia tantum scribere et intra vota eruditorum hactenus substitit Lexici universalis Latini labor. Fuit quidem (q) HOFMANNVS, Professor Basileensis, qui *Lexicon* aliquod *universale* edidit, quo continentur Nomenclaturae variarum rerum, vastum satis et copiosum, neque inutile, sed quod ad Latinitatem nihil confert. Congessit ille plurima e Commentariis Philologicis et Criticis, praecipue e SALMASII *Commentario in Solinum*, sed in notandis auctorum locis, unde depromsit sua insidiosae, plane negligens est. Unde incertum est lectori, cui debeantur istae observationes, speciemque illa res habet, quasi HOFMANNI ingenio et labore omnia essent notata, cum tamen ille nil nisi operam collectionis praestiterit.

§. X.

(q) *Hofmannus*) Lexici *Hoffmanniani* Historiam, nec non de auctore eius quaedam scitu iucunda narrat ROVVIERIVS *Voyage du Tour de la France* p. 61. Lexicorum ceterum Latinorum Historiam, quam hic noster dedit, illis relinquo perficiendam, ad quos cura haec in primis pertinet.

§. X.

(r) *Particulatim* Lexicorum laborem susceperere viri eruditi in singulares auctores, qui certe laudandus est, optandumque esset, ut plures huic methodo insisterent, unde spes esse possit *Lexici universalis* concinnandi, si operam hanc per plures divisam unus in ordinem redegerit et ex multis Lexicis particularibus universale aliquod confecerit. Ita ex operibus
CICE-

(r) *Particulatim*) Non leve specimen hic edidit auctor noster accuratae suae et diffusae in omni litterarum genere eruditionis. Virum etenim tot graviorum rerum meditationibus deditum quis credidisset tam diligenter indices in auctores evoluisse, ut de singulis solide et erudite sententiam posset dicere? Monuit et quaedam non prorsus spernenda de Indicum scriptoribus universe BALTH. SCHEIDIVS in *Praef. Indicis in Herodianum*, qui in *Boecleri* extat auctoris huius editione. Conferri ceterum debent, quae hic congesta sunt, cum illis, quae ad singulos auctores Latinos plerumque etiam de Indicibus in illos notavit vir supra laudes meas positus, IO. ALB. FABRICIVS in *Bibliotheca Latina*. Quae MORHOFIVS affert vel idcirco commendanda sunt, quod iudicium semper de pretio indicis adiunctum habent. In plerosque Latinos auctores BORGESIVS, Gröningensis haud ita pridem Professor, elaboratissimos fertur indices reliquisse.

CICERONIS *Thesaurum* suum congeffit NIZOLIVS non contemnendo labore, etsi non desint in illo, quae censuram mereantur. Nam HENR. STEPHANI singularibus libris, quos (s) *Pseudo-Ciceronem* sive *Nizolio-Didascalum* sive *Monitorem Ciceronianorum Nizolianorum* inscripsit, eius libri defectus ostendit. Est et (t) *Thesaurus Ciceronianus* ab ANTON. SCHORO editus, post NIZOLIVM quidem scriptus, sed maiori consilio congestus et digestus, etsi alter ille NIZOLII index plenior sit et copiosior multitudine exemplorum. Editio illius melior est, quae cum interpretatione et Germanico indice *Argentorati* prodiit 1597. NIZOLII index postea a SCHORO revisus est et in 4. sub titulo: *Apparatus Latinae linguae* editus, cum adiectione Epithetorum, Antithetorum

(s) *Pseudo-Ciceronem* sive) Duo sunt distincti libri STEPHANI *Pseudo-Cicero* et *Nizolio-didascalus*. Recte observavit FRANC. VAVASSOR *de vi et usu verbor. quorund. Latin. p. 565.* NIZOLIVM falso multa CICERONI tribuere, quae aut numquam ille, aut alio longe sensu usurpavit.

(t) *Thesaurus Ciceronianus*) Eius, libri certe utilissimi, novam nunc et emendatiorem molitur editionem Brëmae, iuvenis ornatissimus GEORG. HENR. RIEBOW.

rum et Synonymorum. Singularium illorum, quae in CICERONE occurrunt, Index aliquis peculiaris extat in FROBENII *Penu. Tulliano*, ex quo apparet, librum, quem STATILIVS olim scripsit, *de singularibus* CICERONIS, vocibus phrasibusque non vulgaris usus fuisse refertum. In PLAVTVM extat *Index* PAREI, sed exiguo iudicio confectus. Fuit enim PAREVS compilerator alienorum laborum, nihilque aliud hic praestitit, quam ut TAVBMANNI *commentarium* exscriberet et in Indicem congereret. Ceteroquin PLAVTI et TERENTII *phraseologiam* BARTHOL. FEIND, Collega scholae Hamburgensis, uno libro congeffit, sub titulo: *Horti Comici*. In TERENTIVM extat *index* KOCKERTI et BÖCLERI sub titulo *Chrestomathiae Terentianae*, quae iungitur *Commentario* eius in TERENTIVM. In CORNELIVM NEPOTEM extat eiusdem BÖCLERI *index*, auctus postea a IOH. VORSTIO et locupletissimus tandem in editione BOSII. In VIRGILIVM indicem habemus luculentissimum NICOL. ERYTHRAEI, sed qui ad Nomenclaturam et phraseologiam non multum confert. Ille enim eo fini Indicem hunc collegit, ut eo facilius sit sententiarum et verborum indagatio. Multiplica-

ta

ta enim sunt multa nomina, multae phras-
es, coniunctiones, quae attendi non me-
rebantur, si solius phraseologiae res acta
fuisset. In LVCRETIVM, cuius venu-
stissima Latinitas est, etsi multae in illo vo-
ces et phrasae occurrunt extra hoc argu-
mentum non bene usurpandae, indicem
scripsit, qui commentarii vice esse possit
OBERTVS GIFANIVS: sed brevior est,
quam ut omnia auctoris huius singularia
exhauriat. Etiam hunc pro more suo
compilavit (u) plagiarius, DANIEL PA-
REVS, cuius extat *Lexicon Lucretianum*,
auctius quidem, quam index ille GIFANII,
sed locis parallelis non necessariis refertus.
Cui enim bono est ex. gr. adeo sollicito no-
tari loca illa, ubi reperitur, *omne, omnem,*
omni, omnes, omnia, omnibus? Addi debe-
bant hic substantiva vel verba, ut ex his iu-
dica-

(u) *Plagiarius Pareus*) Supra etiam furti littera-
rii PAREVM, editorem PLAVTI, postulat
MORHOFIVS. At non idem PAREVS, qui
PLAVTVM edidit, LVCRETIO etiam ma-
nus admovit. DAN. PAREVS LVCRE-
TIVM, PHIL. PAREVS PLAVTVM illu-
stravit. Nescio igitur, an utrumque PAREVM
eius criminis reum censuerit, an vero memo-
riae vitio PHILIPPVM cum DANIELE, qui
multis *plagiarius* audit, confunderit vir do-
ctissimus.

dicari posset de sententia, si fortassis in sententia investiganda aliquis esset sollicitus. Longe sollicitius indicem suum in PROPERTIVM instituit PASSERATIUS, qui praemittitur *Commentario* eius in CATVLLVM, TIBVLLVM, PROPERTIVM. Omnes enim PROPERTII versus ordinavit secundum voces singulas et particulas, ut una interdum sententia sex, septem locis recurrat et quidem integre posita, quod et ad phraseologiam prodest et ad minutissima loca PROPERTII investiganda. Extat quidem et HORATII TVSCANELLAE *index in Catullum, Tibullum, et Propertium* simul iunctos, qui prodiit *Francos. 1621. 8.* sed multum differt ab hoc PASSERATII labore. Est enim imperfectus tum ratione ipsius collectionis, multa enim omittit, quae ponere debuisset, tum ratione vocum positarum. Statim enim ab initio in particulis *A* et *Ab* numero quidem multa apposita sunt, sed de usu illarum particularum nihil constat, nisi loca illa citata cum summo taedio evolveris, quae omnia integre posita sunt in Indice PASSERATII. Similis ille labor mihi videtur ineptae Rabbiorum diligentiae, qui singularum litterarum per totum codicem Ebraeum numerum ineunt. Praeclarus ille erat labor Indicis in omnia OVI-
DII

DII Opera, quem meditatus est M. GEORGIVS MEYWALD, Scholae Lignicensis Con-Rector, cuius ille Prodrumum edidit *Lipsiae 1684. in 8.* Titulus integer libri ita habet: *P. Ovidii Nasonis transformati Prodrumum, hoc est, Indicis, Lexici et Thesauri Ovidiani absolutissimi particula, complectens omnes praepositiones ab auctore dicto usurpatas cum substantivis, ordine Alphabetico sic digestis, aliisque vocabulis additis, ut integrum ubique sensum exhibeat et loca omnia, in quibus occurrit ulla praepositio, monstret.* Addidit praefationem de usu huius indicis, qui se ipsum satis prodit. Neque enim ad invenienda loca OVIDII tantum proderit, sed et carmen aliquod scripturis inserviet mirifice; imitationem enim faciliorem reddit. Ac optandum esset, tales nos habere indices non OVIDII tantum, sed et VIRGILII aliorumque poetarum. In HORATII poemata extat index THOMAE TRETERI *Antwerp. 1575.* editus cum ipsius HORATII poematibus, illiusque paginis applicatus. Hunc postea expolivit DANIEL AVEMANNVS atque ita instituit, ut omnibus HORATII editionibus applicari posset, non paginis, sed ipsis carminum libris et versibus notatis. Prodiit ille sub titulo *Hodegetae Horatiani Brunsu. 1667.* editus. Non

contemnenda opera index ille concinnatus est, satis enim copiosus est, nec male ordinatus. TRETERVS suum indicem, ut in *Praef. ad Lectorem* testatur, ad Lugdunense exemplar, quod apud SEBAST. GRYPHIVM A. 1545. impressum, et de nouo ab eodem A. 1554. editum concinnavit, numerorumque rationem ad illa exemplaria accommodavit. Quare excusat, si qui forte sint in hac editione errores paginarum, cum illa *Antwerpiensis* editio non adeo accurate respondeat editionibus Lugdunensibus. Bene ergo de HORATIO et de hoc indice meritis est AVE-MANNVS, qui ad librorum ordinem et versuum numerum eum Indicem reformavit. Meminit quidem OLAVS BORRICHIVS in *Diff. de Lexicorum Latinor. ieiunitate Indicis alicuius Horatiani*, quem confecerit LEVINVS TORRENTIVS et DE MARES. Verum illi mihi hactenus non visi, neque ego TRETTERIANVM illum eos superare crediderim, adeo locupletem, ut nihil ferme occurrat in omnibus HORATII poematibus, quod eius beneficio indagari non possit. In LIVIVM, cuius opus prolixius est, quam ut perfectus in illud Index conficiatur, nunc tamen habemus *Indicem Freinsheimianum posthumum*, quem ipse moriens heredibus reli-

reliquit una cum integro Livianorum librorum supplemento, a DOVIATIO una cum LIVII opere et supplementis, aliquot Tomis in IV. publicatum. DOVIATIVS illum vehementer commendat, sed quoniam libri pretium ob additionem librorum Livianorum augetur, operae pretium faceret aliquis typographus, si Indicem et supplementa seorsim ederet. Eiusdem FREINSHEMII opera plures sunt indices confecti, ut index in FLORVM, index in CVRTIVM, qui novissima illa editione, quae *Argentor. 1670. in 4.* prodiit, extat quam locupletissimus et eo quidem modo adornatus, ut *Lexici Curtiani* titulum omnino mereatur, et ideam illis dare possit, qui similem operam moliantur. Extat in TACITVM index cura FREINSHEMII confectus, editusque cum ipsius TACITI opere *Argentor. 1664. in 8.* curante MATTH. BERNEGGERO: sed non est ille labor cum ceteris FREINSHEMII indicibus comparandus et longe minore cura confectus. Multa enim sunt in TACITO brevis et argutae dictionis scriptore, quae notari merebantur, et saepe loca TACITI inquirentes index ille destituit. In IVSTINVM BERNEGGERI index laudari potest, etsi non usque adeo

absolutus. IOH. VORSTIVS postea IVSTINVM cum pleniore indice dedit. In PHAEDRI elegantissimas fabulas extat quoque IOH. FREINSHEMII index sic fatis plene instructus et, quod laudari in omnibus Freinsheimianis indicibus debet, obscuriora verba brevibus notulis sunt illustrata. Quam rationem quoque KOCKERTVS in *Indice suo Terentiano* sequitur. In MARTIALEM extat index JOSEPHI LANGII, sed brevis et levi cura confectus. Singulae enim voces plerumque notantur, non iunctae, ut in phraseologiae usum fieri debebat. Singulis enim vocibus tantum positis labor ille relinquitur observatori, ut denuo in ipso libro loca evolvat atque inter se examinet et conferat. Quare praeferrī omnino illi meretur NICOL. PEROTTI *Cornu copiae*, Lexicon scilicet, quod in MARTIALEM scripsit. Extat et BOECLERI index in VELLEJVM PATERCVLVM merito landandus, ut eiusdem viri indices in TERENCEM et NEPOTEM eadem industria, ut indices Freinsheimiani, confecti. Qui praeter hos a nobis memoratos indices scripti sunt, absoluti indicis nomen non merentur, talis scilicet, qui Lexici instar esse possit. Ita extat BALDI VRBINATIS Index in VITRUVIVM sive, ut ille inscribit, *Liber de*

de Vitruvianorum verborum significatione; verum ille non omnem Vitruvianam phraseologiam complectitur, sed illas tantum voces recenset, quae ad architecturam pertinent. Extat et GONSALII de SALAS et BOVRDELOTII *Glossarium* in PETRONIVM; sed imperfecti illi labores, et *Glossarium Bourdelotianum* pauculas tantum voces rariores explicat. THEOD. PVLMANNI in LVCANVM index, PRICAEI in APVLEII *asinum* breviores sunt, quam ut omnia comprehendant. HERMOLAI BARBARI (x) in PLINIVM index ad res potius, quam ad verba pertinet, uti et RHODII in SCRIBONIVM LARGVM. HOLSTII plenior fuit index in CELSI opera et plane ad Latinitatis genium indagandum com-

G 3 posi-

(x) *In Plinium*) Hafniae viros fide dignos et eruditissimos audiui, quum dicerent, OTTON. SPERLINGIVM, notum inter viros litteratos nomen, extremis vitae suae temporibus multum studii et diligentiae in conficiendo *indice Pliniano* consumsisse. Latet iste labor fortassis nunc inter cetera, quae moriens vir doctissimus reliquit, ingenii monumenta in Bibliotheca Regia Hafniensi. Memorat idem SPERLINGIVS in epistola, quam manu exarata servo, parentem suum, Medicum eruditissimum, in PLINIVM commentarios reliquisse.

positus, quem ille, dum viveret, molitus est. Sed in lucem non prodiit iste labor, immortuo scriptis suis auctore, qui non tantum plenum in res Medicas commentarium concepit, sed et omnia huius auctoris Grammatica et Philologica accuratissimo indice congestit. Et sane dignus erat ille auctor accurati commentatoris industria, neque immerito ob cultam Latinitatem *Medicorum Cicero* vocari solet.

§. XI.

Hi sunt, quos meminisse nunc quidem possumus, indices in auctores confecti, quorum aliqui pleni et copiosissimi, aliqui tenues et ieiuni, aliqui non tam ad phraseologiam, quam ad rerum cognitionem instructi et in ipsis verbis et phraseologia exigui usus. Ex his tamen inter se collatis ornari et iuvari posset Lexicographica res. Nam si vel illis, quos prae manibus habemus, uti velimus, apparatus linguae Latinae habituri effemus, modo Lexicon aliquod locuples ad manus fumamus, inque eo illa, quae ex indicibus deficiunt, notemus. Si qui sint, qui Latinae linguae auctores, quorum indices accuratos non habemus, retexere in idoneos indices velint, eo modo, quo suos adornare solet FREINSHEMIVS, et postea operas suas inter se conferrent, spes esset, proditurum tan-

tandem aliquando Lexicon universale linguae Latinae, quod in hunc diem non habemus. Etsi enim *Forum Romanum* ceteris melius et perfectius est, multae tamen in illo sunt lacunae et defectus, quorum aliquod specimen dedit OLAVS BORRICHIVS in *Appendice ad Analecta cogitationum de lingua Latina*, in qua ille pene ad quingentas voces notat in Latinis scriptoribus occurrentes, et quidem in sola littera C. quarum nulla in illo *thesauro* mentio fit. Unde calculus facile iniri potest, quanta vocum seges in ceteris litteris sit, quae ibi non reperiantur. Facile igitur vel ex hoc colligi potest, quanta sit ceterorum Lexicorum ieiunitas, quae ad ROB. STEPHANI copiam non pertingunt, ne quid de oscitantia in colligendis et dignoscendis vocibus dicam, cum non desint, qui sordidas quoque et barbaras voces pro bonis et Latinis obtrudant, inter quos DECIMATOR ille haberi debet, honorificentius a BORRICHIO habitus, quam meretur. De quo post SIBERVM supra nobis citatum recte HENNING WEDEMANNVS in *Libro suo partitionum Tab. XI. p. 224.* *Illam Silvam Decimatoris nunquam natam esse oportuit, aut simulac nata erat, a cantharidibus et papilionibus depastam.* Praerogativa perfectionis Lexi-

G 4

cogra-

cographicae in Graeca lingua HENR. STEPHANO remanet, in cuius *Thesaurus* minimi sunt defectus, BORRICHIO etiam in illa *Appendice ad Analecta* notati. Omituntur enim 1) non pauca 2) multi Graecorum librorum tunc temporis non erant publicati 3) multae significationes vocum notatarum omissae; qua de re BORRICHIVS illic legatur. Ceterum plenissimum esse Graecae linguae Lexicon, etiam Latinae linguae interest. Latina enim lingua plerasque voces et vocum formationes e lingua Graeca accepit, (y) quod quidem veteribus Grammaticis notatum est, nemo tamen plene exsequutus. Moliebatur hoc opere integro (z) ARNOLDVS RHVMANNVS, cui titulum *Romae Atticae* fecerat, sed quod hactenus lucem non vidit, fato iam functo auctore. Opus tamen ipsum perfectum in Dania custodiri

(y) *Quod quidem veteribus Grammat.* vid. COLOMESIVS ad Quintilianum, Opp. p. 359. GELLIVS Noct. Attic. Lib. I. cap. XVIII. p. m. 40. VOSSIVS ad Clenardi Grammat. Graec. p. 7. GATAKERVVS de stylo N. T. Opp. T. I. p. 1. - 4. IO. NIC. FVNCCIUS de origine et pueritia linguae Lat. et alii, quos nunc haud iuvat commemorare.

(z) *Arnold. Rhumannus* vid. de hoc opere BORRICHIVS *Analectis ad cogitat. de lingua Latina*. p. 40.

diri audio, cuius fragmentum prodiit *Hafniae 1679. in 4.* quod *Suburbium Romae* vocat. De litteris enim solis illic agit, reliquas partes huius operis pro ratione montium illorum, quibus Roma superstructa erat, inscripturus. Magnus talis operis usus in etymologia linguae Latinae foret. Promisit et CASP. SVICERVS in *Praefat. Thesauri Ecclesiastici Lexicon maius et minus Graecae linguae*, quorum illud tribus in folio Tomis absolvetur, in quo magnas multasque in Graeca lingua se daturum observationes pollicetur.

§. XII.

Optandum esset, ut in Latina lingua hunc Lexicographicum laborem operis divisus fusciperent viri eruditi: quod nunc postquam multi indices in auctores confecti sunt, facile fieri posset. Profuerunt hi indices multum BORRICHIO in vocibus phrasibusque Latinis adversus VOSSIVM et SCIOPPIVM vindicandis. Quare et ipse hoc consilium suppeditat, ut plenum aliquod Lexicon indicum in auctores vel collectorum vel colligendorum conficiatur: quem laborem etiam nonnemo auctor, qui se (a) PIVM DESIDERIVM

G 5

vocat,

(a) *Pium Desiderium*) Quisnam ille sit, equidem ignoro: neque apud PLACCIVM eius extat memoria.

vocat, suavit. Sed taediosus ille labor est et, e IOSEPHI SCALIGERI iudicio in quodam Epigrammate, omnes *poenarum facies is labor unus habet*, utilitate tamen publica molestiam hanc facile rependeret. Latitat adhuc in Schedis (b) cuiusdam advocati Patavini CASP. SCIOPPII *Mercurius seu Lexicon Latinae linguae ad phraeologiam potissimum concinnatum*, sed hactenus, quod miror, typographum invenire non potuit, qui suis sumptibus in lucem ederet, cum tamen, ut retulerunt, (c) periti eius rei indices, magna diligentia conscriptus ille liber sit. Quanquam, ut ego quidem existimo, plura aliorum industriae SCIOPPIVS debeat, ut (d) cui in more

(b) *Cuiusdam advocati*) IOH. MICH. PIETRVCCII, Professoris Iuris Patavini, ad quem quae reliquit SCIOPPIVS cuncta pervenerunt. IAC. GADDIVS *de Scriptor. non ecclesi.* Tom. I. p. 210. GREG. LETI *Italia regnante P. III. p. 325. sq.* Miror nullam huius libri mentionem fieri in *Indiculo librorum quor. A. 1639. editioni paratos habuit*, qui ab ipso SCIOPPIO confectus in *Monum. Palatinis* extat P. II. p. 424.

(c) *Periti eius rei indices*) MARQV. GVDIVM hoc sibi confirmasse, refert MORHOFIVS *Polyhistoris* Tom. I. Lib. IV. c. IX. p. 825.

(d) *Cui in more positum sit*) Ita commentarios Latini.

more positum fuit aliorum compilare labores, ut in *Grammaticis* FRANC. SANCTII fecit et in phraseologia SCHORI, quem in compendium traxit et sub titulo *observationum* edidit.

§. XIII.

Verum latentes thesauri nihil iuvant: nulla enim in publicum promanat ex iis utilitas. In Lexicographia praeter SCIOPPII laborem restat CHRIST. DAVMII *Lexicographicon* opus vastissimum et quod vix typographum inveniet. Meminit et NICOL. ANTONIVS in *Bibliotheca scriptorum Hispaniae* cuiusdam ANTONII de CIVDAD REAL, qui primum Professore Toleti egit, postmodum in Incantani-

Latinae Linguae, quos promisit absolutissimos, et qui pariter Patavii latere perhibentur, OBERTO GIFANIO furripuisse dicitur. vid. *epistola Parei ad Dan. Tossanum*, in *Monum. Palatin.* T. II. p. 463. vid. et THOMASIVS *de plagio litter.* §. CXLVI. Sed an omnia quae de furtis eius feruntur litterariis firmo nixa sint fundamento, equidem vix ausim dicere. Credo fere, hominem, qui ingentem sibi conflaverat invidiam, fictis quoque criminibus ab adversariis interdum oneratum fuisse. Nondum extat perfecta SCIOPPII vita: quam qui diligenter et accurate in litteras referret, is eximium litterarum studiosis officium praestaret.

tanicam novae Hispaniae provinciam delatus semiseculo fere in ea mansit, qui *Capelinum* sex ingentibus scripserit voluminibus; quorum alterum exemplum adservari in Ducis Infantadensis Bibliotheca Carracensi, alterum in eiusdem urbis Franciscana domo, BERNH. LIZENA in *Historia sacra Incatanica c. XVI.* perhibet. Quid vero de eo iudicandum sit, non constat. Nunquam enim forte in lucem prodibit. (e) Quare vix spes superest, fore, ut plenius aliquod Lexicon latinum lucem videat.

CAPVT VIII.

*De phrasibus earumque selectu
et phraseologicis scriptoribus.*

§. I.

SEiungimus *phrases* et *phraseologicos* *scriptores* a Lexicographis, non quod ad illos non pertineant, sed quod non ea cura, qua par est, Lexicographi in phrasibus notandis versentur: ut itaque auctores

(e) *Quare vix spes*) At si FABRI *Thesaurum* quemadmodum coeperunt, viri eruditi amplificare et emendare pergant, erit aliquando tempus, quo de perfecto Latinae linguae Lexico harum litterarum cultores gaudebunt.

Stores illi, qui phrasas scripsere, seorsim notandi sint.

§. II.

(f) Phraseologici scriptores varia methodo phrasas collegerunt. Sunt qui ordinem subiectorum sequuntur, iisque praedicata sive phrasas subiiciunt, quo modo Lexicographi quoque procedunt. Sunt qui verborum ordinem sequuntur, iisque nomina sive subiecta subiungunt. Sunt qui utrumque modum miscent. Sunt qui phrasas Synonymas sub certis titulis colligunt; quorum singulorum ut diversae rationes sunt; ita diversum quoque usum habent.

§. III.

Inter Phraseologicos scriptores primum tenere locum nobis videtur BARTHOL. RICCIUS, qui *Apparatum latinae locutionis* scripsit eo ordine ac methodo, ut primo verba ponat secundum indicem alphabeticum, illis verbis deinde nomina, cum quibus coniunguntur, subiiciat, et haec quidem etiam ratione Alphabeti. Toti postea libro subiicit indicem nominum, singulisque nominibus verba, remittendo ad paginam.

Hic

(f) *Phraseologici*) Eximiam, nisi fallor, utilitatem hoc caput linguae latinae studiosis afferret; Attigerat tantum hoc argumentum in *Polyhistore* vir egregius.

Hic liber si plenior esset et maiori copia instructus, haberemus profecto opus in hoc genere consummatum; sed pauca sunt quae ex paucis auctoribus ille collegit vir linguae Latinae eiusque proprietatis satis gnarus, ut patet ex eiusdem elegantissimo libello *de imitatione*. Liber ille phraseologicus prima editione prodiit *Argentor. 1535. in 4.* Altera editio prodiit *Coloniae in 8.* cum interpretatione Germanica.

§. IV.

Post RICCIUM nobis memorari debet SCHORVS, RICCIO eam ob causam praeferendus, quod phraseologiam e solo CICERONE selegerit et eam quidem, quae esset optima et rarissima et a vulgari loquendi ratione quam maxime abiret. (g) Hunc ego librum saepius recusum ita com-

(g) *Hunc ego librum*) Pasim hunc eximius laudibus afficere solent librum castae dictionis Latinae amatores. FRANC. VAVASSOR *Observ. de Lingu. Lat. p. 526. librum vocat linguae Latinae tutoribus commendatissimum.* vid. idem *Libro de Epigrammate c. XIV. p. 162.* Idem *Praefationem* huic libro praemissam *de observatione Lat. linguae* non immerito *auream* vocat. Quare optime de hac lingua promeritus est vir doctissimus, qui ante annos aliquot *Tübingae* novam, eamque prioribus multo meliorem editionem SCHORI formis descri-

selecta et phraseologicis scriptoribus. III

commendo iuventuti, ut nunquam e manibus deponant, sed perpetua, quoad eius fieri potest, imitatione exprimant. (h) Eodem consilio CASP. SCIOPPIVS, censor linguae Latinae lynceus et acerrimus, has SCHORI phrasas in epitomen contraxit et sub titulo: *Observationum linguae Latinae Francof. 1609.* edidit. (i) In epistola enim de compendiosa linguae Latinae exactius cognoscendae ratione, ad HENR. BOCKIVM scripta, haec habet: *Comparabit Antonii Schori phrasas linguae Latinae tyro, in iisque ediscendis plurimum studii operueque ponet, phrasasque ex solo Cicerone in librum illum non nisi laudatissimo labore collatas quotidiano exercitio imitabitur, quam ad rem utilissimum foret, si quis typographorum librum illum, ut a me recognitus et ad*

describendam curavit. Conf. CI. KAPPIVS Not. ad VAVASSORIS *Anti-Barbarum* p. 526. 527.

(h) Eodem consilio) Easdem SCHORI phrasas enucleavit M. EMANVEL GVILDNERVS, paedagogii Marpurgensis praeceptor, et germanicam versionem addidit libro, quem inscripsit: *Officina scholastica sive Phraseologia Ciceroniana Latino Germanica. Francof. 1598.* in 8.

(i) In epistola enim) Quae addita est libro eius de arte Critica.

ad optimam brevitatem redactus fuit, evulgaret.

§. V.

Suaferim ego, ut quis in iuventutis usum vel epistolas, vel sermones concinnaret lingua Germanica, quibus continerentur praeceptuae CICERONIS elegantiae; ita statim cum prima aetate puriori sermoni Latino assuescerent, neque illam vulgo usitam stribliginem ex auctoribus non genuinis contraherent.

§. VI.

Huius SCHORI vestigia sequutus videtur GEORG. CRAVSERVS in *Scintillis suis Tullianis*: qui liber *Rudolstadtii 1664. in 8.* prodiit. Selegit ille verba rariora, eorumque usus locis CICERONIS aliorumque auctorum ostendit. In exemplis vero adducendis et ex Graeca et Hebraica quoque lingua illustrandis copiosior est. Ceterum phrasae ipsae, ut puto, omnes apud SCHORVM invenientur. Quare rectius fecerimus, si uni illi inhærentes cetera non nisi illustrationis et exempli gratia adhibeamus.

§. VII.

Scriptit et Aldus MANVTIVS *Phraseologiam*, quae olim in scholas recepta fuit, additis vocibus Germanicis. Quae quidem etsi non omnino contemnenda, est tamen

tamen vel eam ob causam longe minori pretio habenda, quod loca auctorum, unde haec phraseologia deprompta sit, non apponantur: quod certe necessarium est. Multa tamen in commendationem eius dixit vir celeberrimus, JO. CASELIVS, qui librum hunc cum *Praefatione* sua edidit, in qua praefatione multa de phraseologia utilia monita habentur.

§. VIII.

Extant et GODESCHALCI *Observationes Latinae Linguae*, aliquoties editae: quo in libro sub verbis et nominibus sine discrimine phrasae notantur. Non est contemnendus ille liber: collegit enim non pauca e variis auctoribus, locaque auctorum notavit, atque in iis selectum tamen aliquem ostendit.

§. IX.

Sunt et alii quidam auctores phraseologici, ut VLNERVS, BARBAROSSA, alique, qui tamen cum minore industria observata sua collegerunt, aut aliunde transfuserunt, et idcirco ceteris illis, quos memoravimus, postponi debent.

§. X.

Phraseologicis auctoribus annumeres etiam illos, qui certas illas actionum civilium formulas collegerunt, ut fecit BAR-NAB. BRISSONIVS in libro illo *de solemni-*
H

lemnibus populi Romani verbis, in quo collegit omnes illas voces phrasisque, quæ ad actus civiles, quales in societate civili potissimum occurrunt, in re iudiciaria, testamentaria, militari, contractibus, sacris, comitiis etc. De quo iam supra, ubi de proprietate vocum egimus, mentionem fecimus. Referri huc etiam illi debent, qui secundum artes et scientias phrasés congefferunt: quod multi quidem in votis habuere, nemo tamen hactenus præstitit. Solus, IO. STARCKIVS tale quid promisit, quod tamen nunquam lucem vidit. (k) VINC. PLACCIVS, Hamburgensis Gymnasii Professor, molitur *Encyclopaediam phrasologicam*, qua ad omnes scientias et artes referet, quidquid technicarum phrasium occurrit.

§. XI.

Post illam simplicem phraselogiam verborum vel quorumcumque, vel secundum artes dispositorum memorari illi debent, qui *phrasés synonymas* sub titulis verborum com-

(k) *Vinc. Placcius*) Memoratur hæc *Encyclopaedia* inter affecta et inedita, quæ PLACCIVS reliquit, ingenij monumenta a Cel. FABRICIO in *vita* eius, *Theatro Anon. et Pseudon.* præmissa. Unde tamen simul intelligitur, eam non ita esse elaboratam, ut edi queat publice.

communium collegerunt. In quibus recensendis et dignoscendis eo maior cura et industria impendi debet, quo magis ad copiam Latinae linguae auctores illi facem praeferunt. Facile enim quivis intelligit, cum in delectu vocum et phrasium consistat eloquentia, farraginem multarum phrasium idem significantium usui nobis fore in delectu illo instituendo. In iis pauci admodum sunt, qui commendari possunt. Deficit enim hac in parte virorum doctorum industria. Magnus ille ERASMVS ROTERODAMVS, qui huius utilitatem doctrinae vidit, in praecclaro illo *de copia verborum et rerum libro* multa congeffit ad locupletandam orationem non vulgaria neque contemnenda. Sed quoniam omnes oculos non excussit, nullam quoque classicam auctoritatem sequutus est, sed suo tantum genio indulgens multa congeffit, illum ducem eligere non possumus, ut qui in multis ipse deficiat. Quare ii auctores, qui qualemcunque huic argumento industriam admoverunt, in consilium adhibendi sunt. Inter illos, si ordinem spectes, primum locum forsan occupabit PHIL. PAREVS, cuius extat *Calligraphia Romana*, qua continentur phrasae synonymae, e classicis auctoribus sub certis titulis collectae. Verum cum ille auctor, ut e ceteris ipsius scri-

ptis apparet, exigui sit iudicii, ita multa hic temere confudit, ut in vasta illa sylva difficillima sit investigatio phrasium illarum, quae scopo inquirentis inserviunt. Non tamen inutilis ille labor, si accedat utentis iudicium, quemadmodum et ille (1) eiusdem auctoris in graeca lingua et poësi, cui titulus: *Mellificium Atticum*, aliquam utilitatem in Graeco carmine praestare potest.

§. XII.

Suscepit hunc colligendi phrasas laborem, sub titulis communibus BASILIUS FABER, *Soranus*, qui ex epistolis CICERONIS et e TERENTII comœdiis observationes, ut vocat, collegit, quae non sunt contemnendae. Titulus libri est: *Loci observationum atque expositionum indices numerosissimi in Ciceronis epistolas familiares omnes. Lipsiae 1576. in 8. editi.* Alter eius libellus in TERENTIVM inscribitur *de Synonymia Terentii*, Lipsiaeque 1562. editus est.

§. XIII.

Suscepit et IOH. BENTZIVS hunc laborem,

(1) *Eiusdem auctoris*) Fallitur hic memoriae vitio vir egregius. *Mellificium* enim *Atticum* non est eiusdem PAREI, cuius est *Calligraphia Romana*, sed filii eius DANIELIS.

borem, ut universae linguae Latinae sub locis suis congestae phrasae colligeret, ordinem potius sequens generalem rerum per classes suas locatarum, quam ut ipse sententiarum et phrasum genericos conceptus pro titulis poneret. Quod consilium cum a ceteris phraseologicarum collectoribus discrepat, tum hoc utilitatis habet, ut quae sunt de unoquoque subiecto praedicandi rationes, in unam aliquam sylvam redigantur. Huius ergo phraseologiae usus ad Lexicographiam potius pertinet, quam ad collectiones Synonymicas. Nam quanquam hic sunt Loci communes rerum generales, tamen illi potius ordinantur pro rerum connexione, quam ut alicuius conceptus Synonyma suppeditent. Interveniunt et illi quidem loci variationi conceptuum, sed quae instituitur ex connexis, affinibus, et repugnantibus, cum ceteri auctores unius eiusdemque conceptus variationes synonymicas expresserint. Insigniter tamen prodest ille BENZII laborum in Latinis, tum in Graecis: qua de re iam supra quaedam diximus.

§. XIV.

Novissime SCHÖNSLEDERVS in suo, quem vocat, *Apparatu eloquentiae* optimo iudicio phrasae congestit ex antiquis, classicisque scriptoribus sub titulis communibus

H 3

tam

tam materialibus, quam formalibus prout illi commodum visum fuit. *Materiales* titulos voco, qui ratione solius subiecti formantur, *formales* voco, qui ex praedicatis vel e combinatione subiecti et praedicati, generalique ex illis formato conceptu oriuntur. Liber ille utilissimus est, neque hactenus ququam fuit, qui accuratiorem curam huic rei impenderit: etsi non negem multis modis augeri posse ac optem, quosdam laborem hunc in se suscipere velle, qui simili iudicio e bonis auctoribus phrasas colligant. Huic libro subsidio esse poterit alter BENZII, si in titulis, qui illic habentur, cognatis, affinibus et repugnantibus subiiciatur numerus paginarum, ubi in SCHÖNSLEDERI apparatu illi occurrant. Ita et amplificationem, quae ex rebus oritur, et Synonymiam phrasologicam coniunctam habebimus. Ac operae sane pretium esset, si quis SCHÖNSLEDERI *Apparatus* talem indicem realem subiiceret. Ita nunquam destitueremur verborum copia rebus ipsis suffulta: quod mirum in modum prodesse posset ad eloquentiae studium, modo quis recte iudicio iis subsidiis uti norit.

§. XV.

(m) In Graeca lingua iis subsidiis destituimur. Nam paucula tantum sunt illa, quae BENTZIVS huc contulit, et sunt illa Lexicographica ratione scripta: sub titulis conceptuum communium pauca ordinata habemus. Habemus quidem *Calligraphiam* POSSELII, sed brevem admodum et e NEANDRI collectaneis potissimam partem desumptam, cuius extat in ISOCRATEM talis labor, qui sub titulo: *Phraseologiae Isocratis* prodiit *Basileae 1558. in 8.* POSSELII *Calligraphia* *Hanov. 1609. in 8.* exiit, cui facile fuit post NEANDRVM et BENTZIVM phraseologiam hanc colligere: cuius in hoc genere laborem quoque praecessit IACOB. BILLIVS PRVNAEVS, cuius extant *Locutiones graecae in locos communes digestae*, quae *Lugduni 1588. in 8.* prodierunt.

§. XVI.

Haec de phraseologia et phraseologicis auctoribus et de omni illa cura phraseolo-

H 4

gica

(m) In Graeca lingua) Nec ita, quemadmodum Latina lingua, Graecus sermo his subsidiis indiget. Quis enim hodie Graece libros componit aut, si tyrones quosdam excipias, Graecae orationes pronuntiat? Praeclare cum Graecis ageretur litteris, si modo plures intelligentiam earum sibi studerent acquirere?

gica instituenda, quomodo scilicet illa observationum methodus ineunda sit. Plura de his in sequentibus dicemus *capite* scilicet *XI*. Qui alias extant libelli phrasum a quibusdam minutis scriptoribus temere congesti, ii cura et recensione nostra digni non sunt. Vnus forte IOSAEVS, cuius extat *Medulla Latinitatis* non contemnendus in hoc genere scriptor videtur, qui e *Foro Romano* selectiorem phraseologiam sub certis titulis verborum congestit, operam iungente MARCO FRID. WENDELINO, cuius extat *Dissertatio* libro adiuncta, qua ratione quis uti libro hoc possit, et usus fuerit filius suus. Putat enim ille intra exiguum tempus quotidiano exercitio totam ita phraseologiam exhauriri posse exemplo filij sui. Id quidem ego fieri posse non inficias ivero: verum multis illa phraseologia defectibus laborat. Totus ille labor fidei ROB. STEPHANI innititur, cuius saepe diligentia et perspicacitas claudicat. Vfus enim est exemplaribus non optimis et saepe mendosis: miscuit variae aetatis, variique generis auctores et in unum cinnum congestit, ut Lexicographi solent. Inde bona fide excerpsit IOSAEVS omnia, non perlustratis auctorum locis, quod fieri omnino debebat. Phrases abstracto sensu per infinitivos ponuntur, non integris senten-

tentiis, ut iudicium fieri possit ex colloca-
tione et coniunctione subiecti, quomodo
recte phrasibus illis utamur. Nulla aucto-
rum loca et ne nomina quidem adiuncta
sunt. Index tamen Germanicus additus
est plenissimus, qui raro fallit inquirentes.
Verum nisi accedat praeceptoris solertis
industria, arripiet saepe tyro sordes pro ele-
gantiis, cum mala applicatione bonas phra-
ses corrumpit, et non adeo bonae notae
phrases melioribus anteponit. Quare longe
consultius is e principe classicorum scri-
ptorum phrasen suas collegerit. Nam cum
ad classicos auctores multi pertineant poë-
tae, Comoedi, fabularum scriptores, Histo-
rici, singulis vero diversus pro ratione scri-
ptionis character sit, satius erit, illos prima
aetate non miscere, sed vel uni CICERO-
NI et paucis quibusdam aliis, CORNELIO
NEPOTI, TERENCE, inhaerere, quo-
rum Latinitas purissima est, formulae lo-
quendi urbanae, character sermonis mode-
ratus et castigatissimus. Etsi nonnun-
quam etiam in TERENCE quaedam oc-
currunt extra comoediam non facile usur-
panda, ut cum apud illum parasitus loqui-
tur: *Hunc ego deridendum vobis propino*,
non recte imitabuntur hoc alii, si hac phrasi
in re seria utantur, quod tamen quotidie fit
etiam a viris doctissimis. Quare qui phra-
seologiam suam e Comicis congesserunt,

ut fecit BARTHOLDVS FEIND in suo *Horto comico* caute iuventuti sunt ad usum concedendi, neque sine prudenti magistri alicuius directione. Nihil est frequentius, nihil familiarius PLAVTO, quam ludere servilibus argutiis ad captandum populi risum, quod nunquam fieri debet in seria oratione: ne quid dicam de Archaismis et Poëtismis. Etsi enim comoedia quam maxime ad solutum sermonem accedit, est tamen ubi metri ratio phrasin nonnunquam a sua indole abducit, quod ostendi multis exemplis posset, et qui emunctae naris est, facile animadvertet. Poëtae ipsi, ut VIRGILIUS, OVIDIVS, primo illo tempore, cum corpus orationis civilis formatur, seponi debent, ne poëticae phrasēs incautae iuventuti imponant, in soluto sermone locum non invenientes, nisi forte HORATII *sermones* exceperis, quos eam ob causam sermones vocavit, quod ad solutum dicendi genus quam maxime accederent. Pauca in illis occurrunt, quae poëtissimum sapiant, nisi forte quaedam nomina propria aut fabulae, ad quas interdum alludit. Tota eius dictio, si numerum abstuleris, etsi ille vix aliquid numeri poëtici habet, (nam et numerus ille ad solutam orationem accedit) phrasin servat omni loco et tempore quavis in oratione facile usur-

pandam. Mirus enim in illa dictione nit-
tor est, singularis elegantia et το χαραντη-
γισινδὸν circa mores vel e singulis verbis elu-
cet. Huius ergo *sermones* et *TERENTII*
comoedias, si fieri possit, totas memoria pue-
rorum comprehendi suaferim, eritque,
cum viris aliquid dicendum aut scriben-
dum est, ut magno cum fructu illis utan-
tur.

CAPVT IX.

*De verbis et phrasibus civilibus
et formulis Latinae linguae.*

§. I.

CVM supra iam monuerim, esse phra-
ses quasdam et formulas civilis usus
accurate notandas et seimpendas
a communi et populari sermone, iam id
denuo moneo, postquam de phrasibus egi-
mus, ut earum formularum apparatus ma-
ture nobis comparemus. Phrasium civi-
lium apparatus accurate institutum non
habemus, praeter pauculas istas, quas BAR-
NAB. BRISSONIVS in libro supra lauda-
to collegit. Has noscere et sub titulis col-
ligere debemus, quasque ille omisit adlice-
re, non omisis etiam formulis, quas idem
BRISSONIVS cum phrasibus miscuit, qua-
rum eo accuratior suscipi cura debet, cum
ipsos

iplos actus civiles comitari semper soleant. Quae cum in usum adhibentur, de eruditione et peritia scriptoris singulare testimonium perhibent. Etsi enim phraseologia civilis per se quoque singularem aliquam curam requirit, tamen illud formularum negotium praecipue spectandum est. Iis enim in civilibus actibus similibus data occasione commodè et eleganter utemur. Habent enim formulae aliquid typi practici, quod ex ipso genio negotii prodit, et singularem aliquam efficaciam ipsi orationi conciliat.

§. II.

Magna est *phrasium* et *formularum* differentia. *Phrases* enim simpliciter ipsam actionem exprimunt, *formulae* autem typum et modum agendi, suamque ex natura et genio actionis qualitatem et determinationem fortiuntur. Nam cum *phrasis* in simplici Synonymia consistat, *formula* modum aliquem infert, quo actio illa exprimat quocumque in genere. Has *formulas* in sermone civili BARNAB. BRISSONIVS *phrasi* iunxit, quae omnino erant seiungendae, ut eo accuratius earum usus innotesceret.

§. III.

Formulae sunt vel *solemnes* et *publicae*, vel magistratus aut populi auctoritate ita con-

constitutae: a quibus eo minus discedendum est, quo magis publicus ille usus vim suam et auctoritatem consequutus est: ideoque in illis nihil mutandum, sed eae, prout rerum usus flagitat, usurpandae sunt. Alia vero ratio est *formularum*, quae ex *arbitrio dicentis dependent*, et ex typo vel ethico vel pathetico oriuntur. His enim geminis fontibus omnes illae formulae, quarum usus est in oratione, in epistola, in poemate derivantur. Cum enim formulae notent modum actionis, modus vero actionis consistat vel in moribus, vel in affectibus, prout illa vel vehemens, vel remissior est, conficitur inde, duplici illo characterismo omnem quocumque in sermone formulam notari.

§. IV.

Hae formulae seorsim colligendae sunt ex illis praecipue auctoribus, qui typos illos vel morales, vel affectuosos in oratione pro orationis indole sequuntur, quales sunt Oratores moratam, vel affectuosam orationem repraesentantes, comici aut Tragoedi, qui actiones civiles in theatro exponunt, cum omni morum et affectuum apparatu, omnes denique poetae, praecipue Epici, qui actionem aliquam illustrem et heroicam versibus expressere.

§. V.

§. V.

Formulae illae sive in orationibus, sive in epistolis secundum classes causarum ordinari possunt. Nihil enim concipi potest, quod non sub titulos illos vel generales, vel speciales redigi possit. Omnia quaecumque sunt negotia vel sub ratione laudis vel vituperii continentur, vel suadentur, vel accusantur, vel defenduntur. Quare omnes illi termini vel phrasēs generales, quae notionem laudis et vituperii, suasionis vel dissuasionis, accusationis vel defensionis continent, formularum titulum repraesentabunt. Formula enim omnis brevis est oratio cum enthymemate, et omne enthymema ad aliquos locos ex iis pertinet; unde patet, ad nullos alios locos formulas, quam ad hos, referri debere.

§. VI.

(n) Ergo pro ratione scopi nostri formularum collectanea conficienda sunt. Si in oratorio genere versetur, formulae maiores ex optimis oratoribus nobis seligendae sunt et in locos suos compingendae, quo-

(n) *Ergo pro ratione*) Conferenda hic erit MORHOFII praefatio de omni in eloquentia excerpti ratione, quam NICASII BAXII Medulae eloquentiae Kilon. 1685. in 8. a se iterum editae praemisit.

quorum ideam nobis repraesentare potest MELCH. IVNIVS in *resolutione orationum Ciceronis*. Occurrunt enim in omni pene parte orationis formulae peculiares, quibus utuntur oratores, quae seorsim ita notandae sunt, ut, cum in Exordio formulae proponantur, quibus causa commendatur, quibus in invidiam adducitur adversarius, quibus benevolentia captatur, omnia haec ad certa formularum loca, quae in exordio obtinent, referenda sunt. Quod fieri etiam in ceteris orationis partibus potest: quorum insigne exemplum MELCH. IVNIVS in *libro iam laudato* suppeditavit. Cum enim Ciceronianarum orationum partes omnes singulatim recenset et examinat, eadem opera omnia illa loca exponit, quibus tales formulae occurrunt, quae si separato aliquo libro notentur et postea illa adiiciantur, quae apud alios oratores occurrunt, non parum rem nostram augebimus.

§. VII.

Eadem ratio *formularum* est, quae in *epistolis* occurrunt, quae ab oratoriis non differunt nisi moderatori usu. In illis cum iam tum MICH. NEANDER in *Sylloge sua locutionum et formularum* et IO. STARCKIVS in *formulis suis epistolariis* insignem aliquem typum dederit, eorum

rum frui possumus exemplo, et ex auctoribus tam veteribus, quam recentioribus similes locos instituire.

§. VIII.

(o) In poëticis nemo hactenus fuit, qui dignam aliquam operam praestiterit. Promisit quidem eam IO. STARCKIVS, sed non perfecit. Non ita pridem IO. DECKENIVS in *Observationibus* suis *Poëticis* elegantem eius rei delineationem dedit, quam unice in hoc argumento commendare possum. Etsi enim ante illum LAVRENTIVS le BRVN in *Eloquentia* sua *Poëtica* formulas tales collegit, eae tamen non ita ad usum sunt institutae. Nam maiores tantum collegit, praecipue connexionum et transitionum, formulas, praeteritis minoribus, quarum tamen maior usus est in oratione poëtica. Has autem nemo quidem hactenus accuratius collegit quam ille, quem modo laudavi, (p) DECKENIVS, eaque brevitate et concinnitate, ut

tri-

(o) *In poëticis*) Hic consulantur ea, necesse est, quae erudite noster *de Excerptis Poëticis* praecipit *Polyhistoris* Tom. I. Lib. III. cap. X. XI. p. 622. f.

(p) *Deckenus*) Librum eius, quem hic laudat, MORHOFIVS cum praefatione sua iterum curavit edi *Kilon. 1691. in 8.*

tribus, quatuorve paginis plura completatur, quam alter ille vasto suo volumine, qui nimio et operoso exemplorum apparatus usus, multa in immanem acervum congestit, quae praeterire commode potuisset.

§. IX.

Quod in carmine monui, idem et in oratione soluta faciendum, ut *formulae minores* distinguantur a *maioribus*. *Maiores* autem illae facili negotio discernuntur et integra involvunt enthymemata, vel morata vel affectuosa. Sed *minores* breves sunt et paucis verbis continentur: quales frequentes sunt in auctoribus, qui dialogi formam sequuntur, apud Comicos, in primis *TERENTIVM* et *PLAVTVM*, apud Satyricos, *HORATIVM* in sermonibus praecipue. Sic *ex caus.* verba indignandi, increpandi, imprecandi, suadendi, rogandi, etc. vel per nudam afferuntur phraseologiam, sine consideratione affectus vel morum, vel brevi aliqua et emphatica formula, et tunc figura additur orationi. Omnis enim formula figuram inducit orationi, eamque quodammodo animare videtur, ut quaedam *ψυχωσις* orationi addatur. Ita quando verbum *imprecari* per phraseologiam effero, ea, sive simplex sit, sive metaphorica, nihil nisi verbi rationem exprimit, e. g. *multa mala alicui dicere, mala alicui precari,*

ri, execrari aliquem, dira imprecatione confingere. Simples hae phrasēs sunt. Cum vero *formulis* utor, ipsa illa imprecatio verbis conceptis profertur. *Male illorum capiti sit; Dii isti homini male faciant: Sic mihi tellus ima dehiscat; Si sciens fallo, Jupiter me pessimo letho afficiat: Eveniat nostris hostibus ille pudor, et plura alia.* Quare formula a phrasi ita differt, ut phrasis actionem aliis verbis circumscribat, formula vero ipsius actionis characterem re ipsa et *pungens* quadam exprimat.

§. X.

Magnum in his *formulis* arcanum est amplificandae orationis non omnibus animadvertum. Potest enim per formulas, quasi per terminos communes et subsidiarios, ita dilatari oratio, ut a vulgari illa plane alia et quasi vivificata videatur, quod diligenter notare velim eloquentiae cultores. Sunt quidam termini generales, qui omni phrasi possunt quasi praemitti, eamque quasi determinare, ut maiori apparatu prolata videatur. Tales sunt voces affirmandi, negandi, existendi, verba sensuum et intellectus, verba affectuum, verba quae causalitatem important, efficientem, materiam, formam, finem, et sexcenta alia, quibus mire extenditur oratio, ut nos exemplo aliquo.

Orationis CICERONIS pro Marco Marcello

cello demonstravimus, (q) quod *Polyhistoris* nostri *Libro III.* fusius proponetur. Sic ex. gr. cum CICERO exprimere vult eam sententiam: *Caesari in re publica constituenda omnem esse curam adhibendam*, ita ex formula communi faciendi et agendi eam sententiam amplificat hoc modo: *Haec ergo tibi reliqua pars est, hic restat actus, in hoc elaborandum est, ut rem publicam constituas.* Quis hic non videt, hanc esse simplicem CICERONIS sententiam; *Caesar tibi res publica constituenda est?* sed praemittit illam formulam communem petitam ex loco faciendi, qua actionis istius gravitas et difficultas eo magis ostenditur. (r) Insigne hoc certe artificium est et singula-

(q) *Quod Polyhistoris nostri*) *Lib. III. cap. VII.*
§. XXV. f. p. 595. ed. recentiss.

(r) *Insigne hoc certe*) Non id ego negaverim, quod in ea re magna pars eloquentiae CICERONIS lateat. Sed erunt fortassis, qui dicent, fontem atque originem eius non tam in artificio quodam, quam in ipso CICERONIS ingenio cultissimo quaerendam esse, nec quemquam facile, nisi qui non dissimili praeditus sit ingenio, ad eam orationis dignitatem perventurum esse, ingenio vero qui valeat, eum commode tot regulis et tam accurata observatione carere posse. Fateor ego, multum hanc orationem probabilitatis habere. Sed
I 2 est

gularis in illo eloquentiae CICERONIS observatio magni profecto facienda. Si quis enim TVLLII orationes omnes perhustraverit, omnem orationis copiam in hoc artificio latitare deprehendet. Quare illi, qui eloquentiae operam impendent, haec ex CICERONE colligant exempla, unde videbunt, quomodo CICERO iis usus sit, et ex usu ipso perdiscent, quomodo haec in exemplum pertrahenda. Neque enim quis existimet, vanam hanc esse *περισσολογίαν* et *ταυτολογίαν*. Nam non ubique, sed ubi maxima emphasis latet, talia adhiberi debent.

§. XI.

Earum formularum usum in Oratione iam suo tempore vidit (s) IORDANVS
BRV-

est tamen, quod reponi queat iure optimo. Magna nimirum ingenia tum demum perficiuntur, si naturam ars adiuverit, mediocribus vero et minoribus nihil est conducibilius, quam si artis ope, quod natura ipsis negasse videtur, consequi studeant. Usu quippe constat et experientia, exercitationem et observationem ita humilia evexisse ingenia, ut a sublimioribus proxime abesse viderentur. Placet mihi QVINTILIANI effatum *Instit. Orator. Lib. II. cap. XIX. p. m. 134. Consummatus orator nisi ex utraque (arte et natura) fieri potest.*

(s) *Iordanus Brunus*) Is ipse, quem inter Atheos ple-

BRVNVS, cuius extat libellus, cui titulus: *Artificium oratorium*, ubi cap. III. terminos generales secundum alphabeti ordinem posuit, quibus variari et multiplicari possit oratio. Vocat hoc *Alphabetum terminorum*. Deinde alterum habet *Alphabetum*, quod vocat *indumentorum*. Nominat autem *indumenta orationis*, quando forma certa orationi additur et quidem externa aliqua, quae non ad substantiam vel ad materiam orationis pertineat. E geminis illis Alphabetis, quae secundum circulos et rotas disposuit, variationem et amplificationem orationis ille ostendit: quae in re *Lullianam* proponendi rationem imitatur. Sed non est necesse ad circulatoria illa subsidia rem reducere. Nam si illa sine discrimine, prout circulus ostenderit, adhibentur, nugatoria et inepta fit oratio. Rectius illa iudicio, quod ex re ipsa deducitur, periti oratoris relinquitur. Interim non ingratum est auctoris huius inventum et exercitii gratia nonnumquam tentari potest.

plerique referunt, vid. Cel. CROZII *Entretiens sur divers sujets* p. 284. - 350.

CAPVT X.

*De vocibus barbaris et
Germanismis.*

§. I.

CVM omne rectum sit mensura sui et pravi, ita ex aduerso prauum quodammodo mensura recti est. Nam ex abusu verborum Latinorum de vero eorum usu iudicium institui potest. Quare ut in bonam et laudabilem Latinitatem cura impendi debet, ita non minor cura suscipienda est earum vocum, quae aberrant a recto, ut ex earum notitia securi esse possimus de genuina Latinitate.

§. II.

(t) Voces Latinae multis ex causis characterem prauitatis sortiuntur, si vel peregrina vox sit, qua utimur, vel Soloeca, idque vel ipsius vocis respectu vel constructionis. Quacumque iam ratione ista peregrinitas sermoni accadat, vitanda illa et notanda est. Prima Latinae linguae corruptio

(t) *Voces Latinae*) Quid in hac re meo iudicio iustum et aequum sit, id dedita opera edisserui *Diff. de cultura et necessitate Latini sermonis*, FOLIETAE libro praemissa §. V. VI. VII. §. p. 8. f. Quapropter pauca hic observo.

ruptio a peregrinitate fuit, (u) cum in ipsam urbem Romam convenirent variae gentes e provinciis, quae usu linguae gentilitiae corruperant adoptivum sermonem Latinum, unde postea in ipsa urbe Roma auditae fuerunt voces et loquendi rationes a prisco illo Romano et puro sermone diversae, ac paulatim illae ab ipsis Romanis fuerunt assumptae, ut frequens est tum ipsius CICERONIS, tum QUINTILIANI aliorumque querela. Hinc adeo difficile fuit post CICERONIS tempora veros characteres Romani sermonis a provincialis sermonis notis internoscere, ut et Latinissimis scriptoribus obiecta fuerit linguae Romanae e provinciali quadam indole corruptio.

I 4

ruptio.

(u) *Cum in ipsam Romam convenirent*) Augerant corruptionem Latini sermonis itinera quae ab optimatibus in provincias legatorum aut praefectorum munere ornatis suscipiebantur. Namque hi ex consuetudine cum populis alieno sermone adsuetis, quibus ius dicendum erat, paulatim aliquid labis patrio sermone contrahebant, idque Romam secum referebant. Equidem satius futurum fuisse duco, si Romani gentes subactas, uti suis vivere legibus, ita suis uti linguis passi fuissent. His etenim necessitate imposita Latinum sermonem addiscendi, plana ad depravationem linguae via patebat.

ruptio. Ipse LIVIVS notam *Patavinitatis* effugere non potuit. VIRGILIO *Mantuanitas* obiecta est. Imo ipse CICE-RO ex patria Arpino aliquid trahere nonnullis visus fuit. Sed ii nimis delicati censores fuerunt, qui ex invidia saepe nonnulla commenti sunt, quae attendi non magnopere merebantur. Qua in re ASINII POLLIONIS improbitas ipsis antiquis scriptoribus reprehensa fuit: de qua plenius ago in *Dissert. mea de Patavinitate Liviana*.

§. III.

Cum adeo difficile sit, Romani sermonis et provincialis corruptelae characteres internoscere, vel id notari hic debet, etiam nimiam Romanae linguae curam non vacare reprehensione. Tota scilicet illa res ex usu spectanda est. Fuere vel ipsis Romanis in usu voces, quas nemo scriptorum cordatiorum facile admiserit. Nam vel in urbe Roma erant voces et phrasae plebeiae, quae locum in oratione civili non inveniebant, adeo ut, notante SVETONIO in *vita Augusti*, AVGVSTVS imperator in illo ipso florentissimo Latinitatis aevo voces plebeias usurparit, auctoribus nunquam usitatas, ut cum dixit *baceolum* pro *stulto*, *vapide sese habere* pro *male*, *lachanissare* et similia. Multae quoque aliae in usu fuere voces,

voces, quibus cives Romani utebantur, sed quas oratores et nitidi scriptores fugiebant: cuius comminatis illae sunt, quae apud APVLEIVM, aliosque scriptores Africanos et Hispanos reperiuntur, non ab illis primum, ut aliqui arbitrantur, inventae, aut in Romam infusae, sed in ipsa Roma natae atque eam ob causam diligenter notandae, quod in philologiae et etymologiae negotio magnam nobis lucem accendunt. Sed ex usu civili eiiciendae sunt, quod iis usi non fuerint Romani oratores et Historici, ad quorum iudicium velut ad lapidem lydium exigendus est omnis illarum vocum valor. Legi super hac re meretur elegans scriptum CHRIST. DAVMII *de causis amissarum quarundam linguae Lat. radicum.*

§. IV.

Voces ergo purae Romanae e civili usu tantum spectandae sunt. (x) Quare quicquid in aureae aetatis scriptoribus CICE-

I 5

RONE,

(x) *Quare quicquid*) Quod vero pace dixerim custodum Latini sermonis, ego argumentationem hanc, qua nihil apud illos est frequentius, parum esse validam arbitror: *Haec vox in aureae aetatis scriptoribus non extat: Igitur prava est et barbara.* Nam, ut quaedam alia taceam, multa constat periisse veterum illorum scriptorum monumenta. In quibus
incer-

RONE, TERENCE, CAESARE,
 CORNELIO NEPOTE, PLAVTO et
 similibus non invenitur, id pro suspecto
 habebitur. (y) Imo et in illis ipsis scripto-
 ribus multa sunt, quae vel semel tantum
 occurrunt, et dubia lectione nituntur, vel
 affectatione aliqua ridicula, ut apud Comi-
 cos, excogitata sunt, omnino in serio et ci-
 vili sermone vitanda. Vel in ipso CICE-
 RONE STATILIVS olim dedit inte-
 grum *librum singularium*, quibus ille solus
 usus fuerit. Et occurrunt in illo indice,
 quem FROBENIVS collegit, multa, quae
 non temere usurpare licet. Tales voces
 et

incertum prorsus est, an extiterint illae voces,
 quae hodie in libris, qui superstites sunt, non
 reperiuntur. Magna igitur hic opus est ae-
 quitate, nec is statim barbarici arguendus est,
 qui ab illis vocibus sibi non existimat absti-
 nendum esse, quas in aureis et melioribus
 scriptoribus haud offendas.

(y) *Imo et in illis*) Valde necessarium praece-
 ptum hoc est illis, qui casti sermonis cura
 quadam tanguntur. In quibus multi sunt,
 qui, quo rarior vox aut loquutio quaedam in
 antiquis legitur scriptoribus, eo crebrius eam
 sibi censent adhibendam esse. Ut multos
 alios praetermittam, BEMBI scripta possunt
 evolvi ab eo, qui exempla desiderat. Huic
 enim id moris est, ut quae semel a CICE-
 RONE dicta sunt, saepius ad usum vocet,

et loquendi rationes quanquam pro barbaris haberi non possunt, tamen eam ob causam, quia singulares sunt, pro suspectis habendae sunt et in civili usu reiciendae.

§. V.

His omnino succedunt barbarae verae tales sive voces, sive phrasae, sive structurae, quibus nemo Romanorum scriptorum usus est. Quales nunc omni in gente frequentes sunt, apud quas sermo Latinus affumtus plerumque aliquem colorem a gentili lingua trahit. Quare omni cura nobis laborandum est, ut illo externae linguae vitio Romanam purgemus diligenti notatione et censura. Qua in re primum ipsi auctores Romani nobis subsidio erunt, deinde illi, qui nostro tempore Barbarismos linguae Latinae vulgares notarunt, e quibus singulis nostra industria, (z) quasi Lexicon ali-

(z) *Quasi Lexicon aliquod*) Eius loco commode iam usurpari poterit CYRIACI GÜNTHERI liber, quem inscripsit *Latinitatem restitutam* et praeclara disertissimi viri GODOFR. VOCKERODTI *de rectae et antiquae eloquentiae ratione, corruptelis et harum remediis* praefatione ornata in *Ienae 1701. 12.* edidit. Eo enim libro quae ab aliis hanc in rem observata ordine digesta sunt et testimoniis munita.

aliquod conficiendum est, quo barbarae voces et phrales notentur, ut eas fugere mature discamus, substitutis rectoribus. In his sterquiliniis congerendis operosi fuere multi Hercules *κοπεροφόροι*. Superiori saeculo Italici scriptoribus res illa magna diligentia acta fuit ad summam usque superstitionem, qui tamen ipsi saepe decepti fuerunt. In his fuit LAVR. VALLA, cuius (a) extant *Libri elegantiarum* et in eum annotationes IO. THEODORICI *Basile-*

(a) *Extant libri elegantiarum*) Tot eorum librorum editiones extant, ut earum inire numerum difficile sit. Neque solus THEODORICVS in eos commentatus est, sed plures alii. Prodiit *Basileae 1541. in 8. Liber annotationum Ioh. Theodorici, Longolii, Budaei, Doleti, Erasmi, Iulii Caesaris Scaligeri, aliorumque in Vallae elegantias. LONGOLII scholia* saepius separatim edita sunt, ut *Basileae 1545. 1558. in 8. et cum ipsis VALLAE libris Colon. 1534. 1536. in 8. ERASMI epitomae et paraphrasibus harum elegantiarum Lutet. 1548. in 4. Colon. 1542. in 8. Basil. 1533. in 8. Friburgi 1536. in 8. exiit et alias. MANCINELLI castigationes in LAVR. VALLAE libros de lingua Latina, vidi ex editione Francof. 1613. in 8. IO. BADIO in hos elegantiarum libros Epitome addita est editioni eleganti, quam ROB. STEPHANVS Paris 1541. in 4. prodire iussit. ANGELI ROCHAE in hos libros Observationes cum eius*

Basileae editae 1541. Idem VALLA scripsit Libros quatuor Antidoti in Poggium Florentinum A. 1527. editos, quibus voces eius barba-

eius Apologia pro Boëthio contra Vallam exierunt Venet. 1576. 8. Conf. ERYTHRAEVS in Pinacotheca P. I. p. 105. Inspecta est mihi etiam GVIDONIS IUVENALIS CENOMANI in Latinae linguae elegantias tam a Laur. Valla, quam a Gellio memoriae proditas interpretatio dilucida. Paris 1528. 4. Habuit et imitatores suos in hoc genere VALLA: namque inter codices manu exaratos THVANI, Bibl. Thuan. P. II. p. 448. memorari video librum nescio cuius: De elegantia Latinae linguae iuxta traditionem Vallae. in 4. Librum sextum harum elegantiarum Vir. Latine doctissimus, CAROLVS ANDR. DVKERVS, in Opusculis variis de Latinitate Iureconsultorum veterum. Lugd. Bat. 1711. in 8. editis seorsim una cum libris ANDR. ALCIATI et IAC. CAPELLI contra Vallam eius causa editis describendum curavit. Addidit idem vir eximius animadversiones, quibus iam oppugnat VALLAM, iam defendit: quamquam illud saepius facit et VALLAE adversariis plerumque accedit. Defensionem eius ceterum perelegantem FLORID. SABINVS composuit, quam DVKERVS pariter in lucem revocavit. Plura de his libris illi addent, qui has litteras ex instituto tractarunt, quas mihi quondam vix salutare licuit, hodie ne attingere quidem licet. Id unum adiungo, elegantiarum hos libros in nonnullis editionibus etiam

barbaras castigat. Et quanquam POGGIVS in LAVR. VALLAM *investivas* scripserit, quibus se purgare, illum gravare laboravit, nihil tamen egit. VALLA enim ipsi semper vindex supervenit, et extat eius *Apologus* sive *Actus scenicus in Poggium*, quo irridentur eius errores, qui additur libro elegantiarum (b) A. 1517. edito, una cum eius opusculo in ANTONIVM RAVDENSEM, cuius errores in Latina lingua idem castigavit.

§. VI.

Cum in Italia factio *Ciceronianorum* oriretur, BEMBO, LONGOLIO, NIZOLIO, aliisque antesignanis, latinarum vocum character intra unius CICERONIS carceres stetit, omnesque illae voces et phrasae, quae CICERONEM auctorem non habebant, e foro Romano eiectae et exulatum missae fuerunt, malo sane consilio et prava affectatione. NIZOLIVS, qui *Thesaurum Ciceronianum* congesse-
rat, magnam adhibuerat diligentiam in vocibus et phrasibus CICERONIS con-
geren-

etiam inscribi: *De lingua Latina* et eodem nomine a quibusdam laudari. Quod qui nescit, is fortassis ex uno duos confingere posset libros.

(b) A. 1517. edito.) Et in aliis etiam editionibus.

gerendis, ita ut non solum simplicia verba, sed et conjuncta colligeret in eo *The-
sauro*, eique subiiceret catalogum vocum et phrasium *non-Ciceronianarum*, suppositis *Ciceronianis*: quae observatiunculae postea a quibusdam canonis instar habitae fuerunt, extiteruntque, qui a vocibus *non-Ciceronianis* velut a contagiosis sibi abstinendum conferent. Verum explosa fuit a viris doctis horum hominum superstitiosa diligentia, qui singularibus libris has ineptias refutarunt, monstraruntque multas esse voces Latinas, quibus CICERO usus non fuit, quarum usus male in dubium vocetur. Egit inter alios hac de re (c) VBERTVS FOLIETA *Lib. II. de linguae Latinae usu et praestantia*, ubi e VAR-
RONIS, TERENTII, PLAVTI, SALV-
STII, LVCRETII, LIVII, CAESARIS aliorumque auctorum scriptis verba Latina collegit, quae nemo Latina esse negare ausit, cum tamen earum nec vola, nec vestigium apud CICERONEM inveniatur.

§. VII.

Idem argumentum postea multi alii tractarunt, qui voces Latinas male a Criticis habi-

(c) *Vbert. Folieta*) vid. *Lib. II. p. 196. f. editionis novae, quae cura nostra prodit Hamb. 1723. in 8.*

habitas et a Grammaticis notatas vindicant, in quibus numerari etiam potest QUINTVS MARIVS CORRADVS, cuius extant *de copia sermonis Latini libri quinque*, docti sane et elegantes, in quibus nihil reprehendas, (d) nisi quod nimiam analogiae in fingendis vocibus et phrasibus licentiam indulgit. MAIORAGIVS quoque hunc campum ingressus est, cui cum GAVDENTIO MERVLA lites quaedam exortae sunt, quem ille castigavit *Dissertatione Apologetica* adversus eum scripta, in qua Barbarissimos et Soloecissimos GAVDENTII ostendit. Edita est illa *Dissertatio Traiecti ad Rhenum 1664.* una cum oratione MAIORAGII *de laudibus auri.*

§. VIII.

Nostro seculo sollicitiores fuere multi in Barbarismis congerendis; inter quos magnum discrimen est. Sunt qui statim se prodant primo aspectu, a quibus nullum linguae Latinae periculum est, quales collegit VOSSIUS libro *de vitis sermonis Latini* et in Glossariis suis Latino-Barbaris SPEELMANNVS et CAROLVS du FRES-

(d) *Nisi quod nimiam*) Conferatur hic OLAVS BORRICHIVS *cogitat. de variis linguae Latinae aetatibus* p. 211. f. qui in CORRADO idem fere reprehendit.

FRESNE. Atque hi, cum nihil turbent in lingua Latina, suo loco relinqui possunt. VOSSIVS tamen illis aperte barbaris occultiora quaedam intermiscuit, quae ex illo seorsim notanda sunt. Quanquam et in illis multa sunt, quibus Barbarissimi notam non inuras, et quae vindicantur tum a SCIOPIO in singulari libello, tum (e) a BORRICHIO in *Diff. de ieiunitate latinorum Lexicorum*, in *Cogitationibus de variis linguae Latinae aetatibus* et tandem in *Analectis* eius libri. Ex VOSSIO in unum quasi cinnum illas voces collegit IO. PETRVS TITIVS in *manuductione* sua ad *excerpendum*, interspersis suis notis non contemnendis, aliisque observationibus additis.

§. IX.

Sunt et alii, qui varia scripsere *Glossaria*, LINDEBROGIUS, LVDOV. DE LA CERDA, GODOFR. WENDELINVS, sed eorum nulla ratio hic haberi potest, cum voces ab illis notatae nihil nos turbent, omnesque in CAROLI du FRESNE vastissimo *Glossario*, quasi quodam

K

oce-

(e) *Tum a Borrichio*) At hic etiam VOSSIVM erudite contra nonnullas SCIOPII accusationes *Ravennae* 1647. et in *Opusculis* eius editas defendit, *Cogitat. de Linguae Lat. aetat.* p. 262.

oceanò, occurrant. Potior nobis cura erit in vocibus, phrasibusque, quae a viris doctis usurpatae incautos facile in errorem induxerint, et quarum integra sylvà ab aliis notata est. E quibus hae, quasi in indicem aliquem universalem, congeri possunt, connotatis illis, quae recenter vela nobis, vel ab aliis observata sunt.

§. X.

Huius commatis etiam hi libri sunt: **SCIOPPII** *Infamia Famiani Stradae*, quo in libro collegit barbarismos et soloecismos **STRADAE**, (f) quorum tamen plurimos vindicavit **BORRICHIVS**. Id enim propositum sibi habuit **SCIOPPIVS**, ut omnibus viris doctis insultaret, praecipue in Latinitatis causa (g) habuitque ille prae-

mani-

(f) *Quorum tamen*) Molitus est absolutas pro **STRADA** contra **SCIOPPIVM** vindicias **PIERVCCIUS**, familiae Iesuiticae in collegio Romano sacerdos, auctore **BORRICHIO** *Cogitat. de aetatibus* p. 268. quae num prodierint, ignoro.

(g) *Habuit prae manibus librum*) An vere in libro eiusmodi componendo elaboraverit, an minatus tantum sit eius notae laborem, equidem haud dixerim. Specimen eius dedit in *Iudicio de stilo Histor.* p. 93. f. in quo summorum virorum Barbarismos et Soloecismos colligere studuit. Extat, ut id occasione data adii-

manibus librum, cui titulum facere voluit *Herculis νεπεοφός*, quo ille omnium huius seculi doctorum latinitatem suspectam facere voluit. (h) FRANC. VAVASSORIS, e societate Iesu, viri doctissimi et poetæ præstantissimi, libellus *de vi et usu quorundam verborum*, cum simplicium, tum coniunctorum, qui additur eius *multipliciter et variae poësi*, Parisiis 1683. editae. Fuit vir ille linguae Latinae peritissimus, ut patet e variis eius libris, in primis illo, quem *de dictione ludicra* scripsit. Occurrunt hic multa etiam ab aliis observata, et in illis PERPINIANI epistolis, quae collectore

K 2

VAVAS-

adiiciam, duplex eius libelli, utilissimi certe, editio, altera, quae *Sorae 1658. in 12.* una cum *Infamia Famiani* cura IO. FABRI prodiit, altera, quae *Amstelod. 1663. in 12.* lucem vidit. Illa longe melior et emendatior est, quam haec, quippe quam innumerabiles deformant naevi. Fallitur MORHOFIVS noster, qui paullo post SCIOPIVM in *Infamia Famiani* magnorum virorum dictionem exagitasse perhibet.

(h) *Franc. Vavassoris*) Eius observationes non ita pridem CI. KAPPIVS cum Libro VAVASSORIS *de dictione ludicra* iterum edidit. *Lips. 1722. 8.* Iungatur his Viri venerandi et multis nominibus inclyti, IAC. FRID. REIMMANNI *Historia vocabulorum linguae Latinae Halae 1718. in 8. edita.*

VAVASSORE huic libro adiiciuntur, multa sunt, quae ad linguae Latinae nitorem pertinent, de quibus ille litteris ad MARIVM CORRADV M egit, ad quas eiusdem quoque responsoariae ibidem habentur. HENR. STEPHANVS *Dissertatione de Lipsii Latinitate* plurima Lipsiana sub virgulam censoriam vocat, ut sunt sane multa in illo non optimae monetae Latina, (i) quae et passim exaggerat SCIOPPIVS in *Infamia Famiani*, non STRADAM tantum, sed et SCALIGERV M, LIPSIV M, CASAVBONVM vellicans. Sed HENR. STEPHANI iudicium in hisce vacillat, adeo ut vel ipse titulus huius libri barbarismo non careat, cum *indigitandi* voce pro *demonstrare* utitur. (k) IO. VORSTIVS librum scripsit de *Latinitate merito suspecta, deque vitiis sermonis Latini vulgo fere non animadversis*, quo et ille multa notavit, quae a viris doctis passim male

(i) *Quae et passim exaggerat*) Pro LIPSIO eiusque dictione non in scite verba fecit FRID. TAVBMANNVS *Diff. de lingua Latin.* p. 42. f. libello elegantissimo.

(k) *Io. Vorstius*) Ad hunc *Vorstii* librum VINC. PLACCIUS multa collegit Additamenta. vid. PLACCII *liber de arte excerpti* p. 203. 204. et *Index edendor. eius* p. 6. Ea nunc haud dubie inter reliqua eius inedita latent.

male usurpantur, quanquam et apud ipsum occurrant notata, quae defendi tamen possunt. Saepissime enim quaedam prava videntur, quae non sunt tamen, et sinistra tantum suspicione urgentur, adeo ut ALBERICVS GENTILIS ausus fuerit (1) Latinitatem versionis veteris Bibliorum defendere adversus eos, qui barbarismos et soloecismos in ea invenire sibi visi sunt. Titulus Dissertationis est: *De Latinitate veteris Bibliorum versionis male accusata et iungitur ceteris eius Dissertationibus de libris iuris Canonici et civilis Helmstad. 1674. editis.* Sed in illa dissertatione tamen multa sunt conquisita, quae si quis pressius excuserit, non consistent. Non occurrunt nunc plures auctores, qui Barbarismos singularibus libris collegerint. Nam NIZOLIANA illa dudum ab aliis sunt explosa, et iam pridem de illis monuit singulari Dissertatione, HENRICVS STEPHANVS,

K 3

cui

- (1) *Latinitatem versionis veteris*) Idem animo volvit consilium Vir egregius, et, si quis alius, longiori vita dignus, IACOBVS HASAEVS; cuius quidem specimen dedit *Bibl. Brem. Theol. Philol. Tom. IV. P. II. p. 328. f.* Nil dubitandum est, quin multa in ea versione pro barbaris et inficetis habeantur, quae meliorum scriptorum auctoritate nituntur et Latini sermonis, quum floureret, usu.

cui *Pseudo-Ciceronis* titulum fecit. Multa quoque sunt a scriptoribus istis, qui regulas elegantiarum Latinarum tradiderunt, BVCHLERO, DAN. PAREO et aliis notata, quae tamen non omnia reiicienda sunt et ab illis temere et sine accurata lectione reiecta sunt.

§. XI.

Ex his a nobis enumeratis auctoribus et ex iis, quae nos assidua lectione observavimus, collectanea purioris Latinitatis congerenda sunt, ut exemplo suo praecivit CHRISTOPH. CELLARIUS, qui ex his scriptoribus omnibus eleganti ordine collegit, secundum aetatum classes omnia distinguens, vindicata etiam ab aliis notans: Quibus addidit suas observationes a BORRICHIO amice impugnatas, ab illo defensas et denuo a quodam BORRICHII cognato ANDREA BORRICHIO vindicatas. Scripsit primo *Anti-Barbarum de Latinitate mediae et infimae aetatis*, cuius novissima editio prodit A. 1682. Hinc A. 1687. edidit *Curas posteriores de barbarismis et idiotismis Latini sermonis*, ad quas *Curas posteriores* recognitas ANDREAS BORRICHIVS *Appendicem* scripsit, qua vindicantur illa, quae adversus OLAVM BORRICHIVM ille notaverat. Non fuerunt CELLARIO omnes, quos nos notavi-

tavi-

tavimus, libri ad manus, e quibus locupletare suas observationes potuisset, neque TITII librum, *Manuductionem* scilicet *ad excerpendum* habuit, qui dudum ante illum in simili argumento versatus erat.

§. XII.

Recensuimus hactenus auctores, qui barbarismorum Lexica quasi quaedam scripserunt, quorum vel ideo singularis esse cura debet, ut securiores esse possimus de vera et genuina Latinitate. Quemadmodum enim monstra vel ideo notari debent, ut forma cuiusque generis eo sit certior, ita monstrosae locutiones semel notatae, veram Latinarum vocum formam nobis ob oculos ponunt. Quare fuerunt, qui in sermone Latino hoc consilium paradoxum suppeditarunt, ut nonnumquam data opera barbare loquamur potius, quam ut fictas quasdam elegantias extemporali sermone sectemur, quae deinde in pravam habitum abeant et sub specie rectae Latinitatis imponant. VORSTII hoc consilium erat: *Etiam si, inquit ille, natura facundus sis, data opera loquaris incomposite. Nam fere fit, ut qui loquuntur accurate, minus erudite scribant. Dum enim rerum illarum voluptate afficiuntur, imperfectiores oportet sint in altero.* Quam sententiam etiam probare videtur, HENRIC. STEPHANVS

in *Praef. Libri de Latinitate falso suspecta*, ubi notat, Italos plerumque barbaramente loqui, quamvis nitidissime scribant. Quod notavit inter alios quoque SCIOPPIUS in *Grammaticis suis Dissertationibus*, qui exercitium Latinae linguae in fermocinando omne diffuadet propter barbarismorum familiaritatem, solam vero scriptionem unice commendat. (m) Huius ego consilium amplecti malim, quam alterum eorum, qui data opera barbaramente loquendum esse existimant. Semper enim aliquid ex familiari sermone haeret et labem aliquam sermoni contrahit, quam ob quotidianam consuetudinem postea non facile animadvertas. Quod si essent, qui nitidissime loquerentur, nemo, ut puto, tam stultus esset, qui istam fermocinandi consuetudinem diffuaderet, cuius beneficio ad perfectissimam linguae latinae notitiam adspirare possemus. Sed quoniam paucissimi illi sunt, neque eorum copia semper haberi potest, prae-

(m) *Huius ego Consilium*) Ego vero neutrum probaverim. Nam ut prius absurdum prorsus videtur esse, quod nemo rationem huius sententiae perspicere queat: *Barbare loquendum est, ut eleganter scribere discas*: ita posterius paullo licet sapientius, pariter suspectum est. vid. quae monuimus superius ad *Cap. V. §. XII.*

praestat hic mutis magistris, bonis scilicet auctoribus, quam loquacibus, uti.

§. XII.

Fuere quidem, qui consilium hoc sup-
peditarunt, ut quotidiano colloquio fami-
liaritatem linguae Latinae nobis acquiramus, neque desunt exempla eorum, qui feliciter id praestiterunt. Puerili enim aetate quinque et sex annorum fatis eleganter animi sensa Latine efferre potuerunt, (n) ut MONTANVS, Gallus, et puer ille quadrimus, qui Regi Galliae exhibitus fuit, perfectissime omnia Latina lingua exprimens et barbaras aliorum locutiones censura notans, non alia, quam hac, ut dixi, methodo institutus. Nec deerant, qui suadebant, talem Latinam civitatem instituendam esse, qua omnia Latine dicerentur. Sed caruit tamen res successu, (o) non omnino stulto consilio success-

K 5

(n) *Ut Montanus, Gallus*) vid. MICH. de MONTAGNE *Essais Lib. I. cap. XXV*, et MORHOFII *Polyhistor Tom. I. Lib. II. cap. IX. p. 421.* ubi copiosius haec edisserit.

(o) *Non omnino stulto consilio*) Quod tamen vir eximius, CHRISTOPH. AVG. HERMANVS, non contemnendis rationibus vanum et nullius utilitatis esse, demonstrare voluit *Poeciles Tom. I. Lib. I. p. 97. f.*

scepta, forte quod essent, qui scholarum causam agerent, quarum pretium ea ratione minueretur.

§. XIV.

Post Barbarismos omnis Latinae linguae *insolentia* notanda est, quae consistit in *Archaismis*, *Neoterismis*, *Hellenismis*, quorum exempla suppeditat CASP. SCIOPPIUS in *Diff. de Rhetoricar. exercitation. generibus* p. 10. Videndus etiam BVCHNERVS *Lib. I. de commutata ratione dicendi cap. XX.* et POPMA in *Libro de usu antiquae locutionis*, qui subiicitur eius *Tractationi de vocum differentiis*. Verum in his omnibus prudenter versandum est; non enim simpliciter ista reiicienda sunt et pari iure cum barbarismis habenda. Rectum adhibendum est iudicium, quo in loco commode usurpentur, quo minus commode. Hellenismorum singularis ratio habenda est. Nam quum Latina lingua magnam elegantiae suae partem non tantum, quod ad verba attinet, sed quod ad constructionem, a Graecis ceperit, diligenter notandae sunt illae locutiones, quae Graecismum sapiunt et cum Graeca loquendi ratione conveniunt. Qua in re utilem operam praestitit DANIEL VECHNERVS in *Hellenolexia* sua sive *Parallelismo Graeco-Latino*. Nam a Graecis barbarisimi non

non inveci sunt in linguam Latinam, cum domestica linguae Latinae Graeca sit et quasi mater. A Gothis, aliisque barbaris populis, Hispanis, Gallis, maior peregrinitas in linguam Latinam est inveci. Quanquam tamen et Gothis ea laus debetur, (p) ipsorum beneficio Latinam linguam esse servatam, quae, si iure victorum illi uti voluissent, facile pessum ivisset, ut demonstrat MELCH. INCHOFERVS, *Historia sacr. Latinit. Lib. III. cap. VII.* ubi multa occurrunt, quae Historiam latinae linguae illustrent.

§. XV.

Multa sunt in sermone Latino, praeter barbarismos et soloecismos, quae fugienda sunt illis, qui purum et nitidum sermonem Latinum affectant. SCIOPPIVS vitia sermonis ita distinguit: *Vitiosae locutiones aliae homine indignae sunt, aliae homine Romano ingenuo, aliae homine Romano diserto. Homine quovis indigna est obscuritas, homine Romano insolentia et impurus sermo, homini Romano nobili turpia sunt vilitas, levitas,*
quae

(p) *Ipsorum beneficio*) Gothorum nimirum in Italia Reges epistolas et edicta sua, ut quondam Romani, Latina lingua conscribi et proponi iusserunt. Argumento sunt, ut multa alia praeteream, *Libri XII. epistolarum varii generis* CASSIODORI SENATORIS.

quae sordes vulgo admissae, κοινωσιμος sive communitas; de quo vitio etiam Quintilianus Lib. VIII. c. I. Tale illorum est, qui nullo discrimine verba scriptorum aetate et genere dissimillimorum usurpant. Haec etsi inter barbarismos non referenda sunt, tamen nescio quid peregrini linguae Latinae infundunt, ideoque sedulo vitanda sunt illi, qui purum sermonem in lingua Latina amat.

§. XVI.

Quoniam linguae Latinae magna est per orbem terrarum dispersio et per varias gentes distractio, accidit illi, quod fluminibus solet, quae per terras, quas transeunt, sapore aliquo peregrino imbuti solent. Qui enim in gente illa nati sunt, quae adoptivam linguam Latinam habet, aliquid e vernaculae linguae genio in Latinum sermonem inferre solent, ut in omnibus assumptis linguis fieri consuevit, in quas consuetudo familiaris ius aliquod exercere solet. Ita apud Italos Italicismi, apud Gallos Gallicismi, apud Hispanos Hispanismi, apud Germanos Germanismi regnare solent in adsciticia lingua Latina, a quibus sedulo cavendum est illi, qui purum Latinum sermonem consecretur. Nam cum hoc vitium, florente lingua Latina, in ipsa urbe Roma Latinum sermonem infamarit, ut peregrinitatis infusae

fusae querelae ubique apud auctores inveniuntur Latinos, quid nunc non fieret, cum lingua Latina civilis esse desit, et incorruptae Latinitatis vivi magistri desint, quos Roma antiqua habuit, quae tamen cum peregrinarum gentium colluvie saepe luctata est? Quare diligens linguae Latinae observatio in classicis auctoribus instituenda est et accurate notandum, qua in re phraseologia Latina a vulgari discrepet: quod nunquam accuratius observabitur, quam si crebra in versionibus instituatur exercitatio, ut aliquid e Latina in vernaculam et e vernacula in Latinam linguam transferatur. Hoc velut lapide lydio omnis illa phraseologiae ratio examinari poterit.

§. XVII.

Non tamen hoc perpetuum est, ut omnis phraseologia vernacula in Latina lingua ut peregrina sit reiicienda. Accidit enim nonnunquam, ut in lingua Latina phraseologia quaedam occurrat et verborum constructiones nonnullae, quae cum aliarum gentium lingua et constructione plane conveniant, et proinde non inter vitia, sed inter laudabiles locutiones referendae sint. Hae loquendi rationes, quanta fieri potest cura, diligenter observandae sunt, ne nobis specie familiaritatis aut peregrinitatis imponent. Ac sane optandum esset, esse in quavis

vis gente, qui tales observationes instituant. Cum enim occulta haec sint vitia et vel peritissimos saepe fallant, operae profecto pretium esset, si in singulis gentibus essent, qui haec scrutarentur curiosius. In BARCLAIO eiusque phrasi multos sibi Gallicismos deprehendere visus est SCIOPPIVS: quod facile crediderim, cum magna illi sit fingendae phraeologiae licentia et translatis ex ingenio fingendis saepe indulgent. Quod cum fit saepe imponere nobis solet familiaris translatorum usus, quo nulla ad corruptelam linguae Latinae pronior occasio est. E translationum enim abusu proxima ad sermonis corruptelam via est.

§. XVIII.

Laudabiles in lingua Latina Gallicismos, id est, illos, qui cum linguae Latinae phraeologia convenient HENR. STEPHANI collegit in *Expostulatione sua de Latinitate falso suspecta*, quae ex ipsius Typographia 1576. in 8. prodiit. Cuius industriam imitatus est in Germanica lingua IO. VORSTIVS, qui simili titulo (q) librum scripsit *de*

(q) *Librum scripsit*) Ad hunc etiam VINC. PLACCIVS non paucas accessiones paratas habuit et auctori obtulit. vid. *Liber eius de arte excerpendi* p. 203. 204.

de Latinitate falso suspecta, deque linguae Latinae cum Germanica convenientia, quo omnem illam phraseologiam collegit, quae Germanicae consonat. Vnde notari possunt istae locutiones, quae Germanismorum speciem habent et in lingua tamen Latina locum inveniunt.

§. XIX.

In illis tamen hoc notandum est, ne in eorum affectatione nimis simus frequentes. Etsi enim illae loquutiones sparsim usurpatae non reiiciendae videntur, tamen si quis data opera ex illis sermonem texere velit, peregrinitatis aliqua species, si non e singulis phrasibus tamen e toto sermonis habitu apparebit.

CAPVT XI.

*De observatione puritatis
instituenda.*

§. I.

QVandoquidem lingua Latina civilis esse desiit, ut e communi usu et consuetudine loquentium eius censuram instituere non possimus, illud unicuique nobis relinquitur, ut e lectione auctorum verum vocum phrasiumque usum tum in se, tum in constructione discamus.

Quem

Quem cum Grammatici nobis dare non possint; illi enim ea tantum sectantur, quae communia sunt, et quae certis regulis comprehendendi possunt, nostrae industriae relictum est, ut particularia illa et singularia, quae ad certas regulas revocari non possunt et propemodum infinita sunt, nostra industria indagemus.

§. II.

Et quoniam omnis Latini sermonis facultas in imitatione consistit, illud nobis praefigamus, eam imitandi rationem in singulis verbis, phrasibus, et formulis consistere, nihilque vere Latinum purumque dici posse, quod non ab aliquo classicorum scriptorum, florente Latina lingua, usurpatum fuit. (r) Ad omnes sermonis Latini minutias

(r) *Ad omnes sermonis*) Haec et alia eius generis praecepta ad eos pertinent, qui in eloquentiae studio aetatis partem consumere, et aliis ad eam duces esse volunt. Reliquis, qui ad alia studia animum appellere statuerunt, sufficit, si proprie et perspicue cogitationes efferre discant. Et consilii inops ille foret, qui in observandis Latini sermonis elegantissimis consenesceret, nec res verbis vocibusque longe praestantiores esse secum cogitaret. Est aliquid, in iuventute hanc etiam doctrinae partem attingere: maturior aetas apud plerisque alios mores desiderat. Nisi forte quis tanta

nutias respiciendum nobis est, videndumque, quid in verbis singulis, coniunctis, constructis usu obtineat, seduloque illa notanda, quae certe omnem Grammaticorum et Lexicorum industriam fugiunt, neque ab illis requiri possunt, cum illi intra certos carceres subsistant, haec vero testamlate evagentur, ut non unius hominis industriam, sed multorum, imo seculorum labores requirant. Quare mature hoc observandi studium nobis inchoandum est et quidem in prima iuventute, si aliquem fructum huius laboris percipere velimus. Ita fiet, ut facultatem puri sermonis nobis electione et usu comparemus, quem Romani olim e quotidiana loquendi consuetudine habuerunt. Nam, ut CICERO eleganter ait, *omnis loquendi elegantia, quanquam expolitur scientia litterarum, tamen augebitur legendis Oratoribus et Poëtis.* Sunt enim illi veteres, qui ornare nondum poterant ea, quae dicebant, omnes tamen praeclare locuti sunt, quorum sermoni assuefacti qui erunt, ne cupientes quidem loqui poterunt, nisi Latine. Quae si CICERONIS aetate consilia rectae locutionis

tanta praeditis sit ingenii felicitate, ut unum pluribus par esse possit negotiis et aliud veluti agendo etiam hic multum efficere.

nis habita fuerunt, multo magis nostro tempore habenda sunt, qui, cum usum linguae civilem non habeamus, e sola lectione proficere possumus.

§. III.

Quare recte ad hanc observationem instituendam adhortatur BERNHARDINVS PARTHENIVS *Lib. III. de imitatione Poëtica* lingua Italica scripto p. 104. 105. *Affidui,* inquit ille, *debenius esse in lectione bonorum auctorum, considerando elegantiam, puritatem, proprietatem, quae voces suo, quae alieno loco consistant, quae diversimode sint constructae, quae sint purae, quae simplices, quae duplicatae et repetitae, quibus utamur ad ornamenta et expolitiones, quae verba sint aspera, quae iucunda et dulcia, quae volubilia, quae tarda, quae sonora, quae languida et muta, quae levia et laeta, quae tristia et molesta, quae gravia, etc. e qua consideratione saepe accidit, ut velut sententiarum lumina accendantur.* Sed haec ad ornatum sermonis potius, quam ad puritatem eius pertinent. Quae puritas si per se sola consideratur, non adeo se extendit, quam ornatus, qui e Rhetorica arte provenit: quanquam et eius quaedam sit puritas. Nam et in ornamentis Rhetoricis quidam puritati locus est, cum illis utimur, quae ad simplicem cultum et ornatum pertinent

nent, omne vero illud, quod fucatum est, excludimus.

§. IV.

Huius observationis instituendae ex omnibus, quotquot sunt, Grammaticis unum nominare ducem possum, ANTONIVM SCHORVM, qui in *Libris de docenda discendaque lingua Latina et Graeca* et in *Praefat. Phrasium Latinarum* viam hanc expeditissimam dedit, non tantum in praeceptis, sed etiam in exemplis. Nam (s) in *Praefatione* illa, quam FRANC. VAVASSOR, scriptor Gallus, *Libro de Epigrammate totam auream* vocavit, communia quaedam praecepta dedit et in *libro de docenda discendaque lingua Latina* ex epistolis CICERONIS singulares quasdam observationes suppeditavit unde exemplum capere possumus, si in lectione auctorum simili ratione observationes nostras instituere velimus. Quem auctorem, ut praeceptuum et palmarium in hoc genere, prae-

L 2

cete-

(s) in *praefat. illa*) Eam IOH. KER dignam duxit, quam *Libro alteri selectarum de lingua Latina observationum*, Londin. 1708. in 8. editarum praefigeret. Notum quoque est, quod magni nominis Philologus RHENFERDIUS SCHORI viam in hac *Praefatione* monstratam ad Ebraeam linguam aptare studuerit. Conf. quae supra notavimus.

ceteris omnibus commendo. Nam qui post illum hoc in genere quaedam scripserunt, vel eius vineta caedunt, vel ieiune in hoc argumento versantur. Solus ille animo vastitatem huius argumenti complexus est, quam etsi ille complere non potuit, ubertate rerum victus, habemus tamen in illo ducem, qui viam designet optimam, quam sectari sine errore possimus.

§. V.

Primum in omni observatione est, ut observemus *proprietaem* vocis et phraseos, earumque *vim et significationem* ne confundamus illa, quae affinia sunt, sed suo quodam modo et formali distincta. Ad quam classiem illa vocabula et phrasae pertinent, quae rem unam quidem significare videntur, sed tamen inter se valde sunt distinctae. Sic e. c. *uti* et *frui* idem pene videntur significare, sed distinguuntur tamen ratione subiectorum, quibus applicantur. Non enim dicimus *uti voluptate*, sed *frui*, neque *frui instrumento*, sed *uti*. Sic *poscere et flagitare* aliquem *pecuniam et vestem* recte dicitur, sed non *rogare*, neque *obsecrare*, aut *orare pecuniam*, cum tamen eae voces unum idemque videantur significare. Sic eadem verba ratione flexionis, ratione collocationis, ratione casus ali-

aliter aliterque usurpantur. Sic *sciscere* in legibus rogandis dicitur, non *adsciscere*. *Accessio* et *accessus* ab eodem quidem verbo sunt, dissimilem tamen vim habent. Ita purius dicitur in praeterito *convelli*, *avelli*, *divelli*, *revelli*, non *convulsi*, *avulsi*, *divulsi*, *revulsi*. In his considerandum est, qua differentia significationis verbum unumquodque apud classicos auctores efferatur. Haec etsi quidem ab antiquis Grammaticis sunt notata, manca tamen illa sunt et mutila, plurimumque hic uniuscuiusque industriae relinquitur. Quare diligenter legendus est, qui hic nobis subsidio esse potest, AVSONIVS POPMA, *Frisius*, in *Libro de differentiis verborum*, etsi in illo multa notanda sunt, in quibus rem acu non tetigit. Prodesse tamen, quum meliores deficiant, multis modis potest. Quod si hoc argumentum, ut quidem instituit, pertractasset (t) ANTON. SCHORVS, quod in *praefatione* citata fecisse se testatur, pleniores hac quidem in parte observationes haberemus. Sed liber ille lucem non vidit et paucula tantum occur-

L 3

runt

(t) *Anton. Schorus*) Tum quoque, inquit ille, in libro de differentiis; quasi propius locus notae cuiusque vocabuli consignandae nobis dabitur. *Praef. nomin. p. 13. 14.*

runt in *Thesauro* eius *Ciceroniano*, quibus in defectu accuratioris operis uti possumus.

§. VI.

Notanda etiam sunt illa vocabula et verba technologica, quae vel ad artes et disciplinas, vel ad actus civiles pertinent, de quibus iam ante diximus. Hae enim proprie voces et formulae sunt, quae puritatem per se inferunt.

§. VII.

Postquam haec notavimus, illae voces, phrasae et formulae prae ceteris notandae sunt, quae a vernacula lingua quam maxime discrepant. Cum enim confusio utriusque linguae vernaculae et adscititiae maxime nobis imponat, seiungenda haec esse recta ratio suadet, ne barbarismos e patrio sermone in purum Latinum sermonem inferamus, et in Romana lingua hospites et exules, dum a civitate nostra discedere nolumus, esse videamur. Prima hic ad impurum sermonem fenestra panditur, ideoque omnis illa via occupanda, omnes rimae obstruendae sunt, per quas puri illi fontes labem aliquam contrahunt.

§. VIII.

Quemadmodum puritas sermonis primum iudicatur ex iis *subiectis*, quibus adiunguntur verba, et ex iis *praedicatis*, quae de

de *subiectis* dicuntur: ita ex *coniunctis* puritas vocum aestimari quoque potest. Alterum ergo hic locum tenent *Synonyma*, quae rectius vocemus *coniuncta*. Eorum accurata habenda est ratio et in auctoribus classicis observationes instituendae, quomodo illa iungantur et quam in ipsa coniunctione differentiam habeant. Non enim adeo ex assè sibi respondent *Synonyma*, sed semper aliqua diversitatis ratio apparet: *Synonyma* tamen habentur, quoniam apud classicos auctores in sermone coniunguntur, sed tamen ex ipso usu et collocatione ea facile differentia apparebit, cum interdum ad numerum orationi conciliandum et ad emphasin aliquam praestandam adhiberi soleant.

§. IX.

Solent quidem interdum in una eademque periodo vel etiam diversis voces idem significantes adhiberi, ut vitetur repetitionis taedium, ut cum quis *defendere*, *patrocinari*, *adesse*, quae unum idemque significant, adhibeat, ne una voce nimis crebro utatur, ut fecit PLINIVS in *Prooemio Libri XVIII.* cuius haec sunt verba: *Qua in parte primum omnium patrocinari terrae et adesse cunctorum parenti iuvat, quamquam inter initia operis defensionae.* Ita, quod recte notavit HERMOGENES de *metodo*

do cap. IV. Synonymis utendum est. Sed si rei tamen evidens. atque expressa perdatur significatio, potius uno vocabulo uti saepius suadet, quam copiam sermonis inepte atque intempestive ostendere. Iudicio ergo opus est in coniunctione Synonymorum, ut monet BVCHNERVS *Libro de conmutata ratione dicendi cap. I. §. III.* Nam etsi quidem interdum verba coniungi possunt, tamen separatim non iisdem subiectis iunguntur. Ita intelligo, sentio et video saepe idem valent, quod scio (u) non tamen de intellectu animi, ut FABIVS monet *Libr. X. cap. I.* recte dixerim, video, nec de visu oculorum, intelligo. Sic ex. gr. in *Oratione pro lege Manilia* CICERO ita loquitur: *ut eius semper voluntatibus non modo cives assenserint, socii obtemperarint, hostes*

(u) *Non tamen de intellectu*) QVINTILIANI loc. indic. p. 588. ed. Obrechtii haec verba sunt: *Nec sicut de intellectu animi recte dixerim, video, ita de visu oculorum, intelligo.* Ex quibus apparet, quod MORHOFIVS mentem eius hic perperam exposuerit. Concedit namque QVINTILIANVS recte de intellectu animi verbum video adhiberi: idque innumera bilibus bonorum auctorum exemplis ostendi potest: negat vero, vicissim verbum intelligo de visu oculorum usurpari debere. Quamquam et hoc fortassis in dubium vocari posset.

hostes obedierint, sed etiam venti tempestatesque obsecundarunt. Ubi notari possunt verba Synonyma *assentire, obtemperare, obedire, obsecundare*, quae generali quadam significatione consensum aliquem significant, ut eam ob causam Synonyma et conjuncta haberi possint. Verum si subiecta consideres, quibus illa praedicata tribuuntur, invenies magnam esse in significatione disparitatem, ut nulla in illis verbis *ταυτολογία* sit. Tribuit enim CICERO praedicata subiectis, quae illis conveniunt: ita *cives* dicuntur *assentire*, quod est liberrium, *socii obtemperare*, quod est magis adstrictum: *hostes obedire*, quod est necessarium; *venti obsecundare*, quod proprie ista vox de ventis dicatur, unde et *ventus secundus* dici solet. (x) Quare ex hoc

L 5

illu-

(x) *Quare ex hoc*) Observationes huius de Synonymis ratio et vis melius, ut existimo, percipietur, si quis ad sequentia attendat. In omni actione duo sunt spectanda, *ipsa actio et principium actionis*. Quamvis enim inter se convenient *actiones* longe plurimae, magna tamen est earum disparitas, si *principium*, ex quo fluunt illae, consideremus. Itaque in omnibus linguis vocabula sunt, quae *actionem*, ut in se spectatur, exprimunt, et alia, quae simul *principium actionis* designant. Posterior hoc vocabulorum genus interdum generalio-

illustri exemplo patet, ita Synonyma haec esse posita, ut tamen diversitatem ali-

raliori ponitur significatione pro ipsa actione, interdum vero, ubi res id postulat, non quibusvis promiscue, sed certis tantum adaptatur hominibus. In hoc magna pars vertitur huius observationis, cuius non in dictione tantum, verum etiam in interpretatione et sensu auctorum investigando longe maxima est utilitas. Ut exemplum afferam, *laudare* generale est vocabulum. At non omnes ex uno fonte et principio profisciscuntur laudes. Hic enim alium idcirco laudat, ut ipsi commodum aliquod procuret, alius vero propterea tantum, quod eum laude dignum esse, censet. Ergo ut discrimen hoc indicaretur, distinctis opus fuit vocibus, Latinique hoc *probare* dixerunt, illud *commendare*. Interea quum uterque et qui *probat*, et qui *commendat*, si externa cogitetur actio, idem faciant, ideo *probare*, *laudare*, *commendare*, ita interdum adhibentur, ac si pari potestate et iure uterentur. Quod secus sit, si causa sit indicanda, quare quis laudibus aliquem affecerit. Pariter ipsae actiones gradu differunt, quod omnes norunt. Hinc quibus gradus illi exprimerentur, vocabula erant necessaria. At in usu communi non id discrimen semper observatur, sed promiscue ponuntur vocabula illa, quae gradus actionum significant. *Amare* et *diligere* quotidie coniunctim ponuntur; et haec tamen vocabula diversos gradus actionis designant? Pari modo *laudare* et *praedicare* diffe-

aliquam inferant, pateatque ex ipsis verbis harum vocum differentia, quae tamen sub communi illo et generico conceptu consensus conveniunt, atque ita posita plenitudinem orationi conciliant et concinnitatem, ac numerum oratorium vehementer augent.

§. X.

Est tamen, ubi differentia illa non semper observatur, solaque numerosa dictio in periodo efformanda attenditur. Nam cum CICERO dicit pro FLACCO: *Remittant spiritus, comprimant animos, sedent arrogantiam*, in ipsis illis verbis non magna differentia est, sed sola hic dictio numerosa et concinnitas attenditur, quae multiplicatis subiectis et praedicatis, mirum in modum ornatur et augetur, et necessaria est, ubi vehementia quaedam orationis exprimenda est in figuris, in affectibus, in argumentis magni momenti.

§. XI.

differunt. Non mihi commentarius hic scribitur: alioquin eius generis nonnulla alia monere possem. Id tamen monere licebit: Si omnes, qui de linguis et re Grammatica praeceperunt, ad certa rationis principia, id quod plerumque fieri potest, decreta sua revocassent, et ipsimet minori invidia, et linguarum paucioribus difficultatibus et leviori studio laborarent.

§. XI.

Occurrunt tamen interdum loca, ubi vehementia orationis non tam attenditur, quam numerus et concinnitas periodi, cum verba idem significantia statim sibi iunguntur, ut cum CICERO dicit in *Verri*na quinta: *Tamen in tanto conventu nemo erat, quin rationem numerumque haberet, et reliquos non desideraret solum, sed etiam posceret et flagitaret* (ubi semel nota differentiam inter verba *desiderare* et *poscere*) in eorum locum substituere et proponere coepit cives Romanos. Plura dabit exempla ipsa CICERONIS lectio, quae diligenter notanda sunt, ut intima purae et civilis orationis arcana, quae in vocum συζυγία et particularum nexu magnam partem consistit. Quod et in Germanica lingua usu venire videmus et in primis in epistolis publicis, quae singulares eiusmodi vocum nexus habent diligenter notandos.

§. XII.

Consistit illa Synonymia non in singularibus tantum vocibus, sed et in phrasibus, quae sub certis titulis colligi possunt et magno usui sunt ad copiam sermonis obtinendam. Quare referantur huc, quae supra de phrasibus dixi: illarum enim complicatio et multiplicatio non solum orationem numerosam reddit, sed etiam significantior.

rem. Vt enim in verbis singulis, ita quoque in phrasibus vis orationis consistit: quae mirifice orationem amplificant; et eam ob causam diligenter illae colligi debent.

§. XIII.

Cum tantus Synonymorum usus sit non tantum ad puritatem vocum investigandam, sed et ad copiam orationis conciliandam, diligenter illa simul coniuncta observari debent, aliique auctores notandi sunt, qui hanc nobis operam praestiterunt. Inter eos est ANTONIVS IOLIVS, vulgo IOLIS AVSETANVS, e Cataloniae principatu, cuius meminit NICOL. ANTONIVS in *Bibliotheca Hispanica*. Extant eius adiuncta Ciceronis seu verba, quae Cicero simul dixit, tanquam Synonyma aut vicini sensus. Editus ille liber *Barcinone 1579. in 8.* sed nunquam illum mihi videre contigit. Post haec tempora STEPHANVS VBELIVS *Leovardiae 1607. in 8.* in lucem edidit *Synonyma Ciceronis* et aliorum quorundam linguae Latinae auctorum, SALVSTII, PLAVTI, LIVII, CVRTII, LVCRETII, sed exiguus ille labor est, multisque modis augeri potest. Paucissima enim tantum ex omnibus illis auctoribus collegit. Quamquam magno illa usui esse possunt in oratione scribenda
et

et ad periodicæ dictionis formam concinnandam: cui fini inservire potest *index* libello subiectus qui si consulatur, statim patebit, (y) quæ voces apud CICERONEM aliosque auctores classicos simul iunctæ fuerint, et ad periodum formandam adhiberi possunt.

§. XIV.

Puritas et proprietas vocum Latinarum ex *finitimis*, quibus adiunguntur, disci potest, ut iam vidimus, scilicet subiectis, quibus tribuuntur, et Synonymis, quibus coniunguntur: videamus nunc, quomodo etiam disci possit ex *illis, quibus explanantur*. Explanantur autem per *epitheta*, quæ vocibus substantivis adiungi solent, et ex adiunctione sua de ipsa vocis vi quodammodo testantur. Variæ enim indolis *epitheta* sunt: quaedam enim tantum adduntur ad sermonis plenitudinem aut ornatum, quaedam otiosa tantummodo sunt, et voci ipsi, cui adduntur, nullum novum conceptum superaddunt, quæ *epitheta*, ut pleonasmî, vel nullum, vel exiguum

(y) *Quæ voces*) Hic etiam commode plerumque iuvabit NIZOLIVS, qui in *Thesaurò Ciceroniano* ad vocem quamlibet affines voces et loquendi modos, nec semper ex solo CICERONE, notavit.

guum in oratione usum habent. DONA-
TVS *Comment. in Terentii Eunuch. Act. II.*
Scen. III. ait: *Epitheta de tribus causis no-*
minibus adduntur, discretionis, proprietatis
et ornatus; e quibus duae priores causae
tacite inferunt, et epithetis disci posse vo-
cum discretionem et proprietatem. Quae
si de singulis vocibus haberi possunt, via
iam ad puritatem sermonis, etiam per epi-
theta dignoscendam, strata est. Nam
quod ad ornatum pertinet et numerum
orationis, illud nunc non adeo considera-
mus. Et hoc quidem praecipue post ora-
tores considerant poetae, qui magnam ora-
tioni poeticae gratiam ex epithetis conci-
liant; in quibus colligendis multi operam
non vulgarem posuerunt, RAVISIVS,
CALAGIVS, (z) NICOL. LE ROUX:
qui posteriores distinctius illam epitheto-
rum congeriem proposuere, quam RAVI-
SIVS, qui omnia miscuit. NIC. vero
LE ROUX pleraque, ut videtur, e CA-
LAGIO in rem suam transtulit.

§. XV.

Oratoriorum epithetorum singularem li-
brum scripsit PETRVS IOA. NVNNE-
SIVS,

(z) *Nic. le Roux*) *Eius Selectum Epithetorum La-*
tinae Poeseos, Parisiis 1631. in 8. editum vidi:
CALAGII nihil mihi licuit inspicere.

SIVS, qui e CICERONE epitheta collegit, adiectis locis, unde illa desumpta sunt, (a) quo feliciter in oratione amplificanda uti possumus, cui praecipue epitheta inserviunt. Scripsit et SEBAST. FIGULVS *Epithetorum oratoriorum farraginem* post NVNNESIVM, in qua non tantum ex CICERONE, sed etiam ex aliis scriptoribus, CAESARE, SALVSTIO, TERENTIO, VARRONE, COLVMELLA, PALLADIO, CATONE, PLAVTO talia epitheta collegit, non tamen adiectis auctorum locis, sine quibus tamen verum de sensu vocum iudicium perhiberi non potest.

§. XVI.

- (a) *Quo feliciter in oratione*) Vt his subsidiis multum iuniores in oratione formanda adiuvari possent, eisque ad masculam eloquentiam iter quodammodo sterni non inficior: ita praeclarum illud HORATII monitum in qualibet eiusmodi regula ex animo non esse dimittendum existimo:

Scribendi recte sapere est et principium et fons

Rem tibi Socraticae poterunt ostendere chartae

Verbaque provisam rem non invita sequentur.

de arte Poëtica v. 315.

§. XVI.

Ut substantivorum adiectiva sunt epitheta, ita verborum adverbialia, quibus vis illa verborum vel intenditur, vel quomodo-
cumque circumscribitur aut modificatur. Quorum epithetorum insignis est usus in augenda et amplificanda oratione, quaeque eadem ratione ad distinctionem et proprietatem verborum usui esse possunt. Ea collegit HVBERTVS SVSANNAEVS, in *connubio adverbiorum* saepius edito, in quo e CICERONE adverbiorum usum additis locis demonstrat.

§. XVII.

De Epithetis in universum multa moneri possent, sed quae non sunt huius loci. Nos enim epithetorum tantum hic mentionem fecimus, quatenus verborum distinctioni inserviunt, et ad sermonis puritatem aliquid conferre possunt. Nam cum illa considerantur quatenus ad ornandam pertinent orationem, aut ad complementum aliquod illi conciliandum inservire possunt, nunc quidem de iis nobis agendum non est. Videatur de illis, quantum etiam ad ornatum pertinet, SCHRA-
DERI *commentarius in Aristotelis Rhetoric. Lib. III. cap. III. §. III.* qui in Germanica lingua similem epithetorum operam institui optat, ut in Latinis instituit NVN-

M

NE-

NESIVS et FIGVLVS, sed forte nescivit vir doctissimus, eius rudimentum iam tum a JO. RVDOLPH SATTLERO esse datum et prima istius operis lineamenta ducta, cuius vestigiis insistere possunt, qui e Recessibus Imperii, monumentis publicis LVNDORPII et aliorum similia instituerre collectanea velint. Liber SATTLERI inscribitur: *Deutsche Orthographia und Phrasologia. Basileae 1607. et 1658. in 8.*

§. XVIII.

Ad puritatem dictionis magnum pondus afferunt *Antitheta* seu *Opposita*, verba scilicet illa, quae quomodocumque sibi opponuntur, sive *contrarie*, seu *contradictorie*, seu *privative*, seu *relative*: nam ex omnibus his differentia quaedam vocum desumitur et proprietas earum magis elucet. Quemadmodum enim res rebus collatae diversitatem suam satis ostendunt, ita quoque verba verbis collata: ut vulgari etiam canone philosophico firmatur, contrariorum iuxta se positorum faciliorem esse cognitionem. Quare aequae magnam, si non maiorem operam Latinae linguae praestant, qui contrarietatem verborum, quam qui convenientiam ostendunt. Ut enim in convenientibus verba similia aliquod de vocibus iudicium subministrant, sed non satis firmum et constans, cum nulla

nulla adeo sint convenientia verba, quin aliqua in illis sit discrepantia: ita qui contrarietatem ostendunt, plura afferunt argumenta et indicia, quibus verba a verbis internoscant, ut adeo rectius de singulis verbis iudicium haberi possit.

§. XIX.

Quare bene de Latina lingua meriti sunt, qui verborum oppositorum et contrariorum indicem nobis dedere, quod quidem (b) ab ANTON. SCHORO in *Thesauro Ciceroniano* aliqua ex parte factum est: sed pleniorē hunc nobis laborem dedit AVGVSTINVS GAMBARELLA, *Mediolanensis*, in libro, qui inscribitur: *Antithetorum amica similtas*, Mediolani 1619. in 4. edito, quo in libro e PLAVTO, TERENCE, CAESARE et CICERONE opposita collegit, verbis et locis integris adductis, ut plenum de quovis loco iudicium institui possit, quod non solum ad verborum vim, proprietatem et puritatem deprehendendam prodest, sed et singulare in amplificanda oratione subsidium praestat. Ut enim Synonymis et Epithetis orationem amplificamus, ita antithetis quoque,

M 2

et

(b) *Ab Anton. Schoro*) Nec non NIZOLIO, qui in *Thesauro* etiam plerumque verba opposita solet commemorare.

et eo magis, quo maiorem sermoni gratiam antitheta conciliant. In his videmus quae vox voci et quoties opponatur et quo sensu: cumque in oratione vel vox vel phrasis simplex ponitur, statim patebit, si hic evolvatur, an opposita quadam vel phrasi vel voce amplificari possit. Unde oratio Latina magnam copiam acquirat. *Ex. gr.* Si unicam illam vocem *virtus* inquiras, videas, quam multis simul opponi possit, ut ambitioni, audaciae, casui, defidiae, dolori, dolo, felicitati, flagitio, fortunae, furori, humilitati, imbecillitati, infirmitati, insidiis, libidini, maleficio, molitiei, nequitiae, obsecrationi, peccato, perfidiae, pertinaciae, sceleri, temeritati, turpitudini, vitiositati, vitio, voluptati. De ratione huius collectionis et usu videatur auctor in *praefatione* huius libri.

§. XX.

Hae sunt, quae ex observatione coniunctorum, affinium et repugnantium verborum institui observationes possunt. Longe plura in ipsa lectione observari possunt, si quis illa, quae apud classici auctores inveniuntur, accurata observatione notarit. Quare omnia illa, quae habentur apud nonnullos auctores, de vocum delectu observata probe notanda sunt et ad quasdam velut regulas et canones exigenda. Nam
ut

ut vocum proprietas ex cognatis et contrariis colligitur, ita ex usu auctorum iudicandum est, quae voces cui loco et quibus subiectis conveniant. Quem in finem tam anxia diligentia (c) a Graecis olim vocabula censuris singularibus notata, ut poetica ab oratoriis, oratoria a civilibus et historicis distinguerentur, singulisque peculiaribus quaedam lexica tributa. Habent nempe singuli dictionum characteres suas quasdam voces sibi singulares, quarum in ceteris non iste usus est. Ita in oratione voces numerosae, polysyllabae, sonantiores, graviores praeferuntur brevibus, exilibus, asperis, et eo in loco commodam sedem inveniunt, unde ex iis bene adhibitis sermonis puritas in plena oratione iudicanda est. Puritas enim sermonis hic ita attenditur, ut cum euphonia et gravitate in elocutione conveniat, ideoque puritas sermonis quodammodo ratione characteris temperatur. Videndus est super hoc argumento LVDOV. STREBAEVS in libro *de delectu verborum*, qui solet iungi IOVITAE BRIXIANI libro *de numero oratorio*.

M 3

§. XXI.

(c) *A Graecis*) Legatur hic Rhetorum antiquorum princeps, ARISTOTELES *de arte Rhetorica Lib. III. cap. II. p. 193. 194. ed. Schraderi. L. III. cap. III. p. 199. et alias.*

§. XXI.

Vehementer et illi errant, qui puritatis observationem ex uno tantum auctore aestimant, atque ideo illi, qui nihil nisi Ciceroniana pro geminis habent, non audiendi sunt. Etsi enim CICERO, summus eloquentiae magister, eas usurpavit voces et phrasas, quas ut orator summo delectu collegit, tamen et apud ipsum occurrunt talia, quae nemo facile in oratione civili usurparit, praesertim ista, quae semel apud eum leguntur et ut *singularia* a Grammaticis notantur: quorum integrum librum olim congeffit STATILIVS MAXIMVS et quorum magna pars hodieque extat in FROBENII *indice Grammatico*, qualia sunt *inconsiderantia*, *anxietudo*, *silva viridicata*, *assu sole*; pro *sicco*, et multa alia, quae vel ideo fugienda sunt, quod interdum securi de vera lectione esse nequeamus. Multa enim talia iam olim in lectione Ciceroniana occurrerant, de quibus legendus est HENR. STEPHANVS in *Pseudo-Cicerone* suo antea laudatus. Et si vel maxime genuina essent, tamen ipsa illa vocum raritas quod hoc tempore trahi in suspicionem possit, sufficiat nobis ad auctoritatem earum imminuendam.

§. XXII.

§. XXII.

In puritate vocum dignoscenda non adeo probo nimium CICERONIS studium. Solent enim illi, qui in unius auctoris, licet optimi, verba iurarunt nonnumquam sensu suo falli, eaque pro genuinis accipere, quae non sunt, et quae in perversos sensus a multis sunt corrupta. Non dicam nunc de antiquis scriptoribus, qui in ipso CICERONE multa deprehenderunt, quae Latinae linguae genio non adeo respondeant, de quibus NICOL. SVSIVS in *Lima Ciceroniana Lib. I. c. XIII.* pluribus egit. Saltem hoc nobis notandum est, observari interdum a nobis, quae omnes observationis calculos non mereantur. Quare in omni illa imitatione Ciceroniana magna opus est circumspeditione et iudicio, ne prava imitatione quod alias bonum est corumpamus. Habet enim suos quosdam limites et fines imitatio, quos egredi non debemus. Interim quae apud CICERONEM occurrunt voces et phrasae sedulo notandae sunt, earumque vis et significatio probe animadvertenda. CICERO enim inter veteres ad civilem usum tantummodo respexit, iisque vocibus et phrasibus usus est, quae hoc charactere prae ceteris insignitae sunt. Etsi enim sunt, qui

PLAVTVM CICERONI et TERENCE

M 4

TIO

TIO praeferendum putent, quod nemo proprietatem vocum magis spectaverit, et (d) hoc iudicium probet VAVASSOR *libro de ludicra dictione*, est tamen haec sententia cum grano salis accipienda. Et si enim hoc verum sit, tamen non tam ad voces et phrasas singulas, quam ad totam orationis compositionem respiciendum est, quam in CICERONE concinniores esse nemo prudens dubitaverit, quam in PLAVTI comoediis. (e) Apud illum enim solus ille vocum selectus puritatis argumen-

(d) *Hoc iudicium probet Vavassor*) Id vero minime facit VAVASSOR. Qui libro hic laudato *Secl. II. cap. I. p. 174.* disertè PLAVTVM secundum CICERONEM collocat et p. 179. pariter de TERENCE pronuntiat, eum elegantia loquendi PLAVTVM superare. Solebat ex memoria, quam capacissimam nactus erat, sua in litteras referre MORHOFIVS. Quapropter quod interdum lapsus sit, nil mirum est. Et facile cuivis lectio eorum, quae hic habet, declarabit, ex tempore ea effusa esse.

(e) *Apud illum enim*) Non est, cur hic disputemus. Quod inter CICERONEM et PLAVTVM discriminis interest, id provenit a diverso, quod elegerunt, scribendi argumento. Si PLAVTVS orationes et libros, CICERO fabulas et comoedias scripisset, hic fortassis PLAVTINOS modos, ille CICERONIANOS conse-

gumentum conficit, cuius iudicio ut oratoris magis hic standum est, quam vel Comici, vel Poëtae, vel Grammatici, vel alterius cuiusdam, cuius tantum non est in vocum selectu iudicium, qui unicus est origo omnis eloquentiae, (f) ut QVINTILIANVS recte iudicat. Nam fuere et CICERONIS tempore multae phrasēs et voces Latinae, quibus alii scriptores et praecipue populus usus est, quae tamen a puritate dictionis Latinae omnino excludendae sunt, quod non uterentur illis, qui isto tempore orationes vel publice habebant, vel quaedam scribebant, quae viris prudentibus et doctis in pretio erant. Quare multa inveniuntur vocabula et phrasēs apud Afros praecipue scriptores, quae Latinae fuerunt et a plebe Romanisque usurpatae, sed quibus abstinuit CICERO,

M 5

absti-

confectatus esset. Quis enim est, quem fugiat, argumentis orationem sive materiae formam esse accommodandam?

(f) *Vt Quintilianus*) Iterum aberrat memoria viri summi. Non QVINTILIANI haec sententia est: sed IVL. CAESAR *libro primo de ratione Latine loquendi* sic praecepit, *verborum delectum esse originem eloquentiae*, id quod CICERO nobis scriptum reliquit *Bruto seu de claris orator. c. LXXII. p. 178. T. I. Opp. ed. Gruteri.*

abstinuerunt omnes illi, qui puritatem in dictione Latina sequebantur. De Africanis his vocibus et phrasibus videri potest (g) DAVMIVS *Libro de caussis amissar. linguae Latinae radic. c. XXVII. p. 108. 109.*

§. XXIII.

(h) Cum puritas orationis Latinae in imitatione CICERONIS magnam partem consistat: nam in observatione illa, quae e CICERONE instituitur consilio nostro, praecipua pars omnis illius puritatis continetur: negari tamen nequit, primam illam puritatis Latinae labem in mala CICERONIS imitationeprehendi. Qui enim veras imitandi leges non novit, vocibus et phrasibus non recte utitur, malaque applicatione illa quae per se bona sunt corrumpit. Ideoque videmus, puerilem illam imitationem CICERONIS, quae superiori secu-

(g) *Daumius*) Consulendi etiam sunt, qui in APVLEIVM et TERTVLLIANVM commentati sunt, viri eruditi.

(h) *Cum puritas orationis*) Haec, ut in mentem veniebant, ab auctore dictata aut chartae mandata esse, non expolita studiose et limata, nemo est, quin statim animadvertat. Legatur interea ad eorum illustrationem ANDR. IV. LII DORNMEYERI *de vitioso Ciceronis imitatore* commentatio.

seculo apud nonnullos in usu fuit, BEM-
BVM, LONGOLIVM, SADOLETVM,
plus noxae inferre Latinae linguae, quam
commodi. Hinc non omnino improbo
declamationes illas nonnullorum, ERASMI,
aliorumque, quas adversus Ciceronianos
instituerunt, cum illi non tam sensus CI-
CERONIS attenderent, quam verba au-
cuparentur, quod imitationis numeros
omnes non absolvit. Inde factum est, ut
non vocibus tantum serviliter inhaerent,
sed et coniunctis, contrariis, ceterisque il-
lis, quae in CICERONE deprehendisse
sibi visi sunt: unde non raro falsae voces
et phrasae pro genuinis et legitimis usur-
patae sunt. Imitari enim illi se CICERO-
NEM crediderunt, si sententias quasdam
et phrasae ex illo conglutinant et verba
tantum congererent, cum tamen in illis
nulla vis imitationis consistat, sed in rerum
sensu, qui tamen commodis verbis effertur.
Quare facile fieri potest, ut oratio e-
meris verbis et phrasibus CICERONIS
congesta tota tamen inepta sit, minusque
Latina, quaeve a puritate sermonis quam
maxime abscedat. Adversus hos CICE-
RONIS imitatores serviles, quique in solis
vocibus inhaerent, rem autem ipsam
eiusque ideam non caperent, magna acer-
bitate declamat BVDAEVS in *Commenta-
riis*

riis linguae Graecae p. 1012. 1013. 1014. f. qui tamen non est adeo hac quidem in parte testis omni exceptione maior. Ut enim Graecis prae Latinis favet, ita in CICERONEM eiusque imitatores inclementius multa dicit, quae non sunt omnino probanda. Ipse enim BVDAEVVS, in quo Ciceroniana imitatio consisteret, licet vir graece doctissimus, minime intellexit; quanquam tamen CICERONEM laudibus suis ornat,tribuendo ipsi copiam et affluentiam inexsuperabilem. Nam qui Ciceronianae imitationis anxia affectatione ducuntur, eos quasi athletas quosdam eloquentiae vocat, qui certa lege lectionis, quasi pabulo, suam facundiam alant, ut olim athletae campestris ea, quae *αναγχοφαιρία* dicitur, suos lacertos alebant et saginabant, ex qua lectione nonnulli exsangues tandem evadant et ieiuni. Quare nostrae aetatis Tullianos scriptores veteribus Atticis confert, qui aetate CICERONIS inani quadam specie et fulgore CICERONI obiecto, gloriae eius splendorem obscurabant, et de quibus FABIVS (i) *Libro ultimo* ait: *Omnes illos M. Tullium pressisse, qui*

(i) *Libro ultimo*) *Lib. XII. cap. X. p. 746. ed. Obrechtii.* De Atticis ceterum ipse CICERO in *Bruto* et aliis locis consuli potest.

qui videri Atticorum imitatores cupiebant, cum neque Ciceronis ubertatem, neque Atticorum in dicendo brevitatem et argutias exprimerent.

CAPVT XII.

De Translatis, quae loco priorum adhibentur.

§. I.

Latinae linguae puritas, ut vidimus, in vocibus et phrasibus proprie usurpatis maximam partem consistit, atque ea de re plenius egimus. (k) Quoniam vero non est tanta cuiuscunque linguae

(k) *Quoniam vero non*) Innumerabilibus omnes linguae translatis abundant; et credo fere, aequae magnum esse translatorum, ac propriorum numerum. Solent nimirum homines res, quas ingenio et ratione comprehendunt, improvise cum illis rebus comparare, quas sensibus cernunt et percipiunt. Inde fit, quod vocabula, quibus eas designant similitudinem plerumque contineant a rebus civilibus aut naturalibus ductam. In doctrina morali et civili id usu venit quotidie: praecepta nimirum et actiones vocibus exponuntur, in quibus comparatio quaedam inest. Non omnes id observant: quod si facerent, ad interpretationem et intelligentiam auctorum tam sacrorum,

guae copia, ut omnia propriis exprimi verbis possint, vicem eorum suppleant *translata*, quorum tamen magna est differentia. Sunt enim inter *translata*, quae *necessitatis*, sunt quae *ornatus* causa adhibentur. De posterioribus nunc non dicemus, quoniam non ad *puram*, sed ad *ornatam* dictionem pertinent. De prioribus vero, utpote quae ad puram dictionem referuntur, nunc commentabimur. Est nimirum quaedam etiam in translatis puritas et quaedam perspicuitatis idea, omnino ab iis translatis distinguenda, quae magnificam, splendendam, poëticam orationem efficiunt. In his enim per se puritas non spectatur, etsi quoque ratione dictionis et argumenti magis minusque pura dici translata possint, etiam in poëtica et panegyrica oratione. Nam et hic pura ab impuris secerni possunt, frigida, tumida, a sublimibus: sunt nempe et his quidam sui gradus. Pura et perspicua est oratio poëtica, licet translationibus sublimibus differat a sermone pedestri. At haec si ultra quam fas est intendantur, legesque metaphorarum excedant in poëmate, impurum aliquid ratione sermonis poëtici ostendunt.

§. II.

rum, quam profanorum, non exiguum sibi compararent subsidium.

§. II.

Ex his, quae diximus, iam consequitur hoc, magnam esse translatorum differentiam, pro ratione dictionis et argumenti, eamque ob causam non vulgarem esse operam ponendam in translatorum indole et ingenio explorando: siquidem non hoc tantum intuitu, sed etiam latinae linguae aetatum magna inter translata diversitas est, cum aetatis aureae scriptores ita translatis utantur, ut iudicii et sobrietatis regulas non excedant, qua in re tamen multis modis aetatis sequioris scriptores peccant, quippe qui per translata audaciora sermonem Latinum corruerunt. Primus enim corruptionis gradus in linguis est, si quis translatis non bene utatur, aut translata audaciora formet, ut faciunt plerique illi scriptores, qui post CICERONIS tempora scripserunt. Immo vero ipse CICERO et post CICERONEM QUINTILIANVS passim in pravam illum morem declamant, quo translata immoderate adhibentur. Multa de pravo illo translatorum usu NICOL. SVSIVS in *Lima Ciceroniana* c. XIV. scripsit. Nostro aevo illa in translationibus infania tanta est, ut quilibet sibi fingant pro lubitu et tum credant se eleganter dicere, si omnia metaphoris incrustent. Nam ut HORATIVS ait:

Qui

*Qui variare cupit rem prodigialiter unam,
Delphinos sylvis appingit, fluctibus
aprum.*

(1) Inde nata illa argutiarum affectatio etiam nostro tempore, apud Italos praecipue, in illis, quas vocant, inscriptionibus, in quibus praeter puerilem aliquam luxuriam Metaphorarum et sententiarum nihilprehendas. Quam dicendi rationem iam multi Satyrico sale notarunt. Sed ea est hominum semidoctorum et imperitorum perversitas, ut saniora monentes non audiant et in his nugis consenescant.

§. III.

(1) *Inde nata illa*) Ferenda esset in sermone et commercio civili haec malefana consuetudo. At in sacram ea eloquentiam infausis auspiciis transiit, in qua, ut a nonnullis docetur, non leve id artificium est, res simplices et apertas imaginibus et similitudinibus ornare, aut potius obscurare. Concedunt omnes, simplicia et propria facilius intelligi, ac figurata et impropria. Neque id quisquam dubitat, quin auditorum intersit, oratoris mentem capere. Quid ergo est, obsecro, quod intellectu facilia difficilioribus postponuntur? At scio, quid homines illi spectent. Sua referre ducunt, ut populi applausum et admirationem excitent. Iam multo magis id imperiti admirantur, quod obscurum, quam quod perspicuum. Hinc malum illud.

§. III.

Quare sedulo cavendum est, ne illi, qui eloquentiae tyrociniis imbuuntur, sibi ipsis temere metaphoras ex ingenio fingant, aut a Poëtis et Comicis usurpatas in orationem admittant: puritatem enim dictionis corrumpent et toto hinc vitae tempore nihil nisi inconcinna et inepta scribent. Qui morbus etiam ingeniosos viros et doctos interdum occupavit, et expresse notavit REGIVS in *vita Budei* p. 227. edit. *Londin.* BVDEVM omnem illam, quam habuit, in stylo suo affectationem et scabritiem non alia ex causa habuisse, quam quod metaphoras nimium amarit. Et si enim ipse in *Comm. de lingua Graeca* p. 1023. de translationibus sobria maxime praecepta dedit, in has tamen leges ipse vehementer peccavit: quam ob causam ERASMO in epistola quadam ipsum laudanti false dicitur non orare, sed tuba canere.

§. IV.

Haec illa causa est, unde tot vitia styli descendunt, *frigus*, de quo ARISTOTELIS *Rhetoric. Lib. III. cap. III. puerilitas, tumor et ventositas*, de quibus vitiis Rhetores pluribus agunt, et inter ceteros NICOL. CAVSINVS in *Eloquentia sacra et profana* in eleganti illo lusu Oratorio, quo
N omnes

omnes κακοζηλῆς Oratores adversus CICE-
RONEM in scenam producit. Similis illi
lusus est cuiusdam Galli anonymi, qui
litteras, ut vocat, *methodicas* populari lin-
gua scripsit, in quibus simili dictione alle-
gorica et metaphorica utitur. Simile in-
genium fuit PETRO GRVTERO, scho-
lae Roterodamensis Rectori, qui talibus flo-
sculis metaphoricis epistolas suas exorna-
vit, et ut singularia specimina, si Diis pla-
cet, in publicum edidit, belle illusum a BAR-
LAEO, (m) qui ipsi facete simili dictione
respondit. Vide, quid adversus eos,
qui adagiis et ridiculis metaphoris utuntur,
STREBAEVUS *Lib. I. de collocatione verbo-
rum cap. III. p. 17.* iudicet. Haec, quae
apud

(m) *Qui ipsi facete*) Plures ineptam scribendi
rationem hominis huius lepido ingenio prae-
diti irriserunt: quibus omnibus peculiari
Apologia se purgare studuit, quae *Centuriae
Epistolarum* eius *Francof. 1615. in 8.* editae ad-
iecta est. Praeter frigidas translationes bre-
vioribus utitur verborum comprehensionibus
et ubivis vocabula confectatur antiqua et ab
usu remota. LIPSIVM imitari studuit, cuius
vitia apte satis expressit, non virtutes, quod
ingenio multum esset inferior. BARLAEI
qua perstringitur, epistola LXXI. est, inter
epistolas BARLAEI. Vid. et de eo BAYLIVS
Dictionaire Tom. II. p. 1327.

apud illos a nobis memoratos auctores habentur, adeo sunt ridicula, ut statim se omnibus, qui non obesae naris sunt, ostendant. In hoc censu illa etiam collocanda sunt, quando ridiculis et fordidis metaphoris quae maxime seria sunt efferuntur, quod genus nostro tempore nonnulli apud Italos instituerunt. Imitati sunt (n) Galli illo dictionis genere, quod *burlesque* ab illis vocatur, cuius auctorem CVPERVS in *observationibus* suis RINTHONEM inter veteres facit: nostro vero aevo Itali primi auctores volunt videri, quam illis gloriam nemo inuidebit. Fuere inter Gallos, quibus hoc dicendi genus placuit, quos Satyrico sale merito perfricuit FRANC. VAVASSOR in elegantissimo *libro de ludicra dictione* quo stultitiam hanc in popularibus suis in primis reprehendit.

§. V.

Nemo non videt has esse nugae et in seria oratione locum non invenire, ideoque tam ineptas elegantias omnes esse eli-

N 2

minan-

(n) Galli illo dictionis genere) *Ludicrae dictionis Historiam* pollicitus est Vir clarissimus, IO. ERHARD. KAPPIVS. Quae dum prodeat, *Apparatus*, quem idem vir eruditus ad hanc *Historiam* congeffit et novae libri VAVASSORIS editioni praemisit, utiliter evolvetur et perlustrabitur.

minandas, quae orationem quasi sordibus quibusdam inficiunt. Exulare ergo ex oratione civili et pura debent omnes tales metaphorae sordidae, comicae, poëticae, ad ridendum compositae, illae vero adhibendae, quae orationem ornant et illustrent: et in illis ea distinctio observanda, ut ea, quae poëtica censentur et a vulgari sermone abhorrentia, in civili oratione non admittantur. De hac translationum sobrietate et recto iudicio plenius agit idem ille VAVASSOR in elegantissimo *libro de epigrammate*. Ipse quoque CICERO et ARISTOTELES *libro de poëtica* (o) summi iudicii rem habuit scienter uti translationibus, atque adeo praeclari ingenii signum aestimavit.

§. VI.

E dictis patet, magnam esse rationem habendam verborum Comicorum. (p) Solent enim apud Comicos translationes esse
ex

(o) *Summi iudicii rem*) Neque id immerito. Quaelibet enim translatio comparisonem continet. At scite res cum rebus comparare nemo potest, nisi is, qui intelligit, quam in re convenient inter se res, quam differant. Quod qui novit, is magna et accurata rerum cognitione sit instructus, necesse est.

(p) *Solent enim apud Comicos*) Idque nemo eis vitio dare potest. Homines enim loquentes indu-

ex ingenio et occasione rerum confictae, quarum usus in seria et civili oratione omnino dissuadendus est. Et in Comicis ipsis magna differentia est. Nam apud PLAVTVM multa sunt translata audacia, ridicula, et risus captandi gratia inventa, quae apud TARENTIVM sobria magis sunt et locum in oratione civili et pura prae Plautinis illis inveniunt. Notum est HORATII iudicium in *Libro de arte poetica* de salibus et facetiis Plautinis, qui omnino hac quidem in re audiendus est, ut optimus verborum et dictionis aetatis suae iudex, quicquid etiam LIPSIO et DAN. HEINSIO videatur, qui PLAVTI defensionem adversus HORATIVM susceperunt. Legi etiam super hac re potest EDMUND. RICHERVS in *Obstetricie animorum*, ubi differentiam illam Plautini et Terentiani sermonis evidenter ob oculos ponit et Terentianum Plautino multis modis praefert. Idem iudicium est IO. STVRMII in *libro de linguae Latinae resolvendae ratione cap. IX.*

N 3

ubi

inducunt vilissimos et ex ima vulgi fece, mancipia, lenones, meretrices, alios item libidinibus agitados et corruptos: quorum quidem sermones non ratione aut iudicio, sed phantasia regi solent, ideoque inficetis abundant translationibus.

ubi hanc fecit Plautinorum distinctionem, quod quaedam Plautina sint, quae perpetuo possint usurpari, quaedam quae raro, quaedam etiam quae insolenter, id est, cum quadam licentia. (y) PLAVTVM ergo loquaciorem facit, quam TERENCEM, qui artificiosior est, sed Latinam et puram esse loquacitatem in Plauto ait; quare Latina PLAVTI dictione uti nos posse arbitratur, sed si illis loquendi modis abstineamus, quos servis, parasitis, herilibus filiis, lenonibus, meretriculis affinxit. Vide etiam elegantissimam comparisonem inter PLAVTVM et TERENCEM institutam a ROLANDO MARESIO *Epistol. Lib. II. 6.7.*

§. VII.

(q) *Plautum ergo*) Ita virorum doctorum iudicia de dictione et stylo optimorum auctorum discrepare solent. Quem hic unice censet imitandum, eum alius vix dignum iudicat, qui legatur. Id qui magnopere miratur, eum hominum oportet naturam et indolem ignorare. Dictio ingenium plerumque scriptoris refert et animum adumbrat. Hinc quibus aut idem, aut non dissimile obtigit ingenium, in amplexus eius ruunt: qui aliter, ac ille, natura facti sunt, ab oratione eius abhorrent. Hoc fundamentum est tantae iudiciorum de auctorum dictione varietatis. Sed haec huius loci non sunt.

§. VII.

Multum scilicet interest, quibus translatis et quo modo utamur. Itaque cum Ciceronem in illis semper modestum esse deprehendamus, hunc prae ceteris imitandum nobis proponemus, et ita quidem imitabimur, ut oratoria illa et quae cum vehementia animi coniuncta sunt non ubi-vis, sed loco commodo adhibeamus, ea vero, quae communia sunt et sermoni quoque vulgari propria ubi-vis adhibeamus. Illa enim pari ratione cum propriis censentur. Sed in illis vehementibus translatis modus est adhibendus, ne ultra decorum extendantur aut in poëticam audaciam et κατὰ χησέας abeant. Exemplum esto initium *Orationis secundae Catilinae*, quod vehementibus et illustribus translatis plenum est, atque ita sese habet: *Tandem aliquando, Quirites, L. Catilinam furem audacia, scelus anhelantem, pestem patriae nefarie molientem, vobisque atque huic urbi ferrum flammamque minitantem ex urbe vel eiecimus, vel emisimus, vel ipsum urbe egredientem persecuti sumus: abiit, excessit, euasit, erupit: Nulla iam perniciēs a monstro illo atque prodigio moenibus ipsis intra moenia comparabitur. Atque hunc quidem unum huius belli domestici ducem sine controversia vicimus.* Non

enim inter latera nostra iam illa sica ver-
 sabitur, non in campo, non in foro, non in
 curia, non denique intra domesticos parie-
 tes pertimescemus. Metaphorae hic sunt
 omnino modestae, etsi emphaticae, et ad
 rei gravitatem accommodatae, quibus si quis
 alia substituerit, totam orationem langui-
 dam reddet. Quare EMMAN. THESAV-
 RVS in Libro Italica lingua scripto *de ar-
 guta et ingeniosa elocutione cap. VII. p. 283.*
 ostendit, ineptam fore hanc orationem, si
 his similibusque translatis illa varietur:
Tandem aliquando, Quirites, L. Catilinam
liquescentem petulantia, ad flagitiorum cul-
men anbelo conatu eluclantem. Phineam
luem patriae harpygialiter architectantem,
vobis atque huic urbium reginae Martem
Vulcanumque barbarice minantem ex urbis
sinu vel evomuimus, vel explosimus, vel
ipsum foras proserpentem venabulis impe-
tivimus: erupit, avolavit, effluxit, in niki-
lum evanuit. Nulla iam carnificina ab Ler-
naea illa excetra et larvali portento moeni-
bus ipsis intra moenia procurabitur. Atque
hanc quidem unam huius intestini carcino-
matis radicem sine ferro averruncavimus.
Non enim iam inter medullas nostras ma-
chaera illa grassabitur non in suburbano
diverticulo, non in forensi theatro, non in
consiliorum sacrario, non denique intra do-
 mesti-

mesticos lares focosque contremiscemus.

Conferat quis haec cum Tullianis et videbit, quam sint inepta: Sunt hic quaedam vel ex PLAVTO desumpta, vel lascivius conficta, qualia non decent orationem sobriam et gravem, ac praeterea *τύπος* illum ac emphasin orationis, quae hic singularis esse debebat corrumpunt.

§. VIII.

Ex his, quae diximus, constare unicuique potest, omnem illam metaphorarum rationem non esse nobis ex ingenio fingendam, (r) sed ad placitum et iudicium auctorum classicorum exigendam. Et esset sane optandum, si quis hac in parte

N 5 te

(r) *Sed ad placitum*) Aut potius ad sanae rationis et iudicii normam, quam auctores illi secuti sunt. Mihi quidem nullum est dubium, quin haec omnis de translatis doctrina ad certas vocari possit regulas, rationis principiis innixas. Vt in omnibus vero scientiis praecepta exemplis mirifice illustrantur et roborantur: ita nihilominus laude dignus foret, qui ex classicis, qui vocantur, scriptoribus exempla colligeret. Mihi quidem, id quod saepius professus sum, omnis eloquentiae institutio parum iuventuti salutaris videtur, nisi leges eius ex illis deriventur principiis, quae hominum rerumque prudens parit consideratio.

te labore quodam nos levaret. Nemo enim in hunc diem exitit, qui metaphorarum collectionem ex classicis auctoribus instituerit. Habuit id in animo quondam PETR. MOSELLANVS, IOAC. CAMERARII praeceptor et Professor Lipsiensis, de quo MELCH. ADAMI *in eius vita* testatur, quod fuerit metaphorarum observantissimus, earumque e CICERONE aliisque scriptoribus optimis magnum acervum collegerit, instar *Adagiorum ERASMI*, quod opus editurus fuisset, si aliquot annos superstes fuisset. Sed nemo post illa tempora huius curae meminit, aut similem laborem suscepit, utilissimum profecto futurum, si ab eleganti ingenio susciperetur. Verum, ut recte iudicat BOECLERVS, *Diss. de comparanda Latin. linguae facult. cap. II. §. IV.*, magnus ille labor foret, peculiari ista omnia libro observare, neque facile praestabit aliquis tale opus, in quo omnes vocum significationes propriae et translatae ex auctoribus notentur. Non tamen probarim omnino eius sententiam, cum existimat, impossibile esse, ut tale aliquod Lexicon fiat, eoque nos uti possimus, cum non satis plene et liquide intelligantur aestimenturque illa, quae a corpore suo sunt avulsa,

sa, quod ipse contextus, orationisque tenor quam optime sua verba interpretetur, quae non statim assequatur huius vel illius diligentia: idque eo in loco plurimis exemplis confirmat, quae ex NEPOTE et CVRTIO depromsit. Fatendum sane est, multas occurrere phrasas, ut proprias, ita translatas, quas rei necessitas auctoribus extrudit: quas si alio loco, aliaque ratione usurpes, frigidas aliquis dicat et inepte positas. Translationum illa praeterea ratio est, ut ex ingenio rerum et occasione iudicari debeant, ineptae futurae, si extra hanc occasionem usurpentur, ut multis probat BVCHNERVS *de commutata ratione dicendi cap. II.* Sed viri tamen prudentis et eloquentis est, talia discernere, et qui tale opus susciperet, singulorum translatorum accuratam instituere observationem deberet. Quod enim in verbis propriis fieri debet, idem quoque in translatis et eo quidem magis teneatur necesse est, cum propriae voces simplici usu constant, translatae vero e variis dictionis figuris aestimari debeant. Quod ipsi scilicet dictioni accidit, ut sit vel mollis, vel aspera vel vehemens, idem etiam translatis evenit, cum dictionis character maximam partem a translatis temperetur.

retur. Quare si (s) MAFFEIVS, id quod ERYTHRAEVUS notavit *Pinacothec. II. Imag. XIV.*, omnia Latina verba collegit ac pro ratione temporum, quibus inventa vel usu recepta essent, distribuit, tum quae verba Historicis, quae Poëtis, quae Oratoribus aptiora essent, notavit, multo magis hoc in translatis faciendum est. Trahunt quidem ea vim suam ex ingenio et conceptu auctorum : ex similitudine enim et analogia oriuntur ; attamen decorum illud translationum : (t) non tam ex ingenio, quam ex usu auctorum definiendum est,

(s) *Maffei*) PETRUM MAFFEIVM intelligit, Iesuitam, qui in *Historia rerum per Lusitanos in India gestarum* conscribenda duodecim consumpsit annos, et incredibili diligentia, ne quid in ea minus Latinum sibi excideret, cavet. vid. SCIOPIVS *de stylo histor. p. 70. 71.*

(t) *Non tam ex ingenio*) Mihi secus videtur. Nam si auctorum usu omnis translationum elegantia esset metienda, sequeretur, nulla nisi bona et laudabilia translata apud eos occurrere. Quod nullus tamen praeter eos, qui prorsus in his litteris hospites sunt, affirmaverit. Certe CICERO, SENECA, TACITVS et multi alii metaphoris utuntur, quas nemo prudens facile sibi vindicet. Inde vero minime id efficitur, quod vir magnus hic existimare videtur, ingenio frena esse laxanda in metaphorarum aestimatione. Est enim aliquod

est, quorum hic iudicio standum, ne frigida et inepta evadat oratio. Si enim ingenio et phantasiae frena mittimus, mirifica interdum translata fingere possumus, quae vel ridicula, vel minus sobria, vel certe audacia prudentibus videantur, neque locum in oratione civili inveniant, excusanda quodammodo, si in carmine aut comœdia adhibeantur: quanquam et in his moderationi et iudicio locus est. Nam et hic poëtarum classicorum auctoritas primo loco habenda est, licet ingenio nonnumquam indulgere possimus. Est quoque in his ipsis magna differentia inter vulgaria Poëtica et inter Satyrica, Lyrica et Comica translata. Plus nempe licet Satyrae, Lyrico carmini, dithyrambo et Comoediae, quam modesto carmini vel elegiae. In his ergo omnibus circumspectus esse debet tum orator, tum poëta. In quibus si imprudenter versetur, tantum abest, ut purus ille dici queat in oratione
tam

quod inter veterum auctoritatem et ingenium medium, ingenium nempe ratione temperatum et instructum. Hoc norma illa et regula est, ad quam exigere oportet translata, quibus dictionem ornare volumus. Concedit id ipse MORHOFIVS paullo post tacite, quando metaphorarum usum ex subiectis, quibus applicantur, aestimandum esse praecipit.

tam soluta, quam ligata, ut potius vel lulentus sit, vel frigidus, vel tumidus, vel quacumque ratione insolens et ineptus.

§. IX.

Observationes igitur e classicis auctoribus, e CICERONE in primis, diligenter sunt instituendae: ille enim, ut orator, translata splendidissima et maxime propria in usum civilem selegit. Qui post eius tempora scripserunt ut in ipso proprio vocum usu, ita in translationum recta et sana applicatione vehementer lapsi sunt. In SENECA multas fordidas voces notavit ERASMVS, ut ex eo BVCHNERVS observavit *de commut. ratione dicendi c. XV. §. III. p. 247.* Ita in ceteris quoque scriptoribus magnus translatorum abusus est sequioribus istis temporibus, adeo ut ex iis de lingua Latina corrupta iudicium ferri possit. (u) Prima enim linguae corruptela in translatis est, et recte iudicavit PERRONIVS in istis *Excerptis*, quae fratres PVTEA-

(u) *Prima enim linguae*) Non tam lingua inficitis depravatur translatis, quam eloquentia. Conferri hic omnes poterunt, qui de oratione simplici praecepta dederunt, BERGERVS in primis, summus verae eloquentiae vindex, *Libro de naturali pulchritudine Orationis. Witteb. 1720. in 4.*

PVTEANI collegerunt, linguam a summa illa perfectione paulatim corrumpi, ut fruges, quae ad maturitatem pervenerunt, verminatione quadam corrumpi solent. Illa corruptio consistit in metaphoris, frigidis, ineptis, audacibus, quas post CICE-
RONIS tempora in SENECA, PLINIO, TACITO, ceterisque, qui illos excipiunt, scriptoribus observare possumus. Nam quo remotiores ab aurea aetate scriptores sunt, eo magis in metaphoris fingendis audaces et inepti.

§. X.

Quoniam vero in his metaphoris observandis magna diligentia requiritur, neque cuivis statim patet, quomodo illae dignoscendae sint, ex auctoribus, quos habemus, phraseologicis seorsim notanda et seligenda sunt translata, quae civilis usus sunt, et quae praecipue locum in oratione pura et eleganti habent. Nam quum non adsint, qui ex instituto hoc argumentum tractarint, ex iis, qui ad manus sunt, usitatiores translata, quibus in quacumque oratione uti possimus, notemus necesse est. Habemus quidem phraseologiam Latinam in ROB. STEPHANI *thesauro* sic satis accurate traditam, sed omnia tamen ibi confusa et commista sunt. DOLETVS in *Commentariis Latinae linguae* commodius
omnia

omnia distinguere voluit, non solum ratione significationis, sed etiam ratione translationum: translata enim a propriis seiunxit: verum non ista *ακριβεια* et diligentia rem egit, quam accuratiores requirerent. Nos, ut nostro consulamus usui, si translata illa peculiari ordinare libro nequeamus, saltem in libellis phraseologicis ea lineolis varii coloris distinguamus, ut in oculos statim incurrant *translata sublimiora*, quibus uti ad orationem exaltandam possimus, et *communiora*, quorum frequentior usus est. Ita ex. gr. in SCHÖNSLEDERI *Apparatu Eloquentiae translata communiora*, quae propriis aequiparari possunt, lineola viridis coloris subducamus licet, *sublimiora*, quae ad sensus exaggerandos valent, rubri coloris lineolis distinguamus, ut ita statim primo intuitu pateat, quas voces seligere ad ornandam, quas ad exaltandam orationem queamus. Sub voce, ut exemplum afferam, *Abire* vel *migrare* multa reperiuntur Metaphorica, ut: *non transversum digitum discedere, talaria videre*, id est, *quaerere alas pedibus*, ut Mercurius, fugiendi causa, *avolare*. Sub voce *Occultus* haec habentur metaphorica: *Habere clausa sua consilia, vela obtendere, tanquam cochleam se abscondere, fallere et latere*. Sub voce *Accipere* haec reperiuntur:

Exte-

Exterebrare aliquid, ex auro deterimus octoginta sesteria, id est, ex illa summa detraximus. Sub voce: *Acquirere* haec extant: *aliquid nummulum exprimere*, videt nihil se ab eo abradere, *aliquid ab aliquo expugnare*. Haec et similia metaphorica sunt et certa ratione adhiberi possunt, consideratis tamen circumstantiis, quae in sermone ipso exprimuntur. Nam ab illis temperantur metaphorae, suamque quasi indolem accipiunt. In his ergo prudentem et circumspectum esse oportet. *Abradere ab aliquo nummos* vel pecuniam tum demum usurpabitur, si de avaro aliquo homine sermo nobis sit. *Detergere aliquid nummorum*, tum conveniet, cum caliditate nostra et artibus aliquid lucramur. *Extorquere aliquid ab aliquo* dicemus, cum de homine aliquo avaro aut moroso tricone et malo nomine loquimur. Ita translatorum usus ex subiectis, quibus applicantur, aestimandus est. Promiscue nimirum ea qui usurpare vellet, eius impura foret et insipiens oratio.

§. XI.

Inter eos, qui argutae dictionis praecepta tradidere, non desunt, qui certos fontes ostendant, ex quibus varia translata sumi possint. Fecit id EMMAN. THESAV-

O

RVS

RVS in (x) Libro Italice scripto *de ingeniosa et arguta elocutione* p. 142. 143. f. *MASENIUS in arte argutiarum* et alii. Haec contemnenda plane non sunt. Est enim in natura rerum, earumque analogismo fundata ea similitudo, qua conceptus metaphoricos rebus imponimus. Et omnia illa translata, quae apud bonos extant auctores, ad haec praecepta et ad hos fontes reduci queunt. Usus idcirco singularem haec praecepta habent in meditationibus de rebus formandis, in argutiis, epigrammatis, similibusque occasionibus. At in elocutione, ubi metaphoris dictio distinguenda est, ad hos fontes recurrere (y) anxium esset et longius petitum.

(x) *Libro Italice scripto*) Is etiam Latine versus prostat a doctissimo Viro, CASP. CÖRBERO, Eloquentiae in hac Academia quondam Professore, hoc indice insignitus: *Idea argutae et ingeniosae dictionis, ex principiis Aristotelicis sic erutae, ut in universum arti oratoriae et imprimis lapidariae atque symbolicae inserviat* Francof. 1698. in 4.

(y) *Anxium esset*) Aequè vero, si quid video, anxium et molestum foret, semper ad libellos phrasium confugere et exquirere, quibus translatis et quomodo veteres usi fuerint. Ingenium ergo ratione et iudicio rectum, memoriaque suffultum optimus hac quidem in re magister erit.

tum. Namque hic potius ad usum et consuetudinem auctorum, quam ad artis aliquam subtilitatem respiciendum est, quae extra dictionem, uti diximus, magno subsidio esse potest. Hinc indices illi categorici THESAURI, qui quodammodo cum titulis Lullianis conveniunt, hic extra scopum nostrum sunt, ubi ingenio et fictioni nostrae parum relinquitur et ad usum omnia referuntur. Nam ut in vitio positum est, phrasas pro lubitu fingere, ita nec ex arbitrio translata comminisci licet. Et sunt inter auctores recentiores, elegantes alioquin, qui eam ob causam a prudentioribus reprehenduntur, ut BARCLAIVS et alii, qui, quoniam floridum aliquod dicendi genus sectantur, in hos plerumque scopulos impingunt.

§. XII.

Quamobrem ut in omni dictione CICERONIS imitatio omne punctum fert, ita quoque hic diligenter notari velim translata, quibus ille utitur. Solus enim eam sermoni Latino diligentiam impendit, atque ita in omni dictionis genere excoluit, ut in exemplum merito ponatur, quidquid etiam ineptulis nonnullis Atticissimi sectatoribus videatur, qui ipso etiam CICERONIS tempore diversum quid ab eo sentiebant, quorum e numero ipse BRVTVS

erat. Eos ita retudit CICERO, ut satis pateat, quo illi numero haberi debeant. Nam ad POMPONIVM de BRVTI quadam oratione candide iudicium tulit, et in *libro de claris oratoribus*, nec non *de optimo genere oratorum* graviter Atticos sui temporis exagitavit, ostenditque, ignorare illos, quid vere esset Atticum, ipsorumque dictionem ab omni Atticismo alienam esse. Plenius id argumentum persecutus est FRANC. VAVASSOR in erudita *Orationum* suarum *praefatione*, ubi omnis imitationis Cicero-nianae rationem ostendit. Quod si homines sunt, qui suas ineptias, stultissimasque argutias his similibusque antiquis Atticisimi defensoribus simile quid habere existimant, illi profecto plane nihil in eloquentia intelligunt. Fuerunt nostro tempore, qui multas in eloquentia turbas moverunt, de quibus passim extant doctorum virorum querelae et (z) nos alio loco plenius dicemus. Legi potest interea VAVASSORIS *Oratio tertia pro antiquo genere dicendi contra novum*, qua fuse exagitat illos argutarum affectatores. Nec indignus, qui evolvatur ERYTHRAEVS in *Epistol. Lib. III. ep. 14.*

(z) *Nos alio loco*) Fecit id magnam partem Polyhistoris Tom. I. Libro VI. qui Oratorius inscribitur.

ep. 14. ubi perspicuitatem CICERONIS adversus illos nugatores defendit. Videatur idem in *Epist. II. Lib. V.* ad LEON. ALLATIVM. Consulatur etiam ALBERTI de ALBERTIS liber, quo *actio adversus eloquentiae corruptores* instituitur. Fuerunt qui in BALZACI, Galli doctissimi, scriptis similem aliquam translatorum pruriginem reprehenderunt, suntque de hoc argumento scripti (a) libelli quidam Satyrici, qui eius dicendi rationem allegoricam praecipue in Gallico sermone insectantur. Quod uti forte aliqua ex parte verum est, ita in latinis eius Operibus non invenio, quod acerbiorum censuram mereatur. In eius epistolis et poematibus Latinis nitida pleraque sunt et elegantia, nec a veteri dicendi ratione abhorrent, nisi quod illa, quae Gallis familiaris est, *Περисσολογία* et formularum luxuries nonnumquam appareat. Quod tantum abest, ut reprehendam, ut laudandum eo nomine existinem. Cum enim Latinitas selecta sit et pura maxime propriaque, venustas illa et sermonis urbanitas non dedecori ipsi, sed ornamento est.

(a) *Libelli quidam Satyrici*) vid. BAYLE Dictionnaire T. I. p. 430. 431.

CAPVT XIII.

De particulis, earumque accurata observatione instituenda.

§. I.

Postquam de vocibus et phrasibus egimus, ad particulas, earumque in oratione usum descendimus. Licet enim voces et phrascs recte adhibeantur, inepta tamen erit, obscura, et confusa oratio, nisi particulis locus suus tribuatur, eaeque ita in oratione collocentur, ut illa concinna et numerosa evadat. Plus in particulis latet accuratae observationis, quam in ceteris orationis partibus. Ideoque si illae minus apte usurpentur, si vocibus suis non recte iungantur, si periodum male expleant, non melior erit oratio, quam si nervi in corpore non recte sint compositi. Idem nempe, quod nervi, officium praestant particulae: his quasi vinculis sermo colligatur: nec certius luxatae orationis indicium, quam si illae suo loco, eoque usu non appareant, quo a priscis adhibitae sunt. Hic ergo non levis industria ponenda, et observandum, quis earum apud veteres usus fuerit. Cum illae signa et *σημεία* sint collectionum et illationum ex enthymematibus et rationibus institutarum, nihil magis,

gis, quam perversus earum usus, ad pervers-
tendos et confundendos sensus facit; nec
quidquam ordini, lectori et auditori ne-
cessario, magis officit, quam vinculorum
ἀνταρξία. Huius rei non ignarus TEREN-
TII Davus in *Andria* herum ludit: cui
quaerenti, quid narraret, respondet: *Aequ-*
quidquam nunc quidem. In simili casu
Syrus: *ita res est*, inquit, *haec nunc quae-*
curo. Studio enim et data opera senten-
tiam suam tectam cupiebant. Hunc ego ita-
que peritissimum omnis Latini sermonis arti-
ficem habebo, qui recte particulis uti noverit.

§. II.

Particulae non sunt unius generis: sunt
enim vel *praepositiones*, vel *coniunctiones*,
vel *adverbia*. In his *coniunctiones* vel ipsa
vi verbi praecipuam syntaxeos rationem in
tota lingua Latina obtinent: his enim quasi
vinculis constringitur oratio. Ideoque
diligenter notandum quando, quomodo,
qua ratione adhibendae sint, quomodo in
periodis iungendis, quomodo in perio-
dis tam in protasi, quam in apodosis
aptandis. Tanta est haec et tam multiplex
observatio, ut in hunc diem non inventus
fuerit, qui ad certas regulas eam doctrinam
reduceret. *Adverbia*, quae verbis iungi so-
lent, unde etiam nomen invenerunt, miri-
ficum conciliant orationi decorem, gravi-

tatem et suavitatem: in quibus observandis magna certe est hominum curiosorum industria. HVBERTVS SVSANNAEVS *libro de conubio adverbiorum Ciceronianorum* magna cura congeffit adverbia illa, quae verbis iunguntur: cuius viri laudanda est hac in re industria. Sed multo latius patet adverbiorum usus. Nam non solum verbis iunguntur, sed et nominibus adiectivis et aliis interdum particulis, verbis quoque ratione temporum et modorum distinctis, quae singula curatius observari debent. Omnes hic de particulis scriptores misere hallucinantur: confundunt enim omnia, neque rationes et modos eius usus in particulis observant, quod faciendum esse ipsa ratio dicitur. Magna nimirum varietas usus est in particulis, si nominibus vel substantivis, vel adiectivis vel verbis, ratione temporis praesentis, praeteriti et futuri; vel participiis adiungantur: de quibus differentiis maximopere discernendis nemo eorum scriptorum, qui de particulis egerunt, cogitavit.

(b) Omnis ergo hic labor maiorem curam

(b) *Omnis ergo hic labor*) De utilitate laboris huius nullum apud me dubium residet. Id vero dubito, an omnibus, qui Latine volunt scribere, tam accurata usus particularum cogni-

ram et diligentiam viri ingeniosi et laboriosi expectat.

§. III.

Auctores *de particulis linguae Latinae* varii sunt, nec pari omnes industria rem illam tractarunt. Particularum Latinarum usus aliqua ex parte etiam e Graecae linguae usu dependet. Quare etiam hic illi non praetereundi sunt, qui Graecarum particularum usum in oratione nos docuerunt; inter quos nemo est, qui laudari a nobis possit, praeter (c) MATTH. DEVARIVM, qui *de Graecae linguae particulis*

O 5

lis

gnitio necessaria sit. Facile concedo, omnibus casti sermonis studiosis, ne perverse intelligantur ab aliis, providendum esse, ne novo et peregrino sensu particulas adhibeant. At multi caste, scite et eleganter scripserunt, in quibus tam ampla harum rerum notitia non fuit, ut quid quaelibet singularis apud veteres constructio sibi velit, non ignorarent. Multi praeterea sunt antiquorum loquendi modi, qui obsoleti hodie sunt et prope relictii. Critici igitur, quorum est antiquos auctores interpretari, maximam omnium ex eiusmodi opere utilitatem haurient. Horum namque est scire, quid ponderis habeat unaquaeque auctoris, quem explicandum sumserunt, loquutio. Reliquis mediocris sufficiet cognitio.

(c) *Matth. Devarium*) Ad exemplum Romanum

lis librum doctissimum scripsit, *Romae* primum editum, et *Londini* postea 1657. recusum. Inter Latinos, quod diximus, nemo haecenus plene hanc doctrinam tractavit. Lexicographi ieiuni sunt hic et de observationibus singularibus parum solliciti. Plerique illorum de charta in papyrum scribunt et quod apud ROB. STEPHANVM non invenerunt, posterioribus curis haud adiciunt. Nihil ergo ab illis magnopere hac in parte sperandum. Fuerunt qui singularibus libris hoc argumentum sibi exhaustiendum sumserunt, verum nec illi omnia, quae hic observari debebant, adduxere, generalioribus animadversionibus contenti. Scripsit de illis HADRIANVS, Cardinalis, cuius viri magna fuit in observatione Latinae linguae industria, STEWECHIVS, et

num iterum editus est hic liber, cura Clar. ESCHENBACHII *Norib.* 1700. 8. Sed lege de eo sequens IAC. ELSNERI, egregii viri et Graecae doctissimi, iudicium in *Praef. ad Observ. sacr. p. 4.* latum: *Quod Devarius, inquit, de particulis ex Budei fere commentariis conscripsit, multis modis imperfectum et obscurum est atque erroribus non paucis sane laborat.* Magno sibi beneficio sacrarum etiam litterarum interpretes devinciet, qui perfectius in hoc genere opus elaboraverit.

et qui pleraque more suo ex aliis transcripsit PAREVS, tum et DÜRRERVS, et postremo (d) TVRSELLINVS, qui cum annotationibus IAC. THOMASII et parallel-

(d) *Turfellinus*) GISB. VOETIVS *Bibl. studiosi Theol. Lib. II. cap. II. p. 280.* suspicatur, TVRSELLINVM opus STEWECHII *de particulis*, quod *Colon. 1580. in 8.* prodiit, compilasse. Novam TVRSELLINI et longe locupletiorum editionem dedit vir clarissimus. IO. CONR. SCHWARTZIVS *Lipsiae 1709. in 8.* eandemque emendatorem. *Ib. 1719. in 8.* Eam autem vir Latinorum hodie facile princeps et elegantissimus, IACOB. FACCIOLATVS, innumerabilibus refertam esse naevs et maculis, ostendere et alias voluit et *epistola*, sub CHRISTOPH. MEYERI nomine edita, hoc anno *Eleutheropoli in 8.* In qua quidem errores tantum perstringit, quos in prima sibi littera deprehendisse visus est. Et is ipse FACCIOLATVS pulcram et elegantem TVRSELLINI editionem, suis observationibus auctam *Patavii* curavit. Nusquam est facilius quam in hisce rebus lapsus. Quod, ne temere ad regulas ferendas, aut ad accusationes aliorum provolent, viros egregios commovet. Addi possent his de particulis scriptoribus quidam alii, ut GEORG. DIETER. BOHMII *de particulis linguae Latin. et German. commentarius*, quem celeberrimus HEVMANNVS praefatione sua ornavit. Sed relinquam aliis hanc curam, ad quos propius ea pertinet.

rallelismo linguae Germanicae aliquoties editus est et usui tironum. quam maxime accommodatus esse videtur. Sed nemo illorum est, de quo dicere possis, plene esse ab illo hanc doctrinam traditam. Nam, ut fieri solet, posteriores priorum diligentia fruuntur et in suos usus quidquid illi observarunt transferunt, parum solliciti de prioribus illis terminis ampliandis. Utinam! quem de hoc argumento in *Praefat. phrasium* promisit librum, ANTON. SCHORVS edidisset, haberemus fortassis, quo solari nostram penuriam possemus. Neque enim accuratorem observatorem res illa desideraret. Verum illa spes evanuit. Grammatici, ad quos proprie haec cura pertinet, misere nos destituunt, generalioribusque tantum intenti sunt. VOSSIUS in his quidem recensendis satis operosus est, sed nihil apud eum inuenies, quod non ab aliis iam notatum sit. FRANC. SANCTIVS in *Minerva* sua, libro docto et eleganti, multa quidem utilia monet, sed paucula illa sunt et totum hoc argumentum non exhaustiunt. Observavit ille multa de pleonasmis particularum, ut cum particulae geminantur: *etsi quamvis*, CICERO *Epp. ad Attic. Lib. II. ep. VII.*, *quamvis licet*, ergo igitur, post deinde, deinde postea, mox deinde, post tum, tandem

dem denique, tandem itaque, quoque etiam, quia enim, quia certe, quippe quia, quia nam, nam cur, extemplo simul, en ecce, olim quondam: Verum de specialibus applicationibus particularum ad tempora, nomina, verba et particulas altum hic silentium: unde tamen verus particularum sensus investigari debebat.

§. IV.

Particularum instituenda est diligens observatio ratione *significationis*, ratione *positus*, ratione denique omnium illarum circumstantiarum, quae particulis innectuntur. Coniunctiones prae ceteris, quoniam membra non orationis tantum, sed etiam periodos, earumque membra inter se connectunt, attendendae sunt. Particulae etiam *ἀποδοτικαί*, illativae et similes ad periodorum nexum maxime faciunt: hinc et in his observandis magna poni debet industria. Exemplum eius rei insigne dedit

IO. STVRMIVS *Libro de Latinae linguae resolvendae ratione* in usu particularum *Cum* et *Tum*, quae periodorum membra inter se connectunt; et multis ille exemplis adductis *Cap. XII.* monstravit, quomodo iis particulis auctores classici utantur in compositione periodi, de quo nemo eorum, qui de particulis scripsere, cogitavit. Recte ille: *In eiusmodi, inquit, particula-*
rum

rum observatione et usu consistit magna ex parte puritas et elegantia Latini sermonis: quapropter varietas illarum et natura diligenter est attendenda. Ultra sedecim vero observationes de particulis his *Cum* et *Tum* profert: *Cum* praepositur rebus minoribus, *tametsi* magnis: *tum* autem rebus maioribus. *Cum* notat quantitatem infinitam particularem, *tum* quantitatem universalem: additur ad *tum* in apodosis etiam: aliquando *cum* geminatur et geminatis illis postponitur *tum*: aliquando loco *tum* ponitur *tamen*, cum modus verbi mutatur: aliquando particulae *tum* subiicitur *inprimis*: aliquando fit adiunctio in eodem verbo aut in eodem nomine, in comparatione scilicet aliquando ad *Tum* additur *Vero*: aliquando modi non respondent et subiunctivus praepositur, indicativus postponitur: aliquando ad *tum* additur *maxime* aut *certe*: aliquando augmentum accipit superlativus: aliquando etiam particula *tum* *μεῖωσις* infert contra naturam suam et usum, sed singulari casu: quod exemplo CICERONIS probat eo in loco STVRMIVS. Aliquando fit amplificatio per particulam praeterea ad particulam *tum* additam, ut cum pro Marcello ait CICERO: *Cum summo consensu Senatus, tum praeterea iudicio tuo gravissimo.* Et hac in re singulare quid obser-

observandum est. Nam cum particula *tum* aliquid maius inferre debeat ex observatione linguae, hic minus aliquid inferre videtur membro illo posteriori, quod sua natura gravius est et aliquod superponendum addere membro priori debebat. Ac Senatus certe consensus, qui praemittitur, maior esse videtur iudicio Caesaris, quod postponitur. Sed hoc summo consilio fecit hic CICERO, tum ut blandiretur Caesari, ipsius iudicium tanquam maius aliquod postponendo Senatus consensui: tota enim oratione hoc agit, ut Caesarem sibi devinciatur: tum ut aliqua ratione satisfaceret Senatui, addendo particulam *Praeterea*, quae illam praerogativam quodammodo imminuere videtur et illam invidiam quasi deprecari. Ea enim particula addita hic uti voluit CICERO, ne videretur aliquam Caesaris excellentiam significare, sed tantum *ῥεῖθεον* aliquam seu accessionem: (e) itaque utrique tam Senatui, quam Caesari

(e) *Itaque utrique*) Ego vero, ne consilium hic CICERONI tribuatur, de quo ne cogitavit quidem, metuo. Neque intelligo, qua ratione hoc modo CICERO et Senatui et Caesari gratificari potuerit, quorum neuter adeo Latini sermonis imperitus erat, ut vim usumque particularum ignoraret. Si quis varium fuisse harum particularum usum dicat, et in eo prac-

fari satisfacere hac oratione voluit. Aliquando ad (f) *tum* additur *multo* et fit augmentum in verbis diversum significantibus: ut cum CICERO ait: *Haec cum summe inutilia, tum multo turpissima sunt.* Aliquando fit augmentatio per comparativum, omisso superlativo, et contra: ut cum CICERO dicit in *Quaestion. Tusculanis*: *In qua cum virtute nostri valuerunt, tum plus etiam disciplina.* Ita enim debebat dicere: *Cum virtute plurimum valuerunt, tum plus etiam disciplina.* Sed liberum hic est, vel Superlativum omittere vel ponere, et si non ponitur, tamen subintelligitur.

§. V.

Patet ex hoc unico exemplo particularum *Cum* et *Tum*, quod prolixè adeo et tanto apparatu STVRMIVS exposuit, quam varia et multiplex in observandis particulis sit ratio, de qua nemo vel Lexicographorum, vel Grammaticorum unquam

praesidium sibi quaesivisse CICERONEM affirmet, is simul confitebitur, in hac observatione nihil esse certi ratique. Sed omnis haec observandi ratio multa habet ambigua, incerta, supervacanea.

(f) *Tum additur multo*) In exemplo, quod affertur, vocula *multo* non ad *tum*, sed ad vocem *turpissimus* pertinet.

quam cogitavit. Quod si reliquas eo modo particulas persequi velimus, habita ratione vel verborum, vel particularum, quibus iunguntur, facile hinc coniici potest, quanta observationum sylva proditura sit. Si in singulis particulis consideres, quomodo vel praeponantur, vel postponantur nominibus et verbis, quomodo aliis particulis iungantur, quomodo diversis verborum temporibus, quomodo in comparatione vel superlatione, quomodo singularem aliquam emphasin exprimant, tot hinc observationes nascentur, ut magni voluminis materia futurae sint. In hac vero re adeo ieiuni sunt vulgares Grammatici, omnesque de particulis scriptores, ut nihil supra. Quare omnis ille labor sterilis et mancus est, maioremque curam desiderat. Particulae inprimis, quae tempus consignificant et durationem, variis mutationibus sunt subiectae et pro ratione vocum, verborum, temporum, quibus adiiciuntur, nova aliqua significatione vel *εμφάσεις* imbuuntur. Sit e. g. particula *adhuc*, quae tempus consignificat, sed usurpatione varia magnam orationi diversitatem infert. Particula illa adhuc germanice redditur per particulam *noch*, *noch zur Zeit*, ideoque quando iungitur cum praesenti tempore significat nondum desuisse id esse, quod est, ut, cum de

P. vino

vino dicitur, *quod adhuc sapiat*, id est, nondum desierit sapere, cuius significationis eadem ratio est, cum iungitur cum participiis praesentis temporis, ut: *adhuc florens*, aut cum adiectivis, ut *adhuc integer*. Eadem vero nominibus adiectivis iuncta, non modo tempus, sed diminutionem aliquam significat, Germaniceque redditur per particulam noch, nur, vel nur noch, ut cum apud CELSUM in Praefatione dicitur: *adhuc rudem et vulgarem scientiam*, zu der Zeit noch schlechte Wissenschaft, quae diminutio in ipsis quoque verbis interdum exprimitur, ut cum CVRTIVS dicit *Lib. IX. cap. II. adhuc in operum suorum primordio stare*, noch zur Zeit den Anfang eines Dinges nur gefasset haben. Eadem particula verbis *imperfecti temporis* iuncta Germanice exprimitur: noch oder noch zur Zeit, ut cum CICERO dicit *Lib. II. de divinatione: adhuc haec ita erant*. Noch zur Zeit war dieses also. Eadem particula verbis *praeteriti temporis* iuncta primo significare videtur actionem assiduam, continuamque a praeterito in praesens tempus sine cessatione ductam, quod Germanice exprimas: Noch allezeit vel bis dato noch immerhin, ut cum CICERO dicit *Epp. ad familiar. Lib. VI. ep. XV. Sicut adhuc feci*, wie ich noch bis hero allezeit gethan habe. Ita LIVIVS *Lib. IV.*

Adhuc

Adhuc seu cura mea seu fortuna restitit parricidio tuo, id est, bisß auf diese Zeit. Quando cum praeteriti temporis verbis adhuc iungitur, actionem etiam quovis modo in praesens, sine continua quoque cohaerentique duratione permanentem significat, idque tam in affirmante, quam negante sententia. In affirmante ad hoc tempus, vel usque ad hoc tempus, bisßhero, at in negatione noch nicht, bisßhero zu noch nicht. Exemplum affirmantis sententiae apud CICERONEM est Lib. IV. Epp. ad familiar. Quemadmodum adhuc fortuna nobiscum egerit, wie das Glück bisßher mit uns gewaltet habe. Exemplum negativae sententiae est apud CICERONEM de senectute: Nemo adhuc convenire valuit me, quin fuerim occupatus. Bisßhero hat noch niemand mich antreffen können. Et in Qu aest. Academ. Nemo adhuc docuerat hoc: Bisßhero hat noch niemand dieses gelehret. Apud Comicos solet addi usque, usque adhuc, in significatione affirmantis sententiae, ut apud TERENCEM Adelphorum. Act. IV. Scen. IV. Cessatum est usque adhuc. PLAUTVS in Mostellaria: Prospere usque adhuc processerunt. Solet interdum particula usque omisßa particula adhuc idem significare, ut quando PLAUTVS ait in Mostellaria: usque valuisti. Bisßher bist du noch ge-

fund gewesen. Nam cum recentiores particulam *usque* pro *assidue* dictum esse volunt, perperam hoc fit. Non enim ille huius particulae sensus est. *Adhuc* cum verbis praeteriti temporis saepe etiam actionem quamcunque notat, quae quovis modo ante praesens tempus praecesserit, Germanice exprimitur in sententia affirmante: *Noch zur Zeit*, in negante: *Noch zur Zeit nicht*: ut quando CICERO dicit *Orat. VII. in Verrem: Quod adhuc mihi magistratus mandavit*. Welches mir noch zur Zeit die Obrigkeit befohlen. Ex negativa sententia SENECA ep. XXIV. *Non pro mea adhuc, sed pro patriae libertate pugnavi*. *Noch zur Zeit* habe ich nicht für meine, sondern für des Vaterlandes Freyheit gestritten. Solet etiam *adhuc* cum futuri temporis verbis iungi, sed ita tamen, ut aut praesentis significatio subsit, aut actio iisdem denotetur, quae a praeterito in praesens nondum expleta sit, in futurum nullatenus porrigatur. Prioris explicatio Germanice est *Noch*, ut apud CELSUM *Lib. V. Qui therioma adhuc habebunt*: Die noch einen offnen Schaden haben. CVR- TIVS *Lib. VIII. 1. Adhuc nos circa Halicarnassum haesuros*.

§. VI.

Hic verus usus est particulae *adhuc*, qui
 fac-

saepe tamen corrumpitur. Ipse TVRSELLINVS de *particulis cap. VI.* ait: *Particulam adhuc pro praeterea interdum usurpari*, ut quando CICERO ait de *amicitia: Nisi si quod adhuc forte vultis*: Es sey denn, daß ihr etwas ferner begehret. Quae significatio falsa est. Particula enim *adhuc* significat tempus, nec habet vel extendendi vel augendi significationem. Locus autem ille CICERONIS, quem adducit TVRSELLINVS, corruptus est. In aliis enim editionibus legitur: *Nisi si quid adhaec forte vultis*, scilicet *opponere*, vel *dicere*: Wosern ihr dagegen nicht etwas einzujwenden habt. Et haec lectio plurimis exemplis confirmari potest, ut cum CICERO *Libro de finibus* dicit: *Nisi aut adhaec dicere aliquid vis*. Et inde forte error illorum natus est, qui gradum comparationis aucturi particulam *adhuc* fere adii-ciunt, ut *adhuc magis*, *adhuc plura*, noch mehr. Quod etsi probat IO. VORSTIVS et ipse ea loquendi ratione utatur, ut in *Praef. Libri de Latin. merito suspecta: Adhuc amplius usuros esse*, et eodem *Libro cap. I. adhuc magis meretur* et c. *XV. Sunt adhuc plura* et in *Libro de Latinit. falso suspecta cap. I. Adhuc amplius*, weiter oder noch mehr, in eo tamen ipse Germanismum admittit, dum ex linguae vulgaris genio

intendendi significationem huic voci tribuit. Veteres usurparunt particulam *etiamnum*, ut cum SENECA dicit ep. XCVII. *Quod hac etiamnum passione turpius est*, et idem de beata vita c. IX. *Aliquid etiamnum exigit maius*, pro quo adhuc dixisset, si Latini ita loquuti fuissent. Omnis ergo illa addendi significatio, quae per *adhuc* exprimi solet, barbara et falsa est, ut si dicamus *adhuc alii*, *adhuc varii*, *adhuc multi*: quo loco *etiamnum* adhiberi debet. Ita CELSVS: *Praeter haec etiamnum invenitur genus et: Etiamnum quaedam alia noscenda sunt: aliis etiamnum vocabulis*. Invenitur tamen particula *adhuc* comparativis iuncta, tam in negante, quam affirmante sententia, sed ita ut temporis significatio, non intendendi subsit, ut cum LIVIVS dicit Lib. XXI. c. XVIII. *Legatio verbis adhuc lenior est, re asperior*: Noch zur Zeit gelinder, et CICERO ad familiar. Lib. VIII. ep. VII. *Quo adhuc facilius rem gessisti*, Je leichter du bisher alles verrichtet hast. Idem in Orat. pro Caecinna: *Tardiores fecit adhuc ad iudicandum*. CVRTIVS Lib. IX. c. VI. *Maiora adhuc restant*. CORNELIVS NEPOS in Miltiade: *Qua pugna nihil adhuc nobilius est*, id est, nulla pugna ad hoc tempus nobilior fuit. Quare in his similibusque exemplis

bene

bene videndum est, ne nobis imponat illa particulae *adhuc* cum comparativis coniunctio, cuius significatio tum non intendit comparisonem, sed ad verbi tempus referri debet. Invenitur particula *adhuc* comparativo interdum ita iuncta, ut intendendi significatio possit intelligi, ut quando apud SVETONIUM in *Tiberio cap. XVI.* dicitur: *Cui gloriae amplior adhuc gloriae cumulus accessit*, et *ibid. c. XLIV.* *Maiore adhuc et turpiore infamia flagrabat.* Ac si recte illa loca considerentur temporis potius, quam intendendi significatio in illis latet. Et videri quoque posset pro *adhuc* in posteriori exemplo legendum esse vel *adhaec*, vel *ad hoc*, id est, *praeterea*: utrumque enim eo sensu apud bonos auctores reperitur. Sunt tamen aliqua sequioris praecipue aetatis exempla, in quibus illa intendendi significatio locum habere videtur: ut cum apud QUINTILIANUM *Lib. II. c. XV.* legitur: *Tum Callicles adhuc concitator*, et *L. VI. c. III.* *Adhuc est subtilior.* Videtur haec significatio imitari acceptionem Graecae particulae *ἔτι*, quae comparativo isto modo iungitur. Adverbiorum comparativis a probatis auctoribus non solet addi particula *adhuc*, sed particula *etiam* vel *etiamnum*, ut: *magis etiam vehementius*, pro quo

alii dicerent *adhuc*. Eadem ratione vocabulis augendi significationem inferentibus, quibus Germanizantes *adhuc* perperam adiiciunt, Latini frequenter *etiam* vel *quoque* addunt: ut cum CELSVS ait: *Est autem alia etiam de diebus istis dubitatio*. Ita CICERO ubique simplicem particulam *Etiam* intendendi causa comparativis aliisque nominibus apponit, ut cum dicit, *in Academ. Quaest. Multo etiam maior*. Quanquam interdum hae particulae *etiam*, *quoque*, *etiamnum* desiderantur et a comparativis prorsus absunt, quasi studio omisae. Saepe etiam particula *etiamnum* praeter intendendi notionem alia significatione addendi effertur, eaque Germanice redditur: Noch dazu; ut cum CICERO dicit *ad familiares Lib. XIII. ep. XV. Hominem iam perustum etiamnum gloria voluit accendere*, noch dazu mit Ehr-Geiße anzünden. Qua significatione particula simplex *etiam* interdum adhiberi solet. Solent quoque Germanizantium nonnulli particula adhuc exprimere germanicum Nun noch, ut cum quis dixerit: *Nunc unum atque alterum adhuc addere libet*, pro quo Latine dicitur *Etiamnum*. Adhuc proprie *ad hoc tempus* significat, *nunc* vero idem, quod *praesenti tempore* vel *hoc tempore*. Male ergo coniunguntur hae duae notiones,

nes, quae in diversis membris commode poni possunt, ut cum PLAVTVS dicit in *Aulularia*: *Quod celatum est usque adhuc, nunc non potest.* Latina alias vulgares illas particularum coniunctiones *nunc adhuc* eleganter exponunt per *etiam nunc*. Quod Germani in affirmante sententia cum verbis praesentis temporis reddunt *Noch, nun noch, noch diese Stunde.* Ut cum CICERO dicit *ad Atticum Lib. III. ep. IX. Me etiam nunc ipsorum beneficiorum expectatio hic tenet,* et *pro Muraena: Etiam nunc statuere non possum.* Quae significatio in participiis etiam praesentis temporis observatur, ut cum CELSVS dicit *Lib. III. Etiam nunc manentibus reliquiis febris.* Eodem modo imperfecti et perfecti temporis verbis iungitur: praecipuum vero et proprium usum habet, cum verbis futuri temporis additur et Germanice redditur: *Noch zur Zeit,* ut cum CICERO dicit *ad Atticum Lib. III. ep. XVII. Aut ad te conferam me, aut etiam nunc circa haec loca commorabor,* ubi non licet Latine dicere, *adhuc commorabor,* ut futurum indicetur. Idem *Lib. II. de finibus: Pauca etiam nunc dicam* ubi non licet dicere: *Pauca adhuc dicam. Nunc* igitur licet praesentis temporis particula sit, de futuro tamen interdum commode dici potest et eadem ratione *etiam nunc.*

Sed particula *adhuc*, quia proprie *ad hoc tempus* significat, nullo modo actionem in futurum extendit et solum id, quod instat, significat, ut cum LIPSIVS dicit: *Adhuc semel faciam*, debuisse dicere: *Etiam nunc semel faciam*. Solet quoque pro *etiam nunc* interdum *nunc etiam* et *nunc quoque* apud optimos auctores usurpari, ut cum CICERO dicit *Lib. II. de Oratore*: *Qui nunc etiam amissa voce furit*, et in *Libr. de Oratore*: *Quae nunc quoque sunt praeposita*. In sententia negante pro *etiamnum* poni solet *ne nunc quidem* vel *nunc quoque non*, noch diese Stunde nicht: ut cum CICERO dicit *de senectute*: *ne nunc quidem desidero*, et *ad Atticum Lib. V. ep. III.* *Nec fere nunc erat sane quod scriberem*: Noch diese Stunde wüste ich nichts zu schreiben. Haec exempla si probe considerentur, error ille insignis est TVRSELLINI *cap. LV.* cuius haec regula est: *Etiannum seu etiam nunc pro adhuc usurpari solet*. Nam (I) *Etiannum* et *etiam nunc* multum inter se differunt, cum *etiam nunc* temporis adverbium fit, *etiamnum* vero sine tempore intendendi et augendi significationem habeat. (II) *Etiannum* pro *adhuc* usurpari non potest: illa enim multis modis differunt, ut exemplis superioribus constat. Quemadmodum Latinae orationis vitium est: *Nunc adhuc*

adhuc pro etiam nunc: sic barbarum est usque nunc, bisß auf diese Stunde, quod Latini reddunt ad hoc tempus vel usque ad hoc tempus. Ita CAESAR Lib. II. de bello Gallico: Neque enim ad hoc tempus ei rei student. CICERO Orat. VI. in Verrem: Usque ad hoc tempus festos dies agunt. Solent etiam Latini dicere ad id tempus, bisß zu der Stunde, vel rectius, bisß dahin. LIVVS Lib. XXIII. c. XLIV. ad eum diem dicit: cuius utros ad eum diem poenituit. Falsus itaque est TVRSELLINVS, dicens: Usque nunc pro etiam nunc Latine posse adhiberi: si quidem hoc in praesenti tempore iam est, illud a praeterito in praesens tendit, quae notiones diversae sunt. Nec levis VORSTII error est, qui in Libro de Latinitate falso suspecta praecipit: Cum demonstrandum sit tempus, quo factum sit quippiam, Latinos nudo fere casu sexto uti, dicereque eo tempore vel ad id tempus: sed magna est in his differentia. Nam ad id tempus dicitur esse, quod ante id tempus sic fuit, ut usque ad id porrectum sit, at eo tempore dicitur esse id, quod in id tempus tantummodo incidit. Exemplum CAESARIS, quod illic adducit, contrarium plane ostendit. Ita enim ille: Ad id tempus, quo Magium interceptum remittebat Caesar, colloquendi cum Pompeio Caesari facul-

cultas facta non erat, quo intelligitur, ab antecedenti usque ad praesens tempus factam non esse Caesari potestatem. At si dixisset, eo tempore, quo a Caesare remittebatur Magius, colloquendi copiam non fuisse, id significasset, *neque ante, neque postea*, sed *tum* duntaxat non fuisse colloquendi potestatem. Illud igitur *eo tempore* recte explicari per *tum* potest, neutrum vero *ad id tempus* significat. Et in una sententia persistere *Tum* et *ad id vel hoc tempus* non possunt, neque unum per alterum potest explicari. Male ergo Latine loquitur, qui haec verba Damahls noch reddit per *tum adhuc* vel *adhuc tum* ut Germanizantes quidam solent, cum Latine sit dicendum: *Etiam tum* vel *etiam tunc*. Nam quemadmodum *adhuc* et *nunc* male inter se coniunguntur, sic neque *adhuc* et *tum* iungi possunt. Significatio quoque particulae *tum*, quae opposita est particulae *tunc*, redditur Latine *eo vel hoc tempore*; quod de praesenti vel quasi praesenti intelligitur, non de praeterito, quod Germanice exprimi solet Damahls, zu der oder zu dieser Zeit. *Tunc* futuro solet iungi, ut cum TIBVLVS dicit *Lib. II. Eleg. V.*

*Tunc operata Deo pubes discumbet in
herba,*

Sed

Sed tamen et praeteriti temporis notione reperitur. Falsum est, quod RHODIVS in *Scriboniano indice* docet, *tum* temporis inter notas futuri temporis referri, cum significet *praesens tempus* et particula *etiam tum* idem est quod eo tempore nondum desierat, Germanice *damahls noch*. Ita CICE-RO *Lib. II. de Oratore*. *Cum etiam tum in lecto Crassus esset*, id est, cum eo tempore nondum desierat in lecto esse Crassus. Et ita quidem usurpata haec particula quasi unum vocabulum scribitur, non diversis vocibus. Cum vero dividuntur voces aliam significationem habent, ut cum CELSVS *Lib. VII.* dicit: *Itaque etiam tum id extrahi convenit*. Derhalben man dasselbe alsdenn auch abziehen soll. Ita quoque particulae *etiam tunc* dividuntur, ut in hoc exemplo apud IVSTINVM: *Graeciam etiam tunc et viribus et dignitate orbis terrarum principem*. Id Germanice exprimitur: *Zu der Zeit noch*. Exceptionis hic loco videtur esse, quod apud SVETONIVM in *Vita Ottonis cap. III.* particula *adhuc* legatur diminutionis significatione, cum particula *Tunc* iuncta: *Item Poppaeam Sabinam tunc adhuc amicam eius* (id est, nondum uxorem) *recepit*. Potest vero *tunc* ibi ad verbum *recepit* pertinere, vel ad *amicam*, hoc est, illo tempore *recepit*
Pop-

Poppaeam, quae nondum desierat esse amica Neronis: quo sensu sic distinguendum esset. *Item Poppaeam Sabinam, tunc adhuc amicam eius recepit.* Interdum quoque *etiam cum* simili constructione in significatione noch wenn occurrit, quod Germanizantes sine dubio male redderent *adhuc cum*. CELSVS *Lib. VIII. Atque etiam cum tempus processit.* Und noch wenn schon eine Zeitlang hin ist. Germanismus etiam est, cum quidem particulas has Germanicas so lange als noch exprimunt *quamdiu adhuc* vel *dum adhuc*. Simpliciter enim per *dum* reddi debent. Nam quod apud VALERIVM MAXIMVM reperitur: *Solon neminem dum adhuc viveret, beatum dici debere arbitrabatur*, id dubiae lectionis a multis habetur, neque VALERIVS MAXIMVS inter probos Latinitatis auctores habendus est. Ex his omnibus patet, particulam *adhuc*, quae *usque ad hoc tempus* proprie et vere significat, cum aliis particulis praesentis temporis non recte iungi: quam ob causam etiam hanc loquendi rationem *adhuc hodie* vel *hodie adhuc* damnandam esse existimo; rectius cum Latinis scriptoribus dicetur: *Hodie etiam* vel *hodie quoque*, pro quo ultimo aliqui *hodieque* dicere solent, quae vox per abbreviationem ex *hodie quoque* nata est,

est, (g) quod SCIOPPIVS contendit, frustra impugnatus a GRONOVIO, cum exemplaria codicum abbreviatione utantur, in quibus non legendum *hodieque* sed *hodie quoque*. Barbarum etiam hoc est et ex Germanici sermonis ratione confictum, cum dicitur *adhuc unum*, noch eins, ut, si una epistola accepta significaturus alicui, daß ich noch einen Brief empfangen, ita Latine scriberem: *Unam adhuc epistolam a Te accepi*. CICERO quidem *Lib. VII. ad Al- tic. ep. XII.* eo modo loquitur, sed alio sensu. Referenda enim est particula *adhuc* ad verbum *accipere*, ut hic sensus sit: *Unam tantum usque ad hoc tempus epistolam a te acceperam*. Recte igitur considerata verba sunt et attendendum, quibus particulis illa accommodentur. Errat hinc FABER in

(g) *Quod Scioppius*) SCIOPPIVS *Infamia Famiani* p. 44. aurea aetate quemquam dixisse negat *hodieque*. Contrarium GRONOVIVS tuetur *Notis ad Livii Lib. I. c. XXVII.* Conf. CELLARII *Circae posterior.* p. 62. Ego posteriorem probo sententiam, neque ponderis aliquid habere arbitror, quod de emendatione LIVII hic monet MORHOFIVS. Quae- nam, obsecro, haec foret licentia, si vox quaedam minime nobis artiserit, ad emendationes statim confugere? Conf. quae olim inonui *Oratione de eo quod nimium in studiis Criticis.*

in Lexico, qui locum illum CICERONIS interpretatur: Noch einen Brief. Quod si vero ille sensus exprimi debet, per vocem *alter* exprimendus est: *alteram a Te epistolam accepi*: quae vox etiam in plurali usurpatur, ut, cum VIRGILIUS dicit *Eclog. III. Aurea mala decem misi, cras altera mittam*: barbare diceretur: *Cras adhuc decem mittam*. Ita CICERO in *Tusculanis Quaestionibus ad Brutum*: *Alteros quinque libros mittemus*. Falsum est et hoc, cum BAVDIVS *Centur. III. ep. XXXVII.* ait: *adhuc tantundem*, Noch so viel. Nam particula *adhuc* vim intendendi non habet et *tantundem* proprie significat, quod Germanice eben so viel oder gleich viel. Ita CICERO ait in *Tuscul. Quaest. Tantundem viae est*: Es ist gleich weit. Quod barbare *unum adhuc* dicitur, id Latini efferre solent: *Etiamnum unum*, ut apud VALERIVM MAX. *Lib. V. c. X. Uno etiamnum domestico exemplo adiecto*. Apud SENECA quidem *Lib. III. Quaestion. Natural. cap. VIII.* reperitur: *Unam rem adhuc adiiciam*. Sed dubium videri potest, utrum id Germanice reddendum sit: Noch eins muß ich sagen, hoc est, *etiam num unum adiiciam*, an vero: Eins muß ich noch sagen, hoc est, *nondum desino adicere unam rem*. At quoniam *adhuc* cum futuri temporis verbo hic iungitur,

tur, ideo potius est, ut legamus: *Unam rem ad haec adiciam.* Certe CICERO Oratione IV. Verrina: *Unus fuit adhuc post Romam conditam, cui res publica totam se traderet, ubi sensus non est:* Es ist noch einer gewesen. Non recte quoque dicitur *adhuc semel*, noch einmahl, cum *etiamnum semel* vel *etiam* dici debeat. Est quoque differentia inter *iterum* et *rursus* facere: nam *rursus* aut oppositionem inter contrarias res vel contraria in eodem membro verba aut repetitionem alicuius actionis, sed sine numeri, sine ordinis respectu notat. *Rursus* itaque *facere* est quod alii barbare dicunt *adhuc semel*. *Iterum facere*, dasselbe noch einmahl wiederholen, ut cum apponuntur *primum* et *iterum*, das erste mahl, das andre mahl, vel *semel* et *iterum*, zum ersten und andern mahl, vel *iterum* et *tertium* zum andern und dritten mahl. *Adhuc non* proprie dicitur de eo, quod antequam nunquam factum est, neque deinceps futurum esse speratur, aut certe, de quo nulla expectatio est, Germanice: Noch zur Zeit nicht, ut cum CICERO ait de Senectute: *Quod equidem non amisit adhuc*, welches ihm noch nicht vergangen ist. Similiter *adhuc nunquam*, noch nimmer nicht, ut CICERO Orat. VII. in Verrem: *Ego, quod adhuc nunquam audistis, commemora-*

Q

bo.

bo. Conveniunt hae loquendi rationes cum particulis *nondum*, *adhuc non*, *nihil adhuc*, *nibildum*, ut cum CICERO ait *ad Atticum Lib. II. ep. XXVIII. De illius discessu nihil adhuc rumoris est. Item: Brundusio nihil dum erat allatum pro: Nondum quicquam erat allatum, et ad familiar. Lib. XII. ep. VII. Quanquam nihil dum audiveramus.* Sic voces *nullus adhuc* vel *nemo adhuc*, vel *nullus dum* eadem ratione adhibentur, ut cum CICERO ait *pro Rabirio: Hoc affirmo, neminem unquam adhuc in Te esse confessum, et LIVIUS Lib. XXI. Facinus adhuc in nullo etiam vindicatum. LIVIUS Lib. V. cap. XXXIV. Alpes nulla dum via separatas, id est, die damals noch nicht erstiegen waren. Ita neque adhuc, neque dum, nec dum, eadem ratione, qua simplex adhuc non et nondum etiam explicantur. Ut CICERO Lib. II. de finibus: Id neque feci adhuc, neque ne faciam, interdictum mihi puto. Das habe ich noch nimmer nicht gethan. Idem ad Atticum Lib. I. ep. 24. Neque dum Roma es profectus. Und du bist noch nicht von Rom weg. Falsi igitur sunt, qui *necdum* et *nequedum* simpliciter pro *nondum* substituunt. Est enim *neque* vel *necdum* proprie idem, quod *et non*. CICERO. *Quaest. Tuscul. Philosophi summi, necdum tamen sapientiam consecuti, id est, et tamen nondum consecuti.* Dixi par-*

particulam *nondum* pro *adhuc non* positam inter vitia linguae Latinae numerari, sed particulae tamen *adhuc non* aliquando sine vitio in Latina oratione poni possunt pro *nondum*. Ita CICERO dicit *ad Atticum Lib. III. ep. XIII.* *Non commovi me adhuc Thessalonica*, hoc est, *nondum commovi Thessalonica*. Alius error est, cum particula *haecenus* in Latina lingua male adhibetur pro *adhuc*; quod itidem ex Germanismo provenit. Nam in vernaculo sermone particula *bishero* aequae *temporis* ac *loci* significationem habet; ideoque quod CICERO ait: *Maiori in varietate versata est adhuc causa tua*, id Germanice reddi potest: *bishero ist deine Sache veränderlich gestanden*, et quod idem *Libro de amicitia* dicit: *Haecenus mihi videor de amicitia quid sentirem potuisse dicere*, id Germanice etiam verti debet: *Bishero habe ich hievon gesagt, was ich habe sagen können*, h. e. *usque ad hunc dialogi locum de amicitia dixi*. Germanicum igitur *bishero* et *tempus* et *locum* indicat. Id vero hodie sic imitantur plerique, ut non modo non discernant voces *haecenus* et *adhuc*, quorum illud *loci*, hoc *temporis* adverbium est, sed etiam alterum in alterius locum saepe perperam substituant, ut passim apud veteres Latinos et crebro in significatione *bisher* usurpatum, Germanicis-

nicisque praeterea auribus convenientius. Inde fit, ut vix quisquam ex eruditissimis hodie Germanicum hithero, quando tempus significat, per voculam *adhuc* more Romano recte explicet reddatque, sed eius loco perperam *haectenus* ponat. TVRSELLINVS *de particulis cap. LXIII. Cum usque ad hoc tempus significatur, non solet haectenus usurpari, sed adhuc.* MANVTIVS *Comm. ad Epist. I. Lib. II. ad familiar. Haectenus semper usurpatur de re, adhuc de tempore.* Non enim dixeris: *Haectenus ita sensi*, sed: *Adhuc ita sensi.* GOCLENIVS in *Analectis P. II. Lib. II. cap. XXII.* idem sentit. In altera vero editione: *Haectenus, inquit, de re vel loco proprie usurpatur, per Enallagen vero significationis etiam de tempore, cum doctissimis Scaligero, Erasmo, aliisque usurpare licet.* Etiam JO. PINCIERIVS in libello, quem *Otia Marpurgensia* inscribit *Sect. III. cap. XIII.* ex VIRGILIO putat aliquot versus depromi posse, in quibus *haectenus* non de loco, sed de tempore accipiendum: verum falsus ille in loco VIRGILII est. SCALIGERO vero et ERASMO nullus hic locus est, qui communem errorem etiam suum fecerunt. Ipsa praeterea compositio particulae *haectenus* hanc significationem docet: componitur enim ex pronomine *hac* et prae-

praepositione *tenus*, ut sit quasi *hac parte tenus*, id est, usque ad hanc partem, puta orationis, epistolae, carminis etc. Scilicet ut *ea pro ea parte et qua pro qua parte* Latinis dicuntur, unde *quatenus* et *eatenus* natum, sic apud eosdem est *hac pro hac parte*, unde fit *haec tenus*, germanice *bis hero*. Aliquando *haec tenus* et *eatenus* per se posita significant *usque eo* bis *dahin*, item *so weit*, *so fern*, ut apud CICERONEM *Lib. I. de Natur. Deor.* Nunc autem *haec tenus* *admirabor eorum tarditatem, qua animantem immortalem esse velint.* VALERIVS MAXIMVS *Lib. VI. c. VIII.* Nec *haec tenus* *benevolentia processit.* Ita *quatenus* per se positum significat *wie weit*, ut apud CELSUM *Lib. V.* *Quatenus terebra agenda sit.* Nonnumquam id ipsum Germanice reddendum in *so weit als*, pro quo dici vulgo solet *in quantum*, quae tamen ipsa locutio non est spernenda, cum TERENCE auctore nitatur. Solet etiam particula *qua* per apodofin referri ad *haec tenus* vel *eatenus*, ut cum QUINTILIANVS dicit: *Dandum aliquid quoque Comoedo, eatenus qua pronuntiandi secretum futurus Orator desiderat.* Interdum quoque si ambiguum in oratione sit, an *qua pro qua parte* non intelligatur, *quatenus* potius ponitur, ut apud CELSUM *Lib. II.* *Ex ulterioribus au-*

tem eatenus sanguis sequitur, quatenus emittitur: ubi noluit dicere, qua emittitur, ne intelligeretur: qua parte sanguis emittitur. Interdum etiam pro qua vel quatenus praefertur quoad, germanice, in so weit als, ut CICERO Lib. I. de legibus. Sed hoc civile ius eatenus exercuerunt, quoad populo praestare voluerunt. Alias adverbis loci haecenus et eatenus nonnunquam respondet adverbium temporis quoad pro donec, so fern, oder in so weit bis, ut CICERO ad famil. Lib. III. ep. III. Haecenus existimo nostram consolationem recte adhibitam esse, quoad certior ab homine illo fieres, so fern halte ich ist unser Trost wohl angelegt, bis du. Solet etiam particula ut sequi particulam haecenus vel eatenus, interdum etiam ut non, interdum ne, ut CICERO Lib. II. de Oratore: Prae duntaxat haecenus requirunt, ut certis dicendi luminibus ornentur. CICERO de optimo genere dicendi: Verba prosequeris eatenus, ut non abhorrerent a more nostro. CELSVS Lib. V. Sed si minime superavit, tentanda squama aeris est eatenus, ne quid eminere patiatur. (h) Ex hoc exemplo iudicium esto de cete-

(h) Ex hoc exemplo) Non est, cur moneam, sylvam hanc observationum de vero particularum usu incredibilem auctoris sagacitatem et

ceteris particulis, quanta et quam multa in his observari possint, quae nulli Grammatico-

et solertiam significare, qui quidquid singulare in universa est eruditione unus vasto ingenio exhaustisse videtur, nec exiguam curatius de his rebus meditandi occasionem suppeditare illis posse, quibus Latini sermonis cultura demandata est. Res etenim ipsa id quemlibet statim docebit. Id ergo tantum indicabo, has observationes illud ipsum esse, quod *Polyhistor. Litter. Lib. III. cap. II. p. 566.* his verbis promittit: *Sed de particularum sensu et usu investigando alibi plenius a nobis agatur.* Quamobrem V. C. IO. MÖLLERVM, qui hoc loco inductus MORHOFIVM peculiarem *librum de particularum linguae Latinae usu et sensu investigando* componere voluisse, tradit *Comm. de vita Morhofii p. 67.* non satis animum eius perspexisse arbitror. Quod ad rem ipsam attinet, sic mihi videtur. (I) Laudandi sunt illi, qui in harum etiam rerum investigatione studii et diligentiae suae partem collocant, si quidem id sine graviorum negotiorum neglectu facere queant. (II) Est etiam necessarium, ut qui Latine volunt scribere et ab aliis intelligi, si minus plenam et accuratam, mediocrem tamen harum observationum notitiam sibi comparent. (III) At qui ab omnibus Latinitatis studiosis exigeret, ut quidquid haec observatio particularum subtilitatum continet memoriae mandaret, is non nimis sapienter ageret. Namque (IV) melioribus ista ratione rebus nimium eriperetur

ticorum ne per somnium quidem in mentem venerint, ideoque exercenda hic nostra industria et e continua lectione quam diligentissime tales observationes instituendae.

CAPVT XIV.

*De particulis connectentibus
expletivis, earumque variatione.*

§. I.

Vidimus particulas, quae in oratione poni solent, tanquam adiectas verbis et vocibus, vel quae orationem inter se coniungunt. Magna in his observandi ratio est: nam vel ex unico illo
exem-

temporis memoriaque fortassis omnium tot regulis capiendis haud sufficeret. (V) Neque est, cur existimemus, omnium, quae in eiusmodi rebus sibi viri docti animadvertisse videntur, hanc esse indolem, ut nec firmo certoque fundamento, nec utilitate sua careant. Desiderabit etiam in his, quae MORHOFIVS hic notavit, nonnulla, qui rem accuratius expenderit. (VI) Multa etiam sunt huius generis quae usu longe rectius addiscuntur, quam praeceptis et regulis: quid, quod multa ipsa ratio sine ulla arte docet. (VII) Igitur, quamvis nemini auctor esse velim, ut regulas et observationes spernat, sic tamen mihi persuasi,

exemplo, quod dedimus, quivis paullo fac-
gacior facile animadvertet, quanta sit va-
rietas particularum in applicatione, prae-
cipue si ad tempus, locum, similesque cir-
cumstantias referantur, quod ex quovis
variato respectu variam significandi ratio-
nem nanciscantur. In his ergo eius ver-
sari cura debet, qui emendatē Latine lo-
qui cupit, cuius emendatae locutionis ma-
gna, ne dicam maxima, pars in recto par-
ticularum usu consistit. Sunt enim, id quod
diximus, illae quasi nervi totius corporis
oratorii. Cum vero duplex particularum
sit officium, tum ut orationem *expleant*,
tum ut illam inter se *iungant*, ita quoque
ratione istius officii dupliciter earum ob-
servatio institui debet. Nos cum de usu
particularum, quatenus ad ipsum sermo-
nem formandum pertinent, dixerimus, re-
stat nunc, ut de iis dicamus, quae vincu-
lum orationi praebent, eamque inter se per
membra iungunt.

Q. 5.

§. II.

suasi, cum, qui mature bonorum auctorum
lectioni sese dediderit, sine longo labore et
molestia tantum harum sibi elegantiarum ac-
quisiturum esse, quantum vix diuturna regu-
larum consideratio et eas ediscendi studium
spondet.

§. II.

Et hae sunt particulae illae, quas *connectentes* dicimus, quibus transitus fit vel a maioribus orationis membris ad minora, vel an enthymematibus ad enthymemata, vel a periodis ad periodos, vel a periodorum partibus ad alias, a protasi scilicet ad apodosin, vel ab uno membro ad aliud; quae ratio observandi aliquanto latius patet, quam altera illa. Prior enim illa ex sola appositione vel verbi, vel nominis, vel alterius adverbii aut particulae mensuram capit! haec autem observandi ratio ad totam sententiam respicit. Ideoque semper attendendum est, qua ratione ordine posteriora priora excipiant et quae in his sit consecutio, quod latissime patere quivis videt. At nemo est ex toto Grammaticorum choro, qui eam rem tali cura et sollicitudine tractaverit, qualem postulat.

§. III.

Monuerunt quidem nonnulla vulgares particularum scriptores, at nullus ad singularia descendit, sed omnes circa communia versantur. Unicus est IACOB. HUGVES, Iesuita, qui librum *de artificio transitionum* scripsit, quem in Germania KIRCHMAYERVS recudi fecit. Is inter alias connectendi formulas particulas connectentes semper praemisit. Sed paucae illae sunt et
longe

longe maiori cura colligi potuissent. Laudari tamen ille labor tanquam rudimentum talis operis debet.

§. IV.

Neque solum in soluta oratione, verum etiam in ligata observari tales particulae debent. Ut enim structura sermonis soluti pro varietate dictionis et characteris aliam aliamque habet compagem: ita orationis ligatae structura maximopere a soluta differt. Nullum enim carminis genus est, quod non ratione periodi et numeri variet, ideoque accurate hic attendendum est, quibus particulis connectentibus periodi poëticae, vel in narrationibus, vel in descriptionibus, vel in enthymematibus coniungi soleant, et quibus formulis idem significantibus earum particularum vis exprimi soleat. Nam formulae connectentes, praesertim minores, significatione quasi aequipollent istis particulis connectentibus, ideoque et illae pro particulis ipsis notari possunt et debent. Sed maiores transitionum formulae ad Rhetoricas sedes sunt transferendae et singulari libro colligendae.

§. V.

In sermone soluto si simplices illas particulas connectentes collegeris, illae etiam non solum particulae, sed et formulae, quibus

252 CAP. XIV. *De particulis connectentibus*

bus variari una eademque particula potest, colligi debent. Ut enim videtur chorda qui semper oberrat eadem, ita inepta erit oratio, quae iisdem particulis connectentibus semper utitur, ideoque semper in promptu esse debent idem significantes particulae. Quas cum nemo adhuc collegerit praeter ELIAM MAIOREM, merito ille liber ad hoc negotium commendari debet, qui praeter particulas earumque variationes etiam alias orationis partes illis coniunxit, earundemque variandarum rationem tradidit, apposita exemplorum farragine, unde de recto istarum particularum usu constare possit. Sic e. g. si quis adverbis intendendi uti velit, non tantum adverbia illa in promptu habere debet, sed et alias praeterea formulas, quae aequipollent his particulis intendendi, *valde, vehementer, vehementissime, impense, impendio, oppido, mirifice, mirabiliter, incredibiliter, magnifice, prorsus, plane, planissime, praecipue, ignifiter, praecipue atque insigniter, inprimis, efflētum, efflētē, ampliter, amplissime, unice, sane, sanequam, perquam, affatim, plurimum, insane, magnopere, maximopere, multopere, maxime, nimium, eximie*, quae omnes particulae intendendi significationem habent. Sed notandum est, non esse aequalem earum usum: quaedam quibusdam tantum ver-

verbis applicantur, aliis vero minime. Ita dicitur *efflictim amare*, quae particula aliis verbis non applicatur. Ita *unice diligere, insigniter aliquid factum esse* dicitur. PLAVTVS particula *insane* usus est modo catachrestico, quae loquendi ratio in serio sermone fugienda est. Pertinent huc formulae *immane quantum, mirum quantum, nimium quantum, immensum quantum, incredibile quantum*; item illae: *mirum dictu, difficile dictu, vix verbis exprimi potest, non dici potest, nequeo verbis complecti, supra quam credibile est, ut nihil supra*. Item exclamationes, ut: *Dii immortales, Dii vestram fidem! proh Deum atque hominum fidem*. Occurrunt quoque apud SCHÖNSLEDERVM in *Apparatu eloquentiae* tales particularum variationes et formulae, quibus in oratione et orationis connexionem uti possumus. Sic ad connectendi particulas pertinet particula *praeterea*, cui consonant istae: *deinde, quod saepius iam dixi, praecipue, proxime, ceterum, tum, adhaec, accedit his, accedit adhaec, huc accedit, huc pertinet, huic confine est, huic finitimum est, huic proximum est, illud haud praeter-eundum, sed operae pretium et hoc, age vero ad illud veniamus, quid? quod, quin etiam, proxime accedere videtur, etenim vero, prope supervacaneum videri possit, verum et illud, non credat hoc quisquam, nisi et illud constaret,*

ret, quid illud? quanti tandem faciendum putatis, illud etiam me commovebat, contemplemur et alia, aliud ex alio mihi occurrit, ac primum quidem illud praetereundum haud est. Infinita talia occurrunt in lectione auctorum, quae ad hanc particularum variationem referenda sunt, et (i) seorsim notanda. Non minor connexionum poëticarum usus est, quarum collectio simili modo instituenda; Exemplum dedit DEKENIVS in *Observationibus Poëticis*, quas nuper recudi fecimus: quanquam longe plura notari possunt. Occurrunt enim apud illum exempla pauca et primo statim obvia.

§. VI.

In Historia scribenda connexionum quoque singularis usus est, et diligenter notandae sunt variationes particularum, quibus exprimuntur circumstantiae loci, temporis, modi, quae in singulis pene periodis narrationum occurrunt: quarum si quis delectum

-
- (i) *Seorsim notanda*) Quanquam enim plerumque memoria hominis in bonorum auctorum lectione versati suggerere soleat, quae res postulat et necessitas, est tamen interdum, ubi ea nos destituit, saltem non ea suppeditat, quae praesenti negotio omnium optime conveniunt.

Etum instituere non didicerit, iisdem semper particulis utetur, sterilemque et ieiunam orationem efficiet. Et hic quidem maxime patet huius variationis usus, ut quivis facile deprehendet, qui Historiam aliquam e Germanica in Latinam linguam transferet, quod illi certe difficillimum erit, qui in his variationibus non exercitatus fuerit. Haec autem promptitudo nunquam rectius obtinebitur, quam diligenti Historicorum lectione ac observatione consecutionis periodicae super his articulis fundatae. Hunc in finem proderit rudi et tumultuaria opera notasse periodorum notabilia initia, quae licet inter se non cohaereant, tamen cum Historia scribitur et fugitivo tantum oculo illa percurruntur, confestim memoriae occurret aliquid, quo necti periodus periodo queat, ne in iisdem particulis semper repetitis haereamus.

CAPVT XV.

*De puritate dictionis ratione
formae consideratae.*

§. I.

DIximus haecenus de puritate Latini sermonis, quantum illa spectatur in *materia*, vocibus scilicet earumque delectu; nunc ad illam puritatem accedi.

cedimus, quam a *forma* nanciscitur, quae *forma* consistit in apta et decente vocum iunctura. Dimissis enim vocibus simplicibus, ad coniunctas accedimus, quarum prima potissimaque ratio in *Syntaxi* consistit, cuius directio tota dependet a *Grammatica*, omnibusque illis auctoribus, qui *Grammaticas* praeceptiones scripsere, quarum ut accuratiorem notitiam habeamus, (k) tam veteres, quam recentiores nosse auctores operae pretium est, qui *Grammaticae* studium prae caeteris excoluerunt.

§. II.

Magni sunt in *Grammaticis* defectus, neque facile invenies in tanta turba *Grammaticorum*, cui secure fidere possis. Peccant enim partim regularum abundantia, partim inopia, partim etiam ipsi ignorant artem illam *μεθοδικήν*, quae ex intimis philosophiae principiis est depromenda, partim etiam destituuntur accurata linguae Latini-

(k) *Tam veteres, quam*) Extat iam in *Polyhistor* Tom. I. Lib. IV. peculiare caput, decimum nimirum, de *Grammaticis Latinae linguae*, sed id, si cum ea comparetur notitia, quae hoc loco subministratur, longe sterilius est. Non exiguum ergo ornamentum et pretium huic libello hoc de re *Grammatica* caput adferet, quod perficiendum reliquimus illis, qui *Grammatices Historiam* conficere statuunt.

Latinae notitia, quae omnino necessaria est ad fundamenta Grammatices bene ponenda. Quae enim Grammatices praecepta tradet, qui ipse in Latina lingua ieiunus est et vix prima eius rudimenta cognovit? Hinc tot sunt querelae optimorum Grammaticorum et Philologorum de perversa Latinam linguam docendi ratione, quas uno libello cumulavit HOFFMANNVS aliquis, Hamburgensis collega. (1) Nec leve peccatum est lingua Latina tradi praecepta Grammatices, quae tradi debebant lingua notiori, Germanica, vel alia vernacula, de quo queritur ROLAND. MARE-SIVS *Lib. I. epist. Philol. cap. XVI.* qua commendat Grammaticen linguae Latinae Gallico sermone scriptam: fuit enim ipse Gallus. Ita HOFMANNVS ille, quem modo laudavi, Grammaticam linguae Latinae Germanice scripsit: idemque BÜTTNERVS non ita pridem fecit. Anglica lingua CAROLVS HOOLE praecepta linguae Latinae in gentis suae usum tradidit.

§. III.

(1) *Nec leve peccatum*) Hoc vitium a sapientioribus inter Germanos, Gallos, Anglos et alios populos iam emendatum est, qui Grammaticos libellos patria lingua conscriptos pueris hodie ediscendos proponunt.

R

§. III.

Si verum fateri velimus, puerilis aetas paene non capax est ullius artis Grammaticae, in primis si altius e philosophicis arcessatur principiis, quemadmodum eo in argumento versantur SCALIGER *de causis Latinae linguae* et SCIOPPIVS in *Grammatica philosophica*. CARAMVELIS enim et CAMPANELLAE praecepta nugatoria sunt et proficiscuntur ab hominibus elegantiae Latinae parum gnaris. Quare ego potius probarim illam methodum, qua lingua Latina in modum vernaculae discatur solo usu, si opes alicuius admitterent, ut aleret homines, in lingua Latina exercitissimos, cum quibus continuo versaretur qui erudiendus est puer. Neque desunt eius rei exempla, quae feliciter sane successerunt, ut MONTANI, qui eo modo ipse institutus est, in libro suo *Les Essais* testatur, et exemplo pueri quadrimi confirmatur, de quo (m) in *Polyhistore* meo pluribus egi. Plus hic ex commercio et colloquio discitur, quam sexcentis regulis Grammaticis, modo ista colloquia ita instituantur, ut de linguae Latinae puritate securi esse possimus. Quod si fieri non possit, praestat ex usu et lectione auctorum discere-

(m) In *Polyhistore*) Tom. I. Lib. II. cap. IX. p. 420.

discere linguam, quam ex colloquiis et commercio. Nec enim obtineri illa *auspiciosa* et puritas linguae potest, nisi qui Latine loquuntur linguam probe calleant, pureque loquantur, eosque qui non recte loquuntur e vestigio corrigant. Tales si haberi nequeant, plus noxae est in hoc exercitio, quam commodi.

§. IV.

Prolixum et taediosum opus est eorum, qui regulas Grammaticas per *imagines mnemonicas* inculcare volunt pueris: etsi enim non damno artem mnemonicam, et illa certis casibus laudanda, ut cum ipsa verba memoria volumus comprehendere: in regulis tamen Grammaticis memoria capiendis nimis longe petatum hoc videtur exercitium. vid. BECHERVS in *Methodo didactica* c. VI. ubi de his aliisque subsidiis plenius agit. In rerum nomenclatura aliqua mnemonices ratio est, nam beneficio picturae rerum nomina firmitus se ingerunt, quod consilium COMENII fuit in *Orbe picto*. Longe tenacius memoriae inhaerent nomina, si pueri in rem ipsam praesentes ducantur, omniumque negotiorum et opificiorum nomenclaturam simul cum rebus ipsis imbibant; sic etenim cognitionis rerum simul fundamenta ponunt. Et memini ego ingeniosum quen-

dam puerum praeceptore parente omnem nomenclaturam herbarum tenuisse, cum primum verba formare inciperet, ea methodo, ut pater illi omnes herbarum species ostenderet et nominaret. Ad exercitium alias Latinae et omnis linguae impedimento saepe sunt multa et prolixa Grammatices praecepta. Grammatica enim non tam ipsam linguam nos docet, quam philosophiam quamdam de lingua, qualem ipsi formare nobis postea possumus, postquam semel linguam ipsam perlectionem et usum comprehendimus, (n) cum omnis Grammatica per se et natura sua omni lingua sit posterior et florente gentis lingua nemo umquam Grammaticam, nisi matura aetate, in consilium adhibuerit, postquam iam linguae perfectum usum habuit. Praestat ipsa primum tenere vocabula, et summa quaeque et compendiarie Grammatices praecepta, hincque

- (n) *Cum omnis Grammatica*) Id principium fundamento satis firmo niti, si unam fortassis aut alteram excipias linguam, dubitatione caret. Ita vero quid de illis iudicandum erit, qui ad rationis regulas cuncta in linguis et Grammaticis revocare student, et Philosophicas Grammaticas conscribunt. Idne fortassis, in multis eos ingeniosos potius, quam veros et accuratos fuisse?

que recto pede ad auctores ipsos pergere, unde, formatis pro puerorum captu exercitiis, ex usu ipso ad bonorum auctorum imitationem instituto, incorrupta hauriatur Latinitas. De modo, quo praecepta Grammatica inculcanda sunt, legatur LVD. VIVES *Libro de tradendis disciplin. L. III. p. 477.* Brevissima Grammatica mihi erit optima, et vel illa, quam BOXHORNIVS in usum reginae Christinae collegit, sufficere primum poterit, vel quaecumque alia, ut CELLARII et BÜTNERI, quae Germanica lingua conscriptae sunt.

§. V.

Ceterum Grammaticorum scriptorum tam antiquorum, quam recentiorum rudes esse non debemus. Nam ad hos tanquam oracula confugiendum est, ubi aliqua in Latina lingua minus usitata occurrunt, et de quibus consuli Grammatici debent. Omne Grammaticorum studium, ut iam dixi, ipsa lingua posterius est, ac florente iam Latina lingua, in illud incubuerunt praestantissimi quique in republica Romana viri. Ipse IVLIVS CAESAR quantus Imperator! quantum nomen! ad Grammatica se demittere studia non erubuit, (o) scriptis de

R 3

Ana-

(o) *Scriptis de Analogia*) Hos ipsos illos de

227

Analogia libris, postquam VARRO, Romanorum doctissimus, primas ea in doctrina lineas duxisset. Quo vel solo argumento patet, linguam posse perfectissimam esse sine Grammatices subsidio et etiamnum ita disci posse, ut olim CICERONIS tempore, quo nemo Grammatices causa caput afflixit. Non spernendos esse dico Grammaticos, sed id tantum volo, impedimento esse linguae Latinae discendae nimium

tionem Latine loquendi libros esse, puto, quorum CICERO meminit *Bruto* c. LXXIII. p. 178. T. I. Opp. Equidem servati fuissent hi CAESARIS libri vellem. At, si ex iis iudicandum est, quae CARISIVS *Instit. Grammat. Lib. I. p. 69. 214. ed. Putschii* ex illis castigavit et GELLIUS etiam *Noct. Attic. Lib. XIX. c. VIII. p. m. 616.* protulit, mediocrem, amissis illis, Latinum sermonem iacturam fecisse, arbitror. Scilicet in rationibus vocum et loquutionum reddendis et aliis eius generis subtilitatibus etymologicis elaboravit Imperator maximus, quas recte indicavit MORHOFIVS fundamento destitutas esse. Falluntur certe, nisi me omnia fallunt, qui certis regulis Latinum sermonem dimetiri et ad analogiam quamdam vocabula eius et dicendi modos revocare student. Crevit enim ille sermo sensim in populo barbaro et humanitatis experte, quem linguam sibi ad certas rationis regulas confinxisse, prorsus incredibile est.

nimum et superstitiosum Grammatices studium, quod ad summam perfectionem deductum viros et iam in dicendo perfectos fatigabit, causas linguae altius rimaturos, postquam usu ipso linguam didicerunt. (p) Mera est insania, e Grammaticis solis sine auctorum usu continuo hic sapere velle, et perpetuum impedimentum. Animus enim communibus illis notionibus et philosophicis ab usu ipso avocatur, et semper quasi pendulus fluctuabit, cum ille, qui semel optimas loquendi rationes e lectione et usu auctorum adscivit, postea sibi ipsi quanto est ingeniosior tanto plures regulas formabit. Talis philosophiam aliquam de lingua, quam ipse ignorat, sibi comparabit, eamque ad usum numquam applicabit, in quo solo tamen omnis linguae vis consistit.

§. VI.

In Grammaticis antiquis Latinis principatum

R 4

(p) *Mera est insania*) Legatur hic elegantissima viri Latine doctissimi, IAC. FACCIO LATI Oratio, qua probat linguam Latinam ex Grammaticis addisci non posse, quam Celeb. WALCHIVS Praefatione sua ornatam formis iterum describi curavit. Lips. 1714. in 8. Alios auctores addant alii, quorum id negotium est.

patum tenet (q) M. TERENTIUS VARRO, qui mortuus A. V. C. 725. Scripsit is *Libros XXIV. de lingua Latina*, e quibus nonnulli ad nos pervenerunt, reliqui magno orbis litterati damno interierunt. CICERO magni illum facit et veteres reliqui: at multi tamen sunt in eius scriptis errores, ut in plerisque omnibus Grammaticis. Post illum VERRIUS FLACCUS sub Augusto et Tiberio vixit, qui *viginti libros de significatione verborum* scripsit: quod opus ab antiquis PLINIO, GELLIO, CHARISIO, laudatur. FESTUS POMPEIUS deinde sub Imperatoribus Christianis vixit, qui VERRIUM FLACCVM in epitomen contraxit. Eum SCALIGER, qui maximi hominem fecit, cum Commentario edidit, utilesque notas adiecit. (r) Insecuti sunt hos alii Grammatici, quorum libri uno volumine congesti sunt

(q) *M. Terentius Varro*) Legatur omnino celeb. FABRICIUS *Bibl. Lat. Lib. I. cap. VII.*

(r) *Insecuti sunt*) De veteribus Grammaticis Latinis nemo diligentius egit et accuratius, quam FABRICIUS *Biblioth. Latinae Lib. IV. c. VI. VII.* IO. IONSIUS passim Libro *de Scriptor. Histor. Philos. L. II. p. 170. L. III. p. 19.* ed. novae librum *de Grammaticis* promittit, quem fato eruditissimi hominis intercuisse, dolendum est.

sunt ab ELIA PVTSCHIO *Hanov. 1605. in 4.* Publicavit et DION. GODOFRE-
DVS *auctores de Latina lingua* post ELIAM
PVTSCHIVM. Hi ut veteres et fragmen-
ta antiquorum Grammaticorum observari
prae ceteris debent: quanquam multa sunt
in illis, quae censuram mereantur et a re-
centioribus Grammaticis, praecipue Hispa-
nis, sub virgulam censoriam vocata sunt.
Nulla enim gens hac in re Hispanorum in-
dustriam superavit, adeo, ut quicquid in
Grammaticis singulari cura excogitatum
ac pensitatum fuit, illorum curae unice de-
beatur.

§. VII.

Inter recentiores primo loco nominari
meretur IVLIVS CAESAR SCALIGER,
qui opus eruditissimum *de causis linguae*
Latinae scripsit, quo multa complexus est,
quae ad interiorem artem Grammaticam
pertinent, plura daturus, si (s) vastissimos
Originum suarum libros in lucem edidisset.
Illi vero ob vastitatem edi non potuerunt,
et ipse quidem vivus de editione eorum
desperavit, cum ultra centum et viginti li-
bros de eo argumento compleverit. In-

R 5

ter

(s) *Vastissimos Originum*) vid. AEGID. MENA-
GIVS *Dedic. ad Originem suam Linguae Gal-
licae.*

ter *ανεκδοτα* igitur et desiderata illi debent reponi, ex quibus, si prodiissent, res Grammatica multum accipere lucis potuisset. Erat enim ille in his studiis *φιλοσοφικωτάτος*, et quanquam plus diligentiae operaeque impendit in res Philosophicas, tamen vel ex unico illo *de causis linguae Latinae* libro patet, eum secreta linguae huius ad fundum usque penetrasse ac filio suo IOSEPHO longe in his studiis accuratorem fuisse, secus ac vulgo creditur. Erat ipsi ingenium perspicacissimum, igneum, et summa iudicii vi omnia perrumpens, quod in quamcumque etiam partem illud versaret, eximium semper erat et filii ingenio, meo quidem iudicio, longe antefendum. Sed obstitit nescio quae fatorum iniuria viri huius conatibus, laborque eius partim temporum incuria suppressus, partim a domesticis ei subreptus, intercidit. Quod a filio eius in hoc genere superest, id in coniectaneis eius super VARRONEM et FESTVM extat.

§. VIII.

A SCALIGERIS ad Hispanos deveniendum est, quos in hac arte excelluisse, libri eorum docent. Ut enim illa gens ad minutias et subtilitates scrutandas prae ceteris apta est et quovis in studio, ad quod se applicuit, summas tenuit: ita in Grammaticis quoque prae ceteris multa vidit, quae
alii

alii non animadverterunt. Primae in his debentur. ANTON. DE LEBRIXA, vulgo NEBRISSENSI dicto, qui mortuus est A. 1522. Ipse nomen ANTONII mutavit in nomen AELII, (t) nescio qua superstitione Romanae antiquitatis adductus; sed tamen et ANTONII nomen retinuit, ut vulgo vocaretur AELIVS ANTON. NEBRISSENSIS. Primus hic Grammaticos scriptores a barbarie vindicavit, veteresque Grammaticos, qui tum in scholis regnabant, omnes de gradu deiecit, faventibus illi, eiusque conatus iuvantibus Italis. Multi eius tempore erant Grammatici, in Germania MELANTHON, in Belgio LITHOCOMVS, in Flandria SIMON VERREPEIVS, in Anglia LILIVS, in Lusitania EMAN. ALVAREZ, in Gallia DESPAVTERIVS: verum omnes tum temporis ANTONIO NEBRISSENSI pal-

- (t) *Nescio qua superstitione*) Quae aevo illo, quo Latini sermonis cultura instaurabatur, admodum familiaris et usitata erat. Ita MAIORAGIVS, cui nomen ANTONIVS MARIA erat, MARCVM ANTONIVM sese deinde nominabit. Quod factum peculiari oratione purgare debuit. vid. *Oratio eius* X. p. 195. Scilicet turpe et minus decorum videbatur, eos, qui se totos Latino sermoni poliendo tradiderant, alio quam Latino nomine salutare.

palmam detulerunt. *Grammaticam* eius
 postea IO. LVDOV. de la CERDA reco-
 xit, multaque de suo addidit, nova aliqua
 methodo, novisque commentariis artem
 illam proponens. Idem ille NEBRISSEN-
 SIS postea multos alios libros et amplos
 commentarios consignavit, quibus additae
 sunt diversae observationes et correctiones
 MARTINI IVARI, GARSII de MA-
 TAMORA, CHRISTOPH. ESCOBAR,
 FRANC. RVIZII, RAYMVNDI PALA-
 ZIN, ANDR. VAVRENTINI, aliorum-
 que, qui aliquam sibi famam eo saeculo in
 Grammaticis acquisiverunt. Videndus
 est de hoc viro NICOL. ANTONIVS in
Biblioth. Hispan. p. 104. ubi et vita eius et
 scripta, quae plurima sunt, ordine exhiben-
 tur. Fuerunt ei multi conflictus cum cete-
 ris sui temporis Grammaticis. Insurrexit
 adversus illum LVDOV. VIVES, aetate
 et iudicio tum temporis praecox, sed is
 postea NEBRISSENSIS studium vehe-
 menter probavit. Accessit postea FER-
 DIN. NONII PINTIANI, ALPHON-
 SIQUE ALVAREZII commendatio insti-
 tuti huius Grammatici, novaeque artis,
 cum scilicet post viginti annos integros al-
 teram editionem locupletiolem et orna-
 tiorlem emitteret. NIC. ANTONIVS
 sylvam elogiorum eius integram congeffit,

in qua, quae ad virtutes eius pertinent, legi possunt. Neque enim Grammatica tantum scripsit, sed et varia philologica, poëtica, historica, iuridica, medica, et tandem sacra, ut mirum sit, ab uno viro, cui praecipue Grammatices cura incumberebat, adeo varia scribi potuisse. Prodierunt *Introductiones eius in Latinam Grammaticam sive de sermone Latino Libri* cum commentariis eius, postea cum largioribus hypomnematis multisque aliis cum ipsius, tum aliorum de ea re operibus et additamentis secundum Cantabricum et Salmanticense prototypum, acri MARTINI IVARRAE, *Cantabri*, (ut titulus prae se fert) lima cruciatum *Barcinonae apud Ioh. Rosenback* 1523. fol. et cum commentariis doctorum virorum *Compluti* 1524. et *Lugduni apud Iuntam* 1541. CHRISTOPH. nempe SCOBARIS, FRANC. RVIZII, RAYMVNDI PALASINI, ANDR. VAVRENTINI, HIERON. SANGVINI, accessionibusque non paucis, maxime ex BAPTISTA MANTVANO, aliisque auctoribus, quibus etiam HILARII BERTVPHII scholia sunt appensa. Hunc titulum et haec contenta editio Lugdunensis habet. *Tolosae* eadem *introductio* edita est per GVIDON. BOVDEVILLE 1545. fol. Animadvertendum hic vero est, quod iam ante monui, artem hanc

hanc Grammaticam, quae ab ANTONIO NEBRISSENSI nomen habet, a IO. I. VD. de la CERDA aliter efformatam deinde esse, cuius ipse, ut proprii operis, meminit in *Commentariis Virgilianis*. Id ignorasse videtur VOSSIUS, alique Grammatici, qui ANTONIO hanc artem tribuunt, quae tamen ab Antonianis praeceptionibus multum differt. vid. FRANC. SANCTIVS in *Prologo Minervae*. Scripsit ANTONIVS postea *Repetitiones* aliquot de rebus Grammaticis, ut vocat, quibus multa eiusdem artis ulterius explanavit. Inter illas est *repetitio prima de vi et potestate litterarum Salmanticae 1507.* edita, quod opusculum, ut SCOBARIUS ad auctorem scribit, non Siculi modo, sed etiam Itali tanti faciunt, ut Latium apud Hispanos renasci, cum id viderent, persancte testarentur. *Repetitio II. de corruptis litterarum vocibus. Repetitio IX. de accentu Latino aut Latinitate donato Salmanticae habita III. Id. Jul. A. 1513. et Hispali edita eodem anno in 4. Repetitio X. de peregrinarum dictionum accentu.* Praeter haec scripsit quoque de falsa pronuntiatione, epitomen differentiarum ex elegantiss Vallae, Orthographiam Latinam, Barbarismum Donati cum expositione de punctis, quibus orationis clausulae distinguuntur, de constructione octo partium orationis,

tionis, quae forte pars est *Introductionum in Grammaticam*; nomina numeralia, dividua, ordinalia et adverbia numerandi: Et haec ad linguam Latinam pertinent. Ceterum et de litteris et declinatione Graeca et de litteris Hebraicis scripsit. Item *Institutiones Graecae linguae*, *Lexicon sive parvum vocabularium*, *Dictionary Latino-Hispanicum et Hispanico-Latinum*. Scripsit quoque Hispanice *Grammaticam linguae Castellanae*, item *artem Latinae linguae*, iussu Reginae, quae adeo profecit e lectione huius libri per unius anni spatium, ut non solum Latinos oratores intelligere, sed etiam libros interpretari potuerit. Scripsit et multa alia philologica *de mensuris*, *de ponderibus*, *de numeris*, *de assè*, *de digitorum supputatione*, *Cosmographiam*, *artis Rhetoricae compendiosam computationem*, ex Aristotele, Ciccone et Quintiliano, *ἐκφράσεις in Virgilii Opera*, *Interpretationes in Persii Satyras*, *Annotationes in Iuvenalem*, in obscuriora loca Plinii, *Locos communes de variis rebus*, *de componendo horologio*: Aliqua etiam poetica et historica: *de rebus a Ferdinando gestis*, *de bello Navarrensi*. In Iuridicis scripsit *de Latinis vocabulis iuris civilis et Lexicon iuris civilis contra Accursii errores*. In Medicis *Lexicon artis medicamentariae*. Scripsit porro *Commentarios* varios Philologi-

logicos in *Sedulium, Prudentium, Arato-*
rem, in locos S. Scripturae, in quasdam epi-
stolas Pauli, Petri, Iacobi, varias homilias.
 Multa quoque eius operum perierunt, ut
Liber de festerio Latino, de liberis educan-
dis, de etymologiis verborum. Haec ab uno
 illo viro omnia scripta sunt, quibus acces-
 serunt postea aliorum opera Grammatica.
 CASP. SCIOPPIVS in *Oratione de veteris*
ac novae Grammaticae Latinae origine, di-
gnitate et usu, primas partes dedit EMAN.
 ALVAREZ, qui varia Grammatica scripsit.
 Extant eius *Institutionis Grammaticae Li-*
bri III. quos postea copiosis commentariis
 illustravit ANTON. VELLEIVS, ipse quo-
 que Lusitanus, ex quibus alii deinde com-
 pendia formarunt. Deinde tam ORLAN-
 DVS PES CETIVS quaedam in illis AL-
 VAREZII libris reprehendit, quae *repre-*
bensiones editae sunt *Monachii 1616.* FERDIN.
 NVNNEZ de GVZMAN, a patria FER-
 DIN. NONIVS PINTIANVS dictus, au-
 ctoritate sua non parum NEBRISSENSIS
 Grammaticam iuvit; et sunt huius viri
 multa elegantissima scripta, ut *Annotatio-*
nes in Senecae Opera, Observationes in Pom-
ponium Melam et Plinium, Proverbia Hi-
spanica, quae recenset NIC. ANTONIVS
 in *Bibliotheca Hispan.* LVCIVS MARI-
 NEIVS, *Siculus,* hunc NONIVM longe supe-

superiorem NEBRISSENSI iudicavit. Fuisse et alii scriptores in gente Hispanica, qui artem Grammaticam NEBRISSENSIS vel commentariis, vel observationibus illustrarunt. Inter eos est ALPHONS. de TORRES, qui in *quartum et quintum Nebrissensis librum commentarios* scripsit, ALPHONSVS GARSIA MATAMORVS, qui in librum quartum pariter scripsit, ANTON. POLVS et multi alii, quos recenset NICOL. ANTONIVS in *Indice Bibl. Hispanicae* subiecto, titulo *de humanioribus disciplinis, Grammatica, Rhetorica, etc.* Eorum, quoniam vel exigua, vel nulla ad nos pervenit notitia, recensio ut immoremur, operae pretium non est. Unus vero prae reliquis hic nobis non est omittendus FRANC. SANCHEZ sive SANCTIVS, cuius extat eruditissimum opus, quod (u) *Minervae* titulo inscripsit, olim non adeo in

(u) *Minervae titulo*) Multa de hoc opere congeffit THOM. CRENVIS de *furibus librariis Diss. I. p. 99. 100.* Si quid reprehendendum in hoc opere, id est, quod vir doctissimus in causis Latini sermonis investigandis laboriosus fuerit, nec tam usu, quam ratione et analogia linguam metiri voluerit. Quod quanti sit habendum, ex iis manifestum est, quae paullo ante monita sunt. Quare non mirum est, quod multa in eo notaverint illi, qui-

in vulgus notum: nam GERH. IO. VOS-
SIVS illo feliciter in *arte* sua *Grammatica*
usus est, dissimulato auctoris nomine. Po-
stea SCIOPPIVS in Italia illud edidit cum
notis, qui plurimum illi auctori debet, eum-
que per omnia in *Grammatica* sua *Philoso-*
phica sequitur. Deinceps liber hic in Bel-
gio editus est, curante MARQV. GVDIO.
Novissime *Franeckera Frisiorum* prodiit,
cum notis doctissimis (x) PERIZONII,
qui pluribus aliis exemplis, novisque obser-
vationibus doctrinam Sanctianam illustra-
vit. Postquam Hispani principes Gram-
matici

quibus usus et lectio auctorum pro norma
est, non rationis praecepta. Ut nonnullos
alios praeteream, RICHARDVS IOHNSO-
NVS in Anglia non ita pridem et huic operi
et SCIOPPII, VOSSII, aliorumque labori-
bus Grammaticis innumerabiles exprobravit
naevos in *Commentariis Grammaticis* Angli-
ce *Londini 1706. in 8. editis. vid. Bibl. Angloise*
Tom. I. P. II. p. 296. f. Conf. BAKERVS Trai-
té de l'incertitude des sciences cap. III. p. 23. f.
qui SANCTII fundamentum labefactare stu-
det. AVGVSTINI MARIAE de MONTE
refutationem Minervae Sanctianae cum eius-
dem *Ludimagistro seu Grammaticorum Apolo-*
gia nuper V. C. IO. ERH. KAPPIVS in Ger-
mania formis iterum curavit describi. *Lips.*
1723. in 8.

(x) *Perizonii*) Huius editio *Minervae Sanctii*
iani quartum prodiit *Lugd. Batav. 1714. in 8.*

maticam excoluerunt, alii postea novis observationibus eam amplificaverunt, praecipue GERH. IO. VOSSIVS, cuius extat vastum opus artis Grammaticae, quod *Aristarchum* inscripsit et integris quadraginta annis elaboravit. In Gallis fuit (y) EDMUND. RICHERIVS, qui *de arte figurarum*, Grammaticarum scilicet, nam ceteras non attigit, libellum elegantem scripsit et praeter illum *Grammaticam obstetriciam*, quam ego non vidi. Singularium ceterum observationum in rebus Grammaticis infinita seges est, et nunquam copia illi deerit, qui auctores classicos legerit. Semper enim novi aliquid observabit, vel in constructione, vel in vi et significatione vocum, particularum, et similia plurima. Hinc in THOM. BANGII *Observationibus Philologicis* multa deprehendas, quae frustra vel in ipsius VOSSII diffuso opere quaesiveris. Post omnes denique (z) LAN-

S 2

CEL-

(y) *Edm. Richerius*) Liber eius *de arte figurarum et causis eloquentiae* prodiit Paris. 1605. in 8. *Grammatica eius obstetricia*, quae hic memoratur, haud dubie nihil est aliud, quam *Obstetrix eius animorum* satis nota: qui liber tamen non est Grammaticus.

(z) *Lancelotus*) De CLAUDIO LANCELLOTO, Benedictinae familiae monacho, auctore libelli Grammatici, qui vulgo vocatur: *La Methode de Port-Royal* et saepissime editus est, vid.

CELLOTVS, Gallus, Gallica lingua scripsit: *Nouvelle Methode pour apprendre facilement la langue Latine*, quo ille libro post VOSSIUM, SANCTIVM, ceterosque Grammaticos mira brevitae multa complexus est. Is liber magnae auctoritatis per universam Galliam, eamque ob causam aestimandus, quod post ceteros omnes multa cum cura et diligentia doctrinam Grammaticam tractaverit. (a) Re-

vid. *Vigneul des Marvilles Melanges d'Histoire et de litter.* p. 125. et BAYLE *Dictionnaire* Tom. II. p. 1651. nec non BERNARDVS loco quodam, quem memoria nunc non suggerit, *des Nouvelles de la Republ. des Lettr.* Vir doctissimus, IO. ERH. KAPPIVS, *Notis ad Vavassorem de usu verborum quorund.* p. 481. facili memoriae lapsu eum IO. PAVL. LANCELLOTVM perperam vocat. Confunditur enim sic cum IO. PAVLO LANCELOTTO, Iure Consulto Perusino, cuius *Instit. Iuris Canonici*, multorum illustratae sunt commentariis, nec levi penduntur pretio.

(a) *Reprehendit*) Non is solus id fecit, sed et alii. DORNMEYERVM nominat in *Diff. de vitioso Ciceronis imitatore* Cl. KAPPIVS loc. indic. p. 481. Ego RICH. JOHNSONVM addo, qui in *Comm. Grammaticis* Anglice exaratis P. I. multa quidem in hac laudat Grammatica, sed non pauca etiam carpit. *Vossii*, inquit, *vestigia auctor premit, cuius errores omnes describit, at quae omissa sunt ab eo, raro supplet.*

prehendit tamen eum in multis VAVAS-
SOR libello *de vi et usu verborum quo-*
rumdam, qui Poësi eius additur.

§. IX.

Fuere et alii, qui Grammaticae multa
praecepta dedere, quos iam praetermit-
timus, quoniam in arte ea nil praecipui
fecerunt, sed alios antesignanos secuti
sunt. Inter quos fuere LAVR. VALLA
A. 1457. mortuus, cuius extat opus *de ele-*
gantis linguae Latinae. IO. DESPAV-
TERIVS sive van PAVTEREN, qui mor-
tuus est A. 1520. vel ut alii A. 1514. quem
VALER. ANDREAS in *Bibl. Belgica*
principem Grammaticorum vocat sui seculi,
et VOSSIVS *de scientiis mathematicis*
cap. XLI. §. 4. p. 230. appellat *omnium in*
arte Grammatica suo tempore perspicacis-
simum. ROL. quoque MARESIUS *Epist.*
Philol. Lib. I. ep. XVI. opus hoc nominat
hominis eruditissimi, sed quod prolixitate
sua nimis taediosum sit. LANCELOTUS
Novae methodi p. 61. hunc etiam auctorem
commendat. Fuit quidem ADOLPH.
MEKERILIVS et NANSIVS et SEBAST.
NOVIMOLA et GABRIEL de BRAV,
dictus BRATEOLVS, qui ex eo epito-
men fecere: (b) verum in Belgio SIMON

S 3

VERE-

(b) *Verum in Belgio*) In Gallia magis celebrari
quo-

VEREPAEVS ceteris praefertur, qui in ludis litterariis praecipue adhibetur. Inter Anglos fuit (c) THOM. LINACER, vir in hac arte non indoctus, qui *librum de constructione Latinae linguae* scripsit, multum ab ERASMO et BVDDEO laudatum. Statuit et huic operi pretium aliquod BVCHANANVS, qui *Grammaticae eius Anglicae rudimenta* in linguam Latinam convertit. ERASMVS in *Ciceroniano* vocat eum *hominem profundae scientiae et universalis, sed qui magis imitetur Quintilianum, quam Ciceronem, urbanitatis vero Romanae non adeo gnarus sit, quique amet potius stylum brevem et concisum ad imitationem Aristotelis et Quintilia-*

quondam solebat *Epitome Grammat. Latinae*, quam IO. PELISSONIVS ex DESPAVTERIO confecit, et Lugduni 1530. in 16. primum edidit. Nunc apud plerosque alii vigent libri.

(c) *Thom. Linacer*) De ipso LINACRO BAYLIVS *Diction. T. II. p. 1718.* consuli potest. De libris vero eius *sex de emendata structura Latini sermonis* THOM. CRENIUS *Exerc. III. de libris scriptor. optimis* p. 50. multa collegit iudicia. Recognovit eos libros IOA. CAMERARIUS; cum cuius recognitionibus, eiusdem libello de arte Grammatica et figuris dictionum, nec non Casp. Landsfidelii annotationibus editi sunt Lips. 1580. in 8.

tiliani, quam *Oratorium et declamatorium*. Scripsit et IO. LVD. VIVES nonnulla, quae ad rem Grammaticam pertinent, ut *Exercitia linguae Latinae et Dialogos*. SANCTIVS vero parum aequè de eo iudicat. LVDOV. IO. SCOPPA, Neapolitanus, scripsit *Epitomen particularum et Tractatum de Orthographia*. Sed parum ille aestimatur a nonnullis, praecipue a BARTHIO *Comm. in Statium* p. 200. qui illum vocat *exiguum ludimagistrum*. QVINT. MARIUS CORRADVS de *copia Latinae linguae* librum scripsit, non quidem spernendum, sed in quo multa occurrunt, quae ex ingenio eius sunt conficta: nimis enim indulget sibi ille in phrasi Latina (d) ex analogia formanda. GVIL. LILIVS, Anglus, sub HENRICO VIII. humaniorum litterarum in Britannia magnus instaurator fuit. (e) Scripsit *Syntaxin et Grammaticam*. Grammatica

S 4

(d) *Ex analogia*) Quid liceat, quid non liceat, circa id, quod *analogiam* vocat, peculiari libello de *analogia seu arte linguae Latinae* exposuit GVIL. BAXTERVS Lond. 1679. in 8. edito.

(e) *Scripsit Syntaxin*) LILII *Grammatica* adhuc in scholis Britanniae principatum tenet. At non nimis curate loquuntur illi; qui ad LILIVM, tamquam auctorem, eam unice referunt, qui, dum vixit, eam numquam sibi soli attri-

matica eius multis augmentis et variis observationibus amplificata est. Auctor fuit illorum versuum, qui vulgo habentur in Grammaticis, quibus nomina et verba varii generis et significationis comprehenduntur. Credebat enim hoc pacto memoriam iuvare posse. CORNEL. CROCVS e Societ. Iesu mortuus A. 1550. *Grammaticam* conscripsit eum in finem, ut haereticorum, quos vocat, libros Grammaticos e scholis pelleret, MELANTHONIS praecipue, cuius *Grammatica* in ludis literariis publice praelegebatur. Scripsit et *formulas loquendi et colloquia puerilia*, ut ERASMI *colloquia* e scholis removeret. Dedit et *Dictionarium et farraginem sordidorum verborum vel linam barbariei*. Multi aestimatus ille fuit a popularibus suis. HADR. IVNIVS in *Batavia* vehementer eum laudat, aitque, *Terentium et Ciceronem toto stylo suo expressisse*. ANDR. FRVSIVS, pariter Iesuita, mortuus A. 1556. *de copia verborum*

attribuit. *Rudimenta* eius sunt a celeberrimo ERASMI amico COLETO: Praefationem *de usu Grammatices* WOLSEIVS, aulae Romanae purpuratus, composuit: Syntaxin ERASMVVS aut castigavit, aut concessit plane. LIIII fortassis minimae in eo opere partes fuerunt vid. BAKERVS *de eo quod insertum in scientiis cap. III. p. 20. ed. Gallicae.*

borum et rerum librum scripsit et *Epitomen Syntaxeos Latinae*, quos libros laudat AL-
 GAMBE in *Bibl. Iesuitica*, VAVASSOR
 vero reprehendit *Libro de Epigrammate c. II.*
 p. 255. BARTHOL. BARRIENTO, Hi-
 spanus, *Grammaticam, Syntaxin, limam bar-
 bariei, librum de Synonymis Latinis* edidit:
 sed ANDR. SCHOTTVS in *Biblioth. sua
 Hispanica* omnia eius opera contemnit, in
 quibus neque puritas linguae Latinae sit,
 neque quicquam aliud, quod prodesse le-
 ctoribus possit. PETR. SIMON a BRIEL,
 Hispanus, A. 1580. *Grammaticam Latinam
 et Graecam* scripsit, quam NIC. ANTO-
 NIVS in *Bibl. Hispanica* vehementer com-
 mendat. At EMMAN. ALVAREZ, cu-
 ius iam supra mentionem fecimus, post
 NEBRISSENSEM primo loco habendus
 est, cui VOSSIUS, et post VOSSIUM
 SCIOPPIUS primas defert in emendatio-
 ne errorum Grammaticorum, quos negle-
 xere priores, NEBRISSENSIS, alique,
 qui post eum scripsere. Eius scripta
 commentariis multi postea ornarunt, aut
 epitomas ex iis confecere. Inter Germa-
 nos NICOD. FRISCHLINVS laudari de-
 bet. In multis enim aliorum errores nota-
 vit, acerbiori stylo adhibito: MART. (f) in

S 5

primis

(f) In primis *Crusum*) De CRVSV et
 FRISCH.

primis CRVSIVM, Prof. Tübingensem, virum doctum et in Graeca lingua, praecipue vulgari, exercitatissimum acerbissimis scriptis exagitavit. Omnes postea, ut iam supra diximus, superavit FRANC. SANCTIVS, Brocensis, quem *hominem* vocat *divinum* SCIOPPIVS et *Herculem* *νομοφύρου*, qui sordida Grammaticorum stabula repurgarit. Sunt qui omnes Grammaticos ante illum pro pueris habent. In Syntaxi et sermonis iunctura regulas ille indagavit mire ingeniosas et faciles. Scripsit et multa alia opera et inter alia *artem dicendi*, quae agit de constructione et partibus orationis: Librum *de modo interpretandi auctores*, librum *de paradoxis*, et alios, quos recenset NICOL. ANTONIVS *Bibl. Hispan. T. I. p. 362.* Extant et eius *Institutiones Grammaticae Latinae* perbreves, quas SCIOPPIVS *omnium perfectissimas* vocat et e quibus omnem suam sapientiam hausit. Omnia enim quae SCIOPPIVS in Grammaticis scripsit FRANC. SANCTIO debet praecipue, adeo ut accusatus fuerit a nonnullis, quasi

FRISCHLINI litibus Grammaticis vid. SAM. WERENFELSIUS *de Logomachiis erudit.* Cap. I. §. V. p. 454. 455. Opp. et Vir egregius, IO. GEOR. WALCHIVS *de bellis Grammat.* *Miscellan. Lips. Tom. I. p. 52. 53.*

quasi suppressere voluisset scripta SANCTII ad gloriam suam amplificandam. (g) *Grammaticam* suam vocat SCIOPPIVS *Philosophicam*, eam ob causam, quod philosophica quadam ratione totam artem instituerit. Scripsit etiam *paradoxa litteraria, epistolas et consultationes de lingua Latina, Mercurium quatuor linguarum* adhuc ineditum, qui hodie adservatur apud Iureconsultum quendam Patavinum. Ceterum SANCTII scripta in hunc usque diem pleraque latent, neque ad nos pervenerunt. Nam et sermone vernaculo Hispanico scripsit librum, cui Titulus: *Arte para sebes latia*, qui *Salmanticae 1595. 8.* prodit, ut Latinae illae institutiones. *Ib. 1587. 8.* *Minerva* eius, quod diximus, cum utilissimis et doctissimis IAC. PERIZONII Commentariis prodit.

§. X.

Et hi quidem, quos enarravi, praecipui fuere, tam superiorum, quam nostri seculi Grammatici, e quorum collatione mutua diligenter instituta multae peti possunt ob-

(g) *Grammaticam suam*) Ea saepius et postremo, nisi fallor, cum ipsius SCIOPPII annotationibus et observationibus edita est, cura clarissimi Viri, IO. CHRIST. HERZOGII. *Augustae Vindel. 1712. in 8.*

servationes ratione structurae vocum, variaeque syntaxeos. Sed in his omnibus ita versandum est, ut ea, quae ab aliis observata sunt, in numerato et ad certas classes disposita habeamus, cetera vero, quae a Grammaticis praetermissa sunt, ipsi postea notemus et regulis quasi suis subordine-
mus, vel si qua nova singularia deprehendimus, seorsim colligamus, atque ita rem Grammaticam quomodocumque auctiorem faciamus. Nunquam observandi materia et occasio deerit, semperque occurrent quaedam singularia, de quibus priores Grammatici non cogitarunt. Nobis hoc quasi legis instar propositum erit, ut a veterum auctorum dictione toti pendeamus et quicquid ab illis in iunctura vocum observatum fuit, ad nostros usus transferamus. In his quo diligentior quis fuerit, eo accuratiores loquendi rationes ipse sequetur et continuo stili exercitio, qui optimus est magister, omnia exprimet. Non vero leve, ut quis forte existimaverit, in his momentum situm est. Nam vel minutissimae particulae pro ratione iuncturae novum saepe orationi habitum circumponunt.

§. XI.

Minutius haec persequi nobis non licet: et lectio ipsa illa suppeditabit, de quibus vix quicquam alicui in mentem venire possit.

possit. Quare totam hanc Dissertationem, de puritate sermonis Latini, quatenus ab externa sermonis facie dependet, abrum-
pimus, et ad illa, quae purum sermonem per se formant, accedimus, illa scilicet, quae ad interiora orationis praecipue pertinent, neque tam in verbis, quam in sententia consistunt. Duplici enim ratione puritas orationis consideratur, (1) quatenus in verbis et decenti eorum iunctura consistit, (2) quatenus *discreta* accedit et sensus verborum recte commodeque exprimuntur: habet enim expressio illa aliquid, quod genio illi puritatis conveniat. Verba enim propria et commoda sensus proprios et commodos exponunt: sensus intricati, perplexi, aenigmatici verbis etiam propriis, selectissimis, civilibus, nebulas et tenebras offundunt, ideoque amica debet esse inter verba et sententiam conspiratio. Sed hodie homines quidam inepti mire se ingeniosos et solertes existimant, si inconditarum sententiarum farragine nihil significantium et precariarum, quae nec entymematicae sunt, nec epilogum entymematis praestant, orationem incrustaverint.

CAPVT XVI.

De sententia puri sermonis.

§. I.

PROcedimus ergo ad alteram huius commentationis partem, quae de sententia puri sermonis agit. Quemadmodum corpus et anima unum hominem constituunt, ita *verba et sententia* unam orationem. De verbis iam pluribus egimus. Nunc sermonis puritatem, quatenus illa in sententia consistit et in expressionibus sensuum formalibus, qui verbis mentis nostrae coopératione imponuntur, considerabimus.

§. II.

Subesse semper verbis sententia debet: nisi enim illa verbis sit recondita, inutilis et inanis erit loquacitas. Sed ita tamen verbis involvenda est, ut ab ingenio legentis potius colligatur, quam disertis verbis ponatur. Quare raro ad sententias et universalis effata procedendum est, nisi quid in oratione occurrat, quod singularem aliquam *ἐπίνοιαν* mereatur et in quo sententia requiratur, cuius parcissimum usum videmus apud CICERONEM, VIRGILIUM, similesque scriptores optimae auctoritatis; frequentiore vero apud SENECAM,

NECAM, TACITVM, ceterosque sequioris aevi scriptores, hac sententiarum affectatione prae ceteris se efferentes. Unde postea hic mos velut morbus epidemius in linguam Latinam transiit, ut quivis ingenium non aliter se ostentare posse putaret, nisi in sententiis pronuntiandis operosum se praestitisset.

§. III.

(h) Verum ut in verbis sine forma et modo adhibitis magna affectationis pars est, cum singularia aut ab usu longius remota sermoni nostro immiscemus: ita longe maior in sententiarum conglobatione affectatio est, quae sensus confundit, inordinat.

(h) *Verum ut in verbis*) Nil repugno, quin illi vitiosae postulentur eloquentiae, qui sententias affectant et ubivis sapientiam ostendendi occasionem quaerunt. Neque tamen ex altera parte regulam hanc universe probare possum: *Qui crebris utitur sententiis, is ineptus est.* Sic nempe mihi persuasi, consilium scriptoris et orationis genus hic maxime spectandum esse. Is, exempli causa, qui hominum animos ad probitatem formare vult et prudentiam, dum Historiam scribit, is qui docet et erudit, et alii, ex instituti rationibus sententias multiplicare debent. Noster hic de eo in primis, quod in civili licet oratione, loquitur.

dinatos conceptus animo repraesentat, ut omnia quasi tumultuaria et temulenta videantur, vel misera et obscura diligentia conquisita vel inepta ratiocinatione inter se perplexa.

§. IV.

Quoniam vero sententiae considerari debent, velut rationes enthymematum, vel ut eorum epilogus, id est, ut confectarium aliquod, quod fluat e quibusdam praemissis, quemadmodum ARISTOTELIS recte et prudenter iudicat et post eum CICERO et QVINTILIANVS, quilibet videt, nullum esse sententiis seu effatis universalibus locum, nisi vel enthymema ex iis formetur, vel tanquam conclusio argumento subiiciatur. Id vero non semper fieri debere, ratio dicitur, sed tum demum, cum singularis quaedam enthymemati vis inest et illud prae ceteris urgetur.

§. V.

Quod si alio modo sententiae adhibeantur et praeter necessitatem cumulentur, nullus est earum inter se nexus, sed ut crepitacula quaedam et applustria sermoni appenduntur, nullo usui futurae, nisi ut inaniter tinniant et plebeio auditori insidias struant, qui ineptiis interdum capi solet. In oratione vero seria nullus earum
usus

usus est, sed quo intelligentiores sunt auditores, eo magis inficetum oratorem averfabuntur.

§. VI.

Haec quae dixi, de sententiis apertis intelligenda sunt, puro et perspicuo sermone prolatis, non de sententiosis conceptibus, qui verbis abscondi solent et interdum una vel altera phrasi aut epitheto comprehenduntur, quorum in omni sermone, etiam copioso et circumducto, locus esse potest et debet, ut in CICERONIS orationibus et quibusvis etiam formulis vel oratoriis, vel epistolaribus sententiae tales continentur. Quaevis enim formula sententiam aliquam vel ethicam, vel patheticam quasi pro fundamento habet. In Historia quoque LIVIVS, etsi illo longe sententiosior esse videatur TACITVS, tamen in ipsa circumstantiarum diligenti enarratione ea immiscet, unde facile prudens lector sententias sibi formet, non vero disertis verbis ponit, aut eas conglobando ostentationi inservit: quod Historico omnino fugiendum est. Satis enim illae per se patent, si ipsum Historiae filum recte ductum fuit, et scriptorem omni suspitione perversae interpretationis aut cavillationis liberant, quod vitium in TACITO dudum viri docti notarunt. Ne-

T

que

que temere negari potest, eum ex suo ingenio versutiores et magis vafros facere homines, quam re vera fuerunt, quo sagax ipse coniector videretur.

§. VII.

In his sententiosis conceptibus, qui verborum habitu vestiuntur, maior quidem licentia concedi potest, quam in ipsis sententiis directis. Non enim hiulca et strigosa fit oratio, aut periodus inale formatur, sed verba, membra, eorumque nexus inter se cohaerent, noëmatibus his obiter et quasi aliud agendo interspersis. Quae in re si quis moderatione et iudicio utatur, laudem merebitur. Si quis vero etiam in his nimius fuerit, ut sunt qui allegorica et poetica dictione in sermone soluto lasciviant, etiam illi bonae orationis habitum corrumpent, ut qui, quod de simiis CLAVDIANVS ait, *claro se deformant amictu*.

§. VIII.

Sententiarum varia sunt genere: prout enim illarum in oratione locus est, ita varie institui debent. Notum est, tum Orationis, tum Poëtae hoc esse officium, ut doceat, delectet, moveat. Nam λογος, ἡθός, πάθος, omnis cuiuscumque orationis habitus constat. Itaque quo magis quis est enthymematicus, id est, argumentis docen-

docentibus, conciliantibus, moventibus utitur, eo magis persuadet, ut orator, eo concinnius scribit, ut poëta, eo magis omnem actionem exprimit imitando, quae imitatio omne orationis et poëseos artificium absolvit. Quemadmodum enim pictor naturam imitatur, si omnes illos characteres, qui cum actione concurrunt per contemperationem umbrae et lucis exprefserit: ita Orator et poëta egregie partes suas implebit, si omne illud, quod in actione decorum, per characteres ipsius rei, morum et affectuum exprefserit. Illud vero omne in sententia consistit et in illa *διὰ τοιαύτης*, quae verbis iungitur. Quoniam vero, ut saepe dixi, et per se patet, nulla sapiente viro digna est oratio, nisi quae per entymemata procedat, et aliquid bene ordinatis rationibus concludat, siue illae populares sint et ex genere *τῶν πιθανῶν*, quae sufficiunt Oratori et poëtae, siue aliquid demonstrative et per necessariam collectionem concludant, ideo ad orationem recte adhibebuntur. Sunt vero entymemata nihil aliud, quam sententiae, etsi non omnia per modum sententiae prolata, ideoque, ut ante dixi, omnes sententiae ad seriem entymematum ordinandae sunt, siue illae sint entymematum principia, siue conclusiones. Nisi enim

alterutrum horum praestiterint, ineptae et frigidae sunt.

§. IX.

Exemplis res clarior fiet; ut quando dicitur: *Facilis iactura sepulcri*, sententia haec, quae principium dat enthymemati. Sic enim colligere nobis licet: Si facilis iactura sepulcri est, ne sit curae, ubi moriamur. Ita haec sententia! *Heu! nihil invitis fas quenquam fidere divis*, principium ponit enthymemati, si hinc colligas: Ergo frustra spes patriae defendendae suscipietur. Conclusio enthymematis in illo est: *Pulcrumque mori succurrit in armis*, cui sententiae si causa adiungatur, cur ita sit, quia libere vivendum, vel pro libertate fortiter moriendum est, statim erit enthymema.

§. X.

Occurrunt etiam sententiae sive in oratione, sive in carmine, quae enthymematis instar sese habent, quibus vel ratio adiungitur, vel quae sine ratione ponuntur, ut in illo HORATII Oda III. Lib. II. *Aequam memento rebus in arduis servare mentem, non secus ac bonis, ab insolenti temperatam laetitia, moriture Deli*. Sententia hic est: Aequam in rebus arduis et laetis mentem servandam esse; ratio in uno verbo *morture* absconditur: quia enim moriturus es, ideo aequam mentem servare debes. Eo modo

modo integrae sententiae et enthymemata uno saepe verbo, epitheto, adverbio absconduntur. Similiter in his: *Quid aeternis minorem consiliis animum fatigas?* enthymema cum ratione absconditur. Sententia est: Ne quis nimium laborem scribendis rebus impendat, cum animus illi sit aeternis consiliis minor; frustra itaque est illa cura, cum nihil in terris sit immortale. Integrum hoc enthymema est, paucis verbis propositum, quod si illustretur, vel similibus, vel aliis rationibus, toti carmini vel orationi materia parata erit. Qui hunc in modum scribunt et loquuntur, et plus gravitatis et decori ostendunt in oratione, quam ineptuli illi vel poëtastri vel declamatores, qui huius rei sensum non habent, aut inanibus et ineptis sententiis praeter modum et rationem se ostentant.

§. XI.

Ponuntur sententiae etiam sine ratione, tum scilicet, cum nulla necessitas rationem subiungere suadet, vel quia vulgo probantur aut perspectae ab omnibus habentur. Ut cum HORATIVS ait: *Omnis enim res, virtus, fama, decus, divina, humanaque, Pulcris divitiis parent, quas qui construxerit, ille clarus erit, fortis, iustus, sapiens etiam et Rex.* Tales sententiae, quoniam nihil habent praecipui et admirandi, nullius

egent rationis, ac plurimum afferunt delectationis. Ex his liquet, dubiis de rebus et paradoxis congruenter dici sententias, idque vel cum proposita ratione, vel sine illa. Sententiae praemittitur ratio in illo HORATII: *Crescentem sequitur cura pecuniam, maiorumque fames: iure perhorruilate conspicuum tollere verticem Maecenas, equitum decus.* Et in illo eiusdem: *Damnosa quid non imminuit dies? aetas parentum peior avis tulit nos nequiores, mox daturos progeniem vitiosorem.* Vice versa in illis versibus sententia praemittitur, ratio sequitur: *Mixta senum et iuvenum densantur funera, nullum saeva caput Proserpina fugit.*

§. XII.

Sententiae tales debent esse, ut universae de rebus aliquid pronuntient, sive quid proponant, sive quid concludant. Universales autem illae sunt, quibus facile omnes assentiuntur. Ut cum VIRGILIUS ait: *Una salus victis nullam sperare salutem:* Quae saepe allegoriis et aenigmatibus involvuntur, ut cum HORATIUS ait: *Quo semel est imbuta recens servabit odorem testa diu.* Quod si sententiae pronuntiantur, quae vulgaribus et receptis opinionibus adversantur, tales esse convenit, quae personis et affectibus accommodari possint. Ita enim inservimus praesenti negotio et

ora-

orationem rebus accommodamus. Haec nempe mensura sententiarum esse debet, ut vel respiciamus communes opiniones hominum, vel personarum conditionem et mores, vel affectus: qui triplex respectus quodammodo cum triplici argumentorum distinctione convenit. Nam communes opiniones ad τὰς λόγους, personarum considerationes ad τὰ ἡθῆ, affectus ad τὰ πάθη referri possunt.

§. XIII.

Sententiae multa accidunt, quae illam vel venustiore, vel graviores efficiunt. Simpliciter prolatae orationem ornant, cum pondus quoddam enthymematibus afferunt, sed vel verbis, vel figuris involutae acrem et concitatam orationem reddunt, lumenque aliquod illi afferunt. Quare si vel ex comparatione trahantur, aut alio relata et aliunde petita contineant, aut interrogationibus, geminationibus verborum, similibusque figuris illustrentur, mirifice orationem extollunt. Et tales quidem sententiae frequentius in oratione poni possunt, quam apertae illae et directae, cum ceterae eo magis lectorem et auditorem afficiant ac delectent, quo sunt rariores, magisque ad opiniones hominum accommodatae. Non levem enim delectationem parit, si lectores vel auditores tales in-

veniant in oratione sententias, quales ipsi iamdudum animo praeceperunt. Elucet etiam ex eo dicentis habitus, animique et morum character, quo viva quasi dicentis aut scribentis imago ob oculos sistitur. Maiorem hinc vim habent sententiae pronuntiatae a viris gravibus, sapientibus, senibus, doctoribus, eosque magis decent, quam adolescentes nullo rerum usu exercitatos.

§. XIV.

Diligenter prospiciendum est, ne adhibeantur sententiae palam falsae aut ineptae, vel obscurae, vel perplexae, vel crebrae, tum quod per se hoc ineptum sit, tum quod nemini illud, quod non intelligitur, probari possit. Sententiae orationis lumina sunt: nihil autem obscuro lumine est stultius. Quod enim latet et tenebrosum est, quidnam luminis afferet? Neque illustrabitur oratio sententiarum densitate, sed potius obscurabitur, tota orationis structura vacillabit, neque spatiis suis recte distinguetur.



INDEX

RERVM ET AVCTORVM PRAECIPVORVM.

A.

- A**dhuc, variae auctorum acceptiones [p.225](#) sqq.
Adverbiorum usus [215](#) sqq.
Aetates Latinae linguae [10](#) sqq.
Africa voces Latinas plebeias assumpsit [59](#)
Africanæ voces et phrasæ [185](#)
Albericus Gentilis de Latinitate veteris Bibliorum
versionis [149](#)
Aldrete laudatur et eius scripta [31](#)
Alvarez Grammaticus insignis. [272. 281](#)
Angli puræ dictionis laude non clarent [41](#)
Antitheta magnopere faciunt ad puritatem [178](#) sqq.
Apuleius notatus et laudatus [58](#)
Archaisini fugiendi [154](#)
Ars cum natura coniungenda [132](#)
Aschamus (Rogerus) laudatur [42](#)
Asinius Pollio Patavinitatem Livio obiicit [27. 136](#)
Atticisimi sectatores inepti [211. 212](#)
Auctores classici non promiscue instillandi. [121](#)
Avemanni (Dan.) Hodegeta Horatianus [97](#)

B.

- Balzacus scripsit Epistolas Latinas purissimas [40](#)
perstringitur ob metaphorarum pruriginem [213](#)
Bangii Observationes Philologicae [275](#)
Barbarisimi vitandi [134. seq. 139. sqq.](#) sunt dupli-
ces [T 5](#)

INDEX RERVVM

ces 144. sq. a multis nostro tempore conge	144. lqq.
Barbarossa Phraseologicus celebris	113
Barclaius a dictionis puritate abijt 43. abundat	
Gallicifinis	158
Barlaeus Gruteri metaphoras perstrinxit	194
Barriento Grammaticus Hispanus	281
Baxterus (Guil.) scripsit de analogia	279
Becheri Nomenclator	70. 75
Belgae purum, sed argutum amant dicendi genus	36
Bembi mos Ciceronem imitandi carpitur	138
Benzius laudatus 73. 75. 77. labor phraseologicus	
116. 117. Phraseologia Graeca	119
Berneggeri Index in Iustinum	99
Biblia vulgata barbariei accusata et defensa	149
Boecleri et Kockerti Chrestomathia Terentia-	
na 94. Boecleri Index in Corn. Nepotem et	
alios 94. 100. sententia de metaphoris colli-	
gendis	202.
Boldoni sententia de variatione linguae Latinae	16
Borrichii Lexicon ineditum 85. in Foro Romano	
deprehendit defectus 103. voces phrasisque La-	
tinae etc.	105
Bourdelotianum Glossarium	101
Boxhornii Grammatica commendatur	271
Briel Grammaticus Hispanus	281
Briffonius de solennibus populi Rom. verbis 62.	
114. 123. lqq.	
Bru-	

ET AVCTORVM PRAECIPVORVM.

Bruni (Jordani) Alphabetum terminorum et indu- mentorum	<u>133</u>
Brun (Laur.) Eloquentia Poëtica	<u>128</u>
Brutus Atticissimi sectator	<u>211. 212</u>
Buchananus scriptor elegantissimus	<u>42</u>
Budaeus scriptor inter Gallos praecipuus	<u>38. per-</u>
strinxit malos Ciceronis imitatores	<u>187. fq. ni-</u>
miun metaphoras amavit	<u>193</u>
Bunellus scriptor elegans	<u>37</u>
Burlesque Gallorum et Itatorum	<u>195</u>
Burmannus Latine doctissimus	<u>37</u>
C.	
Caesaris (Iulii) Libri de Analogia	<u>261. seq.</u>
Calepini Lexicon	<u>83</u>
Camera descendit a Camarus	<u>55</u>
Cellarii libri varii de pura dictione	<u>150</u>
Liber memorialis	<u>76</u>
Cellus Medicorum Cicero	<u>102</u>
Cerda (Ioh. Lud.) Grammaticam Nebrissenfis re- coxit	<u>268. 270</u>
Ciceroni obiicitur Arpinitas	<u>30. 136.</u> eius elegan- tiae quomodo instillari possint <u>112.</u> eloquen- tia naturae potius, quam arti tribuenda <u>131. mul-</u> tis vocabulis solus usus est <u>138. 182.</u> non nimis imitandus, nec solus <u>182.</u> eius mala imitatio cau- sa corruptae Latinitatis <u>186</u> sqq. in metaphoris prae omnibus imitandus <u>199. 206. 211.</u> Ciceron- iana Lexica <u>93.</u> sqq. Ciceronianorum factio <u>142. 187.</u>
Civdad Real (Antonii) Calepinus	<u>107</u>
	Come-

INDEX RERVM

Comenii Nomenclator	<u>71. 75.</u>	Orbis pictus	<u>259</u>
Coniunctionum ratio habenda	<u>215.</u>		<u>221</u>
Connectentes particulae noscendae	<u>250</u>	sqq.	earum usus in historia scribenda
			<u>254</u>
Corradus voces Latinas e Criticis notatas vindicavit	<u>144.</u>	scripsit librum de copia Latinae linguae	<u>144. 279</u>
Crauseri Scintillae Tullianae			<u>112</u>
Crinitus varia ponit Latini sermonis genera			<u>26</u>
Criticorum errores circa emendandos auctores			<u>19. sq.</u>
Crocus celebris Grammaticus			<u>280</u>
<u>Cum, Tum, varii significationes et usus</u>			<u>221. sqq.</u>
D.			
Daumius laudatur	<u>51.</u>	Lexicographus insignis	<u>90</u>
Lexicographicon opus			<u>107</u>
Decimatoris Thesaurus et Silva			<u>87. 103</u>
Deckenii Observationes Poeticae	<u>128.</u>		<u>254</u>
Derivata ex terminatione dignoscuntur			<u>69</u>
Despauterius clarus Grammaticus			<u>277</u>
Devarius de Graecae linguae particulis librum scripsit			<u>217</u>
Dicendi genera septem Hermogenes constituit			<u>4</u>
Dietericus (Joh. Conr.) de Thesauro Stephani			<u>81. sq.</u>
Dolei Commentarii linguae Latinae	<u>88.</u>		<u>207</u>
Donati iudicium de Epithetis			<u>175</u>
Dakerus Vallae continuat			<u>141</u>

E.

Engelbrechtus vocabularium secundum terminationes conscripsit			<u>69</u>
		Enthy-	

ET AVCTORVM PRAECIPVORVM.

Enthymemata probe feligenda [47.](#) nihil aliud sunt
quam sententiae [291](#)

Enthymematicus per solam nomenclaturam [72](#)

Epithetorum usus [174.](#) sqq. collectores 175. sqq.
Epitheta verborum [177.](#) Epithetorum Germa-
nicorum collectionem desiderat Schrade-
rus 177

Erasmi stilus quod fuerit [37.](#) liber de copia ver-
borum et rerum 113

Erythraei (Nicol.) Index in Virgilium [94](#)

Etiannum pro adhuc 230. 232. sqq.

Etymologia curatius excolenda [12.](#) sqq. incerta
est 50. earum indagatores [52.](#) sqq.

Etymologici multi saepius hallucinati sunt 54
F.

Fabri Thesaurus eruditionis scholasticæ [88.](#) sqq.
auctior fiet perfectum Lexicon [108.](#) eius Lo-
ci Observationum etc. et de Synonymia Te-
rentii [116](#)

Feind (Barthol.) Phraseologia Plauti et Te-
rentii 94. [122](#)

Figuli Epithetorum oratoriorum farrago [176](#)

Folietae liber de Lingua Latina [143](#)

Formulae Latinae perdiscendae [123.](#) sqq. earum
distinctio et differentia a phrasibus [124.](#) sqq.
[130.](#) collectanea conficienda [126.](#) sqq. poë-
ticae [128.](#) maiores et minores [129.](#) magnum
praestant orationis amplificandae subsidium
[130.](#) sqq. ex Cicerone colligendae 132

Forum Romanum [103](#)

Freins-

INDEX RERVM

Freinshemianus Index in Livium et alios	<u>98.</u> fqq.
Fresnii Glossarium	<u>64.</u> <u>145</u>
Frischlinus inclytus Grammaticus	<u>281</u>
Frisii Lexicon trilingue	85
Frobenii Penu Tullianum f. index Grammaticus	<u>94.</u> <u>138.</u> <u>182</u>
Fruſius celebriſ Grammaticus	<u>280.</u> fqq.

G.

Galli boni ſcriptores Latini	<u>37.</u> eorum eloquentia inſignis	<u>39</u>
Gallicae linguae vitia		17
Gallicifimi laudabiles in Latina lingua		158
Gambarellae Antithetorum amica ſimultas		<u>179</u>
Gaudentii Merulae Barbarifimi et Soloecifimi		<u>144</u>
Germani purae Latinae linguae propagatores		<u>36</u>
Germanifimi falſi		<u>159</u>
Gifanii index in Lucretium		<u>95</u>
Glossarium Teutonico-Latinum		80
Glossatores veteres laudantur		<u>64</u>
Godeſchalci Obſervationes Latinae linguae		<u>113.</u>
Gonſalii de Salas et Bourdelotii Glossarium in Petronium		101
Gothi linguam Latinam corruperunt et ſervarunt		155
Grammatices accuratioꝝ notitia acquirenda	<u>256.</u>	
fqq. magni ſunt defectus	<u>256.</u> fqq. iam reſarciti a Germanis, Gallis et Anglis	<u>257.</u> eius fere non capax eſt puerilis aetas
	<u>258.</u> eam per imagines docere taedioſum	<u>259.</u> lingua omni

ET AVCTORVM PRAECIPVORVM.

omni omnis est posterior	260.	eius superstitiosum studium improbat	262. sqq.
Grammatici scriptores	263. sqq.	de eis iudicium	283. sq.
Gruterus metaphorarum studiosissimus			194
Güntheri (Cyriaci) Latinitas restituta			139
Guyetus laudatur ob etymologiae studium			14

H.

Haftenus, particula	244. sqq.
Hellenismi vitandi	154
Hermogenis sententia de puritate dictionis	4. sqq.
septem dicendi genera	4. sqq.
distinctio inter puram et perspicuam dictionem improbat	7.
nimia subtilitas	8.
de eius methodo narratio Schotti	9
Hermolai Barbari index in Plinium	101
Hieronymus Mantuanitatem Virgilio tribuere fertur	28
Hispanica lingua et Hispani scriptores	58. Grammatici exquisitissimi
	265. sqq.
Hispanitas Quintiliani et Senecae Tragici	29
Hoffmanni Basil. Lexicon universale	91
Hoffmannus Hamburg. collegit querelas Philologorum de perversis Grammaticis	257.
eiusdem Grammatica Latina germanice scripta	257
Holstii index in Celsi opera	101
Hoole scripsit Grammaticam Latinam Anglice	257
Horatii Sermones poetissimum non sapiunt	122.
a pueris memoriae infigendi	123
Hue-	

INDEX RERVVM

Huetius scriptor elegans	41
Hugues liber de artificio transitionum	250

I.

Idiotisimi notandi	166
Imitanda sunt singula verba, phrasae et formulae classicorum auctorum	160. fqq.
Imitatio Ciceronis mala causa corruptionis La- tinae linguae	186
Indices et indicum scriptores	92. fqq. si idonei col- ligerentur, prodiret Lexicon universale 102. fqq.
Indigetare vulgo pro nominare	55
Indumenta orationis	133
Insolentia Latinae Linguae evitanda	154. fqq.
Iolii Adiuncta Ciceronis	173
Iosaei Medulla Latinitatis	120
Itali barbare loquuntur, nitide scribunt	152. pu- rae Latinitatis vindices 32. fqq.
Iunii (Hadr.) Nomenclator perfectissimus	65. fqq.
Iunii (Melch.) Resolutio orationum Ciceronis	127

K.

Kappius Historiam ludicrae dictionis parat	195
Kockerti index Terentianus	94

L.

Lancelloti (Claudii) Grammatica commenda- tur	276
Langii (Ioseph.) index in Martialem	100
Latinae linguae aetates varie determinatae	10. fqq.
infantia 12. maximam partem ex Graeca orta	
13. voces primitivae fuerunt monosyllabae	
12. fqq. ex quibus concinnatae prostant oratio- nes	

ET AVCTORVM PRAECIPVORVM.

nes 15. incrementum et variatio 15. lqq. soluta oratio degenerat citius, quam ligata 18. variat ratione loci 24. distinctio in Romanam et Latinam 24. fqq. in urbanam, peregrinam et rusticam 25. de idiotismo gentis aliquid secum trahit 30. 156. de ea consilium paradoxum 151. exercitium probatur et improbatur 153. facultas consilii in imitatione 160. minutias attendere non est omnium 160. ex usu discenda est 258 sq.	
Latine scribunt Itali, non loquuntur 32. fqq.	
Latinitas falso suspecta Stephani et Vorstii 158. sq.	
Laurembergii et Lubini Lexica antiquaria 54	
Lexica et eorum scriptores 79. fqq. a Nomenclatoribus et Glossariis distinguuntur 79. verum et universale desideratur 91. 105	
Lexicographi Latini 82	
Lilius humaniorum magnus instaurator 279. sq. eius Grammatica in Britannia principatum tenet 279	
Linacer Grammaticus celebris 278	
Linguae diversarum nationum diversae suntfigurationes 21. fqq. earum varietas divinum quid est 22. peregrinam populus ad suum genium format 30. eius subinde novus est habitus 56. sq. prima eius corruptela sita in metaphoris 206	
Livius scriptor sententiosus 289	
Loci communes in Nomenclatoribus 72. formularum et phrasium castigati 74	
Locus, purae dictionis character 20. fqq.	
V	Lucii

INDEX RERVM

Lucii Lexicon Basileense	<u>86</u>
Lulliana ars improbat	<u>133</u>
M.	
Maffei	<u>33</u>
Maffei nunquam Latine respondit	<u>33</u>
ob Latinitatem	<u>204</u>
Maiores Criticus	<u>144</u>
Maiores (Eliae) liber de particulis commendatur	<u>252</u>
Mantuanitas Virgilii	<u>28</u> . <u>136</u>
Manutii (Aldi) Phrasologia	<u>112</u>
Manutius (Paulus) Latine non locutus est	<u>33</u>
Martinius non optime etymologias indagavit	<u>53</u>
Medulla Latinitatis Iosæi et Wendelini	<u>86</u>
Melanchthon eloquentiae instaurator	<u>36</u>
Merula explicatissime scripsit de variis generibus	
Latinae Linguae	<u>27</u>
Metaphorae plebeiae reiiciendae	<u>62</u>
earum multitudo	<u>189</u>
sunt pernoscendae	<u>189</u> . <u>sq.</u>
duplices, necessitatis et ornatus	<u>190</u>
ad puram dictionem referuntur	<u>190</u>
earum diversitas et abusus	<u>191</u>
abusus in sacris	<u>192</u> . <u>sq.</u>
Comitorum probae observandae	<u>196</u>
non fingendae	<u>201</u>
earum collectio ex classicis auctoribus desideratur	<u>202</u>
decorum ex ingenio et usu auctorum definiendum	<u>204</u> . <u>sq.</u>
sunt prima corruptionis L. L. causa	<u>206</u> . <u>207</u>
ex phrasologiis feligenda	<u>207</u>
communes et sublimiores	<u>208</u>
fontes ex praeceptis, rectius ex ingenio habendi	<u>210</u>
Meywaldi index in omnia Ovidii opera	<u>27</u>
Miltonus scriptor minus tersus	<u>41</u> . <u>sq.</u>
Mnemonic in Nomenclatoribus	<u>68</u>

Mon-

ET AVCTORVM PRAECIPVORVM.

- Montanus puer Latine locutus [153.](#) Latinam linguam ex usu didicit [258](#)
 Morhofius in particularum investigatione sagacissimus [246.](#) fq.
 Mosellanus metaphoras collegit, sed ineditas [202](#)
 Muretus insignis scriptor Latinus [34](#)

N.

- Neandri Phraeologia Isocratis [119.](#) Sylloge locutionum et formularum [127](#)
 Nebriffensis Grammaticus omnium celeberrimus [267.](#) fqq.
 Neoterisimi vitandi [154](#)
 Nizolii Thesaurus Ciceronianus [93.](#) [142.](#) [174](#)
 Nomenclatores [63.](#) fq. variarum linguarum [67.](#) [77.](#)
 varia eorum genera [67.](#) fqq. ordo rerum in iis observandus [70.](#) fqq.
 Nomenclatura omnium rerum non est necessaria [77](#)
 Nonius Pintianus clarus Grammaticus [272](#)
 Nunnesius collegit epitheta Ciceronis [175](#)

O.

- Orbis pictus Coenenii [259](#)
 Ordo rerum in Nomenclatoribus [70.](#) fqq.

P.

- Parei (Dan.) Mellificium Atticum 116. Lexicon Lucretianum [95](#)
 Parei (Phil.) index in Plautum [94.](#) Calligraphia Romana [115](#)
 Parthenius assiduam auctorum lectionem commendavit [162](#)
 Particularum accurata observatio instituenda [214.](#) fqq. divisio [215.](#) scriptores [217.](#) fqq. plenior doctrina desideratur [220.](#) de iis sententia [247.](#) fqq. connectentes et expletiva earumque variatioq pernoscentia [248.](#) fqq.

INDEX RERVM

Passeratii index in Propertium et Commentarius in Catullum, Tibullum, Propertium	96
Patavinitas Livii	27. 136
Pauli Thematologia N. Testamenti	70
Peregrinitas Lat. linguae vitanda 134. unde manarit	134. fqq.
Perotti Cornu copiae	82. fqq.
Perpiniani Epistolae	147.
Perronii sententia de linguis	17
Phrases synonymae 114. fqq. technicae 114. scriptores phraseologici 108. fqq. horum variae sunt methodi 109. phraseologia Graeca parum exulta 119. poëticae inventuti non imponendae 122. civiles noscendae 123. fqq. harum et formularum magna est differentia 124. phraseologia vernacula non plane in L. L. reicienda	157
Pieruccii Mercurius Scioppii	106
Pii Desiderii Lexicom plenum Indicum in auctores	105
Placcii Encyclopaedia phraseologica	114
Plautus caute imitandus 122. Ciceroni et Terentio praefertur a nonnullis 183. sq. eius metaphorae audaces 197. eius sermo Terentiano inferior	197. fqq.
Poggii Vallae adversarius	142
Pollucis Onomasticum	65
Pompeius (Festus) clarus Grammaticus	264
Popmae liber de differentiis verborum	165
Posselii Calligraphia	119
Pricaei index in Apuleii asinum	101
Proprietatis vocum definitio et divisio 46. fqq. ratione etymologiae 50. ratione usus 56. vocum et phrasium observanda	164
Pulmanni index in Lucanum	101
Purae	

ET AVCTORVM PRAECIPVORVM.

Purae dictionis notio 1. sq. varia acceptio 2. sqq.
 characteres externi 8. sqq. laus debetur Italis et
 Germanis 32. vindices nonnulli 34. sq. chara-
 cteres externi probe attendendi 43. characte-
 res interni 44. sqq. materiales 45. puritas ma-
 terialis in quo consistat 45. eius formale triplex
46. puritas Romana e civili usu spectanda 137.
 sqq. non ex aureae aetatis scriptoribus solum
 metiendi 137. sq. eius sedula observatio institu-
 enda 159. sqq. ratione formae considerata 255.
 sqq. sententia puri sermonis 286. sqq.

R.

Radices vocum multae sunt deperditae 50
 Reimmanni Historia vocabulorum linguae La-
 tinae 147
 Rhenferdus Schori viam ad linguam Ebraeam
 aptavit 163
 Rhodii index in Scribonium Largum 101
 Rhumanni Roma Attica 104
 Riccii Apparatus latinae locutionis 109
 Richerii liber de arte figurarum et Grammati-
 ca obstetricia 275
 Robortelli de Linguae Lat. metaphoris iudi-
 cium 18
 Romanam linguam provincialis corripit 135. sqq.
 eius nimia cura improbat 136

S.

Sanctii Minerva 220. 273. sqq. Grammaticus ce-
 lebris 273. 282
 Sattlerus Epitheta Germanica collegit 178
 Scaliger uterque Grammaticus celebris 265. sq.
 Schönsleideri apparatus eloquentiae 117. sq. 208. 253
 Schori Thesaurus Ciceronianus 93. 179. Appara-
 tus Latinae linguae 93. Phrasēs 110. sqq. liber
 de Particulis desideratur 220. proprietatem

INDEX RERVM

- vocum accuratissime investigavit [49.](#) viam
monstravit optimam L. [L. discendae](#) [163](#)
- Scioppii Mercurius [106.](#) Infamia Famiani Stra-
dae et Hercules [κατὰ φύσιν](#) [146.](#) sq. Latine lo-
quendi exercitium dissuadet [152.](#) vitia sermo-
nis distinguit [155.](#) scripsit Grammaticam [282.](#) sq.
- Scoppa clarus Grammaticus [279](#)
- Seneca fordidis usus est metaphoris [206](#)
- Sententiae verbis semper subesse debent [286.](#) sqq.
nec nimis raro, nec nimis frequenter adhiben-
dae [287.](#) sqq. sint vel rationes [1.](#) conclusio en-
thymematum [288.](#) sententiosi conceptus pro-
bantur [289.](#) sententiarum varia sunt genera
[290.](#) sqq. eas exornant varia accidentia [295.](#)
falsae et obscurae vitandae [296](#)
- Sperlingii index Plinianus [101](#)
- Starckii Formulae epistolares [127](#)
- Statilii liber. singularium Ciceronis [138.](#) [182](#)
- Stephani (Henr.) Thesaurus Graecae linguae
[80.](#) sqq. Dissertatio de Lipsii Latinitate [148.](#)
Pseudo-Cicero [150.](#) [182.](#)
- Stephani (Roberti) Thesaurus Latinae Linguae
[83.](#) sqq. [103.](#) [207.](#) circa phraseologiam castiga-
tur [120.](#) [207](#)
- Stilus et genius populi dignoscitur ex pronun-
tiatione [22.](#) eius variae distinctiones [23.](#) sqq.
vitia ex metaphoris [193](#)
- Strada Barbarisimorum accusatus et absolutus [146](#)
- Strebaei liber de delectu verborum [181](#)
- Sturmius laudatur [73.](#) comparisonem inter
Plautum et Terentium instituit [197.](#) sq. com-
mendatur circa particulas [221.](#) sqq.
- Suiceri Lexicon maius et minus Graece lin-
guae [104](#)
- Susannaei Connubium Adverbiorum [177.](#) [216](#)
Suri

ET AVCTORVM PRAECIPVORVM.

Sulii Lima Ciceroniana 183. 191
 Synonymorum accurata ratio habenda 167. fqq.
 eorum ratio ex actione et huius principio
 aestimanda 169. fqq. concinnitas et vehemen-
 tia attendatur 171. sq. synonymia phrasium
172. de illis commentatores 173

T.

Tacitus scriptor nimis sententiosus 289
 Tempus purae dictionis character externus 9
 Terentius non per omnia imitandus 121. eius
 Comoediae a pueris ediscendae 123
 Teutonista five der Teutschländer 80
 Thesauri (Emman.) exemplum ridiculum meta-
 phorarum 200. praecepta tradidit de meta-
 phorarum fontibus 209. fqq.
 Titius (Ioh. Petr.) collegit Barbarismos Voßii 145
 Torrentii et de Mares index Horatianus 98
 Translatorum ratio habenda 189. fqq.
 Treteri index Horatii cum ipsius poematibus 97
 Tum s. tunc particula 236. fqq.
 Tursellini variae editiones 219
 Tuscanellae index in Catullum, Tibullum et
 Propertium 96



V.

Vallae libri elegantiarum 140. 277. libri quatuor
 Antidoti in Poggium 141. imitatores, item
 adversarii et defensores 141. Apologus contra
 Poggium 142
 Varro Grammaticorum veterum princeps 264
 Vavassor commendatur 212. scriptor eloquens
41. eius libellus de vi et usu quorundam ver-
 borum 147. ei falso tribuitur, quod Plautum
 Ciceroni praeferat 184
 Vbelii Synonyma Ciceronis aliorumque 173
 Verepaeus clarus Grammaticus 278
 Verri-

INDEX RER. ET AVCTOR. PRAECIP.

Verrius Flaccus celebris Grammaticus	264
Virtus, vox multis opposita	180
Vives clarus Grammaticus	279
Vlnerus phraseologicus	113
Voces et phrasae sordidae et technicae quando reijciendae 59. technicae multae sunt apud scriptores rei rusticae 60. hae e classicis au- ctoribus colligendae 61. 166. plebeiae rustico- rum, opificum etc. 58. his usus est Augustus 57. 136. vocum origines investigandae 61. aliae sunt in civili, aliae in vulgari lingua 61. in re publica usitatae notandae 62. barbarae vitan- dae 134. sqq. earum delectus in auctorum le- ctione habendus 180. sq.	
Vockerodtus de rectae et antiquae eloquentiae ratione etc.	139
Vorstii liber de Latinitate merito suspecta 148. consilium paradoxum de sermone Latino 151. index in Iustinum 100	
Vossii Lexicon Etymologicum 54. Barbarismi 144. Aristarchus 275	
Urbinate index in Vitruvium	100
Usus in omni re magister maximus 56. vocum et phrasium unde dependeat	57

MAG 2011066



1558



